





2

ILLVSTRIVM
MVLIERVVM,
ET ILLVSTRIVM
LITTERIS VIRORVM
ELOGIA,

A IVLIO CAESARE CAPACIO
Neapolitanæ vrbi à Secretis
conscripta :



NEAPOLI,

Apud Io. Iacobum Carlinum, & Con-
stantinum Vitalem. 1608.



115

REFERENCES

[illegible]



ILLVSTRISS. DOMINO
D. BERNARDINO
 E' BARIONOVO
 CVSANI MARCHIONI,
 IN SVPREMO CONSILIO
 REGENTI,



JVLIVS CAESAR CAPACIVS
Neapolitana Urbi à Secretis S.



VM totum me tuis lau-
 dibus, Illustrissime Mar-
 chio, effundere debuif-
 sem, vastissimum Ocea-
 nū nactus, ingredi pro-
 fectò paruo meo lembo,
 posse animaduerti, sed quis, nisi merge-
 rer,

A 2

rer,

rer, exitum præberet? Quamobrem perterritus cursum retardādum potius, quàm vela facienda constitui. Laudet te ipsum tuæ domus præconium, quo & patris gloria, & fratris præstantia apud Austriacos maximos Reges eluces. Laudet tua ipsius virtus, qua ad supremi Consilij Magistratum euectus, atque titulis honestatus, talem te prudentia præbuiſti, vt in publicis Conuentibus Regiæ Maieſtatis dignitatem amplificaueris, in decernendo ornaueris Principis aulam, in administrando rem Neapolitanam ferè labantem, consilio, diligentia, integritate erexeris, qua de causa Ciuitas ipsa, Regnumq. ipsum immortale tibi gloriæ monumentum omnium vocibus & memoria posuit. Quid ipse cū tot illustribus testibus exili & ieiuna oratione conferar? Sileat agrestis calamus, cū Famæ tuba maximo clangore obstrepat; nec audeat inter Gigantes pumilio suarum virium periculum facere.

Ad

5
Ad aliorum laudes me conuerti, illustrium scilicet mulierum, & illustrium litteris virorum; addam & heroes qui bellica virtute præfulxere, si Deo annuente dabitur ocium. Tibi eas do, dicoq. Paruum profectò munus, sed maximum, dùm ea qua soles animi magnitudine accipies. Interim te Deus seruet. Neapoli Cal. Februarij.
CIC. IO. C. VIII.

AD LECTOREM.



ACCENDITVR ad maximarum rerum gloriam varijs Elogijs hominum genus; dùm enim aliorum Fama eorum præclara gesta percubuisse sciuerint, & nominibus, atque familiaribus ipsis dignitatem atque amplitudinem egregijs operibus esse comparatam, quis adeò segnis est ut ne inglorius iudicetur, aliquo pacto aliorum virtutem non studeat emulari? Quid? tanta gloria cupido est, ut neminem sanè ità stolidum natura effinxerit, quin, licet in ima rerum ratione constitutus, vel ardua petere, vel maximas difficilesq. dignitates saltem voluntate attingere non conetur. Tantum apud Etnicos rerum opinio valuit, ut non dicam Religioni obseruantia, sed interitus ipse, cruciatusq. ad gloriam expetendam excitaret; quam nec à seipso alienam arbitratus est, qui incenso Diana Epheſiæ templo, memoria & encomio viueret apud posterum immortalis. Idipsum ad illustrium virorum elogia me conscribenda impulit, qui dùm mihi soli aliquot lucubrationibus consulerem, non alienum ab honesta ambitione arbitratus sum aliorum quoque laudibus exerceri. Debet humanitati humanitas; nec quicquam proprio honori multa adscribere proderit, nisi aliena auctoritati amplificanda quibus poterimus modis non studere velimus. Mordaces, Zoilos, inuidos ableganto, qui dùm possent illustrium virorum laudum esse fautores, de quorum meritis tanta sapientum iudicia facta sunt, subiectis inuidiæ facibus ardeant ad liuorem, & aut obreſtatione lace-rare, aut velint acerba offensione virtutes reticere.

Habet muliebre genus suarum laudum apertissimum campum, & multarum nomina animi magnitudine, pudici-tiæ constantia, coniugali amore excellentia, adeò inclaruere, ut quisquam

quam existimauerit omnium ætate esse colendus. Accedunt bellorum trophæa, quibus insignia plerunque mulierum extant, quibusq. maximis comparatas Heroibus, vetustas fame præconio æternitati consecrauit. Adde & litterarum celebritatem, quarum studijs, omnium scientiarum disciplinis, quibusque temporibus florere; ut inficias iturum neminem arbitrer virilibus eas sapissimè fuisse moribus institutas, & ad ea quæ virurum sunt, imperando, docendo, administrando audacter effusas cum se occasio obtulisset. Ergo ne mulier paludamentum induta, non vnguentis delibuta, sed puluere sordida, in aciem non prodibis? Eadem cathedra nixa, non disceptabis in scholis? Et in puppi sedens, Imperij nauem non gubernabit? Nouimus ea gerentes; nouimus huiusmodi facinora mulieres perpetrantes. At verò famosas tu laudabis aliquando meretrices? Quid ni, dum ex earum sceleribus pudicarum commendatio elucebit? dum forma venustatem, cui periculorum agmina imminet, modestia tueri ediscent? Dum quæ malorum incommoda petulantia solet afferre, aliarum exemplo summa prudentia vitare conabuntur? & spinæ ob custodiam laudantur in rosis; & saxea margarita crusta conteguntur.

Sed placuit in aliorum virtutibus collaudandis, criticè interdum si quis neuus adfuerit, esse censores. Ad ingenium isthæc, non ad inuidiam faciunt. Nec tanto elogio quispiam dignus censendus fuerit, qui aliqua ex parte non possit urbaniter notari. Quamobrem iudicia elogijs adiecimus, quæ illustrium virorum qui litteris claruere, imagines efficiant notiores. Placet in eo studio versari, cum multarum rerum varietate, hilarior efficiatur legendo animus, eaq. animaduertamus, quæ obscuris dum obsita tenebris reperiuntur, tot insignium virorum famam obliuioni traditam occuparent. At quæ ab alijs scripta sunt in medium proferens. Ità quidem. Nouus tamen scenæ ornatus, eandem variam reddit, & calami stri, coloresq. ex pagis rusticam, veluti ciuem conspiciendam obijciunt. Quæ vetera sunt, nouis delectabunt ornamentis; quæ verò noua, expectatione digna fortasse ij amplectentur quibus huiusmodi studijs curiosissimis detineri graue non erit.

Consti-

Constitueram eos quoque celebrare, qui armorum gloria excelluere, sunt enim plurimi nostra aetate quos ea decet, quae totius orbis tumultus, turbaeque propalarunt. Haud tamen in maxima rerum occupatione licuit. Quod si aliquando licuerit, laboriosior sudor excitabitur.

Atqui omnia quae lingua profert, quae calamus exarat, irrita sunt, & Apostolica auctoritatis dignitati, & emendationi subijciuntur. Atque huiusmodi probatis fratre. Vale.





ILLVSTRIVM MVLIERVM ELOGIA.

Heua.



ALVE mortalium generis prima parens Heua, quam summus rerum opifex Deus ex hominis latere, Viraginem excitauit. Eò quidem viro nobilior, quò carnem ex qua sumpta es, Damasceni agri cœno illustriorẽ existimamus. Sic ex CHRISTO in Cruce dormiente æterna sibi initia Catholicorum Ecclesia comparauit. Nec ta-

I
SACRÆ
MVLIERES.

men illo sopore vetus, nouusq. Adam elanguit, sed tantum roboris assumpserunt, vt suam os Heuam de suis ossibus primus dixerit, cùm idem secundus de ossibus in campo dissipatis esset dicturus, dùm inuicta fortitudine, qui carne, mortalitatis opera fuissent exuti, Resurrectionis immortalitatem essent consequuturi. Pulcherrima specie te decuit esse, quam non pigmentis temerè in tabula aspersis, sed diuinitatis coloribus, penicillis digitorum in quibus venustas inest, & potentia, in bono obedientiæ lumine collocatam, non Tymas aut Polygnotus, sed naturæ omnium rerum principis auctor effinxit. Et licet te ream dixerint, quòd per quem lucem aspexeris, luce priuare conata, mortem inter delicias intuleris; omnem tamen salutis procreatrix MARIA, quæ ex te orta est, noxam abstulit, labemq. absterfit, dùm quæ tu maximo cum dedecore perdidisti, maximo cum ho-

B

nore

nore recuperavit. Quod si muliebrem in te ignominiam detestamur; per te quoque muliebris excellentiæ laudes celebramus. In te enim fœdè à teterrimo hoste victa, victricem illam admirabilem contemplamur, quæ nos hostili fraude interclusos, in perpetuam libertatem vendicans, cum qui nimis insidiarum ad demulcendas aures, & capiendos oculos adhibuit, in alta detrussit Orci loca, & miserrimè profligavit. Et quæ lege sancita perfidè abrogaueras (quamobrem ceteri homines habiti sunt perduelles) suæ ipsius vocis suffragio, quæ ancilla effecta fuerat, novis iuribus, novæq; legis præceptis, è cœlo deducta renovavit. Sin secus? Ex magnitudine commodorum quæ temperatio cœli elargita est, quæ terrarum fœcunditas protulit, quæ marium præbuit feracitas, ex omnium rerum dominio, non modò nos in fulmina, grandines, nimbos, pestilentiam, terræmotus, tempestates, & rerum creaturarum servitutem impelleres, sed crudeliter necares. Sis nostra semper Heua. sic tamen, ut hebetior ille sensus quo in præceps ducimur, intellectui qui sopore humanarum rerum torpeat, & ad diuina vigilet, sanctissimè coniungatur.

Caroli Pinti Dialogus.

Eua heu cur lacrimas? quæ tua spes mala?

Vir cur enumerat quæ patitur sua?

Attollas animos; luxit enim dies

Magnis cum tenebris obruta iam fores.

Antiquus coluber, vaser ab arbore

Res Diuum posuit pollicitis tumens.

Illi nos celeri credidimus fide,

Aerumna undè, dolor fluxit, inops fames;

Cacorum undè parens sæua Cupidinum,

Orci mors, animi, barbara vulnere.

Ne in te tot miseriis quesibus, o mea

Sæua, Eua, esse velis. Ex MARIA salua

Orta est, si doleas corpore languido;

Lucet Stella tibi, si videas minus;

Ad

*Ad portum illa feret, si mare nauigas;
Te si castra premunt, vindicat hostibus;
Vrit si igne Venus, virginis aquis
Restinctas fugat è pectore flammulas;
Angustis laribus pauperies agit?
Vastis ditas agris. Quid genitrix prece
Ex nato omnipotens non homini obtinet?*

Sara.



Væ mutato nomine Sara dicta est (vox ipsa Dominatum significat apud Hebræos) re ipsa Princeps extitit, quippè Abrahami vxor, tum Regum multorum imperia, tum Gentium amplitudinem, diuinæ vocis oraculo propagauit. Chara coniux coniugi; quam cum fames

orbem terrarum peruasisset, atque ea de causa in Aegyptum essent discessuri, quod formæ nitor hominum moueret oculos, & delectaret, sororem potius quàm vxorem libuit appellare. En tibi eiusdem Ecclesiæ progressus. Vxor, in abscondito, CHRISTI est. Quis enim intelligat, quo pacto diuino Verbo anima copuletur humana? At sororiz, fraternæq; cognationis coniunctio, in omnibus Sanctis, concentu quodam, & continuo consensu, dilucidior explicatur. Chara igitur Deo mulier, quam ab incestu Regis Gerare seruata (vt vel mortis pœna sequeretur scelus si fuisset admissum) auro, & pecoribus locupletè dimisit, cuiusq; oratione eiusdem domui partus allatus est, maturitasq; gignendi. Quænam hæc secreta foecunditas? Ipsam quoque nonagenariam, è tabernaculo accersitam, præter spem parituram, prædicat. Copiosior additur foecunditati vbertas. Quid illud est? Risum esse vides. Isaacus nascitur; & matrem ridentem, quod nō irrideret, præcipue consolationis argumentis recreauit. Quid matrem? Mundum recreat, voluptatis Paradisum renouat, qui non fluuiorum vorticibus, sed lacte irriguus, nutrit heredem.

Nouo sic viuendi ordine, vt modò geniti, Gentilium foetus, è veteri matre nouum lac ebibentes, nouo grandi conuiuio, non fructu venenato, nouæ Legis apparatu educantur. Implet in Sara quæ Deus loquutus est, plenitudine temporum. Parit in senectute, cum senescente malis orbe apparuit salus. Et quæ prædixerat Prophetarum, & S. byllarum vaticinijs, suo aspectu in humanitate confirmat. Isaaco, nomen filio est; propterea quòd luctuosa quæ priori tempore acciderant, ad voluptatem concupita, adepta iam lætitia effruntur, & gestiunt. Circunciditur, ne quis antiquam legem dissoluendam crederet. Risiq. corrident ceteri, vniuersali Ecclesiæ adhærentes, qui ei ciunt ancillam, à conuenticulis abhorrent, & Isaaci tantum hæreditatem exposcunt. Quid præterea ab hac insigni Heroïna effectum est? Aspera quæ prius & inuisa erant, facillima reddidit. Eius voci esse parendum statutum est, vt prædicatione, & præceptis, nec Aethiopem Solis ardores, nec niuium rigores Scythiam, nec marium immensitas Antipodem, à fidei laboribus, & veritate excusarent. Israhel in gentem magnam cõsurgit, cum magna ex auditu Fides euaserit; & pane in viatico, & aqua in Baptismate, errantes in solitudine, sub vna Arbore, vna Cruce, vno Christianæ militiæ vexillo, vel morientes vitam consequamur. Hæc Sara illa est, quam cum magnarum rerum prænunciam Abrahamus habuisset, apud Chananeos, post centum viginti annos quibus vixerat, idem pijsimus honesta condidit sepultura.

Caroli Pinti.

*Coniux fida nimis seni Abrahamo,
Ancillam thalamo viri dedisti,
Ad dandam sibolem: tua quod essent
Matrices sterili fera reclusa.
Conceptu in senium at suo tumentem,
Seruam arces miserè domo. hanc supernus,
Per lucos, monet Aliger, vagantem;
Es sedes redit ad suas beriles.
At tandem pietas iubet Tonantis,*

*Te non fructiferam situ senecta,
 Danda progenie, magis placere.
 Tempus, quo parias venit cupitum,
 Rifu, & letitia dies serenos
 Implet: Isacj sonus vocati
 Signat nomen id sue parenti.
 Hæc dat gaudia Iupiter binorum
 Largitor, folio suo beatus.
 Quid non, quod tenebris fiet refertum,
 Quid non, mæstifico solo relictum,
 Quid non, quod sterili nosa vocetur,
 Altis perpetuò nitens lucernis
 Lustrat, lætifico lari reponit,
 Facunda vehit astra ad vsque prole,
 Et terra infima, & ætheris creator,
 Iustorum Dominus virumq; custos*

Rebecca.



Mnem in Rebecca Bathuelis filia pulcritudinis
 speciem, omne virginitatis decus, decorisq. di-
 gnitatem hæc imago repræsentat. Felix tanta
 virgine Mesopotamia; felix vrbs Nachor; feli-
 cissimus verò aquæ fons, ad quem cùm puella
 accederet, vberimos, suauissimosq. latices
 profundebar; quos dùm Abrahami seruus camelis præberet,
 sponso Isacō pulcherrimæ vxoris gratiam propinabat. Effun-
 dentem hydriam nitido brachio Rebeccam, præcordia ipsum
 nimia voluptate aperientem seruum cernes. Inaures, & armillas
 dùm ipse largitur, dicto se illa audientem, manusq. ad viri nutum
 ligantem patefacit. Quæ hauriens aquas, vno hauſtu diuinam
 voluntatem, matrimonij sanctitatem, suorum obedientiam per-
 potauit. Vis eodē Saræ mysterio, cuncta cum Rebecca innouari?
 Iam plena est, iam pinguis Ecclesia, & gratiarum copia affluenter
 abundat; & huiusmodi gētibus innotuit, vt omni sororis sublato
 timore,

timore, vxor summa cum libertate appelletur. Quàm publicè ad petendam vxorem Eleazarus mittitur? Quis rerum perficiendo negotio adhibetur apparatus? Quàm longè Paranympus proficiscitur? Sed nec sororis idcirco nomen abiicitur, quando sororis & sponsæ priuilegium non debuit irrogari. Soror in Sara, cùm humili & inermi piscatorum turba incipiens, metueret; vxor in Rebecca, cùm eorundem spiritalibus armis, summi Ducis potentia inuictis, obtesta, cunctis imperitans, adèd formidolosa facta est, vt quosque videas maxima cum reuerentia prostratos. En Hydriam, venustissima virgo, afferas in scapula. Hæc nimirum summæ auctoritatis potentia est; quippè in humeris, principatum esse factum, impositis lignis, in montem iturus, vir hic tuus prædixerat. Tuq. notiora prædicis, cùm aquas vel in canales effundens, Ecclesiam ex CHRISTI corpore ditissimos thesauros omnibus copiosissimè aperientem significasti.

Auctoris.

*Hydria, Fons, Puteus, Legum sunt symbola. nascens
Natura admouit labra tenella scyphis.
Sobria (lege data) largos exquirere fontes
Didicit, & viles hausit inops latices.
At Sol dùm rosea vitali lampade fulxist,
Concordiq. thoro iuncta viro querula est,
Tentaui penitus putei scatebrosa profundè
Ilia, quæ lymphas, flumina pura trahit.
Hæc Rebecca mones, saturas cùm pulcra camelos,
Et sua vesanam detrahis unda sitim.*

Pinti.

*Priamida cultas Helenas, Veneresq; Cytheris,
(Quando mouent se pulcra magis) mea corda repellunt;
Omnibus his pulcris Bathuelis nata praeissi.
At species quid grata iuuat sine dotibus, intus*

Pectora

Pectora quas condunt, foris & quas dextera pandis;
 Et tibi purpureum os ridet, flauiq; capilli;
 Et Charitum tibi spirat odor, te plurimus ardor,
 Te comitatur amor, celi ditissima donis,
 Omne tegis decus, at casto velamine frontis:
 Hac tua, magna nurus, virtutum lumina vidit
 Antè Abraham, genitig; sui te destinat alto
 Iure thoro, degensve Chana, te quarit ab oris,
 Quas colit Euphrates, quas longo limite Tigris
 Ambis agri, Galilæa tui spectauit honores,
 Connubio iunctæ Isacco, propriaq. dicata.
 Non Abrahæ famulus nitida pro munere laua
 Ornamenta tuæ, non auri insignia gesso;
 Non latices rogo te putei, quos hydria traxit,
 Quò m' deant mea lassa vijs, mea guttura sicca.
 Perge iter inaptum, nec virgo vocata redibis.
 Sunt domini mihi dorso mei non dena camelum,
 Qui ilignis valeant potare canalibus undam;
 Non paleas, non posco meis senilia frenis.
 At, quæ clara tuo præfulget nomine, virtus
 Sit, quæ res patiens nouis perferre sinistras,
 Postq; meos luctus, risus sint dona mariti.

i. M'epora
 mea.

Rebecca
 idem sonas
 ac patitua.

Pauli Portarelli.

Pectore magnanimam, & dùm pulcra Rebecca modestam
 Se monstrat: nitidas datq; libenter aquas.
 Et famulis Isaac missis, pariterq. Camelis,
 Est ducta in thalamum lata puella viri.
 Omne sic fausto connubia grata Tonanti,
 Solenni pompa sunt celebrata domi.
 Fortunata domus, felices prole parentes,
 Quos, placuit Superis, tot cumulare bonis.

Rachel.

Rachel. Lia.

4



Um pastoribus inter ouium greges pulcherrima mulierum de Haram commoratur Rachel, quæ vel in virentibus agris inter flores sedeat, vel sub frondenti arborum coma degat; aut oues sub Solis ardoribus pascat, aut ad caulas Hespero adueniente deducat, semper decora facie, venustoq. aspectu intuentium oculos reficit, & consolatur. Osculo à siente Iacob excipitur; amoto è puteis lapide, sitim à pecoribus ablegat, patrum oculorum radijs ferit, quod lippis oculis Lia soror efficere haud poterat; eundemq. septem annorum seruitute retinet, & temporis momentum ab amore effectum est temporis diuturnitas. Ceterum cum pro Rachelis connubio, Liæ coniugium esset expertus, totidem annos accepta in coniugem Rachele, despiciens Liam, ad quam nihilominus noctu admissus est, seruire non abnuuit. Contemplatur Rachel. Agit Lia. Oculorum lippitudo aliquid turpitudinis Liæ afferebat; quis enim actiuæ vitæ laboribus aliqua ex parte huiusmodi non defecerit, vt summo bono constanter perfrui liceat? Sed qua aspectus dignitate Rachel nitebat, quam libatis osculis vtrique expetita mentis cõcordia, humanarum actionum supplantator exquirat? At cum Lia Iacob pro mandragoris dormire permittitur, vt sapientes quos vulgus ignorat, agendo, suadendo, iuuando perducantur ad gloriam. Habes in Rachele potiora, cū patris Idola furatur. Hinc raptus, & extasis. Hinc mentis humanæ diuitiæ, cū cœlesti illa supellectili, varijs modis contemplando ditatur. Qui præsumt, prodesse discant; & in Rachelis venustate, Liæ fecunditatem æmulentur. Iuuit Rachelem inuidia; cū enim fecunda soror sex liberos genuisset, apud virum quæsta, ex Balam ancilla duos filios, duosq. ex coniuge Iosephum, & Beniaminum impetrauit. In Ephrata mortua est, & in sepulcro posita Mausoleis nobiliore.

Pinti.

MVLIERV M ILLVSTRIV M

Elenchus.

A



Bele vrbis mulier.	
folio 39	
Abigail.	28
Amilia Tertia.	173
Agnes.	65
Agrippina.	81

Anna Caesariffa.	202
Anna Elcanz.	32
Anna Gallorum Regina.	151
Anna Maximiliani filia.	116
Ariadna.	95

B

Barbara Bohema.	97
Beatrix Nolana.	234
Berina.	92
Blanca Maria.	184
Blanca Scardeonia.	199
Brianna Aquiuua.	227

C

Abadis vxor.	144
Camilla Macedonia.	169
Camilla Pifcicella.	194
Camma.	202
Cassandra Marchesia.	183
Catherina Austriaca.	117
Catherina Cantona.	185
Catherina Zunica.	197
Chananea.	40
Cleobulina.	209
Cleopatra.	146
Constantia Aragona.	126
Constantia e Caretto.	192
Constantia Dauala.	195
Constantia Claromontia.	136
Constantina.	99
Cornelia Annia.	163

D

Alila.	22
Debora.	23
Diana Moscana.	218
Dominica Imperatrix.	77
Domitilla Triuultia.	185

E

Picharis.	230
Eponina.	162
Esther.	30
Eudocia.	63

F

Abia Heraclij.	93
Fadilla Commodi.	68
Faufa.	73
Faufina.	84
Franca Illyria.	171
Fredegundis.	135
Fuluia M. Antonij.	171

G

Alla Placidia.	66
Glaphyra.	163

H

Elena.	58
Herodias.	47
Heua.	9
Honorio.	88
Hota Maura.	167


I

Ahel.	22
Ioanna Hispan. Regina.	108
Ioanna Prima.	148
Ioanna Secunda.	148
Ioanna Caftriota.	181
Ioanna Scortiatia.	177
Ipfiratea.	143
Irene.	60
Isabella Caftella Regina.	110

* Isabella

Isabella Hisp. Regina .	110	Messallina .	179
Isabella Henrici filia .	114	Micca Eliensis .	216
Isabella Austriaca .	119	N	
Isabella Aragonca .	127	N Oemi .	26
Isabella Angliæ Regina .	133	Nogarołz Veronenses .	205
Isabella Andreina .	206	P	
Isabella Caracciola .	190	P Hia Cinnama .	224
Isotta Ariminensis .	175	Placida Campana .	214
Iuditha .	35	Pulcheria .	76
Iulia Mammea .	54	R	
Iustina Romana .	227	R Aab .	20
L		Rachel .	16
L Ais .	233	Rebecca .	13
Laurentia .	232	Roberta Carrafa .	188
Leonora Medicea .	157	Romani Argypopoli vxor .	75
Leonora è Toletto .	165	Rosimunda .	137
Leonora Arborensis .	175	Russa Othomanna .	98
Lia .	16	Ruth .	26
Ligarij vxor .	161	S	
Lisabetta Boadilia .	166	S Amaritana .	42
Liuisa Peperara .	211	Sara .	11
Locusta .	232	Sara Raguelis .	37
Lucretia Alanea .	235	Sempronia Spathaphora .	220
M		Sufanna .	34
M Argarita Austriaca .	152	T	
Margarita Hisp. Reg .	122	T Abitha .	51
Margarita Sarrochia .	203	T Tarquinia Molza .	211
Maria soror Moyfis .	18	Theodora .	86
Maria Magdalena .	44	Theodora Theophili .	129
Maria Armena .	100	V	
Maria Angla .	112	V Alasca Bohem. Regina .	139
Maria Scotiæ Regina .	131	Valeria .	200
Maria Austriaca .	152	Vanda Poloniæ Regina .	141
Maria Medicea .	154	Viduz Naim, & Sareptæ .	49
Maria Aragonca .	179	Vrsina Caualletta .	211
Maria Gornacensis .	215	X	
Maria Puteolana .	223	Xenocrita Cumana .	168
Martia Commodi concubina .	71	Z	
Martina Heraclij .	93	Zoe .	36

VIRORVM LITTERIS ILLVSTRIVM Elenchus.

A	
 Emilius Portus.	
	fol. 383
Apuleius.	242
Artemidorus.	245
Achilles Taci.	247
Andreas Naugerius.	261
M. Antonius Muretus.	270
Annibal Carus.	285
Antonius Epicurus.	288
Aloisius Tassillus.	301
Aurelius Cassiodorus.	305
Alexander ab Alexandro.	307
Antonius ab Alexandro.	309
Antonius Ianuarius.	311
Adrianus Imperator.	317
Adrianus Spathaphorus.	336
Adrianus Turnebus.	356
Antonius Orificius.	346
Angelus Politianus.	350
Angelus Constantius.	367
Antonius Sanfelicius.	366
Antonius Posseuinus.	371
Athenæus.	315
Afcanius Card. Columna.	341

B	
Bernardinus Rota.	290

C	
C Allimachi tres.	239
Carolus Sigonius.	294
Camillus Pellegrinus.	299
Cæsar Scannapæcus.	321
Cæsar Card. Baronius.	339
Cornelius Mussus.	361
Cornelius Tiroboscus.	359

D	
D Onatus Antonius Altoma- rus.	321

F	
F Ranciscus Floridus.	296
Franciscus Pannicicola.	363
Franciscus Petrarca.	307

G	
G Aspar Scioppius.	275
Guidus Pancirolus.	279

H	
H ieronymus Fracastorius.	
	fol. 259
Hieronymus Cardanus.	374
Hieronymus Rhamnusius.	326
Hieronymus Olzignanus.	369

I	
I acobus Gallus.	382
Iacobus Sannazarius.	378
Ioannes Tritemius.	257
Iacobus Card. Sadoletus.	265
Iustus Lipsius.	272
Ioannes Kircmannus.	278
Ioannes Baptista Attrédoles.	297
Ioannes Casa.	302
Ioan. Andreas ab Anguillara.	304
Ioachimus Camerarius iun.	319
Ioannes Antonius Pisanus.	321
Ioannes Georgius Trissinus.	333
Ioannes Salesberienfis.	334
Ioannes Bernardinus Lógus.	326
Ioannes Picus.	352
Ioannes Vollarus.	363
Ioannes Baptista Rhānusius.	327
Iouianus Pontanus.	375
Isaacus Casaubonus.	368

L	
L Ongus Sophista.	249
Ludouicus Ariostus.	281
Ludouicus Castelletus.	285
Ludouicus Dominicus.	304
Ludouicus Camerarius.	319

Petrus

P	P
Petrus Card. Bembus.	263
Petrus Victorius.	267
Paulus Manuccius.	293
Paulus Minerus.	342
Pauli Rhamnusij.	325
Pausanias.	313
Petrus Chrysologus.	358
R	R
Obertus Cardinalis Bellarminus.	372

S	S
Tanislauus Card. Hofius.	251
Tanislauus Relscius.	252
Sidonius Apollinaris.	254
Scotinus.	355
T	T
Thomas Aquinas.	386
Thomas Natalis.	344
Torquatus Tassus.	281
V	V
Victorinus Manus.	384



Errata :

Pag. 22. ver. 21.	tonitruis vix	tonitrus vim
25. ver. 25.	Adeste animis	animi
39. ver. 10.	Auertitur.	accerfitur.
47. ver. 1	Fascis	Fasces
49. ver. 4.	Licientibus Ducibus	Licienses Duces
52. ver. 12.	Apostolos habuisti patronos.	Qui Apostolos &c.
& versu 18.	hæc	hoc
92. ver. 4.	Constantinopolitanis	Constantinopolitani
& versu 6.	Anatilio	Anatolio
146.	alliciebat quoscunque	alliciebat & quoscunque
158. ver. 15.	adde. Quis æstimet Vincentium ab Henrico IIII. affine	
	Commendatoris insignibus honestatum ?	
221. ver. 4.	Emicuit	enituit

Pinti.

*Aurea Colchis habes tantum tu vellera t Laban
Hac quoque nata Rachel.*

*Signat ouem formosa Rachel; pro vellere virtus
Ipsius alta manet.*

*Dos animi, atque oris veniat licet altior, auri
Quos libet ad pretium.*

*In te totus inest, Colchis, dux fortis Iason
Dum mare transira secant.*

*In te pulchra Rachel, totus persistit Iacob
Ortus ab Isacio.*

*Vellus ut exciperes pecudis, qua Sibaris horret
Culmine Caucaseo,*

*Quot pelago fereris Princeps subijisse pericla
Nauta Thessalica?*

*Quotq; etiam es passus magna vir nate Rebecca
Virgine pro Assyria?*

*Aesonide hoc tu maior eris: quid vellus adeptus
Ipse nisi est pecudis?*

*Ast tandem tibi tota pecus virtutibus almis
Aurea iure datur.*

Cyrilli Candidi Carmelitæ.

*Quàm tibi, magne Pater, ducta est pulcherrima coniux?
Certè erat informis plus satis illa Lia.*

Seruitio annorum bis septem hæc femina constat.

Cur tanti? Laban sic mihi avarus erat:

*Adde quod haud vidit dotes, quæ in corde latebant,
Externosq; latens pulchrius ore decus:*

Prò si vidisset, seruisssem secula centum,

Post, spem lussisset rursus & ille meam;

Nempe mihi, si vis, animo dicturus avaro

Natam, iterum centum secula seruus eris.

C

Matia

Maria Moyſis ſoror.



Væ admirabilia exercituum Dominus cōtra Aegyptios gesserat, cum vehementi, atque vrente flamine ventus vastum Rubri maris alueum siccaſſet, reliſtaq. inter medios fluctus via, curtus equitesq. inimicorum ad Iſraelitas inſequendum inuitaret; Quæ indè glorioſa accidiſſe cognita ſunt, vt Ducum omnium fortiſſimo, ſapientiſſimoq. extendente manum Moyſe, in vndarum diuortio hoſtis Pharaō cum ſuis miſerrimè interiret, poſt ea quæ frater cecinerat, ſapientiſſima Prophetiſſa Maria, non Siſtris, aut Crocalis, quæ obſoleta antiquæ Legis voces reſonabant, ſed tympanorum nouæ Euangelicæ melodiæ ſonitu, ſanctarum mulietum choro decantauit. Quos (dic age) cantus edidit? Quibus nihil ſuauius Græca licentia, nihil excelsius omnium Muſarum chordæ concinerent. Audi, & oblectare. *Cantemus Domino; glorioſè enim magnificatus eſt; equum & aſcenſorem eius deiecit in mare.* Quod grauius, magiſq. proprium epi-gramma ſuperbis Romanorum inſcriptionibus legimus contineri? Benè ceciniſt, malè operata eſt. Propter Aethyopiſſam vxorem, in fratrem inuehitur. Quid ſi acerbè & petulanter? Fratri Maria detrahiſ? Et fratri qui manſuetudine homines qui com-morantur in terra antecellit? Quàm ſeuere in mites opprimen-tes Deus animaduertit? Tu diſcito, quæ extrà caſtra eijceris, quæ lepra deuoraris, quæ nequiter inſultans, rabore ſuffuſa, intelligas quonam pacto cum fidelibus ſeruis à Deo agatur; tu enim per ſomnia, Moyſes verò abſque ænigmate accipit apparitionem. Abſtruſa omnia ſunt quæ à Deo proficiſcuntur, vt eius poten-tiam ſecretiora quædam redoleant. Quid tu inuides? An non recondita canis? Qui enim factum eſt, vt à tumentis vnda ſui-dum mare veluti firmiſſimo muro ſeptum fuerit? fueritq. oriſ propugnaculum Iſraelitis? Abſcondunt patenti miraculo fluctus diuinam

diuinam omnipotentiam; quid tibi sumis? quid contrà fratrem garris? Tangitur à te tympanus qui extensa pelle carnis denotat macerationem, & abiecta humilitate superbis? Ades victoriæ cum choro, qui ciuium communionem charitas est, & cum tuis à charitate longe es aliena? ergo & circuncisio tibi carnis arridet, & Neomenias laudas, & sanguinis amplecteris sacrificia? Tu Sinagoga es, quæ cum Aaron, cum Sacerdotibus, Moysen qui ad Aethyopiæ connubium transiit, legem quam spiritalis lex uxorem accepit detestaris. Post Aethyopiæ copulam, non loquutus est Moysi Deus in ænygmate, sed in veritatis specie lex ipsa cognita est. Quamobrem in ea Gentium salus elucet. Sed ne cesses à laudibus. Quantum tibi vtilitatis attulere? Septem diebus è loco populus non decessit, donec fueris reuocata. Laudet quisque Deum. Nec ore tabido eius gloria inquinatur; & valent laudes ad remissionem.

Auctoris.

*Tyrrheno audenti Inarimes imposita Typhæo
Obstrepuunt, sauos edidit vnda sonos.
Sparsit & Oromedon Vesuuinius rictibus iram,
Turbine cum piceo viscera adusta vomens.
Littore Erythraeo, curru, fastuq. superbo
Cum ruit in fluctus, cum vada ceca petit
Crudelis Pharaon, nec Ganges fluminis exit
Aluo, nec Nili mus mura rauca tremunt.
Torpuunt & diues Aegypti in gurgite tellus,
Dum mare cum gemitu luxit & erubuit.
Nec mare, nec tellus, nec ruptus faucibus ardor
Commemoret facinus; sola canat M A R I A.*

Portarelli.

*Quem tremuit Nilus, qui Aegypto sceptrum mouebat
Rex in Erythraeo cum obrutus esset aquis,
Extinctusq. potens, tantusq. exercitus: vnde
Rubra etiam notum littora nomen habent;*

C 2 Virgo

*Virgo soror Moyſis, tam magnis lata trophæis
 Ad cælum illa oculos ſuſtulit illa manus;
 Et cecinit Domino diuino carmine laudes
 Prodigia immenſi teſtificata Dei.
 Qui facit ut ſerui incolumes ex hoſte triumphent,
 Illis & tumidi pareas unda maria.*

Pinti.

*Sic ſoror in fratris geſtiſq. canisq. triumphum.
 Sic Domino gratos fundis ab ore ſonos?
 Quis tuo in hoc cantu Pharaon, quis tela Canopi
 Non immerſa vides ſub vada caca ſali?
 Dulciſer ore cania Moyſi Iudæa Thaliam,
 QVAM Superis laudes promere dulce melos?*

Raab.

6



Admirare beatam hanc meretricem, cuius opera
 omnipotentis Dei virtus vel hoſtibus patefacta
 eſt; cuius vocibus eiſdem nomini honoris glo-
 ria acceſſit; cuius arte cùm iam diuinæ volun-
 tatis exploratrix eſſet effecta, ſeruantur explo-
 ratores, Rex deluditur, & inuiſtus ille Joſue,
 qui maximo Moyſi ad præclaras res gerendas ſucceſſor ab ipſo
 Deo datus eſt, lerico in ſuam redegit poteſtatem: Prophetica
 ferè ſpiritu ſancta mulier Hebræorum vaticinatur excidium;
 Historica, narrat quæ in mari Rubro, quæ trans Iordanem acci-
 derant; Oratrix, Dominum cœli & terræ conſtitetur; ſed prouida,
 ſuorum ſalutem, ſuo hoc beneficio compenſat. Prædicat, narrat,
 orat, prouidet. Habes Eccleſiam. Eius typus in hac ex gentibus
 oſtenditur; quæ cùm antea ob infidelitatem ſordida extitiſſet,
 ſuſcepta deindè Euangelica prædicatione, Sal non ni nupta eſt,
 pacis afferens reconciliationem; Booz præcreauit, ſupremæ au-
 thoritatis dignitatem adepta; & ex meretricia humilitate, ad
 Raab,

Raab, ad maiestatem atque amplitudinem prouecta, omnem sibi terram subiecit. Sedulo nunc tuorum saluti consule. Fit sane. Ierico expugnare Iosue nititur; vincendum sibi mundum, eiusq. principem ejiciendum Saluator statuit. Cuncta turbarum plena sunt; elementorum ipsa tumultibus iactatur natura. Quam tuis afferes spem salutis? In promptu est. Coccineo funiculo liberamur; sanguinis memoria viuimus; signumq. illud in Vaticani fenestra patens, cunctis in ea domo degentibus vitam esse datum prædicamus. Efferat Manus, & Aquilas Romana Legio; Constantini Labarum Græcorum cohortes extollant. Insigne hoc Raabicum sequamur sanguine aspersum, in quo veræ salutis symbolum veneremur.

Pinti.

*Pulcra Raab velox signabis feneſtram
Coccineo: Iosue imminet urbi
Armipotens, patriam mox bellaturus opimam,
Mœnibus, & populiæ metuendam.
Obſtabis Iosue infelix & Hiericus armis,
Brachia cui sunt viribus altis?
Huic aditus arens faciet Iordanis, ut olim
Belligero Moysi mare rubrum;
Federis huic præſtò inuiſta eſt arca, omina tutus
Qua mala cuncta fuga dabis: auſpex
Huic Rex omnipotens, reſtim ſuſpendere ceſſas
Purpuream? cadet heu patria: an non
Tota, vides ut illa pauet, totiſq; tremiſcit
Artubus, ut ſe claudis, & armet?
Obſeſſam cernes, quin hanc clangore tubarum,
Vocibus, atque virum ruere: at tu
Funiculo rubeo (IESV an noſat ille cruorem?)
Freta tui fugies obitum vna.
Tu meretrix leiſi vitare pericla merebis,
Quod fidei non vincula frangas?
Non ne fidem ſeruent homines, promiſſaq; ſi vel
Hac meretrix timuit violare?*

Dehora,

Debora, & Iahel.

7 8



Acras fortissimas Bellatrices alteram consilio validam, alteram manu promptam & potētem, quænam facundior quàm sancti Spiritus lingua eloquetur? Sisaræ Regis currus, quadrigasq. & sexcenta armatorum millia Debora nihil metuens, in aciem cum Baraco prodire audacter voluit. Iahel Regem fugientem, in tentorium accersitum, claudens malleo tempora percussum interemit. Non ab re sub Palma Debora iudicabat, quæ victoriam Israeli esset annuntiatura. Non ab re in tentorio Iahel, pace inter Azorem & Heberum intercedente, quæ perpetuam gentibus ostendere debuerat salutem. Surrexit Debora, sic enim erecta Gentilitas est. Egressa in occursum Iahel, propterea quòd sancta nobis è coelo occurrit omnipotentis Dei misericordia. In monte Tabor Debora, in tentorio Iahel, triumphantem enim illa, militantem hæc Ecclesiam prædicebant. Et dùm Debora victorem impellit, nam semper in sæuissimos hostes Fide impellente accendimur, Iahel Sisaram operit pallio, quippe Redemptoris humanitate, in nos irruentes, maxima cum Christiani nominis gloria confundimus. Idq. huiusmodi testimonio confirmatum, ut Iahel, non in Iouis templo ad tonitrui vix expellendam, sed ad Gentium salutem confirmandam clauum fixerit, per uetustum confirmandæ rei testimonium.

Portarelli.

*Quis laudes, quis virgo tuas æquare canendo
Virtutes valeat, quis tua facta loqui?
Tu populum Hebræum è manibus diri eripis hostis,
Vnde tuo est patria robore parsa salus.
Dùm grandi, inuisitoq. animo, dùm fortibus ausis
Sisara inhumanum das, bona virgo, neci.
Horrendumq. caput clauo transfigis acuto
Intrepida æternum nomen adeptæ manu.*

Pinti.

Pinti.

*Debora Baracho forti comitata Propbetis
 Surge : Deo totum tribuas hunc nacta triumphum ;
 Dextra etenim victrix hominum sine numine Diuum
 Esse nequit . multa facinus memoretur in auum
 Laude , maritali Cinao fulget Aberi
 Qua facula Heroi horrendi soror altera Martis ,
 Currentem celeriq; fuga qua Sysara secto
 Castrensis excepit , cuius tum lacte fugauit
 Blanda fitim , timidis constravit pallia membris ,
 Malleo & hinc furtim præduro tempora clauo
 Fodis humi ; & mistum spumis vomit ore cruorem :
 Interit , & Disis crudelibus occubat umbris .
 Ausam dare insigne hoc factum es tu famina Iabel ?
 Tu infestum Chanaan potuisti fundere Regem ?
 Sola hæc speratam peperis tibi Delbora palmam :
 Nunc est ascendens ad grandia culmina laudum ,
 Nunc verè tu eloquens , dum tam concinna tropæia
 Carmina das , superis & fundis pectore grates .
 Felices ambo : mulier cui temnitur , unde
 Parta venire solet pax , & victoria genti ?*

Dalila.



*N*ec Palestina meretricis imago hæc te moueat ?
 Dalila est . Fortissima est mulier . Meretriciam
 ignominiam occulta in sacrorum mysterijs me-
 moria occupauit . Hæc illa est ingētium virium
 domitrix . Nosti Samsonem ? A Manue procrea-
 tum ? Nazaranum Dei ? Israelis liberatorem ?

Nosti inquam , virum illum in quo generando tot admirabilia
 intercessere , vt sterilis mulier conciperet , immunda fuerint inter-
 dicta , sacrificiorum libamenta , foetusq; pecorum propositi ,
 flamma

flamma in cœlum cum Angelo ascenderet, & cui genito diuinus Spiritus aderat in castris? Qui sæuos discerpit Leones, Ascalonitas percutit, Philistinorum segetes vineasq. succendit, vincula durissima soluit, ludæos internicioni tradit, fores ciuitatis humeris impositas in montis verticem portat? Potuit ne fortior existimari? A Dalila superatur. Qui? Dùm decipitur. Cùm enim tantarum virium rationem expolceret, è septem eius capitis capillis eas oriri, blandis verbis extorquet. Raso dormientis capite, vires huiusmodi perfractas reddit, vt in hostrium potestatem redacto, vtroque oculo excæcato, in pistrinum adhibito, indignis modis illuserint. Quznam meretrix nostra erat humanitas, ex cuius sanguinibus, ex cuius carnis voluntate, dicta, factaq. nostra prodibant? At eadem attritis mystici Samsonis viribus, ab eo assumpta, quamobrem absque capillis (diuinitatis scilicet virtute demissa) ludibria ad salutem non contempsit, quàm diues, quàm munda, quàm legitima Saluatoris sponsa euasit? Fortunata Dalila, quæ tantum valuit. Sed beatior, sub cuius nomine redemptionis humani generis regitur historia.

Pinti.

*Horrendum in Lybico lasciuiit littore monstrum,
Pars reliqua est anguis, femina pube tenus.
Ista viatori Veneris blanditur amanti,
Pectore dùm mammas explicat, ore sonos.
Incautus properat, capitur, concluditur vlnis,
Vltima at amplexu clām venit atra dies.
Tum satur moriens; Me forma fefellit. Amore
Hinc fuge femineo perdisce quisquis amas.
Dalila, tu monstrum es, Lybicas quod terret arenas,
Dùm scisso fortis vir tibi crine cadit.
Ille Philisteis non mille repellitur armis,
Et qui victor erat, sic tibi victus adest.*

Iuditha.

Iuditha.



Ognita Saporì Perſarum Regi eſt Zenobia Reginæ virtus, quæ recuperata Meſopotamia, Oriente recepto, Cteſiphontem uſque exercitum, magnæ cladis calamitate eſt inſequuta. Perſpectum Cyro Scythicæ Tomiris robur, cuius abſciſſum caput redundante ſanguine ſpreuit inuolutum. Regina-um potentia, mirificus militaris gloriæ adfuit apparatus. Quid verò timidam ſeminam Iuditham, viduitatis ſolitudine afflic-
tā, in Olophernem Aſſyriorum potentiſſimum Ducem, in cen-
tum ſeptuaginta millia peditum, & duodecim millia equitum
audientem, animi præſtantia, corporis viribus, bellica virtute ce-
leſtiorē non admiramur? Venuſtatem fortaſſe viciff: dices?
Vt quidem. Et eò Vidua clarior, quò pulcritudine ferociam
reddidit crudeliorem. Iam moenia, ciues, fortunas, Betulia tri-
ginta quatuor dierum obſidione, prohibitis aquis deperdita,
hoſtibus erat traditura. Miſeret ſuorum eam ciuium, non Ciui-
ca, ſed cœleſti corona dignam. Componit ſe ad pulcritudinem,
ornatur veſtibus, comitur, & fuco ad alliciendum colorat;
noctūq. è ciuitate, ancillula tantum comite egreſſa, ad hoſtium
caſtra contendit. Percrebuit rumor è Betulia inſignem formā,
atque habitu adueniſſe mulierem. Ad eam ruunt, & ad Olophernem
ducunt. Miſericordiam expoſcit, & ſimulat ſalutis cauſa
indè proſectam, veluti futuræ ruinæ conſciam, atque Hebræa
calliditate; Aſſyriam ſibi fidem acquirit. Trepidū ibi commo-
rat, impetratq. vt nocte intempeſta ad vallem Deum præſe-
ratur, ingredi liceret. Accenditur amore temulentus, & ea in ſento-
rium excepta, poſt dapium, vinorūq. voluptates, omnes explodit.
Adeſte animis fauete viribus. Impauida iam facta mulier, ſomno
ſepulcrum Ducem obruncat, & reuulſo capite, in ancillā peram
immiſſo, ad urbem redit, dūm qui ad cuiſtodiam corporis erant,

L

ad

ad vallem eam profectam esse sibi persuaderent. In moeniorum propugnaculo capite suffixo, impetuq. ab oppidanis facto, ad Ducis tentorium à militibus concutitur, qui vbi interemptum conspexere, tanto timore sunt perculsi, vt terga vententes ad interuersionem interierint. Sed quæ prior in hac muliere victoria? In ea rerum perturbatione pudicitiam potuisse tueri.

Pinti.

Nùm patrios patiar muros circumdari ab hoste?

Femineo vindex pectore fortis eris.

Non vis in dextra hac? dabit ipsi robora summus

Magna Deus. tali guttura voce sonant,

Et validos Iuditha subit munita lacertos

Castra, & Olophernis discidis ense caput.

Surgite vos calami, vos musca surgite plectra,

Aufus, & tantum tollite ad astra decus.

Noemi, & Ruth.

II, 12



Alterius ne despice Viduæ miseriam; ne afflicta illudas; ad Regiam enim amplitudinem huiusmodi prouecta est, vt ex nurus filio Obed, Mai procreatus, Davidem genuerit. Noemi, Bethleemiticam intueris, quam in Ruth Moabitide Deus exaltauit. Famem cum Elimelech in Bethleem, quæ panis domus erat; explere nequiret, cum vxore, duobusq. filiis in Moab regionem se contulit; quam vix attigerat, cum decessit. Filios matrimonio cum Orpha, & Ruth iam coniunctos, post decem annos Noemi amisit; quæ filijs, & coniuge orbata, vtramque nurum dimissura, in Bethleem cogitabat. Quarum altera abiit; altera inuita socru, nunquam se discessuram obstinato animo affirmauit. Bethleem reuertuntur; laudatur Noemi. In humilitate autem constituta, non pulcram, sed amantissimam plenam esse appellandam dicebat. Mox paratum campum,

campum, spicis refertū (hæc diuina illa prouidentia est) & Booz in pauperes respicientem inuenere. Efficax nimirum est, mendicitatis patientia. dū enim colligendis cadentibus modò spicis animum Ruth intendit, messoribus, spicis, agro dominatur. At verò hordeum colligit. Itā quidem. Hanc messem quis potiorē, & asperiorē neget? Inter Legem, atque Euangelium hæc intercedunt; quāobrem & panem in aceto inringit, cū postea in vinariam cellam esset introducenda. Sed vtrumque ita manipulo colligauit, vt vnum reddiderit; & tandiū messuit, donec hordea, & triticum in horreis conderentur. Magna hæc in hisce mulieribus admiror. Illud autem nimis reconditum quis reticeat? Suscitatur in Noemi, vendito agro, in hereditate propinqui nomen, ceditur propinquitatis iuri. eiusq. rei testimonium calceamenti solutione confirmatur. Soluit quoque calceamentum Moyses, hereditatem CHRISTO relicturus. Nec immeritò à pedibus orditur, qui caput anguli esset faciendum. Er nudis pedibus Apostolica Fides, quæ in mare turbationum, vocationis fagenam quotidie erat immittenda. Rudisq. pedibus fidelis, qui spinarum, & tribulorum puncturas non perhorresceret, quas amoris ignis aduxerat. Dumq; alter calceamentum exuit, induit alter; quippe nihil Moyse cum CHRISTO, nihil cum Ecclesia Sinagogæ, quæ proximo suo cedere coacta est, licet mulieris Ruth filius quem ex Booz genuit, Noemi filius dicatur, cū ex Hebræis Saluator ortus, cum Gentilibus voluerit commorari.

Pinti.

Arepolis lux, fida socrus spesq; alta Noëmi;

Dira abijt, spicas collige læta, fames.

Affinis tuus est, dominus, Ruth, ruris opimi,

Cui metitur vasto blandula arista solo.

Perfice iussa socru monitus quicunque ferentur,

Et tibi messis berum mox fore crede virum.

Hæc hominum fors est: post fletum gaudia surgunt.

SPERET in aduerso qui tulit agra d. e.

D

Abigail.

Abigail.

13



Armeli cautibus asperior Nabal, tātum malitia & improbitate increbuit, vt meritò in omniū inuidiā fuerit adductus. Animaduerte nomen. Stultus est. Quid stultius? Dauid, qui mortuo Samuele in desertum Pharan se receperat, ab eo pecora tōdente, per pueros, vt summā ipsi pacem, summāq. tranquillitatem concederet, nulla iniqua proposita conditione, afflictionis subsidio, quæ posset, quæ iuberet, est deprecatus. Sed magis perfido, quā inurbano animo rusticus, contumeliosè & insolenter denegauit. Num diuitiarum locuples, & humanitatis inops egestatem propulsare cū queat, & abnuir, viuet? Ad eius domum excidium, ira percitus Dauid contendit. Quid statueret, nisi speciosa, & prudentissima vxor Abigail, calamitati occurrendum deliberasset? Itā diuina prouidentia factum est, vt sapientes vxores quā sapissimè, virorum insanias corrigant. Panibus, vino, arietibus, passis vuis, & caricis, inconsultò Nabal asinum onerar. Ad Dauid properat; quem verba minarum plena cū iactantem audisset, efficaciori qua potuit eloquentia ex tempore composita oratione, tam benè dixit, vt nihil cultius quisque Oratorum summus, nec vberiori facundia prouulset. Quos humilitatis locos, quas Dauidicæ virtutis laudes, quæ profudit enthimemata? Ad eius pedes procidit, dominum vocat, se ancillam dedit, coniugis iniquitatem ad seipsam reuocat, eiusdem stultitiam confitetur, donorum oblationi benedicit, inuitum Ducem effert, sanguinis detestatur effusionem. Quid? allicit, hortatur, persuadet. Vis oratoris perluasionis argumentum? *Benedictum eloquium tuum; & benedicta tu, quæ prohibuisti me hodie ne irem ad sanguinem.* Nec Hortensia vnquam tantum valuit, nec Cornificia magis dicendo vicit. Sic blandi sermonis fluuio, si mores hominum spectes; furoris flamma extinguatur. Sic sanctæ orationis eloquio, diuina ad vindictam ira placatur.

Pinti.

Pinti.

Carmeli Abigail deferere verticem,

Dùm tondent pueri lanigerum pecus,

Si te forte ciet salus.

I, discriminibus ne doleas tuis,

I, ne mæsta viri funera deſteas,

I, ne firma ruat domus.

Deſertas Pharaan te ſen ad arbores,

Turmas inuenies obuia, bella qua

Ingratis animis mouent.

Dauid nonne acies magnanimi Ducis

Dauid non ne minis horrificas tubas,

Dauid non clypeos times?

Nullus, commonuit conſcius illius

Ira; ex tot pueris, quos alis indies,

Infani Abigail viri?

Perge hinc non vacua dextera, & alloqui

Ne te illum pudeat, muneribus latet,

Verbis atque tuis quies.

Rudentumq. humeris cacuba, caricas

Impones, Cererem, ſercula carniū;

Nabal quò fugiant mala.

Et quantum validis munera viribus

Poffint, perſpicias; quantum humili prece

Fuſa, pectore praderis.

Dauidi eloquium pluriſ eris tuum;

Quàm culta hac ſpecies, quàm tuus bicorpor,

Quàm ſi ipſi omnia deferas.

Compones animos ut mare feruidum,

Exincta ad ſolium iunget Hymen duo.

Nabal coniugij face,

Ut tu, quæ es ſapiens, lumine ſub Iouis

Eſt quid ſordidius, quàm bona ſi neget;

O digna imperij tholo?

Elther.

Esther.

14



B. Indis, ad Aethyopes Assueri Regis Imperium, centum viginti septem prouincijs circumscriptū; eiusdem magnitudinem, atque potentiam, centum & octoginta dierum cōuiuio Peisis, Medisq. amplissimo luxu parato, omnium oculis summa cum admiratione obiectam; opacorum nemorum oblectamenta, in quibus hyacinthini coloris tentoria, byssini fustibus, eburneis circulis, marmoreis columnis sustentata, tūm Smaragdino & Pario stratum lapide pauimentum, in quo lectuli ex auro, argentoq. dispositi; picturarum varietatem; pocula rorantia quibus tota bibendo superabatur Asia; Vasthi demum Reginae comessationes, & venustatem, adeo vilia Sulanita Esther Mardochei nepos effecit, vt ipsam Assuerus amaret, honoraret, praeterea nihil. Sceptri maiestas, Esther facta est, cuius nutui omnia cederent. Omnem amplitudinem, sola venustatis forma exhauisit; nec opus habebat oleo, aut myrtinis vnguentis, quae vultus nitore praefulgebat; nec aromata, aut fuci ad mulierem accedebant, cui sola admirabilis species ad omnem cultum superesse videretur. Quid tum? Valuit ad Iudaeorum salutem simplici ornamento pulcritudo conspicua. Valuit ad potentiorum superbiam deprimendam. De Amano loquor. Nolint Regum gratia, & fauore prouecti, tantum sibi sumere, vt gentis, patriae, stirpis, inopiae obliui, genua sibi flectenda procurent, nec in solio, fortunatis Solibus, iubeant sibi ministrari. Nec Reges, si quis eorum gratiam fuerit aucupatus, ad aliorum inuidiam prouocent; in ipsis enim met vespas denique concitant. Nec ab ipsis Regibus aulicis faciles aures praebentur, à quibus diuenduntur. Excæcat tunc Esther dominantis oculos, cum occultis negociorum artibus volens lubensq. illuditur. Ecquid sacco indueris Mardochee? Quid fles? Neptem tanti nominis, tantæ apud Assuerum dignitatis habes, & times? Iudæos necandos ploras? Murus ipsa, & clypeus gentis tuæ calamitatibus efficitur;

Omnium

Omnia ipsa subire periculum decreuit. Ad Regem ingreditur vel si esset pereundum, quippe legis præcepto aduersabatur. Fidentem cur admirabor? Trium dierum, & trium noctium ieiunio fortissima euasit. In furore ebrium, sancta ieiunij armatur audacia. Quas malorum cohortes, quos peccatorum impetus ieiunium non perfringit? Omnia habet; cuncta impetrat; & placet, & placat, & in honore vel in cælo habetur. Idcirco in domus atrio nunc Esther ieiuna conspicitur, vt in penetralibus ab summo Rege in solio sedente excipiat. Et vbi quis vino incauerit, de excidio, de calamitate cogitet necesse est.

Pinti.

*Mille qua ex pulcris places Assuero
Vultibus, sceptrum merces vnde Vasthi,
Qua patri fratrem precibus superbo
Vindicas hoste;*

*Qua trahes mortem patruo minantes
Sustulit, Regis metuenda cultu
Es malum in se, turpe alijs quid optat,
Struxit Amagus;*

*Neptis hinc gaudet prece Mardocheus,
Suscipis sedem bene primus Aula,
Vnde Amadatibi cecidit vetusto
Sanguine cretus.*

*Qua potens verbo incolumem paternum
Reddidit Iuda populum, rogatu,
Hic ne ab hostili maculatus ense
Iret in Orcum;*

*Ire in his nostris poteris Camænis?
Maior hic ne ibis mea, quam CAPACI
Lauo? silet fidus, rutilo loquente
Lumine Phabi.*

Anna

Anna vxor Elcanæ.

15



Ntiquarum omnium mulierum æmulā Annam Elcanæ vxorem conspicio; quæ in Christianæ patientiæ simulacro constituta, non modo Phœnennam quoque sibi dari sociam in coniugio, sed etiam sacrificiorum vnâ tribui partem passa est, cum plures Phœnennæ filijs, immolationis læritia gestieptibus animis distribuerentur. Recrudescere doloris vulnera sentiebat, cum Helim, Ophnim, & Phœneem Sacerdotes pro Phœnenna libantes reminisceretur, cum de cibi potulq. abstinentia percunctaretur Elcanæ, & cum sterilitatem (quem moerorem in præcordijs conceptum contrinebat) ad templum ascendenti socia exprobraret. Quæ verò animi fortitudine eam sustinebat? Quibus consolabilibus lacrimis animi amaritudinem recreabat? Obduruerat iam, & percalluerat in ardua & difficili mulieribus calamitate, quæ huiusmodi benedictione superantur, voluntaria & prolixa perpressio; & ad eam luctam benefica natura mulier accersita, non agrestibus atque horridis viribus, sed nitore ac palæstra luctata est. Non indignabunda, lugebat; & virum amantem sexcentorum liberorum loco habere sat habuit. Nec cum Phœnenna tantum, virilem se præbuit athletam; Prophetas etiam habuit prouocatores. Dùm enim vota, præcesq. Deo fundebat, cordis arcana labij motu pronuncians, ebria ab Heli habita est, & temulenta. Honori id tibi Anna tribuas, non contumeliæ. Biberas enim in Silo; & Messias desiderio teneri iam cœperas, eius expectatione animam fundens; Quàm bona ebrietas ex vineis Engadi? Abstine vino quo illuditur Noë. Obseruet accuratius Heli. Tu enim ad vinum alacritatis deserta, quæ recondita corde promissis, labia balbutire permittis. Quid maius in te desideramus? Elcanæ Deus zelotes est, qui in Phœnenna procreabat, & iustitiæ operationibus orbem terræ, & aquam iugi perennitate obruens, & Leonum ferocia occidens, & maria, insulasq. igne comburens, gentibus innotescebat: Tu verò, Misericordia

ricordia ipsa es, quæ à Iustus viro delecta, sed conclusa sterilitate non dùm pepereras; cùm tandem, *Recordatus misericordiae suae*, in omnium Prophetarum oculis te lugentem est consolatus, & Samuelem, hoc est Gratiam, pace, & rerum tranquillitate parra, humano generis præsidio, edidisti. Quamobrem dùm in pace ab Heli dimitteris, gratiam in Dei oculis deprecaris. Atqui abis, comedis, surgis. Abis in eius viam, qui Via est; comedis Angelorum panem; non comederis à zelo; & surgis mane in Ramath, cùm vesperi sederis in flumine Babylonis. In vberibus felicissima cognosceris, quæ non nisi ablactatū infantem ad Deum ducis; quis enim absque lacte quod Misericordiae mater præbet, ad Deum accedere audebit? Tunc eius vbera meliora vino, cuius in te nota ebrietatis inerat; tunc puritatis lacte enutriti cum coelestium laudum vitulis, contritionis farina, lætitia vino, ad domum Domini ascendentes, te admirabimur, quæ corde exultas, os dilatas, in saluari tuo lætaris; Dei prædicas sapientiam & fortitudinem; qui arcum fortium confringit, famelicos saturat, stertiles fœcundat, mortis & vitæ auctor est; pauperes ditat; humiles subleuat, solum gloriæ tenet, terræ cardines referat, sanctos seruat, impios opprimit, fines terræ iudicat, Regi. q. suo CHRISTO imperium dabit. Hæc Anna prædicit; quis ea sapientior?

Pinti.

*Hinc Charites multa miserantes nomine in Anna,
Hinc Dei in Elcana zelus amoris inest.
Quem Deus apposuit, Samuelis vox sonat, Heli
Obtulit, hocce nectat, qui pia dona Deo.
Quattuor in templum hi veniunt, nos inde rogemus,
Ad nostros properent nomine, req. lares.
GENTE domus, felix auro, felixq. salubri
Corpore: at illa magis, cui Deus astat ope.*



E

Susanna?

Sufanna.

16



Enis aurarum spiritus dùm inter frondes grato murmure susurrat, fragratq. floribus currenti lymphæ cespes irriguus, plagas infusus tendit auceps, simplicesq. decipit aues, quas visco adhærescere cogit. Hem; sub arbore, infelici aucupio deceptæ sunt aues Paradisæ, quibus ima mortis nō tangere licuisset, si callidi veteratoris sibilo nō paruissent. Immortalitatis pennis, quarum effugia ab omni corruptione habuerant primi parentes, visco mortis circumuolutis, & mori, & pati, & sudoribus victum sibi quærere coacti, omnem in posteros miseriam transfuderunt. Hinc peccatorum turpæ, durissimæ seruitutis onera, atque variarum cupidinum fomenta; factusq. Paradisus est Babylon, in qua Seniores, qui leges condere, iudicia populis proferre consueuerant, & quorum ad exemplum ceterorum mores componi oportebat (rectè enim ciues facere, Administratores faciendo docent) impudica, & libidinosa lue affecti, in Sufannam, Ioacimi uxorem, Helciæ filiam impudenter sæuire non dubitarunt. At speciosissimæ pulcritudinis lenocinio allekti fuere; & aridioris esca facilius ignis accenditur. Falleris. Tetra libido effoeto iam corpore arefcat, & petulans arceatur voluptas, cum pudicitie vallo tabefacta ferè membra deceat muniri. Qui enim fieri poterit, vt impudica mente, itineris metam intueamur? vt sordido coeno lutulenti alterius vitæ, ad quam accedimus, puritatem contemplemur? At in pomario erāt. Periculosius ibi commoramur; oblectant lusciniarum cantus, florum odore detinemur; ripæ, thoriq. passim varijs placent virgultis conuestiri; in herbescente solo, aut sub foliorum tegmine ornatis arbutis somno consopimur. Vitreis fontium aquis, quid delectabilius? pomorum fragrantia & varietate quid lætius? Seminarium illud est lasciuie; tūn si mulieres adfuerint. Delitescit serpens. Illicò ex latibulis se emergit, & ore trilingui persuadet. Adeit in pomario Sufanna, in la-

in lauatione, in vnguentis, nuda. Lubrica idcirco nimium aspici.
Corruit in Bethsabeæ lauantis libidinem Deo charus David.
Intrat mors per fenestras. Optimè. Sed mala mens, malus animus
in senibus quid concupiscit? Cur ab indigno facinore non cessant?
pudicitiam sanctæ mulieris violandam decernunt? adulterij nota
falsò inurunt? Ingemuit honestissima mulier, opemque petit è
cælo, & dum lautius lacrimis, quàm balneo lauitur, emori mallet,
quàm foedari. En, præstò est auxiliator Deus. Quod clàm effectum
fuerat, palàm à Daniele damnatur, & iniqui sceleris testes, fontes,
veritatis testimonio, necis supplicio traduntur, cui sanctam matronam
destinarant. Facta est inuicta hæc mulier, falsi criminis clypeus,
pudoris tutela, libidinosæ senectutis accusatrix, falforum testium iudex,
innocentiæ vindex, innoxij sanguinis salus, Deoque continentia,
lacrimis, oratione tam chara, vt omnium votis, ac vocibus ad falsitatem detegendam,
ad castitatem seruandam debeat inuocari.

Pinti.

*Vos ne pennati genitrix puelli
Cæpit obscænis laqueis & amæno
Helcia tantum speciosa nata in
Ambulat horto &
Estis an Iuda niuei Senatus,
Estis an vestrae immemores senectæ,
Illud è vobis cecidit senilis
Lumen honoris &
En pedes auertite ab hoc scelesto
Igne, nam sancta vt mulier iugalis
Ioacim coniux, metuit nitorem
Ladere lecti.
Tam procul vestris pudor omnis erras
Mentibus & vos hanc prohibete pestem
Celites, quorum metus, & recessis
Iudicii alti.*

E 2

Abditi

*Abditis scenis iuuat ecquid esse ?
 Vas uel abdatis tenebras in antri,
 Attamen Regis superi penetrant
 Lumina Olympi.*

*Kultis an solam, miseri, adamatam ?
 SOLVS is non est, comes est ubique
 Cui Deus: binis feret ille seruis.
 Robora Martis.*

*Ite, ne vestra capiat aure:
 Tendite his clatrum foribus puella,
 Lecytos pingues oleo, lauacro
 Smegmata ferte.*

*Ite, ne castis lacrymis queratur,
 Ite, ne dicat, male pressa vestro,
 Impetu, infelix quid agam? dolores
 Undique vexant.*

*Ite, ne prestat, fateatur, absque
 Crimine, in dextris hominum venire,
 Quam scelus coram Patre perpetrare,
 Qui regit orbem.*

*Linguite amentes aliena: adulter
 Si foret vestris male puniendus.
 Iussibus: saltem cinis, heu, sepulcri
 Terreat atri.*

*PRÆTERIT somnus, velut umbra nubis,
 Lampade Eoi veniente Phœbi.
 Ridet, & tantum placet hæc libido &
 Fæda voluptas?*

*Ite, ne fletat precibus Tonantem;
 Ite, ne culpa iuueni notentur.
 Quam necis dignam statuistis, insona
 Inde patebit.*

*Daniel tantum scelus an silendum?
 Cognito vero, Daniel, monebis,
 His ut effranis popularis omnis
 Abstinet ira.*

*Viuat æternis numeris Susanna ,
 Qua senum vires repulis petulcas ,
 Qua viri leges pia certiori
 Fœdere sanxit .
 Hanc beant cæli specimen pudica
 Coniugis . vos aſt Erebi cauernis .
 Iudices , clauſi , impietatis æſti
 Flamma ab Amoris .*

Sara, Raguelis filia .



Vi vreris, & matrimonij iura ad benè viuendum, tibi expetenda proponis, ad Raphaelem confugito, qui Saræ Raguelis filiz Tobiam copulandum huiusmodi erudiuit, vt sacri cõiugij vera lege seruata, à dæmonis interfectoris metu, semper fuerit alienus. Septem Saræ viros dæmonium occiderat, quorum obitum tam patienter pertulit, vt tandem meruerit consolari. Malè viri obierant, quod libidinosa voluptate salaces, atque intemperantes, luxuriosius coniugij societatem violant. Non est coniux illicienda in stuprum; nec filiorum procreatio impudica licentia in scortationem commutanda. Absit ab honesta sancti Iuris Aula luxuria, nec inter Fidei honores vnquam locus detur corruptelæ. Dùm more pecudum coniuges coeunt, thorumq. nulla Diuinæ Legi adhibita reuerentia, sordidum sibi lupanar effingunt, recedant à Sacramento necesse est, & in stabulo, non in contubernio vivant. Angelico id testimonio confirmatur. Sara experta est. Sed eam non peccasse idcirco arbitror, quod Tobiz præcepta dantur, ne à viro muliebris castitas corrumpatur, quam simplicem, quæ ad matrimonium spectant, sanctè docuit venerari, sic enim dæmonium religatum in superioris Aegypti desertum eijcitur, & à puro intellectu surgente Deus non ignoratur. Ieiunant, orant, tribus diebus continenter degunt. Cum adiutorio Heuz simili Tobias, misericordiam & senectutem:

neclutem Sara precatur. Quid mortem times? Quid sepulcrum
paras? Iam persequens hostis profligatus est, iam sanitas reddita.
Eia, age, sacrificium laudis offeras, reple fossam, conuiuium
para; nihil enim est sanctius quam Saræ nuptiæ, quibus vnicus
parentibus Tobias seruatur, quibus temporis diuturnitas, libe-
rorum procreatio, vxoria fides, coniugalis tranquillitas promit-
titur. Sumant ex Sara, & Tobia coniuges exemplum, castiq;
delectentur Hymenæis, vt diutius feliciter viuant.

Pinti.

*O nulla arbitrij gnara reconditi,
Ancilla in dominam iurgia das tuam?
Audi, cum lacrymis preces
Quas pia Sara offert Deo.
Non est hac, miseros, qua inserimis viros:
Hæc non connubij vult obitum sui,
Vana haud mota libidine,
Queritat optatum genus.
Cur conuitia non sordida projici?
AVSVS materie turpe lacerare,
Dignum supplicij fuit,
Seruitium facies beram.
Septem orbata viri Sara dolens iacet:
Octauo dabitur lata propagine,
Magni filia Raguel.
Improba cernes nuptias.
Es qui pernociis spiritus impius,
Ibis terrificè pulsus, & haud necis
Iactabis mala: coniugi
Tobiades viuet diu.
Aspectu accipiet, munere Raphael,
Immensa genitor lumina lampadis
LVCEM post tenebras feret,
Omnipotens iustis viris.*

Profi-

*Profluxisse solet, quos peramat pater,
Pressos alius his euehit, & pati
Non longum patitur, vice hac
Se gerit in natos suos.*

Abelæ ciuitatis mulier.



VSquam in sanctiori Ariopago quisquam uti-
liorem sententiam tulit, quàm sapiens illa
mulier in Abela vrbe, à Ioab & Abisai fra-
tribus Daudis Regis iussu oblecta, vt Sibam
Iemineum interficerent. Is, odium quo Re-
gem prosequabatur, non modo maledictis,
quibus detractoris typum gerit, sed buccinæ etiam clangore in-
solenter voluit publicari. Quin, tantum proteruitate valuit, vt
suas Israellem partes sequi, deserto Dauide persuaserit. Siccine
factiosus homo cum Rege contendit? Quandiu viuet, & penas
luet? Iam ciuitas oppugnatur, adhibentur machinæ, muros di-
ruere & propugnacula deturbare Ioab molitur. Quò Siba eua-
des? Omnis in te conuertitur iracundia, & cum tu vnus ciuitatem
perdas, te vnum perdere mulieris huiusce sapientia deliberauit.
Auertitur ab ea Ioab, & veteri prouerbio, *Qui interrogant, in-
terrogant in Abela*; ex labore gloriam consequuturum affirmat.
Addiditq. ne hereditatem Domini præcipitans, matrem in Israel
euerteret. Cum verò respondisset Ioab, se nunquam ciuitatem
demoliturum, si vnum Sibam tradidissent, inuito consilio pruden-
tissima mulier, conuocato populo, tam disertè loquuta est, vt
Sibæ abscissum caput, per murum ad Ioab projiciendum statue-
rint, quamobrem obsidionis periculo ciuitatem liberauit.
Ecquid ipsa eloquentia maius persuadere potuisset? Quod ma-
gis fidele, magisq. salutare consilium ab optimo Senatorum ani-
mo, in publico confesso seruandæ Reip. studio esset profectum?

Pinti.

*Quot sunt, quove fuere seminarum
 Splendor, quæ patriæ timent, in arma
 Casura, Isaida Duci potentia
 Visa es, consilio magis valere:
 Tu circumpositas manus Abela
 Muros prospiciens, sonos tubarum
 Exaudis; patria paues ruina,
 Ductorem aggredere hostium, disertis
 Et sermonibus, & venusta vulsu.
 Fidentes monitus tuos capeffit,
 Turbas precipites Ioab retardat.
 Quid tu cum populis agis? Bochri ne
 Cretus sanguine contumax valebit?
 Non ceruice tibi caput reuulsum,
 Fortis Saruiade, datur? futurus
 Palma ut sis memor, una plurimarum
 Audax quam peperit, pij virago
 Cordis; quove abeant loci mali hostes
 Pessum, qui famulos Dei insecutos,
 Lesbo condere moluntur atro:
 Usque ex feminea venire dextra,
 Multis posse viris diem salutis,
 Noscas: dulce recordor illud: ipsi
 O serpens mulier caput recides.*

Chananea.



Ve Tyrum, atque Sidonem regiones beatas
 appellem? An quod altera in Phœnicia, al-
 tera in Palæstina prouincijs positæ, prophæ-
 nis, sacrisq. historijs celebratissimis, odore, &
 vineis fragrantibus, in nobilissimo illo totius
 Asiæ littore Orientalium oculis conspicuæ se-
 dent? An quod in Assyriorum maria excurrentes, præclaræ por-
 tubus,

rubus, nauigantibus mercium & diuitiarum emporium fuisse?
 Tu verò Sidonem Venere Astarte extolles, in Deorum templis
 munera tholis suspensa, & tabulam Europæ commentitijs nugis
 continentē. Nihil minus. Quòd eas cum Sol iustitiæ CHRISTVS
 perlustratur, Fidei lumine Gentes nitent; quòd eò terrarum di-
 uinus Archiatus accedens, veram ad salutem comparandam
 medicinam adhibet, idcirco laudo. Quid si ob Gentium ante-
 signanam Chananzam laudandæ fuerint? Quid antesignanam?
 habuimus in ea re Centurionem. At vide, quàm bellè cum eo
 contendat, quòd *tanta*, cum Centurionis Fides dicta fuerit,
magna Chananzæ Fides est appellata. Neque cessit illa tempo-
 ris momento, quæ filiam illico salutem adeptam amplexa est,
 cum *in illa hora* Centurio etiam puerum sanitati viderit restitu-
 tum. Et quæ non vterque consequitur oratione? Sed gran-
 dior dicendo Chananza. Rogat enim ille; hæc misericordiam
 quoque deprecatur. Domini encomio IESVM ille decorat; hæc
 Daudicæ Regiæ stirpis adijcit amplitudinem. Grauiori atque
 magis periculoso morbi genere Chananza filiam à Dæmonio
 vexatam, quàm paralyti affectum Centurio puerum antè oculos
 ponit. Illud quidem ne te, illustris mulier, offendant. De Verbo
 Centurio loquitur, Verbo puerum esse sanandum confidit. Tibi
 verò non respondit Verbum. Optimè factum censeo. Dùm enim
 Dæmonium nominas mendacij patrem; Verbum, ipsa Veritas,
 tacet. Sed ne desperes. Verbum quod in abscondito venit, taci-
 to stratagemmate Dæmonium est victurum. Sic vincit. Pelliceas
 vestes, quas primus Adam induit, eiectus è Paradiso; Spiritus
 Sancti opera in Virginitatis Paradisum introductus secundus
 Adam induit, & Pastor effectus, ad oues quæ perierunt domus
 Israel mittitur, dùmque. Arca foederis sub pellibus est, panis filio-
 rum seruatur ad saturitatem. Tu, ouis quæ perieras, Chananza,
 pastorem agnoscis, atque veneraris. Tu, Canis antè antiquæ
 Legis latratu, filiorum adoptionem es consequuta. Neque Ca-
 nis nomen abhorreas, quæ Pastoris ouile summa vigilantia es
 custoditura. Quin Catelli nomine delecteris, cum profunda cor-
 dis humilitate gratiarum micæ gustaueris, in lautissima cœlesti

mensa pingue conuiuium pransura. Tunc, quæ Verbum nunc
in ænigmate reticet, immortalī voce propalabit, *O mulier, ma-*
gna est Fides tua; fiat tibi sicut vis; iam enim ouis, filia, catella
tuo sempiterno frueris.

Pinti.

*Sidonios, mulier, desine limites,
Pastor non procul est à gregibus. Canis
Nomen no fugias. Pastor enim canes
Ducit post pecudes: tu, ut reor, es canis
Latrans Tartareo progenita Lupo.
Quid si est fida canum cura fidelium:
Quam vera Dominus laude tuam fidem,
(Latrasti eximie) sidera ad extulit.
O si hanc quisque animo det vigilem canem,
Certe saua foret nulla nocens fera.*

Samaritana.

20



ET cur Samariam fortunatissimam dicam? Quod
insignis ille Abraham è patria Haran, & è pa-
tris domo egressus, in eam terram, diuini oracu-
li monitu, se contulit cum omnibus suis, vel
cum Lot etiam accepta propagationis benedi-
ctione, ibi fuit commoratus? An quod Syriz
Regis Benadab, quo cum triginta duo Reges conuenerant, eius
prouinciæ campi, militū atque equorum sanguine redundarunt?
In Syriam suos imperum facientes, victores exulit? An quod in
summa annonæ caritate qua opprimebatur, Elisei varicinio, si-
milæ, hordeiq. modij, in eius porta statere vno facti fuere? Le-
prosi, hostium castra diripienda nunciarunt? Vestibus, vasis stra-
ta viarum plena vidit? Digna profecto hæc omnia sunt, quibus
eius felicitatem, meminisse, & commemorare possimus. Nihil
verò ad eam accedit, qua Samaritanæ mulieris, & CHRISTI
congressu

congressu ornatissima redditur. Expleturus Saluator sitim qua ad animarum salutem ardebat, in Samariam, ad fontem Iacob aduenit, qui Coelestis fontis perennitatem sitiens (indè enim promissæ populorum gratiæ erant emanaturæ) vt sederet inuitauit. Cùm ecce tibi, vt aquam hauriret hæc de Samaria profecta, vberimum nata est sapientiæ, & diuitiarum fontem, quem sitire admirata est, cùm ex Iudææ terræ venis gratiarum scaturientes fluuij, Samaritanorum ariditatem essent irrigaturi. At sitire iam ipsa cœpit, *Dei donum*, aquam esse viuam animaduertens. Cur se contineat? Turbidas peccatorum aquas non haurire Christum, & eius mysteriorum profunditatem non posse penetrari confiteretur. Quid enim Fonti, & Puteo? Aquas in superficie fons habet, & Legis præcepta litteræ studio Iacob perscrutabatur; sed profundè Putei seruantur aquæ, quas nisi secretior spiritus hauserit, viuas bibere quisquam haud poterit. Fons, ad sitim reuocat; Puteus cum æternitate sitim depellit. Quæ ex fonte emanant aquæ, in terram decidunt; quæ ex Puteo erumpunt, contrà aquarum naturam, igneo ferè spiritu in cœlum ascendunt, spiritus siquidem Deus est, & in spiritu debet adorari. Iamq. ardet, & sitit auidius. Aquam viuam exposcit; se mortuam, mortuorum hircorum sanguine cognoscit; celerem vitæ satietatem petit. *Da mihi hanc aquam*; te Saluatorem agnosco; te sitio; te bonorum omnium fontem exquiro; sed fontem, & Puteum. Fontem, qui cum in humanitate apparueris, aquam veluti fons Iacob pecoribus præbeas, ne crucifixorum voluntati esses impedimento; Puteum verò cùm diuinitatis arcana non aperiens, te Deum absconditum ostendas. Fontem, morte humilem; Puteum resurrectione altum. Fontem, in quo te viatorem constituis; Puteum, in quo comprehensor in vitam æternam salis. Cùmq. potasset, satietate bibendi expleta, ebria quasi amore, ea loquitur, quæ adhuc ignorat. Dominum potentia, Prophetam sapientia, Messiam Euangelio veneratur. Et benè virum se habere negat, nesciens se fideli sensui esse emancipatam, quæ priùs corporeis tantum sensibus nupta fuerat. Ad Latriam se conuertit, Caluarij locum prædicat, hydriam relinquit, Samaritanos eucat, qui

mortuorum, vitæ, & salutis ergò ingreditur, quibus clauo in cruce suffixis, firmamentū ac robur totius redemptionis explicauit. Aruerat infelicitas mulieris cor, libidinum æstu. Descendente pluvia in Vellus, soluitur in lacrimas; & dum in hoc ligno quod plantatum fuerat secus decursus aquarum, cum à Deo abesset, Amoris ignis accenso, humor vanitatis extruditur. Obduruerat obstinatione; percutitur à mystico Moyse, & aquarum fluentia è petra perenniter emanant. Quid ex nostris oculis, excelsa mulier, tantillum lacrimarum non elicis? Vna si cor nostrum lacrimula irrigaretur, cum te poenitentiae speculum imitari nequiremus, saltem ad pedes accedentes, ad nostrum ipsorum cognitionem perduceremur, stantes enim essent pedes nostri in atrijs, cum tu sanctissimorum pedum vestigia sequuta, in intimam domum intraueris. In atrijs eras cum pedes vnixisti; ad sancta properasti, cum super caput recumbentis vnguentum effudisti; & ad Sancta sanctorum properans, cum Maria Iacobi, & Salome, totum Iesu corpus vngere desiderabas. Quæ illustrium matronarum meruit pedes Domini rigare, tergere, osculari, vngere? rigare spiritu, contribulato, tergere cordis puritate, osculari oris confessione, vngere contritione? Quid maius? Quæ nam vnquam meruit fortem Samsonem ligare? Facillima vincula capilli erant; & fortissimum detinere. Inuidia diuini Amoris potentia. Multum diligis; multum potes; multum in peccatorum remissione consequeris. Quid multum? Cuncta tenes; omnia nosti. A Christo, salutem & pacem; mox defuncti fratris Lazari quadruidani resurrectionem; Fidemq. vitam æternam parere. A Martha sorore; quicquid à Petro Apostolorum Principe Fidei firmamento gentes nouerant, Redemptorem scilicet, esse Christum Filium Dei viui, verumq. eundem Messiam. Quod ut apertius patefaceret, ex deserti petra virga misericordiae, & humanatum rerum affectu percussa, aquas erumpere permisit, cum lacrimatus est, ut tuis lacrimis gratiam referret, quas omnibus poenitentiam agentibus in peccatorum remissionem, passionis præclarissimo testimonio est elargitus.

Pinti.

Martha magna soror, reuocati fratris ab umbris,
Nunc es magnifico nomine clara tuo.
 MAGNA facit, scelерum dum quisquis deserit usum,
Pectoris & IESV, qui refraxuit aquas.

Eiusdem.

Crimina multa tibi, multi vis ardet amoris.
Crimina conculcat pes, tibi parcat amor.

Eiusdem.

Voce, & pulcra geniu, mulier, ditissima gemmâ,
Pulcra magis IESV dum capis ore pedes,
Hic suis madeant lacrumis, veniamve silendo
Posce: SATIS lacruma reddere verba queunt.

Eiusdem.

Nil mirum, Maria es, lacrima si fundere fontes
Mæsta vales, & aquas dat mare diues aquis,
Sunt unda, cordis lacrima, sunt ventus, amores,
Crimina tempestas, pes tibi portus adest.
 QVI tutum hunc potuit, felix, appellere portum?
Hunc nisi prospiciat naufraga puppis eat.

Eiusdem.

Pes liber Cererem, dabis idem obsonia victus,
 ECQVIS non tantam quarat habere dapem?

Eiusdem.

Tætan Iustitia CHRISTVS, ventosq. nubes
Crimina, quid lacrima? sunt velut imber aqua
Sugitur hac fursum (Phœbi est vis magna caloris)
Impluit hinc venia lymphe beata tua.
Hæc miser accurrat noxarum fasces grauatius,
 SVB lous quàm felix, quem lauat hac pluuia.

Fabij

Fabij Leonidæ.

*Quæ lacrima? Maria: quod circumfunus? IESV;
Hoc illum, saxa quis tumulauit? Amor.
Felicis lacrima, felicia funera, felix
Vana, quibualicuis sic decorare Deum.*

Ignatij Braccij.

*Quid coma, quidve iuuant oculi me non habet; ben ben,
Iam coma, quos tergat, quos riget unda pedes.
Arida cum lacrumis amittite lumina lucem,
Et coma de tota vertige vana cade.
Quin fessate coma, atque immota sistite luces,
Maximus attonitam nam facis esse dolor.*

Herodias.



Ristobuli filiam Herodiadem, magni Herodis neptem, Herodis Agrippæ sororem, Philippi uxorem, adulteram sibi Herodes Antipa Tetrarcha, primiꝑe Herodis filius adsciuit, & è fratris lecto, eiusdemq. sinu raptam, Romam profectus, incestuosæ libidinis exemplar in perfida ipsius fide ostētauit. Fraternalis ipse violat honestatis iura; Coniugis illa thorum, decore neglecto, sternit turpitudine. Hinc iustum, debitumq. odium Philippi, Agrippæ, & Arethæ Regis, cuius primo loco filia ei nuptum tradita fuerat. Hinc Ioannis sanctissimi viri increpatio, qui obscœna eorum contubernia perferre nequibat. Sed vox clāmantis in deserto. Quid enim de honoris dignitate cum eo ageret, qui omnem pudorem deseruerat? Qui à ciuili cultu abhorrrens, immanis fera inter impudicitiz vepres ac dumeta commorabatur? In Herodiadis venustate, & lenocinijs desertus, pro nihilo gloriam putabat, omniumq. dicta, tūm Ioannis auctoritatem contemptui habebat.

Dūm

23

Dùm verò illecebræ stimulis amoris mentem concitant; omnes ciam in Ioannes cogitationes cruentant. Pungit, foditq. libidinosa mulier, & currit vesanus ad gloriosissimi viri interitum. Qui coscelere paratur; vt in mensæ conquisitis epulis, ad citharædorum cantum, Herodiadis filia, quæ communia cum matre scelera habebat, Caput Ioannis muneris loco expeteret. Natalitium Regis intempestiuum concelebratur conuiuium Lappharum & Centaurorum conuiuio luctuosius; maximis ibi ministratur poculis; fercularum instituuntur pompæ. Accumbunt; symphonia, & cymbalis domus personat. amoeni loci, & deliciarum comes saltatio exquiritur. En, mollis & soluta in gestu saltatrix in medium exili; talario ludo, motus varietate delectat; saltat, inquam, & placet. Regio munere optat cohonestari, & mater Eryninis præcatur, atque contendit. Quæ petis? Quæ poscis donæ Nefandum; In tenebricosa potius popina, Euangelij Caput postulans, in quo Apostolorum voces exaudiebantur, & Prophetarum silentia conticuere, mortem Præcursoris lugere non verat. Ianitor ipse carceris Herodes, ipseque Lictor, & Carnufex, augustissimum Caput, à sacrilego Carnifice reuulsam Herodiadi traditum, in gremio suarum voluptatum sepultum potuit contueri; nec in tanto occasu occidit? Dimidium regni pollicitus fuerat. Quantò locupletius hoc promissionis monumentum? Qui dimidium se daturum dixerat, totum præbet, cùm Ioannis Caput donat, qui antè CHRISTVM Angelus missus fuerat ad parandam viam, ad prædicandam poenitentiam in remissionem peccatorum. Et licet in dimidio suæ vitæ itinere Agnum Dei potuisset gentibus manifestare, totum tamen sic exprimitur, vt omnis vallis impleatur, omnis mons humilietur, & omnis caro videat salutare Dei. Lugdunum à Cæsare in exilium missi, miseriarum vitam refertam transgere.

Pinti.

*Quo se insana trahis Venus ? fatentem
Sic verum insequeris virum, camelum
Intexta sunicq pilis amictum ?*

Huim

*Huius ne iubeas caput reuelli,
 O Herodias effera o Leana,
 Detestabilis o libido. Regis
 Affinis ne tibi esse concubinae
 Herodis lices & hocce nunciari
 Tantum displicuit nefas & SCELESTIS
 Tam res sunt mala dicta Veritatis &
 Vel vites choreas, dapesq; festas,
 Vel ne veridicum Dei Propheten
 Tangas. Gorgonea coma Medusa,
 Ne fiant lapides tui videntes.
 Perseus contra ego, dira, te fuissem.*

Viduæ Naim, & Sareptana.



Ec rore, nec plu uia terra maduerat, cū Elias 24 25
 Thesbites contrā Orientem profectus, in tor-
 rente Carith ad Iordanem latuit coruorum so-
 lertia pastus. Viſtuq. prorsus carebat cū ad
 Sareptæ portam à vidua ligna colligente, pa-
 nem & aquam exposcit. Quid autem offeret

miſera, quæ pugillum tantum farinæ in hydria, paululumq. olei
 habebat in lecytho? Quin cū ea dona Propheta elargitus eſſet,
 atque effeciſſet, vt nec farina, nec oleum deficeret, donec pluuiæ
 Dominus super terram eſſet immiſſurus, dolentiùs aliud malum
 conqueſta eſt, quando eius aduentu filius ad interitū ægrotabat.
 Attulit illum in coenaculum, collocauit in lectulo, tribuſq. vici-
 bus menſus, viuum tradidit matri. At quidem in vellus iam ros
 deſcenderat, multiſq. gratiarum pluuijs terram viſcentem
 perenni ſœcunditate cœlum rigauerat, cum Saluator torrentis
 Cedron aquas potaturus, ex Diuinitatis Oriente ad Humanita-
 tis occaſum profectus, antequàm doloris pane à Iudæis cibaretur,
 ad Naim portam accedens, vnici filij obitu afflicte Viduæ
 ſit obuiam. Sed quàm diuerſa ſorte? Colligebat illa ligna, cū

G

. Prophe-

Prophetarum vaticinijs Crucis insigne parabatur; Hæc fere-
trum ornauerat, cum in ea Crucifixus esset resurrecturus. Illa,
ad Sareptam, inter Oraculorum angustias; Hæc ad Naim ad ve-
ritatis Euangelicæ venustatem, atque candorem. Ambo tamen
in porta; altera enim Hebræorum egressum, altera Gentium in-
gressum significabat. Carebat Sarepta pane, Verbo carens; &
carebat aqua, Baptismatis fonte non scaruriens, quorum altero
Nauem infistoris plenam; alterā vberimè è lateris fluuiio ema-
nantem Gentilitas cognouit. Felicissima idcirco Vidua, cuius
mortuo filio Vita vitam restituit; quæ mortis triumphatorem
tanto miraculo venerata est; quæ non lecythum, sed misericor-
diæ pectus oleo plenum laudat; cum CHRISTVS vt Saluator ac-
cedit, vt omnipotens tangit, vt consolator luctum depellit, vt
Dominus morti imperat, vt omnium bonorum dispensator, ado-
lescentem qui resedit matri libentissimè donat. Quid elemēto-
rum pugna in humano corpore timenda est, vbi rerum omnium
creator corpus tabefactum reuiuiscere iubebit? Quò quatuor hi
portatores ruent, dùm ad potentiam manifestandam æternus
Motor occurrit? Quis verò corporum resurrectionem molieba-
tur præter illum qui innocens accessit ad poenam, volens mor-
tem tetigit ad gloriā, obediens passionis fletu, Paradisi volup-
tatem parauit ad æternitatem; imbellis dùm viator esset imperita-
uit morti, vt tenebrarum principem confunderet; reseditq. tan-
dem, vt quam tulit ex carne, diabolo, morteque victoriam confir-
maret? Quem vides Vidua? Quo cum sermonem habes? Quis est
qui potestatis, ac misericordiæ suæ munera tam liberaliter tecum
exercet? Salutare omnium votis expetitum vtrò ad te venit.
Manus quam ex alto optauerant, te præsentē loculum tangit,
quæ amplissimos coelorum ambitus ludens in orbe terrarum fa-
bricauit. Verbum, cuius sonitu fragores atque tonitrua edeban-
tur in nubibus, cuius spiritu ad comburendum ignis è coelo mi-
cabat; cuius nutu exercituum phalanges Angeli vnus gladio
perimebantur; terra dehiscens, sæuientesq. feræ deuorabant; à
sæuitia & terroribus recedens, tenui placidaq. obloquitur aura,
animosq. formidine perterritos retreat, & quæ furore gesta fue-
runt,

runt, mite iam denique & mansuetudine præclarum Redemptionis iure rescindit. Qui mortem tot modis intulerat, ut in diabolum animaduerteret, quem non puduit Veritatem mendacij arguere, cum nequaquam morituros primos parentes dixisset, quibus mortem eorum creator minatus fuerat, nisi obtemperassent; iam ipse omnium mortem subiens, omnibus etiam vitam suæ dispendio vitam restituit.

Pinti.

*In porta via lata manet, via lata in Olympum:
 Est ibi mors iuuenum: vita ibi IESVS adest.
 Altera flet genitrix, extinctum hic altera natum:
 Naim hinc: Sarepta hinc femina clara Soli.
 En rursus viuunt: Domino hic: hic viuus Elias,
 Quos fleuit, viuos utraque mater habet;
 Utraque iucundo luget viduata marito,
 Visa Prophetarum lux & utrique fuit.
 Plorat, & hæc sperat: lacrimatam hanc spes tenet: amba
 Obuia eunt Sanctis cum pietate viris.
 FERT quid ab aduersis (vidua) fors atra procellis?
 Fidite, & hæc vidua sint ut imago dua.*

Tabitha.



DE rerum magnitudine, & de Christianorum gloria cum Sarepta, & Naim loppem contendere quis neget, in qua Apostolorum Princeps Tabitham extinctam ad vitam reuocauit? Quid Tabitha cunctas in sacra Historia mulieres æmularis? Merito. Interitum filiorum lux-

26

re matres. Mortuam te coenaculum excepit, tuique cadaueris foetore omnibus insensam agnouit. Obruenda vermibus, aspergenda tabo, foedanda cinere, sepulcri caerimonias expectabas; cum ex Lydda reuocatus Petrus, in testimonij Petra nõ epitaphium

G 2 inscripsit,

inſcripſit, ſed miraculorum CHRISTI memoriam renouauit .
 Atque ea, quæ Paulus in Damasco prædicauit, diſceptauit in
 Ieruſalem, in Cæſarea & Tharſo geſſit, dùm Sancti Spiritus con-
 ſolatione in Iudæa, & Samaria ædificabatur Eccleſia, Petrus
 Eccleſiæ caput, hoc miraculo confirmauit. Iocundus homo qui
 miſereretur & commodat. Opus illud maximum miſericordiæ te
 ad vitam excitauit. Quid prætereà expetiſ? Aperis oculos, reſe-
 diſ, erigeriſ. Ergò mortua ob eleemoſinam uiuiſ? præſens auxi-
 lium experiſ? gratiæ lumen videſ? in miſeria iacens reſediſ ad
 diuitias? amiſſis viribus deſtituta, diuinæ manus potentia robur
 acquiriſ? O felicem, quam pauperum lacrimæ & preces coho-
 neſtarunt, Apoſtolos habuiſti patronos, eorumq. Principem
 vitæ datorem. Felicem, cui manus illa opem tulit, qua ſummi
 CHRISTI Vicarij poteſtas ſignificabatur, quæ regnum cœlorum
 clauibus illuſtriſſima effecta eſt, quæ theſaurorum Eccleſiæ
 promptuaria aperiens, omnes animas implet benedictione. Nihil
 maius Petro in orbe eſt. Nihil maius, quàm vitam à Petro eras
 conſequutura .

Pinti .

*Aſtant en Vidue, te lacrumis petunt ,
 Regnata Andromeda ſet vrbs Ioppe ,
 Texitrix cunſtarum optuma .*

*Condi tabiſco neſcia puluere ,
 Tabiſba , ad ſuperas redi vocatâ
 Auras ; te Petrus vocat .*

*Leſio occumbere te non libuiſ Dei
 Aequo conſilio : reuiue : Surge
 Contingat vox hæc mihi .*

*QVI delinquit, obit : viuida ſi ſalus
 Extingitum aduenias, ſuperna ab aula :
 Infelix mors diſperis .*



CLAV-

CLAVDIO BLANDITIO
 REGIAE CAMERAE
 PRÆSIDI.



NEFAS esset sacrarum
 mulierū historiam pro-
 phanis intexere. Idcir-
 cō quæ commemoran-
 tur in Biblijs variorum
 mysteriorum recondi-
 tæ, alijs antecellere, ab alijs quoque se-
 cerni voluere. Fecimus id quidē; suaq.
 contineri maluimus aula, quàm in alia-
 rum hospitium introduci. Eas Silentio
 dicauit Harpocrates, qui tacitus præ-
 tereundo tantūm admiratur. Aliarum
 encomia tibi examinanda propono. tibi
 (inquam) qui ingenio polles, studiorum
 varietate oblectaris, & in Regijs mune-
 ribus assuetus, in Imperatricum, & Re-
 ginarum præclarè & infelicitè gestis,
 veluti in Theatro, ad vitam, & inter-
 tum alienæ gloriæ, vicissitudines, & com-
 mutationes rerum intueris. Vale.



Iulia Mammæa.

I
IMPERA-
TRICES
RELLI-
GIOSAE.



ELICISSIMO doctorem in Ecclesijs vi-
rorum sæculo, quo viuebant Beryllus
Episcopus ad Bostram Arabiæ urbem,
Gorius, cuius disputatio extabat ad-
uersus Proculum Cataphrygam, Ale-
xander Hierosolymis, Hyppolitus, at-
que Zebeus, tùm præcipuè maximus
ille Origenes, qui & Alexandriæ ad
docendum à Demetrio Episcopo inui-
tatus fuerat, & Cesareæ, & in Antiochia, in omnibus disciplinis,
& præsertim in sanctas scripturas commentarijs, quæ conscri-
benda fuit aggressus impellente Ambrosio, florentis & perspi-
caci ingenij specimen ediderat; Iulia Mammæa Alexandri Se-
ueri Imperatoris mater, tantarum rerum quæ vulgò de hoc ma-
gno viro referebantur, desiderio accensa, rara quæ ad relligio-
nem spectabant exoptans, Origenis (qui & Adamantius diceba-
tur) nomine & fama permota, quæ ad omnium Principum aures
incredibilis peruenerat, cùm quæ ex Pantæno, & Heracla hau-
sisset, quæ ex omnium Philosophorum scholis comparasset, ex
Platone, Numenio, Chronio, Apolliphane, Longino, Modera-
to, & Nicomacho didicisset, quæ ex Cheremone, & Phornuto
fuerat assequutus, cum omnium admiratione maximo eloquen-
tiæ flumine profunderet; nihil ardentius optauit, quàm Orige-
nis præsentia & sermone perfrui; litteris, fide, prudentia à tanto
viro institui. Misit ad eum milites, quorum comitatu Romam
veniret. Ut obsecrent, ut supplicent, omniq. reuerentia recipiant,
iubet;

iubet; Origenem Imperio anteponendum exponit. Venit tandem; & præsentia quàm fama clarior, omnibus ritè peractis quæ Dei gloriam decebant, quæ firmandis in fide eorum animis cognouerat, Antiochiâ redijt. Hæc tam egregia, Mammæa, æmulata est? Tantum religioni attulit adiuvienti? Cum filio igitur extollatur, qui religioni huiusmodi fuit addictus, ut rem diuinam matutinis horis, in loco ubi Lares erant, Diuorumq. Principum Imagines, non modò Apollonio, Orpheo, & huiusmodi numinibus, sed etiam CHRISTO, & Abrahamo faceret; & CHRISTO templum condidisset, nisi à sacra cõsulentibus esset prohibitus, qui Christianos indè omnes futuros prædicebant. Cur igitur in Alexandro pietatem, atque humanitatem admirabor, quæ à cædibus, & crudelitate abhorrebat, ut neminem nisi iudicio damnatum perire passus fuerit, si à matre tam pia procreatus optimi Principis simulacrum præferebat? Barbaro atque impio sit animo Princeps necesse est, cui desit clementia, quam dotem dicunt Imperatorum. An fortasse Mammæa avaritiam accusabis, cuius causa deficientibus ad Maximinum militibus, cum filio in tabernaculo occisa fuit? Auara profectò habita est, & congerendæ pecuniæ adedò cupida, ut sordida fuerit existimata; sed à militibus. Quis ignorat hoc hominum genus, velle sibi à Principibus omnem substantiam erogari? Prudentia hæc in Imperatrice erat, quæ ab alijs matribus neglecta, florentissimorum Regnorum attulit labem & calamitatem. Vario Genesisio Martiano Syro nupta fuit.

Pinti.

*Julia qua Mase genita es, genitrixq. Seueri;
Qua augusto es Vario sanguine nupta Syro,
Pulcra fide, studijsq. tua per pulcra Minerva,
Spectandisq. tuis credita pulcra genis;
Vtraque mamma tibi probatis lacte repleta est;
Vtraque pro eximij mamma remuncta viri.*

Matilda.

Matilda, vel Matildis.



Abuit in ea religiosi animi constantia & firmitate cōsortem Agnes Matildem Malaspinam Henrici neptem, Gottifredi primum, deinde Accij, vel Azonis Estensis uxorem, quæ multos annos in potentissimo Galliarū Cisalpinarū, & Etruriarū dominatu fuit. Hæc, plus quàm virilis pars etiam postularer, constanti obedientia, pro Romanorum Pontificum voluntate, pro Christianarū religionis tutela, oneris & muneris suscipiens, cū animaduerneret Gregorium VII. qui cognatione & affinitate Gottifredo devinctus fuerat, velle ab Accio eam separari, maluit liberorum memoriam obliterare, & coniugij societatem dirimere, quàm non obsequi Pontificis desiderio; tantosq. vera pietate animos sumpsit, ut nec Cisalpinis omnibus Cadolo Antipapæ obtemperantibus, à vero Pontifice defecerit; & comparato exercitu ad Pontificiam dignitatem tuendam, cōtrà Robertum Guiscardum Apuliæ & Calabriæ Ducem acies protulerit, atque ea, quæ ad Romanā Ecclesiam spectabant, restituere coegerit. Nec ab ipso Henrico armis abstinuit, ut Saxonum iniurias, qui Clementem in Pontificatum erant collocaturi, à Gregorio propulsaret; qui tandem, ea deprecatrice, Henricum ad Canoscā agri Regiensis oppidum, Regali ornamento deposito, nudis pedibus veniam petentem, adiuvante Sabaudienſi Comite Adelaο, & Cluniacensi Abbate, excommunicatione damnatum absolvit, & Ecclesiæ reconciliauit, pace iureiurando cōfirmata, & obedientia promissa. Nec transitus per Italiam libere patebat, cū Gebhardus Constantiensis Episcopus occultiores Alpium semitas ingressus, Matildis opera ad Pontificē ductus est. Hæccine præclara & egregia facinorā pro Dei Ecclesia, à Matilde gesta, inter optimos, & religiosissimos Principes, qui res Ecclesiasticas, auctoritate, & munificentia auxerunt, nō eam summo cum posteritatis honore colloca-

collocarunt? Est ne illa Carolo Magno inferior? Quidve Magno Constantino cederet, quæ humilitate obtemperat, robore defendit, liberalitate donat? Quæ suæ ditionis Romanam Ecclesiam tanta amplitudine heredem instituit, hæc verbis; *Ego Matilda Dei gratia Comitissa, pro remedio anime meæ, & parentum meorum, dedi, & obtuli Ecclesiæ S. Petri, per interuentum Domini Gregorij Papæ Septimi, omnia bona meæ iure proprietario, tam ea quæ tunc habueram, quàm ea quæ in antea acquisitura eram, siue iure successionis, siue aliquo quocunque iure ad me pertinentia, omnia Romana Ecclesiæ dedi, & tradidi; ut adhuc ea hereditas, B. Petri patrimonium dicatur, eiusq. gloriæ nomē in perpetuum ad Matildis nominis gloriam sit duraturum?* Quæ ciuilem gubernandis populis administrationem, rerum bellicarum artes, & pietatis monumēta huiuscemodi coniunxit, ut à Dante Aligherio, veluti Actiue vitæ simulacrum in suo poetico Paradiso terrestri, fuerit collocata? Habeat suos Mantua honores, insignibus illustrissimis ornata in media Italia sedeat, suorum Ducum, tùm in primis Vincentij Gonzagæ perenni fama toto orbe vigeat; hoc tamen habeat gloriosius, quòd tantæ mulieris ossa intrâ sua moenia seruat. Eius gesta à Domnizone rudi eius ætatis scriptore sunt exarata. Obijt anno 1115.

Auctoris.

*Pro tumulo septem surgant ad sidera Colles,
 Et sint æthereæ lumina clara faces.
 Ipsaq. perpetuum celebret lacrimabile funus,
 Roma genis laceris, languida scissa comas.
 Suspirens Therma, fundantq. Theatra querelas,
 Et des pro lacrimis Tybris amarus aquas.
 Tùm magnum decus Italia, tùm gloria Regni
 Iàm cum Matilda depereunse cadit.*

Saluator eidē fixus fuerat, quorum vno pro galeæ amuleto vſus eſt; alium equi loris affixit, tertium ad maximam tempeſtatem ſedandam, in mare proiecit. Cœlorum alij ſummis laboribus perquirant gyros, alij ſyderum curſus diuturna obſeruantia patefaciant; nec deſinant alii abſtruſas rerum cauſas; abditiffimas terræ venas, metallorum, lapidum, herbarumq. virtutes perſcrutari. Nouos alij tētent orbes, & dūm ad nouas inſulās permeant, in Oceani vaſtitate, & remotiſſimorum littorum ſinubus, nauticis periculis, & ſudoribus famam ſibi perennem quærant. Sat fuerit Helenæ maximæ Imperatrici, poſt victoriam contrā Maxentium, ſigno Crucis in cœlo accepto, à filio partam, in ſomnis monitæ, Hieroſolymam fuiſſe proſectam, ſublatisq. Veneris, Adonidis, ac Iouis ſimulacris, quæ in Caluario, ſub Præſepe, & in loco, in quo CHRISTVS reſurrexit Etnici poſuerant, non fabularum illuſiones, ſed verum humanæ ſalutis teſtimonium, non ligna quibus Hercules ſacerdotes ad ſacrificiorū ritus præſecerat, ſed lignum in quo Sacerdos æternus pendit; quod in amaras aquas immiſſum, cuncta dulcedine perfudit, tanta cum eius Imperij maiestate propaſſe. Accedat ad Salomonis thronum Saba; quæ ſciat? Accedat ad Crucem Helena; quid ignorabit? Nec in triumphis militum clamor, aut tota illa oppidorum, auri, & argenti pompa tanti habendam eſſe cenſeo, quanti in mareis vbique cippis, ac monumentis, piſſimæ, ac venerabilis tituli, quibus ab omnibus ferè populis Helena eſt decorata.

Ferdinandi Celentani S. I.

Pectore quod toto cælum complexa, Deumq.

Eruiſ, & ſumma ponis in arce Crucem;

Hoc mirum reor eſſe magis: quod prima, quod una, &

Femina, quod Reges tam noua iura doces.

Aſpera quod bellū, & clariſ aucta trophæis,

Omine non lato Romula regna notas.

Ipoſa quod & ſcepbris genitrix aſſueſta mariti,

In longam ſeriem ſanguinis iſta trabis.

H 2

Quid

*Quid reat? est magnum Reges genuisse triumphu,
Est maius Romam supposuisse Cruci.*

Pinti.

*Ingens Christiadam militia decus,
O Constantini mater, & uxor
Constantini, Arguius lumen in oris,
Quin, nostra Italia maxima lampas;
Inuenta Cruce, ibi signo & Adonidis
Per te percusso, per iuga montis
Is, Iudaorum effreni impetus ira
Quo in IESVM exacuit sacrilega arma.
Constans imperio, nomine coniugis
Constans, & constans nomine nati,
Constans fortunarum es robore, sancta
Vexillo Crucis o quam magis constans.*

Eiusdem.

*Rex Meroë, reliqui Reges cum lumine lumen
Inuenere, Hæcne tu Cruce, Diua, Crucem:
Et Crucis, & Lucis, Iouis est in parte, figura:
Bethleem aspecta hæc; illa super Solymam.
Hic quid multa feram, quæ sunt, discrimina? FELIX
Qui colis hinc Lucem, qui feras inde Crucem.*

Irene.



Iuini cultus dignitatem, & Saluatoris nostri de
antiqui hostis perfidia insignem victoriam, He-
lena in Crucis imagine extulit, sed non eadem
in aliquot Græcis Imperatoribus extitit reli-
giosi animi magnitudo. Copronymus enim sic
dictus Constantinus V I. quod infans Baptismi
lauacro admotus, media ætationis sacrum fontem ventris solu-
tione fecidauit, quapropter Germanus Constantinopolitanus

hinc,

et hinc.

Patriar-

Patriarcha hunc puerum omnia cōraminaturum præfagiuit, post patris Leonis III. Isauri (Iconomachus ob eam impieratem dictus) obitum regnans, sortilegijs, dæmonum inuocationibus, omnibusq. sceleribus inuolutus, sacrilegus effectus, vt nec Græcus, nec Hebræus, nec Christianus esset, tantum à sacrarum Imaginū reuerentia abhorruit, vt ad eas abolendas Concilium cōuocarit, cui sub Stephano Pontifice, Lateranensi Synodo fuit abrogatū. Venerem ille colebat, & humanas immolabat hostias, Flauijq. puer testimonio est, quem occultè sacrificatum Deus manifesta-uit, quamobrem S. Mauræ ædem in carnificinam commutauit. Eius vestigia Leo III. sequutus est. Prodiitq. è mari cruentissima illa bestia Porphyrogenitus, qui mortuo patre, cum Irene matre Attica imperauit. Nullos singularis femina labores subterfugit, quò Imperium filio prudenter retineret. At ipse cū ex pubertate excessisset, matrem Imperio deiecit, omnia crudeliter subuerit, Imagines, patris exemplo, Sanctorumq. Relligias contempsit, & conculcauit. Incredibilem in Irene proponimus in sacrum cultum animi propensionem. Cū filius decessisset, quicum decem annos regnauerat, ciues in pristinam dignitatem eā restituerunt, cuius opera veteri relligioni & pietati suus nitor est redditus, modusq. adscriptus quo sacræ Imagines coli debuissent,

Nam Deus est quod Imago docet; sed non Deus ipsa.

Hanc videas: sed mente colas quod cernis in ipsa.

Nescio verò quid maius in ea cernitur, cū Constantini soceri corpus, Theodori monitu, publicè effossum cremari, & cineres in vndas proijci iussit, quemadmodum ipse Sanctorum corpora iactauerat, nullam eius memoriā habendam existimans, qui lerna malorum, & immitis fera esset indicandus. Cedrenus ab ea filium oculorum vsu priuatum scribit, vt sola imperium teneret, & Erythro (quam alij Ruthrudem nominant) Constantino in matrimonium dari petisse, Elyseo Eunūcho misso, qui puellam Græcis litteris, Græciq. Imperij moribus institueret. Sed quòd filij auctoritatem Francorum affinitas potuisset eugere, & tueri, imperandi libidine commotam, rescisso cum Francis pacto, puellam

lam

Iam ex Armenia, Marinam nomine, inuito filio duxisse. Hac dominandi cupiditate ingens mulier habenda est. Nec impiam in filium dixerim, qui detestabilem inter Christianos viuendi rationem sectabatur. A Nicephoro Logotheta à Patricijs Imperatore electo, cum animaduertenterent Aetium Eunuchum meditari Leonem fratrem, Thraciz, & Macedoniz Præfectum, ad Regium honorem euehere, Lesbum relegata, dolore amissi Imperij diem suum obiit.

Pinti.

*Nùm tu pacifico nomine prantes,
 IRENE, assidue praelia qua moues?
 Qua prauis sociis vstos
 Nare alto cineres iubes?
 Ex te qua genitum (sola an ut imperes?)
 Caro orbas oculi fidere? id est genus
 Pacis? pacifera es, dùm
 Isthec pacis amore agis.
 Hostes dùm Fidei proycis horridos,
 Dùm consanguineos vltia tuos, pia
 Effers Christiadam aras,
 Pro cultu superi Dei.
 Huc (maiora meres) conuocet huc lyrae
 Phœbus laurigeri Pieridum chori:
 Irenes tibi cedant,
 Irene, quot erunt pares.*

Portarelli.

*Quis meritis vnquam te laudibus æquet Olympo,
 Irene, inuicta qua pectoris arce, superbos
 Oppugnas animos, spernisq; animosa Tyrannos,
 Qui furij æli, contempto & numine, Diuum
 Templisq; , arisq; affigi simulacra vtebant?
 Hac culeus adamans, Adamas ut fortis, adoras:*

Hæc

*Hæc ingi Christi cultrix pietate tueris.
Gens nomen, Augusta, tuum, qua Musa silebit
illud at in totis fueris memorabile terris,
Et cunctis illud fuerit cantabile Musis,
Dùm circum radijs Phæbus lustrabit Araxem.*

Eudocia.



Laruit hæc religione, & vtriusque Fortunæ experientia. Athenais primò dicta fuerat, Leontij cuiusdam Atheniensis Philosophi filia. Duos pater filios opum heredes obiturus reliquit; suæ ipsius eam venustatis heredem instituit, qua sibi diuitias comparaturâ non verebatur. A fratribus, quibus litem in-

tulerat, pulsa, Constantinopolim profecta, suorum contumelias futuræ magnitudini viam sibi aperuisse cognouit. Cùm enim Pulcheriæ Theodosij Imperatoris sorori se commendasset, ingenio quo pollebat gratiam aucupata, in aulam sacro prius Baptismate abluta libentissimè recepta est. Nomen in Eudociam commutauit, tantaq. eam beneuolentia complexa est, vt fratri coniugem desponderet. Quàm feliciter afflicta mulier ascenderat? Sed amoris suspicio eam deturbat. Prægrande pomum Imperator dono acceptum, vxori blandiens misit, quod illa Paulino de cæto viro dedit (ad eum enim ipsa erudita fuit vt poemata de Arcadij, & viri victorij scripserit) nihil minus, quàm de lasciuiâ cogitans. Paulinus, q. Regio munere pomum dignū videbatur, Theodosio obtulit. Subitò occulti amoris suspicio irrepsit. Accusare tacitus vxorè, anibigere amoris vesania amantes esse correptos. Sed vt veritatem eliceret, ab vxore pomum petit. Edisse, facti ignara mulier, dicit. Denuò coniux repetit. At illa iureiurando edisse affirmavit. Quid faceret suspiciosus Imperator mendacio offensus? Paulinum necat. Eudociam abdicatam relegat. Quàm iniuste Paulinus perit? Quàm fortiter casum Eudocia pertulit? Hierosolymam se contulit. Indè fortasse à viro euocata est.

Legimus

Legimus enim, cum ditissimam Sanctorum thesauris eam urbem reperisset, & ipsam Romam locupletare desiderasset, Prothomartyris inde Stephani reliquias artulisse, atque duas illas Catenas, quas è Petri Apostolorum Principis manibus Angelus disiecerat. Quibus cum tertiam quoque addidisset, qua Romæ Petrus vincus fuerat, triadem illam composuit (ut Sigeberti verbis utar) qua non modo Etnicorum corda deuinciret, sed annuente Romano Pontifice, dum festum Petro in Vinculis institueret, quando gentilitio ritu Romanus populus Augusto sollemnia celebrabat ob victoriam, quam de Antonio bello Actico reportauerat. Pronior ad Romam amplificandam fuit, quam Eudoxia, quæ Valentiniano III. Occidentis Imperatori nupta, quod maritus ipsa inscia Maximi insidijs occisus fuerat, quodque id ex eodem Maximo cognoscens, Gensericum ex Africa accessit, qui Romam cum ingenti exercitu diripuisset, nisi Leonis Pontificis precibus flexus esset. Accessit ad eam pietate Eudoxia III. Honorico Genserici filio collocata, quæ ab Arriana secta abhorrens cui coniux addictus fuerat, Constantinopolim, inde Hierosolymam profecta, lacrimis & precibus honestissima traducta vita interijt.

Pinti.

*Pulcheria quæ, pulchra nimis quæ iussibus hæret,
Fratribus exhæres dum male pulsa domo est ?
Suspiciosa viri quam falso docta relegas
Ira sui ? Solymam quam subiisse feres ?
Millenos fudit quæ casta Poëtria versus,
Quales, Phœbe, lyris commodulare tuis ?
Quæ pietatis opes, CHRISTI quæ vexis honores ?
Quæ tua, Petre, urbi ferrea vincla tulit ?
Vrbis visuntur rursus cui mania Thræce ?
Regia cui Salomon, dum fugit ora viri ?
Quæ hic totos patitur lacrimis traducere soles ?
Quæ videt extremum sas lacrimata diem ?
Omnibus aduersis mentem, rebusq. secundis,
Quæ seruare equam, nos docet Eudocia.*

Agnes.

Agnes.



Vilius Imperatoriam dignitatem, quæ Ecclesiastica observantiæ ornamentis careret, Agnes æstimavit; atque triplicem illam eminentioris tituli coronam, quæ fulgentibus gemmis illuminata, summo Christianæ Reipublicæ Hierarchæ Angelorum preconio imposta est, cunctorum Regum, ac Principum maiestatem sibi subijcere optime nouit. Quapropter, cum Cisalpini Episcopi, Alexandri II. Pontificatum, qui Nicolao successerat, pestifero schismate perturbantes, Cadolum Parmensem Episcopum habito Concilio Pontificem crearunt, idq. Henricus III. Agnetis filius, Giberto potentissimo viro instigatore, permisisse videretur, ut simoniacè conferret Episcopatus, eorundem beneficijs abuteretur, insatiabili avaritia orbem terrarum perderet; doluit eminentissima mulier huiusmodi nequitiam filium tolerare, qua intemeranda Sedis Apostolicæ iura violari apertissimè cognoscebat; ut sacris Canonibus acquiesceret, contendit; grauissimo crimine, arguit; communi fidelium vituperatione reprehendit; esse Romanæ auctoritati parendum, reclamauit. Quæ cum durius Henricus accepisset, ab administratione, veluti illata ignominia repulit. Sed quàm splendide in eius pectore Religionis pietas eluxit? Non ægè Imperio caruit; & facilius filij contumelias sustinuit, quàm à Catholica opinione discessit. Audierat siquidem à Pontificia excommunicatione dignum esse, ut dignitate careret, qui maiestatem Ecclesiæ imminuere conatur. Vtq. se Romanæ Sedi deditissimam præberet, Romam venit, ibiq. votiuæ ferè habitatione sanctissimè aliquot annos commorata, honestissima vita producta, nurus, vxor, mater Imperatorum, quæ Henricum II. Conradi filium coniugem, & hunc Henricum tertium filium habuit, sub Gregorio VII. decessit, & in D. Petri sepulta est.

Pinti.

*Si te Tybris habet, cupias si templa Deorum,
 Et Capitolini cernere saxa iboli:
 Cur te non studium capiet monumenta videndi,
 Hospes, ubi Agnetis membra sepulta iacent?
 Cum te huc forte feres, hac figes dicta sepulcro,
 Dicta, illi modulans quæ mea Musa dedit;
 Inclutus Agnetis decor hic, quæ maxima nato
 Tutelam ob fidei facta inimica suo est.
 Hæc summi profunde Patris, gemmasq; , coronasq; .
 Ostri Sidonij nil habet esse decus.
 Hæc olim eluxit fulgenti veste pyropo,
 Dein luxit genito permale visa suo.
 Vtrum horum fueris maius, forsasse requires.
 PRO, FLERE, hoc maius, religione putes.*

Galla Placidia.

7
 ROMANÆ
 SERVATRICES.



Erpebat in Italia infinitum malum, & latiùs in
 dies manabat, cùm extincto Alarico Gotthorù
 Rege, quem Consentia superbissimis exequijs
 sepelierant, quandò auerso Bisenti fluminis al-
 ueo huiusmodi inter thesauros condidere, vt
 occisis omnibus, qui interfuerant, nulla posteris
 eius sepulturæ memoria reliqua esset; Ataulfus successor Roma-
 næ vrbs bustum, atque cadauer crudelitatis rogo impositum,
 ciuilis discordiæ flamma consumere, atque in cinerem redigere
 studebat, vt Romani nominis dignitatem, quæ omnibus gentibus
 Laureæ, fascibus, & secure fuerat formidolosa, omnino aboleret,
 atque extingueret, nouamq; vrbs Gotthiam appellandam
 ædificaret in illo solo, in quo non Cæsarum, non Augustorum,
 non Consulum, aut maximorum Ducum, sed Ataulforum vesti-
 gia apparerent, nomina in lapidibus incisa, quæ Romanam elo-
 quentiam

quentiam redolebant, barbarica lue inficerentur, & lorica sordidis vinculis mancipata, illustria Quiritium trophœa deturparet. Debet fortasse Roma magis Romulo conditori, Augustis restauratoribus, quàm Gallæ Placidia eius reliquiarum, nominisq. tum Vaticanæ splendoris, sanctissimiq. Senatus Comitiorum conservatrici? Columnæ quæ delubra, & porticus sustinere, etsi deiectæ, & violatæ, Famam Placidia, non Praxitelis, sed Aeternitatis opere perfectam sustineant; atque in fornicibus, & Foro, non marmorea, sed aurea quoque eius collocentur signa; operumq. publicorum apparatus ornetur Galla, nec fratrum cum præclaris inscriptionibus alteri decernantur. Huius admirabilis beneficio stat Capitoliùm, Romana gleba feritur, lapidumq. fragmenta cernuntur, quæ an ad interitum proijcienda essent, arroganter ad arbitrium suum ferus Romanæ Maiestatis hostis reuocauerat. Artificem scelæris anhelantem ex infimo pectore scuitiam (quid enim crudeliùs, quàm labefactatum Imperij simulacrum, in quo omnium Imperiorum honos relinquebatur, ex omnium mente, & oculis remouere?) Placidia placidè sedauit, atque ab immani facinore deduxit. Neque consumptos istos quibus obsita es pannos Romæ haberes; In grassatorem enim incideras, qui auidiùs te spoliaffet. Quid? Eius amoribus, quippè amabatur perditè à coniuge, viuus. Sis idcirco Romano Imperio gloriosior. An verò hac de causa non augustior euasisti, quàm quòd ex Magno Theodosio, & Galla Valentini I. filia orta es? Quòd primùm Ataulfo in Foro Cornelij in matrimonium fuisti collocata? Quòd te volens, cum Honorio fratre pace pacta, Con tantio secundo viro reddidit, qui in Hispania deinde à suis militibus occisus est, quòd tuis precibus Romæ excidium non attulisset? Quòd cum Valentiniano III. filio adhuc puero, interfecto à Romanis viro, à Rauennatibus triumphantis pompa excepta es, in ea vrbe Imperij sede constituta? Quòd Aquileiam cepisti Asparis auxilio, Castinũ in exilium pepulisti, Aëtio ignouisti, tantaq. prudentia, & magnanimitate gubernasti, vt heroicis tuis virtutibus nullæ potuissent æquari? Quid religionem commemorem? ornatissimum D. Ioanni Euangelistæ

marmoreis columinis, insigibibusq. lapidibus templum Ravennæ, aliaq. illustria Constantinopoli dicata testantur, vt Augustam pariter & sanctam esse habendam scriptores iudicant. Raven- næ sub Leone Pontifice Romano primo decessit.

Pinti.

*Viuite mira Deum vestigia prisca Quirini:
Viuite felices arcus, domus alta Triumphi
Vive diu, sanctiq. via, legesve Senatus;
Vosq. ades, quot quot sitis, sedesve Theatri
Viuite: Romanis, non Gothis surgite colles;
Et Gallam simulacra notent memoranda per orbem.
Gothiana flares alio, quam nomine Romæ,
Flexisset placidis precibus ni Galla maritum.
Et tantum potuere preces, quas femina fudit?
Femina & una viri domuit, sedauit & iram?
Totq. ore hostiles valuit comescere turmas?*

Fadilla Commodi soror.



Nebulones, terræq. filios, à quibus facere eludun-
tur Imperatores, & qui tantum vini exhauriunt,
vt in eorum conspectu vomant, dum & rebus
gerendis, & ipsorummet vitæ imprudenter præ-
ficiuntur, in seruitute hospitium & consuetudi-
nem, & in benevolentia Imperium flagitantes,
Dominorum vitam, Reipublicæ ornamenta, suorum ingeniorum
commendationem euertunt. Quid malum Cleandri arrogantia,
qui Phryx genere publicè per præconem veniuit, & Imperato-
riz domus seruitio traditus, tantum sibi honoris comparauit, vt
solus Commodi custodiam, militumq. præfecturam obtineret?
Quam perditè honoribus abusus est? Vis nebulonis perfidiam?
Auctus diuitijs, & fortunis locupletatus, Imperij spe stimula-
tur, quamobrem grandem pecuniam cogendo fumento, con-
sumpsit,

sumpsit, vt rerum necessitati penuria laborantis exercitus voluntates sibi adiungeret, dùm cariori annona repentè frumentum diuidere, & largiri valeret. Hinc cum inueterato odio, omnium quoque inuidiam sic concitauit, vt nec de alio vspiam, quàm de Cleandri potentia sermo haberetur, & ad necem vndique eundem desiderarent. Indulgebat aliquandò genio Commodus in suburbano, eòq. se Romani aliquot contulerant; cùm equites ex Imperatoris ædibus iussu Cleandri, inscio Commodò, eruperunt, obuiam quemque vulnerantes. Tunc populus, qui illorum impetum inermis sustinere non poterat, in urbem, & in testa se recipere, lapidibusq. & regulis ex tuto dimicantes, equitibus magnam cladem intulerant. Iuuit eorum audaciam peditum, qui in vrbe stationes habebant odium, quo equites habebant natura inuisos, ex quo ciuili bello excitato, rem Romanã perdere cónabantur, nisi Fadilla natu maxima Commodi soror, sumpta lugubri veste, passo capillo lugens Imperatorem adisset, & ad pedes prouoluta, hæc dixisset; Quid iners Commodè in desidiosissimo ocio versaris? In maximo nos esse periculo ignoras? Res Romana iàm ruit; & de populo Romano aëum arbitror. Nosti Cleandrum? Nosti vilissimum mancipium à te ad Principatum ferè euectum? Hunc primum inimicum habes; ab eodem quæ in barbaris timueras, expecta. Eius insolentia cruentas turbas commouit, maximamq. omnium rerum confusionem in vrbe concitauit. Ex ira, atque odio ad arma ventum est. Exercitum omnem populi furore interiturum non vereor; mox in teipsum, in nosipos inflammandum effrænata, & præcipiti omnium voluntate prælagio. Quid sedes? Cæde & sanguine improbißimus homo scelus luat, qui cæde & sanguine Romã repleuit; qui cædis, & sanguinis auctor nobis est futurus. Vtq. animum fratris magis accenderet, vestem quasi Furia sceleris vindex scidit, qua veluti ardëribus tædis perterritus, Cleandrum ad se acciri iubet, cui venienti caput amputauit, contoq. præfixum circumferri voluit, iucundum spectaculum populo præbiturus. Ecquando Principes Parasitos detestabuntur? Ecquando infimi generis aulicis, seipsos, remq. familiarem tradere,

dere, exitiale, & calamitosum existimabunt? Heu quàm malè cōsulunt, quàm subdolè polypos inuitantes, petras referunt; mox nigrū verſutiarum colorem fundentes, ità Regum mentē perturbāt, vt quid rerū agant, vbi neceſſitas adfuerit, prorsus ignorent. Ablegent Principes homines à quibus diuenduntur, & quorum consilio iudices faciūt, quos fieri nō oportet, & amouent à Republica, quos debent obtinere.

Pinti.

Cæsar, Roma perit, COMMODE, Commodus

En incomp̃ta comas te soror aduenit,

Palla & quæ fletum notet.

En hac aggreditur te precibus citis:

En permassa Rei fert pia publica

Verba, in praeceptis ne ruat.

Ex te commoditas, qui male commodas?

Ni ex te commoditas, dūm dape commodas

Liber, te cepit Venus.

Nonne audis Equitum quos strepitus dedit,

Turbas in populum quòt furor ebrius?

Vrbis sic clades placet?

Cæco saxa volant aëre, puluere

Præ denso auricomi non radij micant,

Bellans, clamans undique.

Fusus plebicola per filicem is cruor:

Mersus, cuius ait, Somno ita Commodus,

Quin isthac exaudiat?

Hæc princeps tuus hæc intulit aulicūm,

Hæc Phryx ille minor seruitiūm, domi

Totius nostra lues.

Sic Fadilla soror fatur, & excitus

Dictis bisce (magis cum sibi conscidit

Vestes Aleſto altera.)

Cæsar; caussa mali cum nece, clamat:

Ibit, Phryx; mibi Phryx tanta ciet mala?

Huius da licetor caput.

Circum-

Circumlata suis indicat hoc fudes ;

Sedatur fremitus, perniciēs abis.

Fadilla urbi consulit.

O si hanc cuncta habeant ciuica feminam

Damna, hanc scurra habeant, parce mihi, modos,

Fadilla, hos paucos habe.

Martia Commodi concubina.



I vlla vnquam vniuersi Romani populi, omniumq. ordinum ad liberandam Rempub. conspiratio laudata est, eam potissimum eximia laude dignā censuere, qua Martia Commodi concubina ad publicam libertatem defendendam, & temulenti Imperatoris ebrietatem compe-

MULTO-
RVM VI-
TAE CON-
SVLENS.

scendam conspirauit. Saturnalibus, quod Festum anno ineunte lætissima celebritate, salutationibus, purpura, muneribus, missilibusq. nomismatibus Iano vetustissimo Italiæ Deo, at Saturno Romani dicarunt, non lætitiæ, sed cruoris, & amentitiæ sacrificia parabat Commodus, quippè non ex ædibus, sed ex gladiatorio ludo, non eleganti Imperatorio vestitu, sed armatus inter gladiatorum agmina in Romani populi conspectum, prodire deliberauit. Quod consilium cum Martia vt temerarium, & periculosum improbareret, reuersus ipse in cubiculum, in libello conscripsit, quos ea nocte occisioni destinarat, inter quos primi erant Martia, Lærus militum, Electusq. cubiculi præfectus (quibus etiam ea quæ facturus esset communicauerat) ingens deinde eorum numerus, qui in Senatu plurimum auctoritatis obtinebant, tum senes omnes, & paterni amici, quorum censuræ eius flagitia subijci non patiebatur. Erat ipse interim in balneis; cum puerulus sibi charus, idcirco Philocommodus appellatus, ludibundus, sumpto libello, quæ supra lectum reliquerat, in Martiam incidit. Hæc agnita Imperatoris manu, legendi cupidine illecta, vbi tam funesta libello contineri animaduertit, in ea verba prorupit.

Hæcine

Hæccine amoris præmia Commode? Ego ne illa cui loco vxoris habitæ, præter igne omnes Augustæ honores tribuendos iussisti? Tu ne ille Amazonius, qui me in Amazone pictâ, adeo dilexisti? Ità de te merui, quæ multos annos, & contumeliosum, & vinomadentem, olentemq. pertulerim? Hoc laboris præmium? Hæc optimi consilij remuneratio est? Iàm videris. Electum accersisti Aegyptium genere, audacem hominem, qui stupri cum ea aliquandò fuerat notatus. Libellum legit, lectumq. obstupescit, & perterritus mittit ad Lætum. Conueniunt, remq. veneno agere constituunt. Martia pocula miscere, atque offerre solita, se daturam pollicetur. Atque ita fit quidem. Redeunti enim è balneis, in quibus voluptatibus indulgendo sitim collegerat, poculum odoratissimo vino propinavit, ipseq. temerè interbibit. It cubitum, atque in soporem prolabitur. Mox cum veneni vis ad stomachum insinuasset, oborta vertigine, vomitus consequutus est. Ac veriti coniurati, ne veneno quoque cum cibo eiecto ipse sese colligeret, omnesq. necandos imperaret, promissa pecunia Narcisso cuidam persuadere, vt ingressus Imperatorem iugularet; qui languentem veneno constricto gutture belluam, immaneq. monstrum interficit; cum interim Martiæ vitam tot viri, qui essent interficiendi acceptam retulerint. Quid salubre consilium reiscitur? Quid facinus perpetrandum stultè scripto publicatur? Quid scriptum inconsultò inter puerorum manus relinquitur? Quantum hæc ineptia sæpenumero familijs attulit doloris, & detrimenti?

Pinti.

*Faustina genite, & populis infauste Latinis,
Quæ tibi propinat Martia, vina fuge.
Martia delictum, mutata, Commode, mente,
Exitum est: omen Martia Martis habet.*

I I.

*Commode, si Herculeo Roma cognomine gaudes,
Deianyra tua est Martia caussa necis.
Ast hæc maior erit: Calydonis, sanguine Nefsi,
Sustulit Alciden, sustulit illa senem.*

Cum

*Cum Lato, insensum, conspirans Martia viru,
Te iuuenem, Caesar, tollit ab imperio.
Roboris, Aetholis, monstrum cordata dolendum,
Delenda at scelorum Martia plura necat.*

III.

*Consilio Latus, medicamine Martia pellex,
Narcissus diro me pugil ense premit.
Ganea cum scurris, unguenta, popina, valet
Mens mala, me, damini, depereunte, neci.
Martia, Narcissus, Latus dent lata Triumpho:
Laurea sed victrix Martia prima tua est.*

Fausta.



Aximiani Herculei Imperatoris vxor Maxima

IO
CONIUGIS
AMANS.]

Fausta Augusta, ea tantum re gesta meruit laudari, quod cum Mediolani post bellorum pacem, quæ undique pullulauerant adscitis in Imperium, Diocletiano, Galerio, Maximino, se abdicasset pater, viueretq. priuatus in amoenissimis Lucanæ agris, & filio Maxentio à Prætorianis euecto, mori satius esse, quam sibi viuere cogitantem facti poenituisset, ad Urbem accedere deliberauit, simulans in administranda Republica, se filio adiumento fore, sed militari seditione oppressus, nam Regnum affectare suspicabantur, id quod per se multis accidisse legimus, qui vel ambitionis stimulo, vel leuitatis fœcundia ea deserunt, quæ mox in aliorum contemptum adducti desiderare coguntur, ad Constantinum generum se in Galliam contulit. Tantaq. cupiditate ad Imperij fastigia denuò properabat, ut genero ipsi insidias parare turpe, & indecens non arbitrabatur; quas cum cognouisset Fausta, marito detulit, paterq. Massiliæ captus, fractis laqueo ceruicibus, occubuit. Quid? Virtus hæc ne dicenda est? Vxoriam fide præstare, ut patrum scelus, coniugis salute poenas luat? Debebat natura patri; Debebat coniugio

K viro.

viro. A patre ad virum abierat, quicum coniugali nexu coniuncta, in vnum conuenerant. Sed nec scelestus pater ferendus; in quem filij à diuina iustitia vindices armantur. Alioquin infausta Imperatrix, quæ priuignum Crispum sæpius ad libidinem tentatum, & constanter renuentem ad maritum detulit, ac si vim ipsi inferre voluisset, ad necem innocentissimum egit. Tragicè eam historiam doctissimis versibus explicauit Bernardinus Stephonius Iesuita, actione quidem admirabili, & spectatorum oculis valdè iucunda, laudatissimis veterum saltationum schematibus, vt conuersiones, flexusq; Chori, antiquæ Tragœdiæ imaginem expresserint. Post aliquot annos necis causa cognita Constantinus, infaustè vxorem in ardentem balneas coniectam interemit.

Pinti.

P. Regnandi videas sitim.

Collo vincla patris nata parit sui.

FAVSTA infausta patrem necat.

Creta est lethifera sanguine an Aspidis ?

Non lesisse virum: est fides.

Auctorem generis velle sui: pium est.

Praue tempus in ultimum,

(Quamquam barbarus est) ferre aliquem: est scelus.

Quid si morte parens cadat,

Dum cauta imperio filia pertimet ?

Magna est vis auda, & fera

Vis est, inq. animo vipereum genus.

F. Tantum, ne in socium ruat

Casus, pello, tori, muta libidine

Haud regni. P. Vxor amet virum, at

Ne sit, præ thalamis, interitus patris.

F. Fausta (audi) soceri sui

Pandis dum insidias coniugis, haud videns,

Quæ ventura patri sient,

Non est impietas, connubij est amor.

Romani

Romani Argyropoli vxor.



Celeratiorem neminem Græcis Imperatoribus legi Constantino Basilij fratre, qui non modo de Imperio ornando nunquam cogitauit, sed omnem etiam adhibuit diligentiam vt Rempubicam perderet, citharædis, ac ludionibus deditus, virtutis, & eorum contemptor, quos rebus benè gerendis nosset occupatos. Quid? Magistratus si quos alicuius existimationis haberet, de eorum statu deiectos excæcâdos curabat, plus habens stolidis, ridiculisq. hominibus fiduciæ, quàm ijs, qui prudentia, & grauitate gubernarent. Cùm tandem subito morbo correptus esset, & ad vasa colligenda à Morte inuitaretur, secum ipse deliberare cœpit, quem relinqueret Imperij successorem. Cùm verò ex multis accepisset facillimè Romanum Senatorem cognomento Argyropolum Imperio potiturum, ad se accersuit, eaq. proposuit conditiones; Vel diuortio legitimæ vxoris factò, Imperatoris filiz nuberet, vel excæcatis oculis Imperator renunciaretur. Fluctuanti inter eas opiniones Romano, vxor verita, ne quid crudele marito accideret, eam opem tulit, vt resectis capillis, nouæ nuptæ eum concederet; quo factò, marito seruauit oculos, & Imperium est elargita. Nomine, te magnanima mulier nosse cuperem, vt quæ nobilissimo facinore explicando in medium protuli, immortalique quoque nomini dicarem.

Pinti.

*Hæc Argyropoli socia est castissima læsti,
Coniugis ipsa salus;
Totus amor, totusq. metus, cultusq. mariti,
Exitit ipsa sui.
Cur Romane vides? latè cur subdita tota est
Terra tuo imperio?
Sic visum vxori est (eius sin nomina nosti)
Maxima Philanira est.*

K 2

Pulche-

Pulcheria.

13
SAPIEN-
TER GV-
BERNANS,
ET CASTA



Mortuo Arcadio, Theodosius filius Pulcheriæ sorori, quæ virginitatem Deo vouerat, ingenio, & pietate eximie femine traditus est erudiendus. Moribus puerum, disciplina Imperium tanta felicitate instituit, vt sororem fratre administranda Republica aptiorem populi iudicaret. Idcirco In Eunuchorum inuidiam adducta, infelicitè Regno submota, in Hebdomon Byzantijs suburbanum abdita, tranquillam vitam ducere deliberauit. Quid inquires? Stolidum natura effinxit Theodosium, & Aulici stolidiorè reddidere; quapropter nutare Imperium cœpit. Reuocata Pulcheria est, vt rem propè cadentem veluti firmissima columna fulciret. Quæ, vt fratrem erroris commoneret, libellum composuit, in quo Eudociam vxorem in seruitutem sibi mancipari petebat. Subscripsit illicò Theodosius, rem tamen propositam ignorabat. Sed Pulcheria Eudociam retinet. Ab Imperatore coniux accersitur. Memineris (inquit soror) iure à me Eudociam possideri, quam libenti animo, Regionu concessisti. Hem (ait Theodosius) vbi à me id concessum probaueris? En tibi libellum, respondit illa. Quod cum legisset, obstupuit. Atqui scito Theodosi (inquit Pulcheria) libellorum commendationibus ita temerè te subscribere consueuisse, vt Eunuchorum, Aulicorumq. fraude, qui suis cupiditatibus facillimè tuo genio abutuntur, paucos post dies fuisset Imperium perituum. Discite ex Pulcheria Principes, sitq. vestri hoc honoris exemplum, ne Magistratum fide nixi, absque mentis & oculorum lumine, in maximos errorum scopulos cum publicæ administrationis detrimento incidatis. Mortuo sine liberis Theodosio, ingruentibus Gothorum, & Vandalorum bellis, Marcianum plebeium virum, sed maximum Ducem per Anatolium Patriarcham, ad Imperium prouexit, & cum eo nuptias nomine tantum, re ipsa virgo, celebravit. Quid Pulcheria pulcrius? Quid sanctius, quæ virginitatem

tem

tem seruauit illibatam? Hac de causa à Summo Pontifice Leone, & Hilario Episcopo plurimùm est laudata.

Pinti.

Pulcrum pulcra decent, Pulcheria, nomine pulcra es :

Pulcro pulcra ore es , doseq. pulcra animi .

Scriptis pulcra tuis : fratris tu pulcra Magistra ;

Moribus & pulcra es legibus imperio .

Pulcra tuis thalamis , solo tu pulcra recessu ,

Est tibi pulcra , velut lilia , Virginitas : .

Tu quoque pulcra manes, magnorum laude virorum,

Et numeris vatium tu quoque pulcra manes .

Cernite rem pulcram hanc, vos ò qui sceptrâ mouetis,

Pro digno huic surgat seruo Amerina salix .

Dominica, vel Domnina.



Eratuabat Gotthorum orbis tempestatibus ,
 quæ præsertim in Thracia æstuâtes , Valentem
 Imperatorem mergere videbantur, in cuius for-
 tasse scelera huiusmodi Deus animaduertebat,
 quippè Arrianam impietatem amplexus, Or-
 thodoxos Episcopos in exilium egit, quos Gra-
 tianus Symbolum Nycenum veneratus, reuocauit; milites, qui
 malè cum Arrianis sentiebant virgis cædi, & monachos stipen-
 dia facere iussit. Quamobrem CHRISTI cultor, CHRISTI pari-
 ter osor, & contemptor habebatur. Repressurus Persas in Antio-
 chiam exercitum duxit. Sed reuocatus in Thraciam, quòd Got-
 thi duce Frigiderno Constantinopolim oppugnabant, cum ijs
 ad Adrianopolim collatis signis, accepto sagittæ vulnere, ex
 equo decidit, & in proximum pastoris tugurium ductus, cum
 ipso tugurio ab hostibus insequētibus combustus est. Mox Got-
 thi obsidendæ Constantinopoli acriùs incubuere. Iàmq. postre-

13
 FORTIS,
 ET PVDI-
 CA.

ma

ma vrbi ciades parabatur, cùm vxor Dominina, vel Dominica, rara pudicitia femina, & inter maximas Orientis Imperatrices collocanda (nisi gloria illud oberit, quòd ad sectandam hæresim vitum impulit) non mulierem, sed virum, nec imbellem virum, sed summum Ducem se barbaris ostentans, cùm ciues verbis obsecrasset, muneribus conciliaffet, pecunia ex publico ætario sumpta donasset, atque allexisset, tantam in omnibus vincendi alacritatem excitauit, vt totis quisque viribus repugnans, adscitis militibus, quos subsidio miserat Martia Sarracenorum Regina, quæ Romanis fauebat, urbem tam nobilem, ab Alanis, Gothhis, Hunnis vehementissimè obfessam liberarint; atque ità qui Imperatorem deuicere, ab Imperatrice deuicti è Thracia excesserūt.

Pinti.

*O decus magnum radijs Eois
Sol ubi illucet, Dominina, latè in
Orbe cui rerum est onus, atque in arma in
Fracta potestas.*

*Vrbis in Thracia vigilans nitorem,
(Gothico, dextra valida, repulso
Milite) in latum redigit triumphum,
Teq. tuosq.*

*Nomen haud coniux mereat Valentis,
Arry infamis studio execrandi,
Impius qui Christi adum infecutor
Te la ministrat.*

*Bosphoro excurrat tibi Fama cantu,
Vir tuus tanto cadat, & Valentis
Sit tibi nomen: valeatq. pessum
Pessimus hostis.*

*Ignis hunc vras stipulis receptum
Aridis parui tuguri, Getarum
Dum furor sauit: Dominina, Thracia
Viue superstes.*

Faxit,

*Faxit, ut viuas, Deus, ut secunda
 Perferos Thraces subigas phalange,
 Nostro quo fiant ibi tecta cultu, &
 Virginis ades.*

Messallina.



Ollegam nefandi muneris lasciuiſſimis femi-
 nis Messallinam do, quæ in obeundis impu-
 dentia, sæuitia, omnibus flagitijs, multa pa-
 ria edidit. In hoc sceleratior Messallina,
 quod prostituto, & vulgato corpore, à La-
 nijs, à Balneatoribus, à quocunque obuiam
 ierat, vrgebatur. Palatium cum lupanari,

14
 LIBIDI-
 NOSAE.

aulam cum titulari cella commutauerat turpem, & infamem
 quemuis luxum explendæ libidini tribuens. Quid verò lupanar?
 In ipſo Palatio mulieribus, virisq. inſpectantibus ſcortabatur.
 Matrona itaque nobiliſſima ſcortum olens, & Imperatrix ma-
 xima, infeliçiſſima Ambubaia facta eſt. Circuire obteſta pallio
 ciuitatem, viros ad libitum expoſcere, ſcœmora & æra petere,
 nulla muliebris honeſtatis, nulla viri habita ratione. At quem
 virum nomino? Claudium Imperatorum facem; Claudium, qui
 ab Aethyope regebatur; Claudium hominẽ potius inchoatum,
 quàm à Natura abſolutum. Quem Claudium? (hoc profeſſò
 admiratione dignum eſt) cui dicenti Messallinæ, vt Mneſterem
 Pantomimum ad quæcunque eius iuſſa adigeret, mox obſequu-
 tus iuſſit vt ea quæ vellet Imperatrix faceret, ſic facturam ti-
 menti Principem Pantomimo pollicita erat; qui iam indè in eius
 corporis ſcenam liberè ſaltauit. Miror cur non fecerit ſtolidam
 belluam Claudium ſpectatorem. Fecit cum altero non Panto-
 mimo, ſed florenti iuvene C. Silio, qui ab ea in delicijs habitus,
 Conſul factus, alter maritus adſcitus eſt. Ad Hoſtiam enim ipſo
 decedente, nuptiæ cum Silio celebrantur, omnis pompa conge-
 riitur, Senatores, Equiteſq. aduocantur, ſternitur lectus, ſollem-
 nia

nia peraguntur, nouaq. nupta in adulteri gremio recumbit, & tetra libidine furit. Et Claudius sciens viuit? Quid ni mortuo spiritu viuens? Liberti tandem animos dedere nouum imperium extimescentes, quorum consilio & opera Tragœdiam luctus occupauit, Messallina, & Silio è medio sublati. Hoc debebatur præmium efferatæ mulieri, quàm ad necem tot nobilium cædes, & exilia vocabant. Quæ nam hæc impudentia? In viri complexu corruptelas, & incestus admittere? Nec adulteros per se foeditate sua turpitudinem ipsam deterrire? At nunquam mariti nimiam licentiam vxoribus indulgeant, nec iisdem ommissa grauitate virili succumbant, sed libertatem coniugalem prudentia coerceant. Ab deambulationibus ad choreas, cùm patet mulieribus aditus, spectacula indè petunt, mox balneas, mox etiam & licenter errant, & dissoluta consuetudine, atque impunitate peccandi, ex omni dignitate, & modestia vel ipsæ matronæ deiciuntur, fiuntq. Penelopes Helenæ.

Iuuenalis.

*Respice riuales Diuorum; Claudius audi
Qua tulerit. dormire virum cùm senserat vxor
Ausâ Palatino tegetem præferre cubili,
Sumere nocturnos meretrix Augusta cucullos,
Linguebat, comite ancilla non amplius vna:
Es nigrum flauo crinem abscondente galero,
Intrauit calidum veteri centone lupanar,
Et cellam vacuam, atque suam. tunc nuda papillis
Prostitit auratis, titulum mentita Lyciscæ,
Ostenditq. tuum generose Britannice ventrem:
Excepit blanda intrantes, atque ara poposcit.
Es lassata viris, nec dùm satiata recessit.*

Pinti.

*Messallina canant veteres, tua facta Poëta,
Det veteri scorto Musa vetusta sonos.
Nec Veneres male fida tuas hoc carmine possem,
Nec male fæda tuos dinumerare procos.*

Augustam

*Augustam ne decet scortari respuat os hanc,
Cuius ad exemplum ganea fama replet.
Non mea, sed contra hanc, lunij vos surgite falces,
Horrea & huic scelerum condite messe tenus.*

Francisci Balisterij Zancłzi.

*Ambubaiarum collegia flete: sepulcro hos
Mortua adulterijs nec saturata iacet.
Hocne meum natale solum Messana dolebit,
Quod Messalina est nomine dicta suo?
Dic Messalinam Messala sanguine natam:
Non ita: Romana est magna vocanda Venus.*

Agrippina.



Vgustis omnibus mulieribus gentis serie, atque Imperij fastu Iulia Agrippina superioris Agrippinæ, & Germanici Cæsaris filia, Agrippæ neptis, Caligulæ soror, Domicij Acnobarbi vxor præstitit. Maximi animi mulier, quæ vel cum Astrologus prædixisset Neronem regnaturum,

sed ab eo matrem esse necandam, *Me verò* (inquit) *occidat, dùm regnè.* Quapropter omnia quæ ad Principatum spectant administravit, in eadem sæpenuerò lætica vehebantur; respondebat Legatis, litteras ipsa mittebat ad Reges. licet omnem potentiam postea Seneca & Burrus fuerint consequuti. Sed impudicitia mulierum generi antecelluit, non quòd Lepida stuprum puellari ætate admiserit; ad Pallantis libita se prouoluerit; patruinuptiarum flagitio, & Caij fratris stupro fuerit notata; sed quòd extrà libidinis fines animû, mentemq. promouerit, & cõceptam superbiam retinendo dominandi potentiam exerceret, Neronem filium ardere non erubuerit. Ebrietas Neronem sæpè incautum, & inscium efficiebat (quàm desideranda in Principe sobrietas?)

L Tunc

Tunc se comptam, & incesto paratam præbebat Agrippina, lasciuifq. osculis, flagitij prænuncijs filium laceſcebat. Grauis idcirco Neroni facta, ſimul cum odio, necis deſiderium, perſuadente quoque Sabina, in iuvene concitauit. Veneno primum perimendam, ferro deinde iugulandam ſtatuens, vtrumque irritum cogitauit; nam inter epulas, aliorum non expetebat exitium; & eadem ferro occultari non poſſe metuebat. Ingenio liberti Aniceti claſſis ad Miſenum præfecti, qui mutuis odijs iamdiu Agrippinæ fuerat inuiſus, nauis illi ſimilis, quæ in theatro ſoluta beluas emittebat, compoſita eſt, cuius pars ignaram matrem fluctibus effunderet, quamobrem nemo ſceleri eſſet aſſignaturus, quod venti, & mare deliquiſſent. Accerſita ad Quinquatuorum feſtos dies Agrippina, naui ad Baulos impoſita eſt, noctu Baias petitura, comitante Aceronia liberta, & Crepereio Gallo, quibus facinus optimè cognitum erat. Iam nauigabant, cum dato ſigno, nauis teſtum graue plumbo corruit, occiſo Crepereio. Agrippinam, & Aceroniam proteſtas, naui in latus inclinata, remiges ſubmergere conabantur. Alijs verò facti ignaris contranitentibus, ambo in mare leniter præcipitarunt. Clamantem Aceroniam, vt Principis matri (quam ſeiſſam ſalutis cauſa faciebat) opem ferrent, remis, contifq. interfecere. Agrippina in tanto diſcrimine ſilens vno in humeris accepto vulnere, nando, Iembi occurſu, Lucrinum adueſta eſt. Cumq. Agerinus ſaluam eſſe matrem Neroni nunciaſſet, ab eo percuſſus periit. Submiſſi celeriter Anicetus, Hercules, Oloaritus, qui in cubiculum irruentes, exanimatam metu Agrippinam ſuſti percuſſam occiderunt. Ferrum diſtringenti Aniceto, dixit, *Ventrem feri, quoniam Neronem peperit*. Atque ita inceſtuoſi amoris Agrippina, proditionis Crepereius, & Aceronia, & matricidij Nero, qui furij poſt eius mortem vexabatur, poenas dederunt.

Pinti.

*Præfecto Burro, Senecæ exoſa Magiſtro
Nati, ipſi nato ter male viſa tuo.*

Eius

Eius & uxori nunquàm dilecta Sabine,
 Nec cadis inuidijs, nec cadis insidijs.
 Et casu, & viru toties tentata cauebas
 Cauta necem, semper non ità cauta tibi.
 Nam tandem, ad Baulos pinu conuecta: soluta hac,
 Excidis, & nando fiat tibi parva salus.
 Falsa tuo genito, campo te rursus aquoso
 Credis; & extremus ceca dat inde dies.
 Districlum cernens ferrum, da vulnera clamas,
 Non iugulum: ventrem, ventrem (Anicete) feri.
 Hec luat, hæc pœnas, hæc baurias aluus acerbæ,
 Exijt vnde Nero, perferus vnde Nero.
 Quàm melius percussorem (Agrippina) moneres:
 Vnde inceffa Venus prodijt, ense petas.

Eiusdem.

Vulua tibi, urna tibi est, utram magè reris olentem?
 Urna tuos cineres, vulua Nerona fouet.
 Quid præferre queam? vulua est scdissima, & urna:
 Nasti clude fores: spiras utrinque lues.

Horatij Catanei I. C.

Augustum angusto claudis te vase sepulcrum,
 Matrû Agrippina viscera ut antè, Nero,
 Aluus, & urna tibi scda est: te crimine scdo,
 Luxurie genitrix quàm magè scda sua est.
 Smegmata ferte citi, latices baurite calentes:
 His an erunt scdis smegmata, & vnda satius?



L 2 : Faustina.

Faustina.

16



Vgustarum hæc præclarissima inter duos Antoninos, Pium alterū patrem, Philosophum alterum coniugem, tot honorum splendorebus claruit, vt vana Ethnicorum superstitione inter Diuas fuerit collocata. Patre quid humanius, quid liberalius, quidve grauius felicitatem, pietatem, securitatem, sacrosq. ritus Numæ consequuto? Coniuge quid eruditius, quid in publicis negocijs tractandis solertius, quid in Senatu constituendo rectius? Inter duo hæc Romanæ Reip. Solitaria Sol ipsa Faustina obscuratis ceteris illustrium mulierum sideribus, ad delicias orbis exoriens, moderatrix, arque Dux insigni corporis pulcritudine, eloquentiæ suauitate, consilij maturitate, morum disciplinæ gloria, comitate, prudentia, dominandi desiderio, sed feruida lasciuix rora, motus, gestus, intuitus concinnitate, colluxit. Emicabat profectò, Mater exercituum à Senatu appellata, Nomismatibus, argenteisq. statuis in templo Veneris culta, & ara ad quam Virgines, quæ nubarent in Vrbe, vnà cum sponsis sacrificarent, atque ità vt vel post mortem aurea eius sella in Theatro esset, sedentibus circum veluti venerationis testimonio præstantissimis matronis, vt si quandò Marcus spectaret, viuam crederet intueri, nouis puellis Faustinianis institutis, æde decreta, oratione habita, Colonia extructa in vico Halale in Tauri montis radicibus, vbi subito morbo exanimata interfierat. Quanta hæc honorum pompa? Cur debuit vitiorum tempestate turbari? Cur virtutum, generis, formæ, educationis lumen prostituti pudoris infamia obscuratur, & effunditur? Quò petulantix proruperat Faustina, quæ amoena littorum in Campania obsidens, rudos obseruabat nautas, vt flagitijs delegeret aptiores? Est ne in meretricibus magis perditus ardor? Sileo Vettilos, Orphicos, Moderatios, & generum Marcum Verum, cui Lucillam filiam desponderat. Quid ea vastitate insatiabilis? An verò
alium,

alium, quàm Commodum Reipublicæ pestem in tam foeda luxuria generasset? O infelicem virum, quo philosophante, lenocinia, adulteria, luxus vxor meditabatur. Optima viris philosophia est, vxorum arrogantiam, & immodestiam coercere, semper intrâ coniugalis Imperij fines sese continentibus, cum ipsæ quoque bestia duce sua quæque natura multa faciant vel cum labore, vel indulgenter; quas si effrenatas absque metu relinquerint, quàm facile incitantur, & actæ præcipientes in absconditæ cupiditatis abyssum deiiciuntur? Caueant mariti, cum M. Antonio sentire, qui licet ab omnibus vitijs abstineret, aliorum tamen vitia, maximè vxoris tulit, dùm ea nec inuestigaret curiosius, nec puniret. Si verò delectaris virorum socordia, animaduerte Marcum, cui cum Gladiatorem deperire Faustina impudenter, & liberè aperuisset, ipse consulto Calpurnio, Gladiatoris eiusdem occisi sanguine coniugem lauare, atque sic sordidam tecum concumbere passus est. Multos reor hoc tempore Marcos esse, qui ab huiusmodi vxoribus non abhorrent; multasq. vxores, quæ cum ineptos viros cognouerint, superbissimo eorum mancipium occupant dominatu.

Alphonfi Massarij.

*Faustina arte Deos, superas & honore Quirites,
 Est faustum à fausto nomine nomen habes.
 Imperio tibi si licuit frænare superbos,
 Cur non luxuriam mens agitata domat?
 Non pudet? obsidione habuis te infausa libido,
 Es gens deterior corrui in Venerem.*

Pinti.

*Quid cusa hoc signet tibi rbeda numismate cerne:
 Vt steriles Mula pectora sæda vebunt.
 Vt sterili sterili veheris Faustina: pudor
 Pignora nulla paris: quid magis te sterile?*

Cur

*Cur exercituum mater, Faustina vocaris ?
Sunt ubi Mauortis parva trophæa manu ?
An lasciuorum potius, non mater amorum es ?
Nonne hanc uxorem, Marce, fouere pudet ?*

Zoe, & Theodora.

17 18



El senectutem etiam libidinosam duxit Zoe Bizantina Imperatrix, quæ septuagenaria nuptias celebravit. Primum habuit virum Romanum IIII. nobilissimum, qui Græcarum litterarum, Legalium studiorum, Philosophiæ, & plurimarum rerum cognitione excellens, quinquagenarius Zoen duxit. Non opportunè ad eam accessit. iniuriosus enim sit senex, qui ardenti semini adiungitur. Vicit Sarracenos ad Cycladas, Græciæq. littoris oram prædonibus liberauit. Zoen vincere haud potuit, nam in eius impudicæ odium venit, quæ Michaellem Paphlagonem deperibat; qua de causa nec à viro veneno abstinuit, ex quo ingrauescente morbo, toto corpore intumuit. Sic miser affectus, cum balneum ingrederetur, adulteri insidijs, capite in dolium demersus, paulò post decessit. Sed Romano mortuo, Imperatoris amplitudinis oblita, Michaellem in Paphlagonia obscurissimis parentibus ortum, maritum sibi adsciuit, & Imperatorem appellavit, ab Alexio Patriarcha coronatum. Quid nostræ ætatis mulieres reprehendimus, quæ libidinem explendam vulgariū, & vilium hominum amplitudine consueverunt? Hydrope correptus, Michaeli Calaphato (vide ad quos imperium peruenit foeminarum lasciuia) in heredem instituto, in monasterium Anargyrorum se abdedit in Bizantijs suburbio conditum. Progreditur vtrò petulantia, fitq. inueterata pudicitia infanior, & cum Constantino XI. Monomacho libidinoso viro coniuncta duodecim annos sancti matrimonij iura prophanauit. Pleuritidis etiam huic viro ad corporis tumorem accessit

accessit, eoq. morbo interijt. A Michaele Calaphato Regia veste exuta Zoe, & lacerna induta, in insulam relegata est; sed à proceribus reuocata regnavit cum Theodora sorore, quæ Orientis Imperium virili animo, defuncto Monomacho, assumpsit; respuitq. Romani Argyri nuptias, quòd priorem coniugem dimisisset. Senio confecta Michaellem II. Stratioticum cognominatum adoptavit, & Regni successorem elegit.

Pinti.

*Vrbis Threÿcia virago prudens,
Ne luge Theodora si sororem
Extinctam hoc tumulo vides amatam,
Qui cum vna populo imperans fuisti:
Zoe nam fuit huic opus liquores
Viuenti ex oculis scatere tristes.
Desenda est ne soror petulca Zoe
Zoe dedita adulterorum amoris
Zoe venefica auferens marito
Vitam, induta mali, doliq. laena
Non Zoe Imperio orta, sed calorum
Lasciuia operis. Cohors Lyai,
Dux & Capripedum vigil caterue,
Duc circum, choreas leues, sepulcrum;
Hoc imminge, tua est, tula in hortis
Rector Lampscide proterue, Zoe.
Zoe lustra dedit, situ vetusto,
Bis septem, & socium sori cupiuit.
Hac nunquam satura in cibo salaci
Visa: hac sordidior Suum tabernis,
Spurca luxurie spuenda Zoe.
Zoen ne videas, gena pudenti
Latois, pede & binc cito recede.*

Eiusdem.

Eiusdem.

Eiusdem.

*Augusto digna Imperio constantia, Zoe,**Est ne tibi, & viuens nomine vita tuo?**Constans esse nequit, qui omnes mutatur in boras,**Pectora non viuunt perditæ luxuriæ.*

Honoriam.

19



Vid scelestius admittere potuit Honoriam, quàm Italici nominis hostem, in quem nemo non arma ad vindicandam libertatem exacuerat, ad libidinem euocare? An verò meminisse fuit indignum ex Galla Placidia, & Constantio esse genitam cum Valentino fratre? Hic à Theodosio Cæsar, ab exercitu Augustus appellatus, Attilâ Hunnum à Genserico Vandalorum Rege in Africam, cuius partem pace facta ipse concesserat, contrâ Gotthos accersitum, socijs in bello sibi adiunctis Morouzo Francorum, & Theodorico Gotthorum Regibus, ad Tolosam memorabili, & insigni victoria vicit, atque fugauit. Et dùm frater tot, tantisque laboribus lambentem flammam, quæ ad oibis parabatur incendium, auertere, & restinguere laborat, ipsa libidine accensa ad vulgæ decus virginitatem tueri coacta, Attilam ad connubium inuitauit? An verò quispiâ idcirco magno animo mulierem dixerit, quod cum Ducem imperandi cupidissimum, laborum tolerantia illustrem, ingenio acerrimum, corpore validum, ingenti spiritus magnitudine (licet crudeli) ornatum, consilij altitudine præclarissimum, Mundici filium, magni Nimrod nepotem, Hunnorum, Medorum, Gotthorum, Danorum Regem, mundi metum, Deiq. flagellum desideraret? Nihil excelsius in ea temporis vicissitudine Attila videbatur. Atque elata fuisset mente Honoriam, si hæc sublimia cogitasset, quod nec cogitauit. Bætrianorum Regis filia, quam primariæ uxoris loco habuit, & quæ tantum virum in Veneris ludo superauit, cum ea nocte qua nuptiæ celebratæ sunt, sanguinis è naso profluuium

profluio decesserit. Sed cur clatam Honoriam dicam, quæ frustrata voto, scelere trecentiori edito, pudicitiam Eugenio procuratori suo prostravit. Et domibus patres familias, ut ab ipsis præcautum, & prouisum sit, cum vix adoluerint, filias ad maritos protrudant.

Pinti.

Eu hic, perplacuit quæ leuissimæ Astilæ,
 Quæ vili studuit fæda Cupidini,
 Augusta tumulum suspice Honoria,
 Hæspes tristi animo, quæ vice concidant
 Res, mortalis ubi sit locus, aspice,
 Vt forma exigui sis breue temporis
 Donum, quo celeri cum pede labitur.
 Languescunt folio pallidulo Rosa,
 Vt vultus, roseis qui micat in genis,
 Memento moritur, nulla non dies
 Lasciuæ spoliū corporis eripit.
 Res est, forma fugax serua libidinis.
 Ecquis, qui fluitans, credat amoribus
 Nitatur fragili quis sapiens bono
 Hæspes dum cineres calat Honoria
 Marmor (dedecori est, cui altera sua, iacet,
 Quæ hic non digna hominum semina vultibus)
 Cui non tota sua mente fluat Venuus
 Cui non, perpetua numine viuendum
 Dum mens Eumenidum supplicium capis

I. I.

Quis hic, qui lacrimatur ore tristi,
 Et saxo tumulum penes residit?
 Cur vitem, ac laceram induit lacernam?
 Eius cur capiti cadis mitella?
 Marcescis prope cur viror Rosarum?

M

Salix

Solus tur Americanus linguis & bene loquitur
Algra est hac facies Honorio: Vnum
Honor, lingue: tum est abire: Haurio
Tantum de decus bocce flere non est.

Constantina.

20
INFELI-
CIS.



Nihil Constantina felicius eo seculo iudicanda fuit, si virum, nihil eadem infelicius, si exitum vite aspexeris. Patrem habuit Tiberium Constantium in Thracia natum, Cæsarem à Iustino iunior appellatum, & ab Euthychio Constantinopolitano Patriarcha coronatum; qui pias Synodos professus, nunquam Ecclesias turbare petiuit; pauperibus alendis incubuit, literatis viris maxime sapit, quamobrem cum à Sophia Iustini vidua reprehenderetur, quod Imperialem Fiscum nimia liberalitate exhauriret, respondit Pecuniâ à pauperibus, & sapientibus acceptam nimis augeri, quod alteri thesauros suppediant, alteri Republicam reddunt. Multitorem. Ideoq. factum est, ut cum aliquando Crucem marmori insertam leuari iuberet, magnos ibi thesauros repererit, quos & maximos habuit à Narsete ex Italia missos. Habuit & virum Tiberium Mauritiū Cappadocem ex Arabis oriundum, qui ex Notario ob rei militaris peritiam, Præfectus Prætorio creatus, gener à Constantino adscitur. Persas per Ioannem Mystacum Ducem ad Nymphium fluvium vicit, Cosroem in Regnum restituit, limites posuit, in Europa cum Longobardis, & Hungaris bellum gessit, Sclauinos, Gepidasq. cecidit, Musacium eorum Regem cepit, Bulgaros Sigidone pepulit, Caganum Regem Avarum expugnauit, nihilq. prætermisit quod ad maximum Imperatorem administrando, pugnando, consulendo pertineret. Sed trucidatis à Cagano multis Romanorum milibus, quos ipse tot aureis redimere potuisset, factusq. idcirco in finibus odiosus, ab Imperio eiectus est, cecidit Phoca, qui ipsius Mauritiū, Constantiam

stantiam coniugem, liberos, & propinquos omnes Chalcedone
 trucidauit. Mirando silentio filiorum necem spectauit; sed con-
 iugem vulneribus confossam, patienter crudelissimam eadem se-
 rentem, quæ nec aliquid in Phocæ commiserat, nec ita mori
 ob vitæ sanctitatem debebat, sanctissime necatos filios, virumq;
 interimendum spectantem intuens, hæc ait: Iustus es Domine,
 & rectum est iudicium tuum. Quid enim Dei voluntatem sub-
 terfugimus? Quid ab ijs, quæ iuste instituit, decedendum arbi-
 tramur?

Pincti.

Quid contra solium valeas Fortuna, quid atra

Spectatis feræ & gradibus & flagitia vult

Quo pacto tegeti soleat subseruere etelia

Occumbant misere ut Reges; id cernite. Phocæ,

Præfectus Scythicis olim vir strenuus armis

Ad tandem Imperij sublimia tellus vocatus

Mauritij inuidia ferro profusa cruore

Corpora prostigas; postquam depulsus ab aula

Is Cesar, sortem sceptris desierat abactis

Gloria Cappadocum fueras, qui maxima quondam

Constantina vxor diros perpeffa furores,

Non tibi (nil fueris quamuis inferis) pepercis

Impia vis Phocæ, Phocæ vis qualis Erinnys.

Te stragis tectem voco Chalcedona tuentem

Quæ genitor, genitrix, genita, genitig. sub ense

(Pro scelus) immanis Phocæ cecidere tyranni

Sub quo Augusta, tui, nec non augusta tuorum



M s **Erinnys.**

Berina.



Inter eximias fama mulieres sedeat Berina, primum quod Magni Leonis I. Thracis, vel Dacis Illyrici vxor fuit, qui Asparis Patricij, & Senatus Constantinopolitanis suffragio, mortuo Marciano, ex Tribuno militum Imperator electus, ab Anatilio accepta corona, Christianum se esse electum, & à falsis dogmatibus alienum, testatus est. Atqui iuuandis pauperibus nihil Berina à coniuge abfuit, qui Principem elementia, & misericordia debere quoscunque aspiceret fouere aiebat, veluti Sol cunctis quæ illustrat aliquid calores impertit. Eo tamen infortunatior, quod isto fœdere cum Valamiro Ostrogothorum Rege, Constantinopolis magna ex parte conflagrauit, centum viginti millibus libris incensis. Quæ maior litterarum calamitas? Deinde quod fratri Basilio, fortissimo viro opem tulit. Huic à Leone cum Genferico bellum gerente, summa rerum commendata fuerat, Marcellino, & Heraclio adiunctis. Et licet prætoria naui, ob suorum defectionem, pugnando fuga sibi consulens in Siciliam se recepisset, decoris tandem amissi recuperandi avidus; alacri pugna in Carthaginem Genfericum fugientem detrusit. Quæ cum optime Berina cognouisset, dum priuatus viueret in Cilicia, pulso Zenone, ad Imperij maiestatem eum euexit; potuitq. ingenij viribus mulier, quæ exercituum robora non facile valuissent. Improbauerunt Berinæ factum iij, qui norune labe quadam, & macula Basilio ab optimo Imperio recedentem, florem dignitatis interfegisse, & fastidiosos Episcopos, qui Chalcedonensi Synodo aduersabantur amplexum, sanctis viris Euthychianos substituisse. Dedit tamen ipsa Berina pœnas, cum seuocatam ex Isauria fratrem, & cum validissimo exercitu in urbem ingressum, & in templum salutis causa interceptum, detractis Imperij insignibus, in Cappadociam cum sorore, & filio relegarunt; ubi in villa Acuso, fame, & frigore morituri suam miseriam deplorarunt? Quid ergo misericordia

ecclia iuuabit in pauperes, cum Romanæ Ecclesiæ cultus destituitur? Et quæ pietas erit in animo, in quo impia dogmata furor hæreticus ingenerat? Berinam aliqui ab ea impietate excusant.

Pinti.

Si perspecto gradum : quàm maiestate verenda es ;

Si meditor nomen : vina, Berina, fugis.

Si mentem : afflicta summo res tollere nisu

Contendis ; video s; ingenium : bocce vales ;

Si quæ fortuna, quaro, conuixeris aura

Repperio casus quos tulit ægra dies.

Sis testis frater, regio sit Pontica testis,

Frigore ubi luges, & perimenda fame.

Illud erat fugere angorem, quæ vina repellunt :

Fugiens vina angorem, Berina, subis.

Fabia, & Martina vxores Heraclij.



ARTÆ sibi gloriæ maximam felicitatem Martina comparasset, si tunc Heraclio coniuncta fuisset, cum in Cosroem Persarum Regem arma mouens, à barbarorum contumelia CHRISTVM Crucifixum vindicare studebat, quem Christianorum Idolum ab ipsis nuncupatum, non esse inuocandum prohibuerat, quàm obrem non tantum Imperij, quàm Ecclesiæ, & Christianæ doctrinæ defendendæ causâ dimicandum intelligebat. Quanta persuta esset lætitia, si cum eo per Armeniam Persidē ingressa, quinquaginta millia Persarum capta vidisset, & ex miseratione liberos dimissos, Cosroem in Mediam vsque consequutum, eundem à Sinez filio occisum; Zachariam Patriarcham Hierosolymitanum, Crucemq; Saluatoris restitutam; Syriam, & Hierosolymam captam, Tygrim Persici Regni terminum constitutum; Bizantium ingressam, in curru sedentem laudat; & triumphalium ornamentorum loco Crucem gestantem

gestantem pro victoria Deo gratias agere, cuius recordatione
 EXALTATÆ CRUCIS seriaz instituta fuisse. Quid malum postea?
 Tunc Martina eius infelicitatis participes facta est, cum ab eodē
 Matheos studio, & præstigijs dæmonum addicto, Christiana
 pietate neglecta, ipsa fratris filia incestis nuptijs eidem est copu-
 lata. Quo scelere perpetrato, Monotheletarum errorem in Dei
 Ecclesiam inuexit, pios Doctores turbauit, remq. Catholicam
 perdere conatus est. Dumq. Iudæos ad Christianam religionē
 suscipiendam compelleret, monitus à Mathematico, ut sibi à Cir-
 cumcisis caueret, nec animaduertere Arabes quoque hac ceri-
 monia uti, Sarracenis qui in bello Persico militauerant stipendia
 negans, ab ipsdē ingenti clade victus est; animoq. fractus, &
 corpore debilitatus, quippè virili membro semper tenso, dum
 meieret, nisi tabula umbilico admota prohibente, vultum locio
 consperxisset, Constantinopoli periit anno 641. & Martina ne
 oratione populum concitaret capta, & lingua priuata est. For-
 tunatior ergo prior coniux Eudocia, quam & Fabiam appella-
 uit, simul à Sergio Imperatorio diademate coronata. Aliquantō
 tamen ipsa quoque miserior, quod antequam maritus insaniret,
 dum funere duceretur ad sepulcrum, illud lugubre accidit, quod
 sputo ab imprudenti barbara puella in phœretrum deiecto, com-
 prehensa, & cremata Imperatrici defunctæ parentauit. Dicam ne
 incestuosas nuptias multa mala, multas calamitates sapissimè
 peperisse?

Pinti.

*Heraslio quæ ex fratre orta est, quæ Augusti, Hymenæos
 Post Fabia, eiusdem tradita nupsa toro es.
 Lata viri palma, deuictæ Perside, Tigris
 Romano addictis finibus Imperio,
 Cum meruit belli impensa portare receptam,
 Et Solyma Domini sistere in urbe Crucem.
 Mirificæ est robilingua loquens Augusta, preseta est,
 Dum tibi conspirat curia magna senum;
 Est secum Soboles, euulsis naribus ense,
 Cur tua & hac claris fasibus ira venit?*

Huicor

Quisq; malo adiunctum exitium, Martina, dolens

Cogere & supplicijs tot male pressa manes.

ASPICITE ut lauro fortuna nocere virenti,

Desidere, ut Diuūm tellus superba solens.

Ariadna.



Leonis L. Imperatoris filia Ariadna, hoc

24

PERFIDA.

unum edidit singulare, inter ea quæ temporum vicissitudo solet asferre, ut maritum viventē sepulcro condiderit. Is Zenō erat. Sed quid boni ex Zenone, obscurissimo loco nato, facie deforme, deteriore ingenio,

inorum improbitate tyranno? obscurē ortum in lucem dignitatum editum, nunquā splendē nitentem videas. Corporis deformitas, animi crebrius deformitatem ostendat. Malo ingenio quispiam, pessimē perpetrat; squalēq; in tyranno dominatus, quæ ex cœno nescio quo, & tenebris eruperit. At insolentiorē ipse Basiliscum natus est, à quo pulsus in Isauriam cum vxore recessit, illud in primis animaduertens, cum è culmine decidit, satius esse priuatam vitā degere, quā Republicam domesticis contentionebus lacerare. A ciuib; Basilisci insolentiam perferre nolentibus, ex Isauria reuocatus, Imperium repetijt, & Basiliscum prælio victum cum filio in Cappadociam relegauit, & Leontium in Papyrio castello captum interemit. Cum multo mero se onerasset, & exanimem omnes arbitrentur, vxor cui mulierosi viri ebrietas dūm omnia confuipraret, omnia eius vocibus personarent, odiosa facta fuerat, omnium opinionem confirmans, sepulcro ipsum inferri iussit, addito ingenti lapide quo tegeretur. Qui postquā respiciuit, & ebrietas abiit, maximis editis clamoribus, nulloq; opem ferente, viuus in sepulcro mori coactus est. Quid turpius, immoderato vino perusum, mortis simulacro ab vxore fuisse delusum? an vxorem lubentem vtrō coniugi mortem intulisse? Nouimus nostra ætate

PERFIDA.

vxores,

vxores, morientium virorum obitum, nutu, gestu, pharmaco
sepius iuasse.

Pinti.

Existore desertam rapuit Semeleius Euan

Gnosia, cui nomen quale, Ariadna, tuum.

Coniugem vs ipsa vides vino, somnoq. sepultum:

Es rapis, & sumulo condi, Ariadna, iubes.

Amba Ariadna estis: rapta altera, at altera rapta:

Altera viuit amans: altera perdit humans.

I I.

Zenoni lacrymis genas rigasti,

Viro bis, Ariadna, sub sepulcro:

Suum dum lasice obruit Lyei

Bibacem stomachum, dedit madenti

Tunc se se sumulo: latente at ingus,

Non dum egresso animo: sepultus idem est

Vxor dum esse putas cum cadauer.

Quid deslere iuuat virum gementem

(Fortasse auxilio tui petito)

Incaustum è gelido, nigroq. busto

Lauro haud Cesarea, ortus is corymbis,

Equo non Capitolium aduehendus,

Verum Lynce fuit meri ad lacunar.

Hoc este in tumulo, quater patentes

Vos ò, queis calices placent Falerni;

Stetis ne calidis humi, caute,

Intus spiritibus, velutq. Zeno,

Ne quicquam è cineris vocetis umbram.

Cuius ossi Ariadna combibenti

Fallaces cyathos, modo hoc parentes.



Barbara

Barbara Bohema.



Am moriturus Sigismundus Imperator, cum
animaduerneret Barbaram vxorem de Regno
magis, quàm de salute sua sollicitam cū Bohe-
mis Principibus clandestina consilia conferre,
cuncta muliebri perfidia, & scelere violari non
veritus, Albertum generū Austriorum Ducem

BY
PERFIDA,
ET ATHIA

Hungaris, & Bohemis sedulò commendauit; & Barbara, quæ Re-
gina illa ad Vuladislauum Regem Polonorum dotalia afferre (quis
reconditas causas nouit ?) quàm filiam Reginam salutare ma-
lebat, capta Znoimæ, in Hungariam ducta est, quod fortasse sic
faciendum Sigismundus ipse iusserat. Mortuo Imperatore, di-
uisis in duas factiones Bohemis, alij Albertum, quem Hungari
sibi Regem creauerant, alij Casimirum Vuladislai fratrem ad
Regnum inuitarunt, qui vel dissuadentibus Polonis annuit, Re-
gnumq. adeundum deliberauit, quocirca cruenta inter eos bel-
la intercessere. Cæsar tandem Albertus à Germanis proceribus
appellatus est, quem honorem non nisi assentientibus Hungaris
accepturum promiserat. Tunc Barbara socrus ad eum curæ
delatis, quæ in Hungaria, & Bohemia possidebat, accepta duo-
denum millium aureorum pensione, ex Hungaria ab eo dimissa,
in Poloniam redijt, vbi ab Vuladislauo perhumaniter accepta,
Sendomiriensem arcem habitationi impetrauit, licet in arce Pra-
gensis, in Regum sepulcris condita fuerit, cui nulla debebatur se-
pultura, quando cum nequitia, & inextinguibili libidine atheis-
mum coniunxerat, nullam futuræ vitæ habita ratione. Barbaram
ergà Deum dixerim, & barbarica ineptia suos negligentem.
Nec rarum hoc in muliere. Perfodit muliebria corda libido,
quæ operoso animi labore, suorum ruinam, aliorum patrocini-
um molitur.

Pinti.

*Quæ nam sub lapide hoc ? viuens claudenda baratro,
Barbara, barbaricis moribus, illa iacet.*

N

Quæ

*Qua fuit ? Augusti Sifmundi barbaræ coniux,
 Perfidia inq. illum nomine clara sua ;
 Tanto indigna viro, quamuis natalibus orta
 Egregia, falsa commaculata fide .
 Credidit an quidquam, vera quod lege vetetur ?
 Corpora mista animis interitura fore .
 Credidit hæc, homines vitam traducere inanem,
 Quam non cum luxu cæca libido terat.
 Sit procul à nobis hæc verè barbara, barriis,
 Qua fuit Hircanis interimenda feris .
 Aeternæ sub Dite luens per secula pœnas,
 Nunc ne animos etiam viuere posse negat ?*

Russa, Othomanna.

26
 EX SERVI-
 TYTE AD
 IMPERIUM
 REVERTA.



Vis crederet inter Sarmatas Vrsos, ferosq.
 Bisontes, & inter Borysthenis siluas glacie
 rigentes, tantæ venustatis mulierem enatam
 fuisse, vt Thracia ferocitate exultantem So-
 limanum maximum consilio, & viribus Im-
 peratorem comprimere valuerit ? Capta à
 prædonibus è Russia regione mulier est (ea
 de causa Russa nūcupata) & munus, quo nihil nobilius ea ætate
 existimabatur, illi tradita est. Munus inquam ? Thesaurū meliùs
 appellarim, quod omnes Orientis gazas superaret. Maximos
 quæstus fecisse ratus Solimanus, non ex præda, & manubijs au-
 rum hoc ad se peruenisse, sed prædatricem eximiam, atque illu-
 strem ad se capiendum missam dictitabat, cum iam ex eius aspe-
 ctu conceptam mortem in præcordijs cōtineret. Ipsam languen-
 tem, incomptam, dedititiæ, & captiuæ habitu, ex quo nihilomi-
 nus veluti inter nebulas, oculorum radij coruscabant, admiratus
 est. Quid, dùm gemmis ornatam, sericea auro, & argento depicta
 chlamyde indutam intuitus est, cuius quasi Lunæ accedentis
 motibus eius Imperium gubernabatur ? Othomannorum clarif-
 simus

simus Princeps, qui Assyrios, Persas, Medosq. domuit, Aegyptum cœpit; Europæ terror; Caroli V. Cæsaris gloriæ terra, mariq. æmulus (quid illustrius Solimano adscribam?) qui licet Selimo patre, quo nihil ad sæuitiâ pronior existimabatur, mitior esset, cædibus tamen, multis victoriarum præconijs; Hungaris, Germanis, Hispânis ad internecionem traditis, & agrorum, vrbiumq. vastitate non potuit satiari; pulcritudini mulieris succubuit, & primariam in Gynæceo concubinam adamauit. Conuerterat ad eam extollendam suos impetus Fortuna, & ad res magnas gerendas, Imperiumq. parandum alacrius adiuncta, ad Othomannicam gloriâ per manus perducebat. Ingentem animi fortitudinem vanæ religionis vallo circumscriptam, huiusmodi Mupletio barbaris sacris Præfecto obiecit, vt templum Deo, Xenodochiumq. peregrinorum commodo sibi ædificandû diceret, & percunctaretur an salutem ea re gesta esset consequutura? Cùmq. respondisset, Mancipio illud non licere, nec proficere, quod ea quæ possideret, Principis essent; mœrore exagitari cœpit, lugubri ferè lamentatione afflictam Solimano se præbens, à quo, cùm ea intelligeret, in libertatē publicis tabulis vindicata est. Concubitum deindè poscenti, ait, Nefas esse cū libera coire. At moræ impatiens amator, Mupletij monitu, ne legi aduersari videretur, eam duxit vxorem. Operæpretium tunc eadem existimauit, si liberos peperisset, Regno insignire. Id quod sanè effecit; nato enim Sultano Selimo, Mustafam ex alia coniuge natu maiorem, occidendum curauit, quapropter Selimum Solimanus habuit successorem. Et tantum potuit falsæ religionis honor, vt in eo suæ amplitudinis fundamenta Russa iecerit, & Solimanus, alioqui barbarus, Mahometici ritus cultum obseruauit. Quid in vera religione deliramus?

Pinti.

*Nunc undas Scythici pone Borysthenis,
Nunc fines patrios immemor; & Venus
Fias, præda, tua specie altera,
Regis Threycij vxor.*

N 2

Nunc

*Nunc iam seruisij libera vinculis ,
Nunc Delimiada delictum tori :
Lingua, templa tenens, Arabum lege :
Fila Galib Ilellab .*

*Pro centone, premis stragula serica ,
Pro paruis maculis ere datis, habes
Ex auro orbiculos tua dextera ,
Indis lucida gemmis .*

*Nunc Regina iubes, quæ fueras heri ,
Fortassis miserè, subdita luxibus .
VT cum sorte dies hominem, vide,
Ad summum decus effert .*

Francisci Colellij Neap.

*Tu ne olim Phrygij prædonibus acta Tyranni ?
Tu ne olim hostili subdita, Russa, iugo ?
Nunc diadema nouum capiti radiante pyropo
Gestas, & flaua regia signa comæ .
Cuius in accepto fueras captiua triumpho ,
Illius imperium sub ditione tenes .
At Dominum solio residens Regina superbo ,
Vincis, & illecebris undique septa ligas .
Prò mirum, quæ Regis eras captiua : tibi, illum
Ius datur hoc vinclo necesse sorte pari .*

Maria, vel Marina Armena .

17
INNOCEN
TER AF-
FLICTA .



VM inuitas nuptias patresfamilias sollicitant, nurusq. filijs inuisas exposcunt, magna eos pericula ingredi cogunt, quibus si aliquandò ipsi perfundti essent, dùm magna eorundem iactatione è terra spectatores fiunt, tempestates nò esse subeundas affirmarent. Mouet aliquandò animos regnandi libido; sæpiissimè diuitiarum cupiditas, nec quid

quid futurum sit provident, nec aliorum exempla in mentem reuocantes, tunc meminerint cum familiaribus grauissimis litibus, quæ intercedent, causa cadere ipsismet aduocatis animaduertēt. Nunquam Marinam, vel Mariam Armenam Constantinus Porphyrogenitus amauit, cū aliam puellam deperiret. Sed matre sic iubente, cū Armeniæ exercitus filio iurassent, licet prius ipsa omnes artes adhibuisset ne à Ducibus iuramentum præstaretur, Armenam sibi vxorem connubio copulauit; morosus, anxius, iracundus, ac difficilis in eam factus est; nuptiasq. non matrimonij dignitate, sed miseræ augurio, coniunctas fuisse dixeris, & insanabili ac mortifera plaga faucius. Nefarium scelus commentari cœpit. In monasterium eam detrussit. Ecquid erroris commiserat scelestè? Infantem sic abdicas? Quid causæ est? *Venenum dedit; sic ad interitum me vocabat.* Nimis quidem leue venenum fuit, quo te sublatum non vidimus. An verò veluti Panthera (crudelissimum inter homines monstrum) quæ venenata carne capitur, remedium habuisti? Tu tibi poculum subornasti; falsa criminis accusatio est. Caroli Magni filiam ardebas, Marinam oderas; idè in eam vanam culpam confers. Vis tamen ea in re defensor? Minus quàm alij peccasti; à te enim innocens seruata est; cū alij, quod vxores oderint, adhibito innocente adultero, ferro turpiter necarunt. Nec Scythæ crudeliori scelere notantur.

Pinti.

Purus Hymen compto Augustam dedit ore Marinam:

Et magna Caroli nata in amore peris!

Vna tuis veniat gratiæ amplexibus vxor:

Linque inconcessos, perfide, linque toros.

INNOCVE tibi qua vixit, vi cludere sepiis,

Ab re coniugium soluere: flagitium est.

I I.

Promissi in sociam thalami violator amoris,

Detrudi immerito hanc ad loca sepiæ iubes.

Hac mare, tu nauta es (prò mirum) turbine fractum

Stat mare, & huic nauta tuta per ire datur!

Anna

Annà Cæsariffa.

28

NOCENS
SERVATA.

Liud barbarum genus in nuptijs, quas mulierum superbia excogitat, quibusq. familiaris discor- diarum militia in domos introducitur summa voluntatum dissensione, sollicitudinis, & sto- machi plena. Irene Andronici Ducæ filia, Ale- xij Commenis vxor, inter alios liberos quos plures habuit, Annam, Cæsarissam nuncupatam peperit. Quam cum despondere statuisset, ad suum, non ad aliorum arbitrium collocare deliberauit. At dices; Cur viri consilio vteretur, qui vaser, avarus, rapax, bello infelix à Roberto Guiscardo, à Bossi- nis vincitur; Chium, Rhodum, Lesbum, Samum insulas amittit; nobilissimā illam in Asiam nostrorū Argonautarum duce Gode- frido Bolioneo expeditionē impedit, à Boemundo tandē supera- tur? Vera hæc sunt; sed nō debuerat viri saltem dignitate moueri? An marmorei busti loco ambitiosis mulieribus viro vtēdum est? Cū maximē in Cōmeno aduersitas vitia correxerit, & rapacitas in liberalitatē, sævitia in clementiam fuerit commutata, quòd si in aprum irruens sagittæ venenatæ vulnere non perijisset, inter optimos Imperatores fuisset connumerandus. Deferat verò pa- trem; quid à Ioannis filij (qui Coloianus dictus est) voluntate discessit? Victorijs bellicis patre melior, qui in Asia Persas, in Europa Scythas, & Tartaros domuit, & ex Thracia, & Macedo- nia expulit, quò Alexio imperante ex Septentrionibus locusta- rum more inuolarant; Hunnos ad Sauī, Istrīq. confluentem de- leuit, Syriamq. coempta ab Raimundo Principe Antiochia, va- stauit? Sic igitur virum, filiumq. illustres Principes superba con- temnit? Annam Nicephoro Bryennio, cuius eloquentiam, ar- tiumq. liberalium studium, & gerendarum rerum prudentiam laudabat, nuptam tradit. In hisce virtutibus latere tutelam, & præsidium libidinis multi arbitrabantur; atque ea quæ conse- quuta sunt opinionem cōfirmarunt; nam in Coloianem filium cum Anna coniuratorum principe conspirauit; qui proculdubio oppressus

oppressus fuisset, nisi Bryennij socordia fuisset impedimento. Hic rerum flagitiosarum ex innuptis nuptijs fructus excipitur, hic turpis concordiae status; & Charybdis gurgitis, in quos quispiam incidit exaurire cum velit, non potest. Caesarissam ut matri obtemperaret, ut virum Imperatorem saluaret, fratrem Imperio priuare non pudebat. Et cruciatus desuere? Nemo coniuratorum casus est; ipsaq. per Alexium Azuchum fratri reconciliata est.

Pinti.

Non digna in terris pena commissæ luentur?

Anna impune diu viuere posse licet?

Quod te non facinus tetigit? sâmen est procul Altrix

Dextra potens: sceptro siccine suta tuo es?

MISSA foro grauiorq. venit vindicta superno,

Insurgat nullis si sibi terra malis.

Maria Austriaca.



Venam proponitur vltima Imperatricû imago? Quæ maiestas, quis nitor in vultu elucet? Quæ in fronte rutilat Romani Imperij sanctitas, atque amplitudo? Quæ collucent in oculis virtutum sidera? Quæ circum augustissima longo series ordine Regnorum honores renouat, atque instaurat? Mariam Au-

29
AVGVSTIS-
SINA, ET
FELICIS-
SINA.

striacam iam cernis hospes, Augustorum filiam, vxorē, matrem, quam Carolus V. genuit, Maximilianus vxorem habuit, Rodolphus matrem nouit. Carolo quid excelsius? Inter sidera claro, & tremulo ardore Cometa magnarum rerū prænuncia coruscat. Belli fulmen; ad hæreses abolendas, Catholicam Fidem propagandam, barbaros fugandos, terræ, marisq. terminos describendos, & subiiciendos natus. Quicum nec Aristides abstinentia, nec humanitate Miltiades, nec felicitate Lisander est comparandus.

randus. Qui Iphicratem militari prudentia vicit, Epaminondam charitate in ciues superauit. Qui labentem, & inclinatam Christianam Rempub. animi consilio, corporisq. viribus sustinuit, & Reges, atque hostes superbè insultantes, memorabilibus positis trophœis, profligauit. Quid igitur gloriosius, quàm ex Carolo nasci? Et quid magis eximium, quàm Maximiliano nubere? Quem, inquam, Maximilianum? Maximi Ferdinandi filium. Quæ Naturæ miracula? Nouit Ferdinandum Turcarum tyrannus. Hoc solo vtor testimonio; qui Transylvaniæ Vaiuoda, Comiteq. Zepusio cliētibus inuitis, ex Regni Hungarici ditione expulsus est; qua victoria Rex Bohemiæ cum Anna vxore, Ludouici Regis Pannoniæ sorore Pragæ inunctus, Caroli voluntate, communi Electorum, & Statuum consensu Coloniae Rex Romanorum renunciatus, Corona Aquisgrani donatus est, Imperatoriam dignitatem, fratris vltro in Comitibus Francofurti deponente. At quem Principem Maximilianum dices? Dicant Solimani, Solimi, Amurathis clades, inter quas victoriarum insignia tanti Imperatoris encomia æterna Fama obloquuntur. Eius dicant eximæ virtutes, quibus litterarum studijs, linguarum peritia, vitæ innocentia, pace, & concordia publicæ amore claruit. Quis grauitate maior? Quis animi constantia grauior? Quis Religionis, & officij plenior? Et Rodolpho quem dices illustriorem, qui cū patris Imperium obierit, eius quoque virtutes obijisse præclarum arbitratu est? Viuas diutissimè Imperator maxime, qui cōspicuas tuas laudes huiusmodi sublimi loco collocasti, vt rerum egregiarum exempla ex te sumantur, recuperatisq. vrbibus, quas Imperio subiectas sæuissimus Scythia occuparat, veteribus bellis confectis, quæ ceteris negotium facessuerat, Summorum Pontificum voluntatibus tibi adiunctis, nullam Christianæ rei iacturam esse factam sentiamus. Sic igitur Maria in maximorum Principum florentissimo campo vires? Tu vna omnium dotes repræsentas? Latent meliora. Philippi sorores. Quid eo Rege admirabilius, qui adhuc clauum Regnorum tenet, dū ab eo ceteri Reges regnare didicerunt? Quid augustius excogitari, aut inueniri posse censebamus? Est ne aliquid in obbe Philippo

Philippo clarius, cuius nomen sanctum, pium, immortale, nulla vnquam vetustas, aut obliuio delebit. Amitam alterius te quoque Philippi cognoscimus, qui patris imaginem Regnis administrandis, Romana Ecclesia defendenda, subditorum rebus publicis, priuatissq. tuendis, vitæ sanctitate, animi magnitudine, refert. Meliora item, in liberorum fœcunditate, quos sexdecim Ferdinando Maria peperisti, Annam, Ferdinandum, Rodolphum, Ernestum, Elisabetham, Mariam, Matthiam, Maximilianum, Albertum, Venceslaum magnos Austriæ Duces, & in pueritia extinctos duos Fridericos, Mariam II. Carolum, Margaritam, Leonoram. Ecquandò feliciorum partu audiuius? Quid Mariæ, & Aureliæ Iulij Cæsaris matri? Viditq. duas filias potentissimis Regibus coniunctas; quippè Annam vxorem habuit Philippus II. cui Philippum III. peperit; & Elisabetham Carolus IX. Rex Gallorum. Quamobrem filia Caroli V. est, nurus & neptis Ferdinandi, vxor & sobrina Maximiliani, mater Rodulphi, soror & focrus Philippi II. Philippi III. amita & aua; & Caroli IX. focrus. Afferat quispiam potentiorum seriem, felicius genus, stemma nobilius. Animi diuitias quis enarret? Vxoriz fidei incredibilis obseruantia, vt vel ancillam ægroto Maximiliano gereret, quando interdium noctuq. nunquam à viri lecto discedens, semper epulas ipsa parare voluerit. Efficax in ea charitas, atque humilitas, quæ continuò cum pauperibus versabatur, Xenodochia inuisebat, miseriarum subleuatric. Prudentia ità percrebuit, vt mortuo viro, & à Philippo in Hispanias vocata, Portugalliz Regni, quod nuper in suam ditionem redegerat, Gubernatrix effecta fuerit. Indè Regios fastus descens, in Cœnobium Excalciatarum S. Francisci à Ioanna Regina sorore conditum, cum Margarita filia se abdidit, vbi cum aliquot annos sanctissimè vixerit, tandem ad cœlos cum omnium mœnore euolauit. Quæ hanc metam aliæ Imperatrices curriculo tangere voluerint, nefas esse sibi persuadeant.

Incerti.

*Cæsar me genuit; Cæsar, me coniuge ducta,
Cæsaream fulcis sospite prole domum.*

O

Pinti.

Pinti.

*Vidi, ait, in terris admirans pronuba Iuno
 Fertilitate parem, nobilitate parem.
 Hac currum ascendat, picto pauone vebetur.
 Hac plaga in atheria delicioſa comes;
 Scepſtrigera diues ſebolis, venerata coronis.
 Sume Philippiade ſanguine creta datus.*

Isabella Caſtellæ Regina.

REGINAE.
 30
 FORTIS,
 ET SA-
 PIENS.



Mnium virtutum, quæ in præclarissimis Reginis insignes existimantur, ditissimum ararium propono Isabellam Caſtellæ Reginam, Henrici IV. ſororem, Ferdinandi illius uxorem, cui Catholici nomen ob rara in Chriſtianam Fidem exempla eſt inditum. Eius ſi vitæ ſanctitatem ſpectes, templis cum viro ornandis, ſacriſq. libris legendis aſſiduam; ludos, corporiſq. voluptates exolam; bonos in aula mores deſiderantem, præterea nihil, videas. Si Temperanciam, ſine qua contemplari, & gubernare non licet, nec lautum quicquam, nec exquiſitum, nec per libidinem ſumptuoſum expoſcebat, & abſtinens à vino, admirabilem virtutem mulieres edocuit, vt ſemper à computationibus muliebrem modeſtiam vindicandam eſſe intelligerent. Si Fortitudinem, nihil quidem viro viribus, & conſilio cedens, Luſitanicum bellum eo abſente confeſcit, Regnum Nauarræ ſuis adiecit, Canarias inſulas deuicit, in expugnando Bethicæ Regno egregiam nauauit operam, vt Sarraſcenos, Maurosq. ex tota Hiſpania expulerint, & eos qui in ea regione reliqui fuerant, aut Chriſtianorum dogmata ampleſſi, aut in Mauritaniâ decedere coegerint. Si Clementiam; poſt patris obitum, Caſtellæ Regno recuperato, quod familiares Principes occuparant, ijs in quos iure animaduertere debuiffet, ſupplicia clementiſſimè condonauit. Si Miſericordiam; quanto ſtudio in bellorum

bellorum conflictibus, & quàm prouidè Medicos instituit, qui vulneratis remedia afferrent, carrosq. quibus ij ad Xenodochiũ perducerentur, quod Regina nomine appellabatur? Dùm verò à bello quiesceret animus, ornandæ, & amplificandæ paci mulier prudentissima ita vacabat; vt Regnum atrocinijs expurgaret, leges conderet, in ferendis sententijs Consiliarijs ipsis esset adiumento, omniaq. tanta prouidentia pacaret, vt ad sæculi felicitatem tantâ Regina esse natam omnes prædicarint. Sed quàm latè in ea percubuit rerum maximarum cupiditas? A Christophori Liguris opinione ad orbis terminos propagãdos, nouosq. inueniendos ceteri Reges, ipsaq. Genuensium Resp. quam serò facti poenituit abhorrentes, insaniam laborioso, & ingeniosissimo viro obijciebant; neque profectò prorsus reprehendendi. Quid enim stultius poterat excogitari, quàm extrâ antiqui orbis limites, nouum orbem reperire, nostrisq. Regibus subigere? Cùm Isabella reconditarum rerum indagatrix, cui vix sexcenti suffecissent orbes, aureæ illius Columbæ, quæ ad ignotas rerum causas euolabat, pennas subleuando, quartam terræ partem addidit, quam mortalibus absconditam gloria nunquam peritura, æterna Fama concinet, eius nutu, & opibus esse patefactam. Quamobrem adhuc Oceanus Occidentalis, & Eous ad Isabellæ honorem prouoluit vndas, quæ tot annos ratium onera perferre non didicerant, nauticos clamores ignorabant, classiumq. exuijs nunquam fuerant ornata; aurum arenæ fluminum vorticibus exonerant; gemmarum corollas rupes, littora, glebæ neclunt; arboresq. suauitatem fragrantés, varios succos, atque liquores emittunt; longè alius aruorum aspectus Europæis ligonibus cultus, noua iam florum ferta texit, flauæq. segetes horrea complent, & plenioribus vitibus fluunt præla, cælumq. ipsum clementius nouis colonijs redditum, Isabellam tot laudibus effert, quot sideribus illustratur. Hinc Canibales, atrox Anthropophagorum genus, humanitatē, hinc omnes indigenæ veræ religionis cultum Isabellæ acceptum referunt, cui nouus ille orbis felicius quàm Columbo, Vespucio, Magallani, suam acceptam refert claritatem. Mortua anno 1504. in oppido Methymna Campi.

Pinti.

*Immenſas Cubæ, ignotis qua Carcinus ardet
Gentibus, inuenit puppe Columbus opes.
Has nunquam ſceptro Ligur hic iunxiſſet Ibero,
Tanto Argonauta ni auxiliata fores.
Ergo noui inuentrix Regina vocabere tractus,
Quando abſque ille tua vela ligaffet ope.
Regibus eiectum, patrio luſumve Senatu,
Audax conſilium, femina ſola iuuat ?*

I I.

*'Aduerſis tôt reſponſis tua penna, Columbe,
Eſt diſſecta, ſed eſt penna Iſabella tibi.
Quod ſi penna tua hac fuerat, vel fulua, vel alba :
Puras nunc auras aurea tota ſecat .*

Colellij.

*Fleſiſti varijs iactate inſultibus, Heros,
Inſumens miſeris annua luſtra modis ;
Et velut infamem te patria ſeua rebellem,
Pellit & Hæſperia diues Iberus humo ;
Omnia te rennuunt : tamen excipit extera blando
Regina aſſatu, qua tibi ſubdis opem.
QVAM bene virtuti ſamulantur munera, poſtquam,
Digna tibi merces obſigit : illi animus.*

Ioanna Hiſpan. Regina .

II
PARTV IL-
LV3: RES.



Vo quæ maximè præclara Ioannæ Aragonæ acciderunt, inter fortunatiſſimas eam Heroínas extulere. Alterum, quòd Iſabellæ, & Ferdinando maximi nominis Regi Catholico genita; alterum, quòd Philippo Auſtriaco Maximiliani I. filio in matrimonium fuerit collocata . A Ferdinãdo per Ioannam Auſtriorum feliciffima ſeries in Hiſpanias ducta

ducta est. A Ioanna per Philippum orbis delictum in lucem editus Carolus V. splendor Imperatorum. Laudent alij in hac Regina pulcritudinis elegantiam, alij virtutum omnium eam celebrent encomio. Vnum ipse potissimum laudandum existimo, in quo omnes laudes conquiescant, quod naturæ miraculum Cæsarem procrearit. Erit ne Aureliæ Augustæ, quæ Iulium Cæsarem peperit comparanda? Pares profectò, quæ duos inferioris orbes Soles peperere. At superior Ioanna ex qua Christianæ Fidei lumina in Carolo V. Catholicæ Ecclesiæ tutela emicarunt. Comitatum Flandriæ, reliquasq. ditiones à Ioanna Castellæ Regno vnitas, & ius successionis, in amplissimum Hispaniæ Regnum allatum, immortalis laude maximam Reginarum celebrabunt. Patrem multis in Mauros prælijs triumphantem vidit; sed mortuum, & à Bernardo Sandoual Bethicam allatū deplorauit.

Pinti.

*Cum dubio aggredieris partus, Regina, periclo:
Iuppiter, & Mauors talia dicta ferunt:
Nitere spe magna, atque Heros erumpat ab alno;
Et spolys nostros augeat ille lares;
Deferat ex Lauro deuictis ex hoste coronas,
Ipsius nunquam fame abeunte sono.
Sic fatus, liquidum vanescit in aëra vterque,
Totaq. letitia est aula relicta sua.
Te, Cæsar, pariente venit fauor, & pauor orbis,
Vsq. suis magnus laudibus, usque tuis.*

I I.

*Tbrejcio quondam fertur peperisse sub antro,
Ex Iouis, armiferum, sanguine, Iuno Deum.
Sic oriū Carolum, qui Mars fuit alter in armis,
Ioanna Hesperijs, altera Iuno, tulit.
Sed nouus hic Mauors, quàm prisco maior habetur:
Ille leuis sceptriū, at grauis iste fuit.
Ille aliena, vrbes turmis susura superbas:
Hic sua, per fractis hostibus, arma dedit.*

Denouit

*Deuonit vetus illi atas Picoſæ , Lupoſæ ,
 Huic datur inſigni, magna auis, atque Leo.
 Ibracius ò quantum Mars hoc à Marte, & Iberus
 Hac, quantum Iuno eſt protinus Argolica.*

Coellij.

*Felix alma parens : felix tu Carole : digna eſt
 Hac puero genitrix : hic genitrice puer.*

Isabella Hiſpan. Regina .

32



Roximè ad Ioannæ gloriam acceſſit Iſabella Emanuelis Luſitanorum Regis filia, quā cum magnus Cæſar habuerit vxorem, illud ſibi iure tribuit, vt vna omnium Auguſtarum feliciffima potuerit appellari. Et quamuis id præcipuè ſatis eſſet ad Maiestatem amplificandam, maiorem nihilominus factā arbitrata eſt, cum Philippum II. Regum maximum, & Regnorum omnium decus in lucem ediderit. Neſcio quid maius in orbe, naſcente Philippo Chriſtiani nominis defenſore acerrimo, barbarorum domitore, hæreſum vindice, Reipublicæ qua iuſtior excogitari non poſſet adminiſtratore, natum eſt. Cedit Cæſari Philippus, ſed patris vitam æmulatus, quæ ab illo armorum viribus ſunt inchoata, pacis ipſe tranquillitate conſecit. Sic inquam æmulatus, vt vel in gerendo in Quinſtinopolim bello, ſub filio pater ſtipendia merere exoptaſſet. Quid æmulum? quid imitatoreſ pronuncio? In Philippum Cæſar omnes tranſfudit virtutes; omnibus paternis virtutibus imbutus Philippus Cæſar fuit. Atqui ſic Ioanna Iſabellam reſert, vt vtraque ſummorum Principum mater, qui extrâ Solis vias vtrumque polum, perpetuoq. Oceano littora circumſuſa Imperio adiunxere, qui duo Caroli Magni Romanæ Eccleſiæ iura (quod caput regnandi eſt) vita, & fortunis ampliſcanda ſemper duxerunt, regnorum moleſ cœlo, & terris conſpicuam illu-

illustrissimo opere ædificarunt. Ioanna Cæsarem, Isabella Philippum peperit. Quæ inter parentē, & filium meta excellentior. Quis extrâ ambas hæc columnas progredi audebit? Et quis harum Reginarum famam censebit nobiliorem? Singulare illud? Ioannæ contigit, vt Caroli V. mater diceretur, singulare illud etiam Isabellæ contigit, vt Philippi esset procreatrix; partusq. nobilitatem aliæ filiæ auxere. Maria, quam Imperatricem Germania salutauit; & Ioanna, quæ Ioanni Lusitanæ Regi nupta, inter celeberrimas Reginas fuit adscita. Quod si tantæ coniugis amplitudini, & liberorum fœcunditati, corporis elegantiam, animi candorem, Regios mores, amabilem adiunxeris grauitatem, omnibus eam antecelluisse Reginis faciliè iudicabis. Turbauit eam felicitatem interitus decimum tertium post annum, quibus cum coniuge vixerat, aucto patre filio Ferdinando, cui haud diù viuere contigit. Toleti sepulta est quadragenaria anno 1539.

Pinti.

*Ex exoriente, Tagus croceas versauit arenas,
Fascibus orta vxor, purpura & orta parens.
Magna quidem laus est, sceptris genuisse Philippum,
Coniugio & Caroli sanguine & esse parem.
Gloria quin ingens, ætauos iactare superbos;
Stemmata & antiqua mille referre domus.
Undique quàm maior, populis pia iura dedisse,
Acuiq. in superis commeruisse dies.*

Maria Lusitana.



D. Regiæ felicitatis fastigium quatuor Philippi. 33
II. Regis vxores cunctas Reipublicæ bono, PHILIPPI
stirpis diuturnitati, orbis terrarum ornamento. II. Vxo-
cognouimus. Quid Maria Ioannis III. Lusitaniae Regis magis eximium, ex qua primi con- RES.
nubij floribus ea consanguinitatis fragrantia
afflata est, vt nuptiarum odor Europam completeret? Accessit
formæ

formæ venustas, quæ eam reddidit admirabilem. Alliciebat verbis animos, & dum acuta, & graui oratione vteretur, res magnas, quas animo concipiebat, Regali maiestate parere videbatur. Florentis ita Reginæ cum Regum omnium flore, floridis annis mors inuida vitam præcidit anno 1545. quarto post partum die, in quo Carolum Hispaniarum Exarchum edidit, quo vnico, penèq. adulto pater mœrens, sed lubens orbatus est.

Pinti.

*Surgit ab Ionio Cithærea lictore : sed tu
Hesperio auricolor, quæ sonat orbe Tagus.
Illa cupidinibus, lasciuo perditæ luxu :
At Regina tibi tædæ pudica nitet ;
Non exorta mari es : tamen insunt clara Mariæ
Nomina : at à Mariæ nomine nomen habes .
Quod si pulcra Venus, pulcro quæ est ore, vocatur :
Quàm magè tu in sceptro pulcra vocanda Venus ?
Es Venere es maior : thalamo sociata Philippi es :
Iuncta viro certum non habet illa torum ;
Serta Palepaphiæ nectuntur myrtea : crines
Ornat at ex auro magna corona tuos .*

Maria Angla.

34



Maria ex Henrico VIII. Angliæ Rege, & Catharina Caroli V. matris sorore nata, à Regij animi dotibus ad immortalitatem ducta est. Hæc sanè cum altera sorore Elisabetha, & fratre Eduardo à patre est defuncto relicta. Et cum præpropera mors Eduardum sustulisset, qui Regno successerat, Mariæ primogenitæ Regni iura auferre aliquot Proceres conabantur, omnibus tamen Ordinibus Ioannam Suffolciam repudiantibus, quam adolescens, & imbecillis iudicij Eduardus, persuadente Suffolcij Duce, testamento scripserat

pererat heredem. Diſto ſacramento Londini Corona aurea redimitur, licet Nortumberlandius Dux, qui cum Ioanna filij vxore in Regnum aſpirabat cōtrā Mariam caſtra mouerit, qui cū nec longius ab eius caſtris abeſſet, ab omnibus deſtitutus, cum liberis, & Ioanna captiui ducti ſunt. Tunc Regnum, quod à Fide Catholica deſciuerat, in veterem Eccleſiaſticam diſciplinam reuocans, omnem Anglicanam libidinem ſumma cum omnium admiratione frænauit. Rebelles Petrus Carus, & Thomas Vuieus eius ſeueritatem maximè nerunt. Sed illuſtriori lumine Sol Angliam peragravit, cū de Philippi nuptijs per Cardinalem Reginaldum Polum in Germaniam, & Angliam conſtituendæ Relligionis cauſa miſſum, agi cōceptum eſt. Bruxellam è Germania Philippum Cæſar euocauit, vt conceptis nuptiarum legibus, in eam inſulam proficiſcentur. Inſtitutæ legationes, miſſus Lammoralis Egmondij Comes, Philippus Nigri, Carolus Lalcini Comes, Ioannes Mommorancius Carreræ Deminus. Qui nihilominus re infecta rediere, relicto Egmondio, qui, vt Principum mos eſt, Philippi Principis nomine, armatus cū Regina non nihil temporis concubuit. Conſectum tandem negotium eſt, Philippusq. in Angliam nauigauit, & fauſtæ D. Iacobi ſeriæ omnium conſenſu, & acclamatione habitæ ſunt, non tantū quod ex ampliſſimo genere, in clariſſimam Henrici familiam Rex nupſiſſet, ſed quod amoris, & fidei nexu Orthodoxam Relligionem huiusmodi religatam conſpexere, vt quæ omnino adumbrata falſitatis imagine obſoleuerant, veritate demum fuerint renouata. Quid Mariæ fortunatius accidere poterat, quàm Philippum Regem Catholicum, in Catholica Fide in ſuo Regno reſtituenda habere conſortem? Eliſabetham ſororem, de ſuperiori ſeditione ſuſpectam, honeſtæ cuſtodix traditam, Philippo deprecatore liberauit. Nulla relicta prole, quadriennio poſt connubium, ad cælum euolauit.

Pinti.

*Et Minio, & patrio pelago venerata Britanno
Te aſpiciens vaſtus ſic ait Oceanus:*

P

Immenſis

Immensus sum pontus ego circum uagus undis,

Immensa es ritulis, stemmatibusq. tuis.

Lata es nasa patre, & sceptris, populisq. superbo,

Lata es, in armato dum meditare virum.

Qua regio, qua te non gens putat esse beatam,

Heu tantum miseram sol sine prole vides.

VNDIQUE quis vultus poteris iactare serenos

Fortuna? è Diuum condicione foret.

Isabella.

35



Nuptiarum initio Isabella Henrici II. Gallorum Regis filia, felicibus auspicijs, flammis bellorum incendio ardentes, visa est restinctura, sanguinis repressura effusionem, & pacis inter patrem, coniugemq. auctor futura; ideoq. simbolo usa est, Sole, Lunaq. splendētibus aliquot

cum Corona impositis stellis, cum hoc epigrammate, *lām felix omnia.* quippe calamitoso bello, quod annos amplius centum & sexaginta adhuc Philippo Audace viuentē durauerat, finem iam esse impositum iudicarent; sed mox sanguinario civili bello ob restituendam religionem implicati, clarissimam prouinciā diripiendam concessere. Et infelici factum videtur esse augurio, vt dum Parisijs desponsaretur Isabella stipulante Albano Duce Regi Philippo, & nuptiæ Regia magnificentia celebrarentur, armato Egmondio cum sponsa concumbente, & Henricus in hastiludio cum Gabriele Mongommerio concurreret, confractæ lanceæ frustum in dexterum Regis oculum per cassidis foramina adactum, summo omnium bonorum dolore, è viuis abstulerit; nec iuuit Andream Vesalij Medicorum, & Chirurgorum eius ætatis principis studium, quem Philippus de fœderi casu certior factus miserat. Tulit Isabella patris interitum ea, quæ maximam Reginam decebat, prudentia, & maximi Regis coniugio paterni funeris luctū mitigauit; tum maximè cum absolutis

absolutis per Legatos sponsalitijs, petijt vt terrestri itinere in Hispaniam vxor proficisceretur, exemplo enim esset ipse Bruxella mari subsequuturus, cum in Zelandia classem comparasset. Discessit illa deducente Antonio Borbonio Vendomæ Duce, & fratre Carolo Cardinale. Quibus plausibus Parisijs in Cantabriam contendentem populi exceperunt, quibus gratulationibus traiecit montibus est salutata. Quam expectationem concitauerat Philippo Complutū Toletō obuiam Francis proceribus procedente. At quibus modis Hispanæ multitudinis læticia profusa est, cum ad Complutensem Arcem diuertentes, sollemni ritu iunctos proclamarunt. Quas pompas, quos non aperuit Isabellæ tota Hispania ostentationes. Quid sibi gloriæ nouem annorum spatio comitate, sapientia, animi magnitudine non comparauit. Filij decessit abortu, viuentibus Isabella, & Catharina, quarum altera Sabaudia Duci, altera Alberto Austriaco nupta est.

Pinti.

*Nascentem, ac sponsam vidit me Celtica tellus,
Regnantem Hispani diues Iberus aquis.
Inq. datis ludis, Hymenæo turbida nostro,
Vltima conspexi vulnere ferre patrem.
Gallia ab infelix ibatamo solata iugali,
Cantabria subij sat comitata vias;
Vix duo lustra dedi magno sociata Philippo,
Et Lucina mihi luno sinistra fuit;
Hincq. superstitibus natabus sidera binis,
Adueni, & supero nunc datur orbe frui.
Tu nostros lugens cineres, ne posses coronas,
Parcat at vt nulli perferat Parca, vide.*



Anna.

36



Prennes muliebris famæ, & gloriæ fontes, Annæ Maximiliani I L. filiæ cum Philippo Rege conubio, omnes qui eam norûnt, testati sunt fuisse præclusos. Nitido illa, Regioq. aspectu, serenitate oculos perfusa, in altissimo Maiestatis fastigio cõstituta, omnium in se gentium oculos, animosq. conuertebat. Genus in hac Regina cum venustate, venustas cum mansuetudine, & probitate, probitas cum pietate certarunt. Omnes certarunt virtutes ab illis præclarissimis fontibus deductæ, Maximiliano viro, Maria matre, quibus nihil prudentius, nihil iustius, nihil clementius, vt meritò clementem, iustum, prudentem Philippum I I. Regem potentissimum paterni nominis, paternæ Monarchiæ, paternæ virtutis, & Relligionis felicissimum successorem pepererit. Peperit etiam Ferdinandum, & Didacum, quos immaturè mors rapuit. Vt amorè quo virum prosequuta est, patefaceret, symbolum depingendum iussit, Arborem cuius medium alatus serpens circuibat, ramo columba insidente, cum inscriptione, *Aeterna coniugi*. cuius præclara gesta, à sola Aeternitate describentur. Florentissimo dicendi genere orationem habuit in eius funere Ascanius Columna in Salmaticensi Academia.

Pinti.

*Obuia Maiestas agro processit Honori,
Et subito sales fudit ab ore sonos;
Carpe iter ager Honos, & mecum massa subibit
Teeta: veta hilares, Annæ obeunte, lares.
Sic ait; & Fama occurrit, pennisq. tubisq.
Aurea, & ausa omnes voce replere plagas.
Voce, illa extinctam Regis vidisse maritam,
Annam, annos cælis cui datur esse suos.*

Eiusdem.

Eiusdem.

*Fortunata Patre, & Genito nunc Rege, Viroq.**Sceptra aterna tuis quàm meliora vides.**Obtineas nato è cælis feliciter annos,**Anna sis illi omen viuere posse diu.**Tàm bene namque ipso pòpulis pia iura ferente,**In delenda tibi gloria maior eris.*

Incerti.

*O fortunati quibus hac duo germina surgunt**Semine Casareo Belgæ . qua florida regna**Cernere eris tali imperio, tadaq. iugali ?**En Borea conclusa metu melioribus astris**Claustra sui Calycis perrumpere nititur, orbe**Productura novos fatus pietatis, in illo**Errorum Fidei euulsis cum stirpe labruscis**Nequa filix nostris rediuiua repululet aruis.*

Catherina Austriaca.



Atherinam Hispaniarum Infantem, ex Isabella

37

Valesia natam, Philippus I I. antequàm de-

cederet, Carolo Emanueli Serenissimo Al-

lobrogum Duci collocavit. Optimè, atque

prudentissimè tunc egisse Philippum omnes

fateantur, qui cùm filiam animaduerneret

omnibus Heroinis nobilitate, & virtutibus

antecedere, illustrissimo omnium in Italia Principi & sanguinis

cognitione, & prouinciarum amplitudine, tùm antiqua Regno-

rum possessione, & subditorũ numero, coniunxit. Quid longam,

& nunquam interruptam Imperatorum, Regum, Principumq.

in ea familia seriem suprà mille annos repetam? Quid Sigear-

dum Saxonix Regem proponam? Quid Othones Cæsares,

Subaudosq. Heroes, inter quos recentiores, Vmbertus, Aimo,

Amedeus,

Amedeus, Ludouicus, Philippus, quorum Imperium sanctitate coronatum fuisse populi existimarunt? Quid Carolum Emanuele efferam, cuius animi, corporisq. viribus Italia virtus viget? An ad res magnas moliendas, ad comprimendos hostes, ad bella terra, mariq. conficienda, alterum post Emanuele eliges? Quis eo Duce prudentior? Quis fortior? Quasi vero exili hoc Elogio eius fama indigeat, & locus in orbe terrarum desit, quò eius gloria non penetrarit. Mens igitur prouida Philippi, Naturam ipsam stemmatum similitudine habuit consultricem, & Catherina feliciter se ad coniugium, fidemq. tanti viri applicuit. Quid si virtutes æquauit? Regalis in ea corporis habitudo, gestusq. & motus ad Imperia institutus, cuiusq. dominatu omnia posse teneri iudicares, vt omnes ad eius honores, atque admirationem loquendo pariter, & tacendo prouocarit. Quapropter consiliorum patris semper particeps, Regni consors, dona diuinissima habuisse, & gubernandi formam à serùm Opifice vno absolutam die omnes credant. In negocijs peragendis solers, & acuta, prompta, patiens. In muneribus administrandæ Reipublicæ subeundis, magnanima. In difficilioribus rebus fortiter elata, in quibus tantum dictis effari, quantum laboris accipere consuevit. Consulere, prospicere, conseruare solita, de pace, & bello huiusmodi consulens, vt non ex Ariopago prodeuntem, sed ex ditissima Patris sapientiæ officina edoctam dixeris. Nihil Catherina in summa grauitate humiliter, in omni felicitate moderatius. Patris, viriq. iustitiam, religionem, pietatem, ad suos mores transtulit, quorum præceptis imbuta, eorundem semper effigiem præsetulit. Erit ne igitur nouum si aliorum miserijs, & calamitatibus opem rulerit, seruarit innocentes, semper cum Deo orationibus, sanctisq. operibus fuerit? Virum amauit, sobole auxit viuentem, tantoq. thesauro orbatum, in summa modestia reliquit.

Pinti.

An vis multa tuis carmina laudibus?

Coniux Allobrogum tu Ducis optuma:

Tu

*Tu neptis Caroli : lux & Iberica
 Gentis, tu Italica rarus bonos plaga.
 Tu prolis genitrix fertilis incluta,
 Patris luminibus tu undique fulgida,
 Virtute ipsa tua Luna velut nites.
 Antiquos titulos si cupias : habes ;
 Si clara ex atavis stemmata, imagines ;
 Auri si cumulos : largiter hac tenes ;
 Si ingentes populos : hi tibi, quos regas ;
 Si dotes animi : quàm bene te excolunt ;
 Si, qua fluxa cadunt, corporis in bona
 Is desiderio : cuncta moues manu .
 Heroïna sibi deesse nihil puto .
 Ac dum de supera respicies domo
 Tot mortalibus hac subdita legibus ,
 Vt spes fida monet, te procul haud erit
 Quidquam latifici muneris inscium .*

Isabella Austriaca .



Afflictas Belgarum fortunas , prouincias belli
 flammis conflagrantes , & intestinis moribus
 euerfas , Isabellæ , Claræ , Eugenix coniugio
 subleuatas , eiusdemq. aspectu recreatas quis
 negabit, cùm Alberto Serenissimo Principi nu-
 bens, in Belgium profecta, omnium votis, gra-
 tulationum, & apparatusù significatione, & inauguratione quan-
 tam nec in aui, nec in patris aduentum edidere, suscepta est ?
 Ad Diuos, & Augustos Isabella, & Albertus, non tam generis,
 quàm animi dotibus accedunt . Nec rariori poterat Albertus
 mulierì coniungi, quam rarissimi parentes Philippus, & Anna
 genuerant venustate admirabilem , Regali maiestate ornatam ,
 virtutibus omnibus eximiam, qui Austriorum familiam ducens,
 præstantissimis triumphis debuerat decorari . Nec mercedem
 dotalium

dotalium prouinciarum Belgij, Burgundiæ, & Carolesij Comitatus à fratre, auunculo, & cognato Philippo Albertus rebatur accipere, cum vxoris modò munere se locupletari, atque ornari posse existimaret. Nouit Isabella omnium Ordinum acclamationem, patris amorem, Principis (nunc Regis) consensum, Pontificis veniam, quæ omnia viri, vxorisq. perennem concordiam prælagibant. Quid verò Pontificis veniam cum dicimus, nuptiarum solemnia reticemus? Fratris dum nuptiæ ab augustissimo Pontifice cum Margarita, procurante Alberto celebrantur, suæ quoque cum Alberto, procurante Antonio Sessæ Duce, conficiuntur. Quid iucundius? Quid excelsius? Quid post hominum memoriam memorabilius? Sed quid felicius Isabella, & Alberto in eo congressu, qui Valentiae cum Philippo fratre, & Margarita Regina habitus est? Quod gaudium hilaribus lacrimis, amoris plenius celebratum? Altera coniux in Hispaniam progreditur, altera ex Hispania excedit ad Belgas. Peramanter vtrinque studia, & officia patent. Septimo idus Iunias, omnibus ad navigationem paratis, classem cum Alberto conscendit; præteruehitur Tarraconense littus; Narbonensem sinum traiecit; oramq. Ligusticam legens in portum Genuensem appulit. Quæ voluntatis in ea Republica declaratio? Quis honor à Laurentio Saulo exhibitus? Quis in ædibus Principis Auriæ splendidissimi Regum hospitis apparatus? Ex Liguria Insubres adiit, ex oppido Seruallis à Mediolanensium Præfecto equitum turmis armis, & equestri ornatu instructissimis Dertonam ducta. Eridanus fluminū Rex lætissimis arundinum frondibus præcinctus, Ticinum contendenti tranquillitas præbuit vndas, dum contentione quadam Ticinenses Academici, operiq. publico Præfecti, de symbolorum inuentionibus, ob nimiam Austriacos obseruantiam, cum alijs Italiæ vrbibus certarent. Eò lætior Isabella facta est, cum Mediolanum ingrediens, Castellæ Comestabulo, amplissimo Senatu, & profusa multitudine obuiam procedentibus, non tantum sollempnia nuptiarum Philippi, & Margaritæ Valentiae celebrata, ad portam magnificè exornatam, depicta inspectauit, sed iisdem ædibus in quibus Margarita comorata fuerat, vsa est.

Lætior,

Lætior, inquam, cum quàm plurimi Principes, Senatusq. Veneti Legati aduenere, honoris officia certatim offerentes, cumq. Cardinalis Dieterstrinus Legatus à Clemente VIII. missus, post sollemne sacrum Rosam ipsi auream, & sacrum ensen Alberto tanquàm Fidei defensori dono dedit, summa cum ludorum, spectaculorum, scenarumq. varietate, & oblectatione. Qua lætitia nō perfuncta est ad Seronam, ad Tradates, ad Heluetios, ex quorum fœderatis ciuitatibus Optimates adfuere? Ad Belincionam peruenit, summa Alpiū iuga ascendit, descendit ad Vrios, cumq. ad Lucernates triduo diuertisset, Basileam ingressa est, & inde per agrum Alsatiæ, atque Lotharingæ ad Deodatenſe, & Luneuillæ oppida à Barri Duce, & Comite Vaudemontio Regio apparatu cohonestata, & ad Nanceium deducta est, vbi nullum officij genus, nullum beneuolentiæ testimonium fuit prætermisſum. Ad Muſipontem, Lotharingæ Ducem cum filio Cardinali comites habuit, atque hospites. Belgium iam dominam salutat; à Mansfeldio Comite excepta Luxemburgum ducitur; contendit ad Eburones, ad Namurcum, vbi maximæ fidei Florentius Barlaymontius specimen ostentauit. Et ad Brabantię limites progressæ, quàm præclarè Ducatus Ordines, Principesq. obuiam facti sunt? Quàm splendidè officij, & amoris studijs claruere? Quod verò obsequij argumentum Louanij non laudauit? Quæ concordix signa Bruxellæ non intuita est? At Machlinia adhuc triumphis gaudet. Et Antuerpiæ quas pompas non admiratus est Oceanus? Neque hæc omnia Isabellæ dignitatem æquarunt, cuius imaginem non templum hoc illustrium Reginarum, sed ipsa Aeternitas cum Serenissimo, felicissimoq. coniuge seruabit.

Bernardi Streingarti.

Gratus ades celebrande nouis, Alberte, triumphis,

Finibus Eois, Hesperijsq. redux.

Grata venis Isabella, tuis, optataq. dudum,

Principis egregia est gloria adesse tuis.

Grata dies, grata facies, grata omnia circum,

Grataq. spes pacis pectora blanda fouet.

Q

Maſſe

*Maſſe age, ſume animos fortes, ò Belgica, tandem
Viſa diù triſtis, fracta ſepulta ſerè.
Priſtina felici redeunt tibi ſecula, nec non
Aurea quæ proauum tempora, lata dabunt.
Gratior eſt ſeſſis requies qua ſera paratur;
Gratiùs crumpunt gaudia preſſa diù.*

Margarita Hiſpaniarum Regina.

19



Arimus Triton natantibus inuectus belluis,
ex orientalibus Moluchis per æſtus Oceani,
ſictorum anguſtias, & promontiorum ſinus,
aurati Conchylij ſonitu Philippi III. poten-
tiſſimi Regis aures compleuit, & Coronam
ornare cogitanti ſignificauit, pretioſiſſimam
omnium gemmarum Margaritam, non inter
Bengalæ ſcopulos, aut Americæ arenas, ſed in Germania in Ca-
roli Archiducis, & Mariæ Baueræ Ducis filiz ſinu recondi.
Nihil ea eſſe pulcrius, nihil admirabilius, & qua præſtantius
nihil luxus Aegyptius in conuiuium ſummorum Ducû afferret.
Ea poſſe Regnorum diadema ornari perſuaſit; ſolamq. Auſtrio-
rum maieltati, maximorum Regum, & Imperatorum ornamenti,
Indiarum theſauris, anteferri debere affirmauit. Sic in Margaritâ
Auſtriacam animum iniecit, & deſponſas, & deſtinatas nuptias,
quibus paulò antè mortem Philippus pater lætatus fuerat, de-
mortuæ ſorori noſtra hæc Regina præripuit. Nunquam proſectò
aliam quæ tanti æſtimaretur Margaritam Philippus reperiret;
in qua adoleſcente florida ætate pulcritudo, Regijs moribus co-
mitas, atque ſumma ingenij indoles, in qua facta, dictaq. magna
elucet. In Hiſpaniam aduenientem Germaniæ, Gallia, Italiaq.
omnis & vidit, & ornauit, ſummisq. honoribus omnium plauſu,
omniumq. concurſu admirata eſt. Hoc verò habuit celebrius,
quod à Clemente VIII. excepta eſt, qui Ferrariam venerat
compoſiturus eius ditionis rem cû Cæſare Eſtendi iàm Mutinæ,
Regijq.

Regijq. Duce, qui Pontificis conatibus resistere volens, excommunicationis indignatione perterritus, ditionem omnem, atque seipsum Apostolicæ auctoritati dediderat, vt Christianum, optimumq. Principem decebat, splendide cum matre, & Alberto Austriaco, misso prius Mattheucio Ragusino Archiepiscopo, & Viterbenſi Episcopo in Germaniam, deinde Cardinale Aldobrandino ad Italix fines, qui Legatus Apostolicus omnibus eam honoribus cohonestaret. Romam cum nō diuertisset, Romā cum sancto Senatu Ferrariæ vidit cum Cardinalibus Florentino, Ascolitano, Camerino, Montelparo, Iustiniano, Borromeo, Baronio, Blanchetto, Auila, Gueuara, Arrigono, Sfortia, Montalto, Farnesio, Sanctorum Quatuor, Aldobrandino, Cesio. Quid augustius, quā Augustissimam Margaritam, inter augustissimos Sanctæ Romanæ Ecclesiæ Principes intueri? Quæ hospitalis Summi Pontificis pompa? Quæ omnium vota? Quæ cunctarum rerum significationes? Et Solis, & Margaritæ aduentu Ferrariæ illustrata est; & in Sanctorum Georgij, & Maurelij Martyrum templo, sanctitate plena, nuptiarū celebritas instituta, tanti Pontificis verbis, & Francisci Atristani, Cubicularij interpretatione, vt quæ Latina lingua Summus Hierarcha proferret, idiomate Germano Regina resciret, dūm Albertus Archidux Austriæ tanquam procurator pro Philippo in vxorem eam duceret, dūm idem Antonium Sueviæ Ducem pro Isabella desponsaret. Quantum honoris se consequutam arbitrabatur, cum Rosam vtriusque Hierusalem symbolum ex eiusdem manibus accepit, hisce verbis; *Suscipe hanc tu, dilectissima filia, quæ secundum seculum nobilis, potens, ac multa virtute prædita, vt amplius omni virtute in CHRISTO Domino nobiliteris tanquam Rosa plantata super riuos aquarum multarum. Quam gratiam ex sua vberanti clementia tibi concedere dignetur, qui est trinus, & vnus in secula seculorum.* Prætulitq. eam Comes Bohemontius Aurati Velleris Eques, domum redeunti. Quanto perstrepuit plausu Mantua Eleonora, & Principibus comitantibus, & à Ioāne Baptista Guerrerio, Urbis Præfecti, sui Principis nomine, ciuitatis clauibus oblati? Quæ lætitiæ argumenta Mutinensis

Dux, Mirandulanus Princeps, Nouclariæ Comes, Veneti, Florentini, Genuenses, Veronenses, Brixiani, qui Mantuam confluerant, edidere? Quo mundo muliebri, quibusq. nobilibus nouæ nuptæ aduentum gratulatus est Senatus Cremonensis? Addua placido cursu eius se subiecit pedibus; laudauit Lauda; splendidissimè Mediolanum excepit; fidelitatem Ticinum declarauit; suam Genua per Lazarum Grimaldum magnitudinem ostentauit; omnes eius Reipublicæ maritimæ ditionis oppida honorificè salutarunt. Ad Massiliam à Duce Guisio, quæuis obseruantix officia Regis nomine oblata. Extulit eam Ilberis, & Lunarium promontorium, ipsaq. Barcinon, in qua nobilissimus Iberus lætissimis vndis ad eius pedes prouolutus est. Mox in portu Binaro Valentix ora, vnde ad Regem Carolus Auria missus, qui eum de Reginæ secunda nauigatione certiolem faceret. Ad D. Matthæi sanum, Denix Marchio cursu publico accedens Regis mandata exposuit. Indè per Gahannas, Villam Regalem, & Sagunti ruinas iter instituere. Quid? Albertus expeditioni itinere ad Regem, suamq. Isabellam progreditur. Rex, ne amoris insignibus ab Alberto vinceretur, ad Margaritam incredibili desiderio contendit. Cùmq. dissimulato habitu, ad eam Regis se missum nomine diceret, à matronis quas in suo comitatu habebat agnitus, quam subito mutui amoris igniculi exarsere? Ipse narret Amor historiam. At quantum Margaritæ Philippus debet, quæ propagandæ sobolis, & regnorum Columnis consolidandæ prænuncia duas primo loco coniugi peperit filias, quarum secunda obiit, duosq. filios, alterum Principem Philippum, Dominicum, Victorium, his enim nominibus appellatur, quòd in Philippo series nunquam defutura est; quòd in lapideo labro, in quo Diuus Dominicus baptizatus fuerat, Baptismum accepit; & quòd V. sanctæ Ebdomadis FERIA natus est, qui dies festus S. Victorij Martyris est; alterum . . . in quibus eius monarchiæ regna, ditionesq. planè confirmatas, hæreditario iure, nemo est qui vereatur.

Pinti.

*Cur non cessistis sublimi ex ade Camæna ,
 Quando iter Hesperias Regina mouebat ad oras ?
 An tot non comites inter vos esse decebat
 Ancillas, vultu, roseaq. in veste decoras ?
 Profuit ecquid tunc paphia contexere myrto,
 Quæ auricomi Phœbi redimiret tempora, laurum ?
 An vos lenta via potuerunt tadia longa
 Vincere ? arundiferos riuos Aganippidis undæ,
 Vestrum quæque iugi spreuisset florida Pindî
 Culmina, montanas tempisset Phocidis vlnos,
 Et quodcunque parit tellus Heliconis opimi ;
 Aspernata foret ludus, lepidasq. choreas,
 Lumine si Eridani captasset magna fluenta,
 Siq. urbem ferri veteri cognomine dictam,
 Quam Regis præsens aurauit sponsa Philippi,
 Cui ardebat gemma garamantide fulgida vestis,
 Crinibus & croceis redimicula mille nitebant ;
 Quamve coronabant Mitra, pallaq. rubentes,
 Et pia CLEMENTIS Romani Prasulis ora,
 Mille assurgebant arcus, passimq. colossi,
 Millenæq. dabant cithara, lituiq. tubæq.
 Dulciter immistos sonitus, plateisq. vijsq.
 Quid non vidisset, fierent quo pectora multis
 Exhilarata modis, Regis præsentis marita ?
 Vnio præ cuius pretiosior omine venit,
 Quæ regnante armis producet Cantaber audax
 Ietitia maiore dies, gentesq. Vesui
 Vbere nutritæ, & populi queis flammæ Eois
 Luminibus Titan ; terra cui mittitur Indæ
 Munus, & Oenotrio quam dicti Rege coloni
 Præcelsam pietate colunt, & prole beatam,
 Regali addictam thalamo celebrantq. canuntq.*

Et

*Et vos, Pierides, Permessi flumina cur non,
Cur non quæ facili disioni cuncta tenetis
Subdita, despecta vel fratris linguistis ara?
Ite: Poai quam non potuistis cernere ripis,
Ad Tarteſſiacum lata valeatis Iberum
Tollere carminibus, placeatq. hos addere cantus;
Illius & scepro tardos orare senectæ
Aduentus, & recta diu felicia regna.*

Constantia Aragonæa.

40
IN CALA-
MITOSIS
NISERI-
CORS.



X Tarraconensi Hispania Constantia Petri Re-
gis vxor in Siciliam adueſta eſt, vt crudelitatis
præcipuè furorem in Carolum Tarenti Principem
prudenter reprimeret. Iuuenis Carolus,
cui Claudio nomen erat, Caroli Regis primogeni-
tus, eum Aragonenſibus parata claſſe, manus
conferere deliberauit, paternos monitus negligens, qui tyroni
cum veterano Duce nullo pacto eſſe pugnandum, per litteras ex
Gallia ſignificauerat. Iuuenilis tamen ardor, huiusmodi ex præ-
cipiti voluntate e-ſupit, vt hoſtem ad Circeum montem inſequu-
tus (qui militari arte, quàm longiùs Neapoli abeſſet, eò ſegniùs
ſubſidium ſperare poſſe Carolum, ſibi perſuadebat) collatis ſi-
gnis, victus, & captiuus à Rogerio Auria Meſſanam ductus fue-
rit, dùm fruſtrà à Philippo Gallorum Rege pater auxilium im-
petraſſet. Tunc ſanè in eum omnes Reguli inuidiæ ſtimulos con-
citarunt, quos in patrem Carolum ob crudelitatem in Pontifi-
cem, & Corradini necem acuerat. Quamobrem ad Conſtantiam
vndique Oratores miſſi, rogantes, vt capite Principem plecteret.
Ea verò non eſſe Regijs animis eadem ſorte in calamitatibus
colluctandum mente ſecum voluens, neque in eius fidem com-
miſſum iuuenem prodere Reginam decere exiſtimans, rem
tàm ſapienter diſtulit, vt ſecurim ab eius ceruice depulerit, &
Petrum

Petrum deinde virum id exequuturum dictitarit. Quapropter

Ἐνὼμης γὰρ ἰοδλῆς ἔργα χρεῖσ' ἀ γίγνεται.

Ex cōfide-
re, proba-
sa nascitur.

Pinti.

*Cur vobis placuit Sicani litora cæli,
Pisces conchas accipere è gremio ?
Cur Arethusa rubens miscere corallia visa est ?
Qualibet arenti planta virere solo ?
Spicula cur Phæbus misit mage lucida ab arcu ?
Es Nympha placidos ore dedere sonos ?
Hoc fit : pro Siculo linqvis, Constantia, regno
Hesperiam, Petri tradita iure toro .
Si tua in afflictos homines pia facta libebis
Pendere : quàm parua hac magna fuisse reor .
Hoc erat, hoc magni est, docto si encomia surgant
Digna amplius meritis fonte decora tuis .*

P. Sansosti .

*'Ante tuos thalamos constans : constantior es nunc ;
Dùm tibi dat firmos vir Petra firma lares .*

Isabella Aragonea .



RCum Fortuna, Lucusq. in Isabellam Arago-
neam Mediolanensium Ducem intenderant,
vt miseriarum sagittis infixam, tanti nominis
mulierem, tanta stirpe progenitam, tanti viri
amantem haberent ludibrio, & de omni felici-
tate deturbarent. Coniuge hac Galeatio Sfor-
tiz ab Alfonso patre, Neapolitanorum Rege, collocata, infeli-
ces nuptiæ labantis Aragonæ, & Sfortianæ domus Maiestatem
proruunt. A Ludouico spoliata regno est. orbata florenti ætate
viro, qui veneno peremptus fuerat, patrem eiectum regno, &
morte sublatum Ferdinandum fratrem; illum squalidum, exu-
lantem, hunc immitti fato ereptū, multis lacrimis est prosequuta.

Franci-

41
CALAMI-
TATIBVS
OBRVTA.

Franciscum filium Sfortiani regni, & calamitatis heredem, in Galliam ductum, & in coenobium coniectum, viventem luxit. O malorum acerbiter. Porro vt magno Rege natam decebat, magnos, atque infractos animos prætulit, & virilis decoris clypeo cincta, crudelium telorum ictus fortiter excepit, & vulneribus, quæ dolor infllexerat, & quæ alligata necessitate, quam tempus pepererat recrudescere perturbationis memoria videbatur, duo medicamenta præsto fuere; Latitia, quam ex calamitoso Ludouici interitu susceperat; & secessus in Barium, in qua ciuitate Bonam filiam Sigismundo Polonorum Regi despondit, quæ deindè honorificentissimè à Prospero Columna ad virum ducta est. Quod si eius miseria Gallos non euocasset, quorum aduentu veluti maximo incendio Italia conflagrauit (quod non aqua, sed ruina restinctum adhuc ardere, amissa libertate, intelligimus) omnes Reginas fama, & animi magnitudine superasset.

Petri Grauinæ.

*O Dea mortalem quis enim te dixerit vnquam
Si veram facies arguit esse Deam ?
Qua prece, quove tuum venerabor carmine numen ?
Quidve prius de te, posteriusve canam ?
Angusto nequeunt tua facta volumine condi,
Quis mare in exiguo cludere fonte potest ?
Magnorum monimenta Ducum tua gloria vicit,
Et Fortuna dedit iam tibi victa manus.
Sed nec te nostra hac magnam capit Itala tellus,
Vltrà Ripheos brachia longa moues.
Seq. tibi generum validus Rex Sarmata iunxis
Coniugioq. tua iam ferit astra Bona.
Ergò Bonam minor Vrsa tuam maiorq. videbit ?
Laudabitq. nouam fidus utrumque nurum ?
Filia Sarmaticæ Regina sedebit in oris,
Gentibus & Scythicis iura Latina dabit.
Salue magna parens, Latona maior, & illa
In cuius gremio falsus adhaesit Olor.*

Magnæ

*Magna iterum salue, Reginam namque potentem
Maius opus facere est, quàm peperisse suis.*

Pinti.

*Aeruminis cur hanc, Rhamnusia perfida, vexas ?
Te ne audes tanta reddere posse parem ?
Ignoras quantum valeat vi pectoris alti,
Quò ferat aduersa tela inimica manus;
Et nescis quantum praestet vi corporis: ibis
Hac inuicta suis viribus, ista tuis;
Hac eris exemplo Reginis, ferre sinistra
Vt discant, duris nec cecidisse malis.*

Eiusdem.

*Sarmatiam Hesperiae affinem tibi iungere visum est,
Et generi sceptrum tollere ad astra tui;
Qui gener est Isabella tibi non parua corona,
Et virtus ipsi magna corona tua est.
Hoc ergo Oceano qui est Vistula proximus unda,
Quasque suis lacrymis expetat esse vias.
Oenotria amissam tristis te qualibet ora,
Contigit & qui nunc se lapis iste flectat.
NON hominum tantum, mutarum sed quoque rerum
Promeruit fletus, qui fuit orbis bonos.*

Theodora Theophili vxor.



Reginam quam vides demissis oculis, modesto
vultu, sacrâ Imaginem intuentem, ex Paphla-
gonum regione profectam scribunt, ortam ex
nobilissimis parentibus Marino, & Theoctiste,
cui Floria cognomentum erat, & Theophili
Imperatoris vxorem. Hic victor ex Sarra-
cenis Asiæ prouincias deuicit, ab ipsq. victus etiam succu-
buit. Constantinopolitana moenia, quæ collapsa erant, altius
R instau-

42
RELLI-
GIOSAE.

instauravit. Cum Calypsa Babylonico munerum magnificentiâ
 per Legatos certauit. Sed Imaginum cultum prorsus ablegauit.
 Quid Imaginem Dei præferre potest, qui Imaginem, à Deo in
 agro Damasceno depictam, detestatur? Quàm callidè virum ea
 turpitudine contaminatum delusit, cum ad malam segetem ea
 ætate impietas vbique terrarum orbis pullulasset? Cum enim
 aliquandò Dender quidam homuncio, quem indecora facie,
 turpia loquentem, ad voluptatem Regia alebat, in Theodoræ
 cubiculum ingressus esset, Sanctorum Imagines ipsam regentem
 offendit. Nihil moræ cum parasito. Theophilo factum detulit;
 qui licèt accumberet in conuiuio, eò furoris, & iræ progressus
 est, vt se totum insaniens ad accusandam vxorem promoueret.
 Tu ne (inquit) Imaginum cultrix? Tu ne impudens Idola vene-
 raris? siccine tuam imaginem, imaginum aspectu deturpas?
 A Dendere quæ committis accepi. Dabis pœnas. Nulla ex re
 maior tibi pœna imminet, quàm ex hac superstitione. At sancta
 mulier; Quid huiusmodi verbis me laceras Imperator? Tantum
 ergò fidei Denderi Homérico Theisita turpiori adhibes, vt eius
 cauillis famam vxoris obruas? Quid malè suspicaris? In specu-
 lum oculos intenta defixos tenebam, & cum ancillis iocabar,
 cum Dender aduenit; quid de Imaginibus percontaris? Quæ
 verba Theophili furoris tempestate subitò sedarunt; factumq.
 deinceps eiusdem opera, vt seruius quæ videret, quæ audiret reti-
 ceret, nec alias ad coniugem deferret. Ad eam quoque piete-
 tem Theodiste Theodoræ filias Teclam, Anastasiam, Annam,
 Pulcheriam, & Mariam instituens, continuò maternam educa-
 tionem obijciebat, admonebatq. vt patriam hæresim execraren-
 tur; & quamuis aditum ipsdem ad Theophilum, qui ea rescivit,
 prohibuerit, maiori tamen desiderio puellulæ inflammata, sacri
 cultus seminarium Reginæ domum effecerunt. Quem fructum
 Christianæ religionis, ex mulierum pietate, non elicimus? Quid
 sanctius, atque vtilius, quàm liberos Christianis moribus edu-
 care? Erit ne Christianis moribus, Regius apparatus illustrior?
 Erit ne armis an fide Regum aula potentior?

Pinti.

Pinti.

Cur fusos gemitus pectore colligis ?
Manant ex oculis cur lacryma ? moras
Cur hoc, RELIGIO, marmore conteris ?
Te clamys notat, & frons.
Hic sedem cineres illius hic habent,
Cultu quæ calido sidera perculit,
Dùm ad aulas superas vexis imagines,
Quas colit pia proles.
Non saxum tegat hanc, succina at aurea,
Fument thurifera vascula virgula,
Hic ales volitet, quem Paphlagonia
Diues educat alis.
Hinc sint diuitiæ, quas habuit Paphus,
Hic dùm culta Venus munere floruit,
Barrbi hic Marmarici sidere gaudeant,
Quo micat bona Phæbe.
Dic qua clausa iacet maxima laudibus ?
Coniux quæ fuerat coniugis impij,
Est hic, HASTA DEI, nomine & ipsius
Hæc latet Theodora.

Maria Scotiæ Regina.



43
 IGINTI ferè annos infelicissima Scotorum Re-
 gina Maria in carceribus vixit, quod Isabella
 Anglorum Tyranna verita fuerat, ne in eius
 necem cum Catholicis conspirasset. Tandem
 Anglis Magistratibus inuisa, proptereaquòd
 Christianæ Fidei vehementer fauebat, à Cal-

uini insanijs abhorrens, ad quam opprimendam, Catholicosq.
 expellendos Antonij Barbyntonis industria fuisse vsam sibi
 perluaferant, & mortua Isabella, ipsam regno successuram intel-

R 2 ligebant,

43
 IN CATHO
 LICA FI-
 DE CON-
 STANTIS-
 SIMA.

ligebant, idq. sæpius Tyrannæ obijciebatur, ne cunctando machinarum locum coniuratis daret; capite à ludicibus ad castrum Federinum damnata est. Belæres Gallorum Regis Legatus coram Isabella pro Maria efficacissimè dixit, atque ità, vt ea oratione commota, de sententia aliquot menses discedens, placatum animum quodammodò ostentaret. Sed ad ferociam reuersa xj. Cal. Martias anno 1587. sententiam confirmatam, per Comitum Scasburgium, & Chentium Mariæ denunciavit. Hæc nusquàm perterrita, lætissimo vultu, grauib. verbis respondit; Ecquid ad immortalitatem comparandam mihi iucundius accidere hoc tempore potuisset? Quid salubrius, in Regno, in ipsa rerum Monarchia sperarem me vnquam consequuturam? Quas immortales omnipotenti Deo referam gratias, qui infelicem Reginam ex miseriarum cœno eruens, alterius vitæ felicitate est consolaturus? Quid mihi gloriosius, quàm pro Catholica Fide vitam, sanguinemq. effundere? Non seruat immianis Isabella consanguinitatis iura; CHRISTVM seruatarum spero, cuius redempta sanguine, ad cœlestē introducar hereditatem. Ecquando hic mihi luceſcet dies? Ecquando Anglorum oculos hoc spectaculo satiabo? Diem sibi constitutam responderunt, quam ipsa iuberet; ipsos posteram delegisse. Annuit libentissimè Christiani Theatri, & Catholicæ pompæ munerisq. Athletæ, cum Anglicanis sæuissimis fetis certatura. Ducta est in nocturnum funebre Proscenium in aula paratum, spectante procerum corona. Et cum CHRISTI crucifixi imaginem teneret, & alloqueretur, Chentius, ne superstitionibus tunc vacaret, ausus est dicere. Audacius illustris femina eius sectæ diabolicas superstitiones, atque fallacias exprobrauit. Detestari se hæreticorum insaniam, aiebat, quæ veluti obscurissimæ tenebræ Regiæ Maiestati, ciuium ornamento, & totius Anglicani Regni splendoribus obessent; illudq. se à CHRISTO Summo omnium Principe, & Salvatore didicisse, vt sanguinis testimonio, Catholicam, Apostolicam, sanctamq. Romanam Fidem confiteretur. Tùm recitato Dauidis psalmo, *In te Domine speraui*; scissa ad pectus tunica quam induerat, ceruicem securi subiecit. Tùm Carnifex abscis-

sum

sum caput, in sericeo puluinari ad fenestram populo præbuit vi-
dendum, cum interim tantis memorabilis Regina procellis obru-
ta, ad felicitatis, & æternæ pacis portum peruenisset.

Fabij Leonidæ.

*E' claro vitam dederat tibi sanguine CHRISTVS,
Sceptraq. feminea ferre superba manu;
At tu lucrum ingens pro CHRISTO amittere Regnum,
Vitam & pro CHRISTO fundere dulce putas,
Næ Regina sapi; semel amittenda fuerunt
Ista; sed haud titulus pulchrior ullus erat.*

Pinti.

*Aurea debebant sepire monilia collum,
Et complere manus sceptrâ vetusta tuas;
Sed quoniam peperit crudelia monstra sorori
Ira tuæ, Scotiis interimenda feris;
Et quoniam CHRISTVM peramas, atque ore fateris:
CHRISTVS amor meus est, sunt mea regna fides.
Vinçula circumstant collum, feriuntq. secures,
Post, secura petis tecta beata, necem.
Hocce tuo felix ibit quam purpura fulgens
Sanguine: Quid Reges si pia iura premant?*

Isabella Angliæ Regina.



Iris Maria execrationibus arcet ex hoc Templo
Isabellam, vel Lisabetham Reginam. An potius
dicam seminarum portentum, quæ monstruosa,
& pestifera Calvinistarum lue Regnum Angli-
canum, & Scoticum infecit, ac labefactauit?
Arcet & immanitas, qua cruentissima bestia in
Catholicos crudeliter sæuiens, Londinum, totamq. insulam mar-
tyrum effecit sepulturam. Hac profecto tantum de causa nomine
digna

44

OB FIDEI
CONTEM-
PTVM EXA-
CRANDA.

digna est, quæ relligiosos, sanctosq. viros, nefarijs, inauditjsq. cruciatibus interficiens, gloriam, honorisq. coropam ijsdem adepta est. Ceteroqui ab hominum memoria prorsus abolenda, quæ eò prouecta est insanix, vt acephalam reddere Ecclesiam, Apostolorum Coriphæi limina conterere, Monarchiæ Ecclesiastica primatum sibi vendicare impudentissimè studuerit. Vulpecula Andegauensium Ducis, Gallorum Regis fratris, & Northolchij Ducis nuptias elusit, Alansonis finxit, vt hæresum fau-
trix, nec dominandi consortem, nec nimix libertatis haberet reprehensorem; quamobrem hoc epigrāmate eius sepulcrum esse decorandum dictitabat, vt Regina, & Virgo Lisabetha vixerit. Cur verò non Catholica? Cur non Romanæ Ecclesiæ obseruat-
rix? Cur ab incepto destitit? Crucis enim Trophœum in aula suæ Basilicæ erectum habuisse antequàm ministrorum Imperio se subiecisset scribit luculentus scriptor Alanus Copus, & admirabilis in sanandis strumosis virtus à Polydoro Virgilio in eadem notatur. Impia multa nisi molita esset, Regiam in ea virtutem laudares, quæ copiarum numero, classium apparatu, maritimis latebris in Oceani finibus penetratis, cum maximo Hispaniarum Rege contendere non dubitauit.

Pinti.

*I monstrum Scotia exortum, populoq. fideli,
Verba ferens Hærebi contaminata luce.
Hydra i pernicies Arctois nata Britannis,
Per quam Londinum carnificina furit.
Quod si Lernaam Alcides malè contudis Hydram:
Fortior Herculeæ Mors tua colla manu.
Hinc canis Inferni latratus percutit aurem:
Te quoque Plutonis terrificasse forum.*



Frede-

Fredegundis.



SI quid astus ad lasciuiam facit, ingentes in Fredegundi Galla spiritus nouerim, quæ ex pelli-
ce, legitima Chilperici Regis vxor euasit; &
quæ virum duabus antea vxoribus Andouera,
& Galsuinda charum, tot sibi illecebris subiecit, vt altera expulsa, altera occisa, totum se ip-
sus imperio tradidisset. Regem sibi coniugem quærere, laudabile, & gloria dignum non vereor, sed scelera coniugalis libidinis excitare, detestabile. At quod gloriosum in femina, turpe quis non abhorreat in Rege, qui vt scorto morem gereret, infelicibus vxoribus viram, dignitatemq. ademit? O flagitium ferarum. Sed exitum proba. Quam voluit crudeliter Regni consortem, dedecoris habuit machinatricem. Admisso enim proco Landrico Equitum Magistro, turpitudinis nota Regium honorem infecit. Maritus sic factum rescituit. Venatum iturus, vxorem comam pestentem à tergo virga percussit. Quem amatorem suspicata, & nomine compellans, ait; Quid Landrice agis? Quin si vir es, me non auersam pete. Lascipientis animi eloquia. Cumq. vultum conuerteret, Chilpericum esse animaduertit & siluitq. attonita rubore suffusa. Simulans coniux prosequitur iter, vindictam paraturus. Prouida mulier Landricum vocat; quæ gesta fuerint, narrat. Vtriusque vitæ consulat, persuadet. insidias ille disponit, & in silua Chilpericus iugulatur. An meritas non luxisse pœnas dicemus, bonarum mulierum neglectorem? Quid à scorto consequuturum sperabat? Quot norunt omnes, quos meietricibus in matrimonium acceptis, ab iisdem amatorum opera vidimus interemptos? Ab eadem Fredegundi, Sigebertum mariti fratrem occidit fuisse scribunt, necatis illico percussoribus, ne resciretur scelus; & Childebertum Regem proelio, in cuius prima acie ipsa constiterat victum, & veneno cum vxore eodem die esse sublatum.

45

EXPELLI-
CE, VXOR
PERFIDA.

Pinti.

*Heu pudeat : quæ vos infania caput Amantes &
 Pellicum ad obscænos, corpora ferre toros.
 Nescitis tanto hoc tumulto, quæ perfida pellex,
 Illa, malum Regum, Gulla t regundis, inest;
 Hocq. maritorum saxo laeset illa peremptrix,
 Quæ è scorto coniux reddita Regis erat.
 Heu fugite : heu quæ vos dementia lufit Amantes &
 Heu fugite hinc, ne vel mortua, vos perimat .*

Constantia Claramontia .

46

SECUNDAS
 NUPTIAS
 INFELICI-
 TER EX-
 PERTA .



Oluit Fortuna varietatis vicissitudine ludibun-
 da , nobilissimæ mulieris patientiæ periculum
 facere , dùm contrà ingrati animi perfidia ,
 posthabita miseriarum memoria , quæ toties
 tuendo dominio, bellis ingruentibus repullu-
 lauerant , & quibus sordescere quodammodo
 Regia dignitas visa fuerat, eiusdem conatibus vires addere con-
 tendebat . Quid calamitosius Ladislao, insequente Ludouico,
 Regnum Neapolitanum, intuebatur, cùm deperditis omnibus
 fortune, ad Manfredum Claramontium in Siciliam confugere
 coactus est, à quo ob Constantiæ filiaë matrimonium, grandi ero-
 gata pecunia, animos, vires, ditionem recuperauit ? Quid dete-
 stabilius ab eo factum, quàm vxoris subsidio, superata calami-
 ta- te, eandem barbarè repudiare ? Quid muliere illa constantius ,
 quæ cùm deinceps priuatam vitam duxisset, & Andreæ è Ca-
 pua Altauilla Comitis filio, secundis nuptijs ab ipso Rege esset
 coniuncta, ad viri domum ducta, iniuriarum non oblita, hæc ait;
 Illud vnum te fortunatissimum, Andrea, efficere potuit, quòd ea
 concubina frueris, quæ legitima Ladislai Regis vxor coniux om-
 nibus iàm gentibus est cognita . Nurus Margaritæ imprudentia
 facinus illud ab omnibus reprehendendum accidit . At generis
 imparitatem in connubijs vitandam edocemur .

Francisci

Francisci de Petris I. C.

*Viue diu felix, ò vir, qui Regis in altum
 Conscondis thalamum, impunè tantosq. Hymenæos
 Polluis, æternum posthac memorandus in æuum;
 Sic inquit constanti animo Constantia quondam;
 Sicq. viget, tantisq. notis Constantia constat,
 Constat & infidi Dyrrachi infamia Regis.*

Pinti.

*Pectora in aduersis feci constantia rebus,
 Nec fors dira suis destitit esse malis.
 Pulcra fui, ingratoq. viro non cognita Regi,
 Et mihi mutata fors male cessit ope.
 Quæ Regina fui famulis, populisq. superba,
 Duxi alij patiens tempora iuncta viro.
 Cur ergo doleant inopes, si sceptra dolore
 Viuere pressa suo numina magna sinunt?*

Rosimunda.



Ragicum à Rosimunda facinus editum, nisi pudoris infamia obscurasset, mulieris magnanimitate inter eximia eluceret. Cecidit eius patrem Chunimundum Regem Alboinus; qui mox eam sibi coniugem copulauit. Dolor, qui ex patris interitu acciderat, & ægritudo quæ à Regno deiecta cruciabatur, connubio extenuari posse sperabat. Sed ex duriorè iàm sorte nouus emerfit, & asperior exarsit. In conuiuio enim cùm essent Veronæ, poculo quod ex Regis cranio cõfecerat, Reginæ, patriq. necato insolita lætitia propinauit. Hoc facis Alboine? Hoc audes? Mulierem, filiam, Reginam prouocas? Subitò compressa fortitudine, sæuiente irâ excanduit, & admoto fomite materies ignem concepit. Cum Helmige milite

47
 PATER-
 NAM IN-
 VIRIAM
 VINDI-
 CANS.

S de

de occidendo Alboino coniurat; sociumq. adhibere Peredeum desiderat. Quem abnuentem assentiri, muliebri arte decepit; nam in lecto suæ Vestiaræ, qua stupri consuetudine Peredeus utebatur, se supposuit. Cùmq. fraudis nescium interrogaret, quænam esset ea quacum in lecto iaceret? suam ipsius amicam esse respondentem, ait; Quid tu scelestè cum Rosimunda es? Hoc-cine in Regem scelus commisisti? Alterutrum tibi faciendum delibera; Vel Alboinum interfice, vel te interfectum iri patiare. Erubuit Peredeus, nolensq. in Regem conspirauit, & à vilibus sicarijs fortissimus Princeps interimitur. Helmigem sibi Rosimunda coniugem eligit, atque Rauennam se recipiunt. Ibi Longinus ei persuadet, vt Helmigem è medio tollat; ipsum sibi virum adsciscat. Ad nequitiam procliuis, & facilis bellua, è balneo exeunti poculum salutis præbere simulauit. Qui cùm venenum in media portione hausisse animaduerneret, districto gladio, quod reliquum fuerat, eam bibere coegit. Quamobrèm ambo vno momento periire. Crudelitatem post Regis mortem Alboinus exercuit. Quid crudelius? Et paternam necem turpibus scelcribus Rosimunda vendicans, cur poenas non erat datura?

Pinti.

*Quo me Phæbe rapis tui
Plenum, dùm radijs terra calensibus
Ardens promicuit tuis?
Vlirà ne exagites (longa via est) pedes.
Aegrum corpus iter magis
Odit. visam alias, quæ Rosmundam humus
Reginam tegat (auspice
Ast non absque tua lucifera coma)
Quæ tot criminibus fuit
Turpis, femineum quæ macula genus
(Inter fercula sis lices
Vindex morte sui tacta memor patris)
Infami Veneris notas;
Dios coniugio quæ peperit dolos.*

Cui

*Cui vir pocula præbabit,
 Ausus, & socio quæ infidias tori
 Tendens, perdere nititur,
 Exposcens operam creduli adulteri:
 Quæ ambos cæco Herebo dedit:
 Extincto gladio coniuge: sed proco
 Sublato medicamine.
 Quisnam finis erit, cætera si feram?
 Eius ne officiat cinis,
 Vel subter lapidis pondera, satidus:
 Illinc nos erimus procul,
 Hic læti ad fluuij flamina frigidi.*

Valasca Bohemorum Regina.



Væ virilem sexum inhumaniter perdere, ac prorsus delere desiderauit, quod à libidine abhorruerit, laudibus in primis effrenda est, nisi crudelitas plus momenti ad suspicionem criminis habuerit, quàm ad rationem salutis. Valasca, vel Vlasda, nisi malueris Blaſta, hæc illa

est Bohemorum Regina, vt placet Volaterrano, vt verò alijs, familiarissima, & à secretis Libussæ, quæ post Cracum patrem imperauit. Hæc siquidem, quod muliebri genus insigne arbitratur, quoddq. omnibus in rebus auctoritate, viribus, & ingenio valiturum, si vel in disciplinis adipiscendis, vel in Magistratuum muneribus subeundis, vel in rei bellicæ studio, earum periculum fieret, summa constantia prædicaret, alijs mulieribus persuasit, vt in viros impetu facto, seruitutem quam diuturnam vixerant ablegarent, vt tranquilla possent aliquandò libertate potiri, nihil enim turpius ingenua, quàm viuens cogi, seruitutis miseriam deplorare. Ipsa copiarum ductrix effecta, indicto bello, signa cum viris contulit, qui victi sunt, profligati, interfecti. Liberam septem annos, veluti Amazones, in libertatem restituta semina, vitam

S 2 duxe-

48
IN VIROS
CRVDELIS

duxerunt. Quis neget, mulierem odio prosequentem viros, flagitiosam, ac inexplebilem libidinem arcere potius, quàm ambiciosè viuere voluisse? Quis neget Valascam mascula virtute Semiramidi prætstitisse, quæ cùm bellando maximam semper gloriam præsetulerit, mortuo marito, non tantùm admiserit, sed plebsque ex militibus etiam prouocarit?

Auctoris.

*Heu fuge complexus teneros, innupta requiras
Tempora, dùm plectis magna Valasca viros.
Vel dulces adeas potius tu mille Hymenaios,
Vt totidem uxores strenuus interimas.*

Gasparis Cropacij.

*Blasta puellares ducens in prælia turmas
Infert in autis arma cruenta viris.
Horribiliq. refert crebros è strage triumphos
Dùm præter sexum bella nefanda mouet.
Septenne Imperium plenis sibi vindicat armis
Ferro subiiciens obuia quæque suo.
Iàm q. potestatis populantibus arua puellis,
Spes qua restares parua virilis erat.
Vsa dolis quando peris astu victa, dolisq.
Consilio prudens Primisilea tuo.*

Pinti.

*Quis nunc non adipe illinis lupino
Postes? panisuit noua hos marita,
(Spreto virgineo soro) dedisse?
Reginam metuit, ferox maritis,
Qua bellum pauidis tulit cruentum?
Qua olim consilij fuit Libussa
Edocta, ingenio valens, & armis?
Absis suspicio, metus recedat,
Omnesq. ex animo cadant pauores,*

LeMos

*Letos qua fuit impia in iugales,
 Ne ignoret tumuli his iacere in umbris;
 Sceptro qua domuit feros Bobemos.
 Vir latetur, lo, canat triumphum
 Mortis: Mors valuis truci Valasca
 Neros contere, & virilis ausus
 Vim cunctam. Danaï vides sub Orco
 Natas, affiduo citas labore:
 Incassum dolij replendi & ipse,
 Cum tot, pars cecidit. cauere virga
 Regum quis docuit nigrum Tyrannum?
 Viuat coniugium: cinis Valasca est.*

Vanda Polonorum Regina.



Pud Polonos celeberrima Vanda illa vigit;
 quæ Craci ipsorum, Regis filia, Regniq. heres,
 quarta inter Reges anno salutis 730. Imperij
 fasces obtinuit. Rara in hac muliere ad pulchri-
 tudinem in administranda Rep. fortitudo acce-
 debat, ideòq. alteram ferè Ortigiam ipsam ar-

49

VIRGINI-
 TATIS CV-
 STOS, ET
 FORTIS.

debat Ritagoras Germanorum Princeps. Qui eius amoris hamo
 captus (hamumq. Vanda lingua Polonica significat) & admira-
 bili prudentia accensus, in qua vndique Regij mores eluce-
 bant, procos ad connubium petendum misit. Quibus cùm pudi-
 citiam, & virginitatis dignitatem illa sæpius obiecisset, re infecta
 demùm ad Principem redire. Quis eum contineat? Bellum pa-
 rat, indicitq. Polonis. An vt de eorum ciuitatibus victoriam re-
 porraret? Non hercules; sed vt cùm se victum dederet, de eius
 animo Vanda triumpharet. Mulier verò impauida, viribus ma-
 gis corporis, quàm lenocinijs certatura, copias, & auxilia co-
 gens, in aciem prodire constituit. Acriter bis conseruit manus,
 bis hostem sædè vicit, atque fugauit. Noluit diutiùs viuere Rita-
 goras; noluitq. Solem sui dedecoris notâ posse intueri. Districto
 gladio,

gladio, sibi mortem consciuit. Vanda, parta Polonis victoria, quod Dijs virginitatem deuouerat, volens, lubensq. de ponte in Vistulam fluuium se præcipitem dedit, atque aquis submersa, fato cessit. Cadauer repertum, in scopulo, qui mille passuum à Cracouia aberat, condidere.

Elizæ Reusneri.

*Connubij ob crebram Virgo formosa repulsam
Teutoni bello Vanda petita Ducis,
Hosti concreditur: vincit: magno ille pudore
Incubuit; gladio se peremitq. suo.
At victrix: Mea virginitas sit victima vobis
(O Superi) per quos est mihi sospes, ait.
Rotogari effugi thalamos; sic fata: sub alti
Se fluuij rapidas præcipitauit aquas.
Bactra Semiramidem, Tomyrim, Scythiaq. ornet, utrique
Quam meus anteferat laude Polonus habet.
Aequentur Regnis, æquentur Marte licebit,
Aequari Vanda, quæ (rogo) morte potest?*

Pinti.

*Cui dulces Charites vultus fudere lepores,
Sarmatico hic sceptro Vanda decora iacet.
Cur hic perpetuò non rident lilia Vere?
Hostis nonne fuit connubialis Hymen?
Cur hic non Mauors pinxit victricia signa?
Non hæc Risagora bella cruenta tulit?
Vistula cur rapido non hic in flumine? an ore
Non eius, præceps dum ruit, haurit aquas?
Sin nihil est horum, misera hic vos flete puella
Virgineum vobis deperisse decus.*

Ipsicratea.

Ipsicratea.



Llustrī huic templo deuotam Ipsicrateam quī-
 quis es, qui veneraris, optimē mulieris virtutis
 æternitati consulis, propterea quòd quauis For-
 tunæ telis proposita vita, vt Mithridatem vi-
 rum libentissimē sequeretur, Regiarum deli-
 ciarum oblita, compositæ, & delibutæ comæ,
 madentibusq. cinnorum fimbrijs cultris tonforijs adhibitis,
 virili habitu suscepto, armisq. instructa, sancti in coniugem amo-
 ris fidem, societate, & mutuis rerum periculis augendam, ornandam,
 amplectendam existimauit. Victum Regem à Pompeio,
 animo fractum, spe salutis destitutum, debilitatum ægritudine,
 per Armeniæ montium iuga, & Ponti angustias sequutum, vna
 Ipsicratea consolata est, omnemq. dolorem afflicto Regi abstulit
 gloriæ renouatione. Amantem habere coniugem, dulce profes-
 sò est; at eandem habere coniugem, & Ducem, inextimabile.

50
 CONIUGVM
 AMANTES.

Pinti.

*Regina aspectum subij, vestemq. virilem;
 Audij & attonso bellica crine viri:
 Hunc ego Caucasos Lynces, Tauriq. Leones,
 Intrepida vidi sepè ferire manu,
 Huic ego, in Armenos communi Marte sequuta,
 Pompeiana timens classica damna, fui.
 Prò dolor aspexi perfracti tela mariti,
 Sola hunc solata est Ipsicratea suum.
 Saxa quid impediunt? hæc tollite, rumpite saxa hæc;
 Cur procul hic dulci coniuge sternor humi?*



Cabadis

Cabadis vxor.

J



Mni ex parte laudabilior Cabadis Persarum Regis vxor, cuius nomen proditum non est, cuiq. cum à subditis Regno vir fuisset eiectus, atque in carcerem contrusus, Blaze fratre substituto, excogitanti qua in re coniugi potuisset esse adiumento, vt ea miseria afflictum liberaret, illud Fors obtulit, vt à custodiæ Præfecto adamaretur. Optatis sic respondere visa est, & in amborū societatem auxilij adhiberi. Sed ne volucris abiret, marito mox rem aperit. Is quodd impudicam non esse vxorem optimè sciret, haberetq. testem animorum conspirationem, salutis causa obsequendum iussit. Liberior deinceps mulieri ad Cabadem in carceres aditus cum pateret, aliquandò ingressa, vt custodem falleret, accepta Cabadis veste, illum sua indutum egredi passa est, absque dubio seipsa necis pignore constituta. O singulare amoris testimonium. Vt coniugis saluti consulat, ipsa emoritur? Quæ vnquam memorabile facinus delebit obliuio? Quid Cabadi obijciam? Ingratitudinem, infamiam, omnium ferarum crudelitatem. Ipse enim ad Hunnos tutò profectus est; ipsa, Regis iussu interempta.

Pinti.

*Se marem effinxit præcauta Semiramis olim,
Ne ruerent nati sceptræ superba Syri.
Tu quoque pro dulci mentiris coniuge vestem,
Regia ne clauso vincla molesta forent.
Re gesta vtræque excelsè patet ardor amandi,
At Regina tuus quàm mage claret amor.
Illa necis nullis adamauit cara periclis
Pignara, at ipsa viri cogere inire vicem.*

I I.

*Clausam non cæco, ditem sed lumine amantem
Cerne, quid & pietas connubialis agat.*

Vir

I I L.

Vir meus hinc astu (vultis qua vera fatebor)
 Exijt, hinc habuit (me inueniente) fugam.
 Non ne videbatur passum discrimina Regem,
 Coniuge me, hinc saluos, vindice, ferre pedes?
 Penas ipsa lubens patiar quascunque iubebunt
 lura: sit incolumis vir: mihi dulce mori est.
 Sic ait excubijs, mentita in veste Cabadis
 Fida vxor, diram mox subitura necem
 Saltem ait, vt pateat magis hic vxorius ardor,
 Exuite, & maris Regia palla cadat.
 Quis tantum, stupidus facto, condemnet amorem,
 Quæ non Regina corda miserta flectant?

Ascanij Colellij I. C.

Inclita femineum sociali veste pudorem
 Contegit, auratas carcere tonsa comas,
 Succedit fallax clemens Regina marito,
 Coniugis exuijs credita vir mulier,
 Custodes fallis, fugit hic sub imagine amanti
 Altera pro optato coniuge restat amans.
 Es tandem occubuit, libuit non fallere amorem,
 Quem Deus haud fïcto numine fixit amor.
 Felix o nimium pietas, cui ius datur uni
 Fallere posse homines, vincere posse Deos.

Eiusdem.

Persarum domitrix magnis Regina trophæis
 Hoc viuo viuens clauditur in lapide.
 Aemula Romulidum, rapuit quæ ex hoste triumphos,
 Ante pedes vidit sceptrâ superba ducum.
 Imperio cedens, aduerso Marte triumphat,
 Coniuge pro moriens, vincere se voluit.
 Quid tu Casareos tollis Roma inclita fastus?
 Is victor, nunquam vincere se potuit

T

Imperio

*Imperio bat maior, Regum bene nata coronis,
Sola triumphali numine se superat.*

Cleopatra.

33
REGIAM
DIGNITA-
TEM DE-
TYRPA-
NTES.



AN Aegyptiam Venerem prætermittam Cleopatram? Amoris illa, non Serapis, Isisve Maga; Amoris, inquam, pabulum, in quo fluctuauit incertis erroribus ardor amantum. in Cn. Pompeij filio primùm, dùm puella esset, cùm ille in Aegyptum à patre ad cogendâ classẽ, opemq. petendam missus est. Deindè in Iulio Cæsare, ad quem Alexandriæ obsessum, deserto fratre, vt seipsam, regnumq. traderet, confugit. Et qua industria cùm rurò transire non posset? Mira vis Amoris. Suberant stimuli, allecta cupidine, ardescents pectoris flammæ ostentauit. Nam Regiam exuta dignitate, culcitam induit, in qua veluti sarcina inuoluta, portarum custodes deludens, ab Apollodoro ad Cæsarem portatur. Ligari passæ est, quæ vel aspectu, quo nihil præstantius Natura effinxerat, vel sermone, quem variarum linguarum calleas dulcissima Siren alliciebat, quoscunque poterat mirificè deuincire; pannoq. includitur, quæ omnes Veneres oculis, artes ingenio, mente Imperiorum moles, Cupidinum simulacra corde claudebat. Quid verò Cæsarem accusas, quòd insolita venustate captus, quam in nulla Romanarum viderat, vel si mille Lucretias nosset, cæco vulnere languens tabuerit? Quid victum orbis victorem damnas, vbi egregia victrix, exutis medullis, ignea spicula contorquebat? Sed vince Magnum Cæsarem Cleopatra; ille enim occiso Ptolemæo, subacto Aegypto abiit, Cæsij, Brutiq. morte audita; tu verò in Amoris finibus, edito sibi Cæsarione filio, relicta es. Adoleuit lasciuia M. Antonij aduentu, qui in Asiam profectus, quamuis de Parthico bello cogitaret, Aegyptum tamen subijcere statuit, & misso Q. Dellio Senatore, Cleopatram in Ciliciam accersuit. Suam illa ipsius formam timori obiecit, nec Roma-

num

num Ducem Fascis Cleopatraz ingenio submissurum verita est. Parata naui Cydnum flumen præternavigauit. Strata naui auro erat, quam purpurea vela, fulgidumq. argento remigium impellebant. Militum loca in foris ancillæ Nympharum habitu succinctæ, & pharetratz occupabant; ipsamq. sub cœlo gemmis distincto recumbentem, veluti Cupidines formosuli pueri circumstabant, tibicinum, & citharædorum modulamina ripis resonantibus, in quibus passim dispositis aris thura, odoresq. Sabæi fragrant. Iam venit Antoni, in quam iuuenis in Alexandriam Gabinium sequutus, præfectus Equitû, oculos inieceras; iam venit, quam damnandam censebas quippè suppetias Cassio tulerat; sed venit te miserum damnatura. Quis eam supplicem cernat, nec se supplicem dedat? Cuiusnam ardentem iram lacrimulæ non restinguunt? Cedit Romanus Princeps, & faucius omnium victoriarum Trophæa in Cleopatraz desiderio collocat, & veneratur. Bellorum curas posthabet; mulieris militiam appetit; ea sibi cordi est. Prædit illa fidens in blanditiarum aciem. Confert ille signa, & vtrò laceffit hostem. Ferit illa; vulneribus ille delectatur; nec vnquam receptui voluptatibus canere iubet, continuo certaturus. Cœnat cum ea. vincitur magnitudine, in aceto liquefcente margarita, quacum amatoria venena hauriens, à noua Circe sic deluditur, vt totum se leporibus tradens, neglectis Fulvia, & Octauia, cum sua Cleopatra perierit, cum ambobus Aegypto pereunte. Quid si Octauium vicisses? Squalida veste assidebas in lecto. Sed nec Cæsaris patris litteris, tantum Imperatorem flectere potuisti, nec Statuis permouere, nec ferire oculis, à quorum iustibus timens, deflexit cum tecum loqueretur, suos. Cuius vt triumphum non ornare, vel ab acu venenata, qua ad cincinnos vtebaris, vel ab Aspide de tua morte maluisti triumphari,

*Sauis Liburnis scilicet inuidens
Priuata deduci superbo
Non humilis mulier triumpho.*

In eius statuam
Claudij Contuli Perusini.

*Si tam mollis eram, quàm scit Romanus amator :
Cur ergo decuit fingere marmoream ?*

Pinti .

*Hic ego qua nascente, Venus, nunc decidit, inquit,
Et Gnidi, & ille meus cultus, & ara Paphi :
Altera namque ipsa, in regno est Cleopatra Canopi,
Qua, meo (ut est mea spes) vindice Marte, ruit.
Nil ego plebes turpauit pectora amore,
Quis me Romuleos nescit amasse Duces ?
Bella dedi, aduersaq. tui discrimina fortis,
Tristitia quo ferrem sat bene suasit Amor.
Quantum possit amor, cœna dic gemma superba :
Corpore sed nostro gemma minoris erat.
Quid non fecit Amor ? deuictus, fecit amante,
Ut cubito inferrem dira venena fera.
Quam sit mirus amor, deuerso hoc cernite saxo :
Feruēt adhuc gelidis offensus ignis amans.*

Ioanna I. & Ioanna II.

53 54



Rimarum fortasse partium in hoc Proscenio
actrices erunt duæ Ioannæ. Altera Caroli
Calabriz Ducis filia, Roberti nepos, cui satisfecisse crediderat, si Andreæ Caroli Vmberthi
Hungariæ Regis, Caroli Martelli primogeniti
filio collocatam, in Regno Neapolitano post
eius obitum confirmaret. Celebrantur in D. Claræ nuptiæ ab
Americo Cardinali S. Martini in Montibus, Clementis VI. Legato, à quo sollempniter Regni Corona in summorum Principum
coercu, insignita est. At quibus gemmata radijs Corona præfulgebatur ?

gebat? Sicilia, & Hierusalem Regni titulo, Apuliæ Ducatu; Salerni, Capuæ, Prouinciæ, Forcalqueri Principatu, addita Athenarum ditione, quam per Ludouicum Maramontem, & Nicolaum à Prato Liciensibus Ducibus fuerat adepta. Potens ea ætate Regnum, floridumq. sub Italo cœlo amœnissimè constitutum. Stemma nobilissimum addere non pigeat, quo omnibus ferre Orbis Regibus erat coniuncta. Erat ne Ioanna quisquam tunc potentior? Sed mariti dolosa nece, impuditiæ ardoribus perpetrata, omnibus meretricibus ignobilior habita est. Qua excusatione facinus obuoluitis, qui ab hac Regina infamiâ arcetis? Auerse noctu in lecto erant; cum iuuenem vix decimumnonum annum agentem (cum lacrimis narro) aulici vt assurgeret monuere, multa enim graua Neapoli nunciari dicebant. Assurrexit miser; Ecquid rei esset percontantem, laqueo necatum è fenestra suspenderunt. Ergò Ioannam illud non rescisse fingiris? Qui? Scelus illud impium, inconsultò cur esset admissum? At, alium illa virum cupiebat; stolidior habebatur Andreas. Atque hæc impudicitiam antiquare valeret? Regem nec fontem, nec huiusmodi poenæ meritò obnoxium, coniugis arbitrio, tam infasta, & immatura morte perijsse? Alteram Caroli III. filiam, *Quam nec Argus seruet, qui oculus totus fuit*; Ladislai sororem, ad Regni amplitudinè eadem illustrissima serie ortam, libidinibus veluti hereditario iure mancipatam, procorum petulanti turba obsessam, infimorum hominum concubitus petentem, Regni Neapolitani excidium appellarem, nisi Aragoneos Reges diuinitus euocasset; per eos enim Austriorum dominio, Catholicorum Regum felicissima serie, parta omnium rerum pace tranquillissimè subiacet. Ceteroqui, coniugibus perfida, filijs electis infidelis, fratribus clientibus ingrata, subditis iniqua, in ipsum Alopum amantem crudelis, bellorum, atque calamitatum, viua, mortua, fomes. Coniugum copia quibus Ioanna I. nupserat, impuditiæ famam sustulisse contendunt. Iacobi coniugis connubium violatis prius nuptijs cum Gulielmo Austriaco, cuius vidua relicta fuerat, Ioannam II. coniugali lege contempta, reddidit dedecoris macula turpiorem. Muri in Apulia
illa

illa perijt laqueo necata, & Neapoli in D. Claræ sepulta. Hæc
verò, intestinorum doloribus decedens, in D. Annunziata fuit
condita anno 1435.

Pinti.

*Regia Maieſtas ſermone ſilentia rumpi
Non finit : Heroum liceat maledicta profari.
Sanguine Regali creta, folioq. timenda,
Ioanna, cur grata Venus, ludusve, iocusve
Cæca libido fuit, luxus, fædiq. furores :
Obſcenis populos maculaſtis legibus vrbes,
Indigna beuſceptro, digne quàm falce ſaligna.
Plurima me grauiâ exagitant delicta, pudiciâ
Veſtra exuta modis. plura bis afferre licebit,
Qui contra aſſurgant, Momis. noſtrane camæna
Nil auſint in vos aliud depromere : probris
Turpe putent adeo turpes maculare coronas :
Atqui Chriſtiades atauit videre, ſepultas
Et nos Parthenope veneratur marmore templis.
Sed vos cur vario ſædaſſis crimine vitam :
Regibus an non ſunt culpa quacunque vetanda,
Subdita ne exemplum gens ſumat : culmina montis
Sole carent : imane ferent ſua lumina valles :*

P. Sanſotti.

*Ioanna pluat huc Iouis alto vertice nimbus
Auriſer, atque auro clara ſepulcra fluant.
Littore quin ſpumis Cythereia mittat Eoo,
Aut tua tela puer miſſe parentis Amor.
Hæc ne templa ſubi : cuncta hinc obſcena faceſſant :
Non licet impuro tangere pura pedi.*



Anne

Anna Gallorum Regina.



Vos honores deferam Annæ Francisci Britanniæ Ducis filiæ, Carolo VIII. primùm, deindè Ludouico Regibus nuptæ, cuius memoria honore immortalitatis consecrata, in dignitate rerum, & reconditæ Maiestatis amplitudine constituta, optimè, & gloriosissimè regnandi materiam præbuisse, & omnibus Regibus imperandi prætulisse facem visa est? Carolum Regno Neapolitano, totaq. Italia memorabili victoria potitum, fuisse amplexam, magnum existimo; & Ludouici coniugio, in quo omnia plena conspiciebantur iustitiæ, clementiæ, atque mansuetudinis, parem fortunâ adiungo. Illud verò maximum quis neget, præstanti animi robore Reginam omnibus vitijs profligatis, ex eorum manubijs Virtutis templum ornasse, in qua & sermo ab ineunte ætate canuit, & actiones iàm indè suam quandam maturitatem, & quasi senectutem habuere; dùm quotidie regnandi disciplina ingrauesceret, & summa gubernandi prudentia, optimis moribus, & consilijs assueta, perfectam fuerit laudem consequuta, ipsaq. veluti Sol, Galliam, seipsam, suos, orbemq. sua luce complexit? Virtutes numerato. Constans, sedata, grauis, humana omnia premens; ideòq. fortis, & magnanima. Simplex, veritatis amica, minimè fallax; idcirco sapiens. Acqua mercede digna in miserorum defensione, improborumq. odio. Eò fortior, quòd nihil temerè facere, nulla in re libuit temerè assentiri. Diuitiarum contemptrix. Omni litterarum generi dedita, quarum iudicio, multis doctis viris, quibus cum libenter consueuerat versari, liberaliter profuit. Maiora relices? Ad religionis pietatem, sanctimoniamq. orationibus, cultu, pietate migravit, vt penè diuinâ dignosceres. Quamobrem anno 1513 defunctam multæ inter se contententes ciuitates expetiuerunt, vt honestissimo, & gloriosissimo corpore ornarentur. Atque ità Blesium interiora, Cor Nancesium, corpus, S. Dionysij templum seruarunt. Claudia ex ea, & Renata ortæ sunt, altera Francisco

35
VIRTUTVM
SPLENDO-
RE FVL-
GENTIS-
SIMA.

Francisco primo maximo Regi, altera Herculi II. Ferrariæ Ducis matrimonio coniuncta; virtutis, gloriæ, sanctitatis fructus, quos posteritas cœpit, exegitq. immortalium gestorum in hisce Principibus Aeternitas.

Pinti.

*Sacra Dionysio est ædes, hoc, Anna, sepulta es
Marmore, quam Rhenus murmure plorat aqua.
Ad ripas lugens Virtus, Regina, capillos
Abscidit, & tristis funera fleuit Honos.
Aonidum chorus hic, Phœbi hic lacrymantur alumni,
Præmia qui digitis ampla tulere tuis;
Gallia & æquantis canum lac nomine, req.
Os quid habet madidum? nil nisi nigror habet.
Cur ego non toto lacrymas dem pectore, quando
Nuper eras, quin es nunc mihi visa mori?*

Margarita Austriaca.

56

ADMINI-
STRANDA
REP. AD-
MIRABI-
LIS.



Ot Heroibus hæc circumsepta illustrissima Hæroina Margarita est, cuius dùm ortum poscis, inuietissimi Caroli V. Imperatoris filiam Oudenardi natam admirare. Dùm nuptias expetis, alteras in Alexandro Mediceo Florentinorum, alteras in Octauio Farnesio Parmensium Ducibus commendato. Habuere paranympum primæ Clementem VII. cuius hortatu celebratæ sunt. Habuere affinitate coniunctum secundæ Paulum III. cui nurus obsequentiissima, patris Maiestatem, qui orbem domuit, soceri amplitudinem, quæ Romanæ Ecclesiæ Monarchiam ornauit, viri virtutes, quibus pristinum Italiæ decus est restitutum, prudentia qua viguit, consilio quo floruit, virilitate qua excelluit, admirabiliter æquauit. At verò dùm nuptiarum fructum cupis, habeas in filiis, tum in Alexandro præcipuè vberimum, qui immortalē diuturni belli, maximi

maximi laboris, summi in Christianam Rempublicam beneficij, in Austriacos perpetuæ obseruantia, in Romanæ Ecclesiæ rebelles terroris, & vindictæ gloriam tanta cum sui præclarissimi nominis laude attulit, vt cum eodem fatis cedente, belli, pacisq. honores, præstantium Ducum fama, victoriarum trophœa, vrbum vastationes, interniciones hostium deperijsse visa fuerint. Quis Alexandro fortior, formidolosior? Quoties ipso Belgium obtinente, malorum incendium restinctum est? Quoties ad aras, & focos extorribus confugere licuit? Quoties ex miseriarum gurgite eius auxilio tot afflictis licuit emergere? Hos Margarita fructus tunc protulit, cum edidit Alexandrum, quem ad omnia quæ ipsa inchoauerat summa felicitate conficienda, ad nepotibus gloriam maxima celeritate comparandam augurabatur. Regendis ipsa populis virilem gessit animum, quæ nunquam socors, nec futurorum secura, aut præsentibus inhians, inter incerta auiditate muliebri festinabat; quæq. fluctuantēs, diuersarū opinionum tempestates, & bellorum turbines afflatu quodam ferè diuinæ prudentiæ, & vigilantia, aut repressit, aut obsecundauit. Tanto in patrem amore, vt cum Romæ rescisset Carolum pro Gallico bello indigere, margaritas omnes, omne supellectile vendiderit, vt illi esset adiumento. Tanta in virū beneuolentia, vt ab Imperialibus post Petri Loisi obitum, obfessa Parma, licet pater monuisset, vt inde aliō se conferret, eandem fortunam cum viro sequi constanter deliberarit. Philippi II. fratris ditioni apud Belgas plurimū dignitatis adhibuit. Illustrem operam Catholicæ Fidei nauauit, perduelles repulit, factiosos sustulit, bonosq. omnes optimæ suæ voluntati subiecit. Dū Aquilæ commoraretur, Ioannes Austriacus cum selecta Principum manu per dispositos equos tota Campania, & Samnio publicè exceptus eam inuisit, quasi ad omnium virutum, & dignitatum oraculum accessurus. Ibidem paulo post de Margaritæ interitu populi dolentiùs deplorarunt. Nouercam virili mulieri naturam fuisse, barba quæ mentum vestiri percupiebat, quamq. alebat, significauit.

Pinti.

*Quid nunc multa tibi carmina molior ?
 Tu illa es clara tuo nomine Margaritæ:
 Tu clara Austriaco sanguine: tu viris
 Clara es nobilibus, clara potentibus,
 Clara es legitimo prole data toro:
 Tu Quinto Karolo clarior es patre:
 Tu clarissima tot dotibus extimis,
 Es mirè tu eadem dotibus intimis.
 Na rem magnam habui semper, ab ubere
 Fortuna, & generis sugere lumina,
 Sed maius fuit hoc, si haud animi bonis
 In regno careas. Florida Regibus
 Est urbs ciue bono, lamina, & aurea,
 Regnatis populis, plurima cuditur ?
 Si virtus prope sit, digna potentia est.*

Maria Medicea Gall. Regina.

57
 FELICIS-
 SIMAE.



Vidè Coe Veneris pulcritudinem in Maria Gal-
 lorum Regina imitabor ? An simulacro Iouis
 Olympij in Henrico Bourbonio maximo, poten-
 tissimoq. coniugeno deterrebor ? Apelles vnus
 alteram conficiat; quis præterea venustatis spe-
 ciem, grauitatis dignitatem, totius præstantiæ
 lineamenta colorabit ? Candidulos dentes, suauem colorem, ve-
 nustos oculos laudas ? Cui Naturam ipsam pingentem non ad-
 miraris, quæ & decus omne, omnemq. leporem in muliebri hac
 forma admirabili compositione collocauit, cuius aspectu cum
 obstupisset Rhenus, extrâ virides, atque opacas ripas diffuens,
 non modò suis, sed exteris quoque persucidi liquoris sonitu en-
 comia cecinit ? Alterius speciem exprimat Apollodorus, qui in
 ea Maiestatis plena imagine gloriam conferat, non Sacerdotem
 adoran-

adorantem, aut Aiacem fulminantem faciens, sed Henricum Christianissimum, victorem maximum, perpetuum triumphatorem, quo nec Lisander felicior, nec Alcibiades potentior, nec Iphicrates in militari disciplina eruditior, qui charitate in suos Epaminondæ, bonitate Phocioni comparandus est; Catholicæ Fidei Sacramentorum frequentia, veræ Relligionis cultu sedulus obseruator, bellorum confector, Regnorum Rator, flammarum restinctor, sæuientium tempestatum, prudentiæ, & fortitudinis munere depulsor. Cum Henricum dicis, Martis fulmen, Gallici nominis propugnaculum, firmissimum Regni præsidium dicas. Quid cum Polignotus Thasius pingeret, thorace, clypeoque continuo obtectum, mulieres lucida veste pingere assuetus? Quid Parrhasius capillos, sudore madentes tot annos galea redimitos? Quid idem in Henrico linteam effingeret, quem Bellonæ paludamento noctes, atque dies præcinctum commilitones conspexere? Nec vnâs Zeuxis tunc pingat, cum eius gladio viderit tellurem sanguine redundantem. Sed à coloribus recede. Praxitelem aduoca, qui Boni Euentus simulacrum cum hoc maximo Principe illustrius inter Heroes collocaret. Animum in Mariæ parentes aduerte. Mater Ioanna est, filia Annæ Pannoniæ, Bohemiæque Reginæ, Ferdinandi Imperatoris filia, Maximiliani sororis, Caroli Quinti, & Rodulphi neptis, Philippi Catholici confobrinx; Magni Cosmi, à quo terrarum orbis omnium rerum ornamenta accepit, nurus; cum tot Imperatoribus, maximisque Principibus consanguinitate coniuncta. Pater, Franciscus Mediceus Etruriæ Magnus Dux, Italiæ delictum, Magni Ferdinandi frater, qui vel amplissimo Romano sacro Senatui adfuerit, vel ad gubernacula Reip. sedeat, clauumque tanti Principatus trañet, consilio valer, viribus pollet, gloria rutilat, omnibusque splendoribus Europam illustrat, terra celebris, mari formidolosus, vel ad Antipodes Mediceorum nomen, & fama percrebescat. Sed aliùs repete Catherinam, Laurentij Medicei Vrbinatum Ducis, & Magdalene Bulicnæ ex antiquis Galliæ Comitibus filiam, quam Henrico filio Franciscus Rex vxorem copulatam, Reginam, matrem, tutelam, administratricem Gallia, nec multò

post Rex Catholicus ob Lisabethæ coniugium, socerā salutauit.
 Quis nam rerum magnarum apparatus? Quis Regnorum, atque
 Imperiorum campus? Quæ nuptiarum celebritas? Et quàm ce-
 leberrimas inter Archiducis Austriæ natam, Margaritæ Hispa-
 niarum Reginæ sororem, & Etruriæ Principem expectamus?
 Vt quadruplici Etrusco, Gallico, Hispanico, & Germanico nexu,
 quem Christiana ex Lotharingica, & Valesia Regijs familijs
 nobilissima, Ferdinandi fortunatissimo coniugio conglobat,
 orbis ipse videatur obligari.

Pinti.

*Te lepidam vultu tua gens miretur Etruscam,
 Miretur Charites Gallica terra tuas,
 Mirentur cuncti claro te sanguine natam,
 Mirentur thalami connubialis opes.
 Mirificè es quisquis dicat Regina: Mydeas
 Tu pretio exuperas vna Maria minas.*

Eiusdem.

*Te Regi nuptam Henrico cùm Rhenus haberet:
 Nunc mihi, ait, gaudens inchoat ire dies.
 Nil ego, dùm tanta hac me exornat Etrusca Maria:
 Inuideo fluuijs, Italia terra, tuis;
 Cedere, dixit Id possunt mihi lata Malae,
 Cedere & auferi cuncta fluenta Soli.
 Hic fletat Rhenus: nostra hac, Regina, capeffe,
 Ne tibi cum fluuio carmina fusa fluant.*



Leonor:

Leonora Medicea.



Ed ne hanc imaginem prætereas ab Aeuo Sem-
piternitatis penicillo pingendam. Leonora hæc
est, Mariæ soror, quæ vel omnes Reginas virtu-
tum magnitudine, regnandi prudentia, iustitiæ
vfu, iudiciorum moderatione, morum candore,
vitæ sanctitate splendidissimè coronat. Men-

58

tem, rationem, consilium tantæ mulieris huiusmodi probauit
oculatissimus ille, fortissimusq. Dux Vincentius Gonzaga,
quem ad perpetuam aliorum Principum gloriam, amplissimæq.
dignitatis conseruationem natum nouimus, vt moderandi, & re-
gendi potestatem quasi quasdam habenas ei tradiderit, quas
quidem nec adducit, nec remittit temerè, & inconsultò Leonora,
quæ suorum Iurisconsultorum placita audire, atque perpendere
commodissimum populis exiltimat, vt ferè iuridicundo adsit,
præsitq. vt optima gubernatrix auitos honores, quorum exem-
plo quiduis iure factum putat, omnibus in rebus æmuletur, & ab
indecore, & effeminatione, dum sedet, dum loquitur, dum quid-
piam agit, incolumis, & indemnata, suprâ illustriissimarum mu-
lierum famam exiliat, atque triumphet. Adde filiorû thesaurum.
Quis æstimet Franciscum Principem, cui nuper vxor Sabaudia
Infans Margarita lætissimis orbis auspicijs vxor est tradita?
Nec Mincius, nec Padus æstimet, quorum vndæ aureos Bucen-
tores sustinuerunt, quibus augustissimi Iponi veçti sunt; nec Ferdi-
nandus Gonzaga, qui nouam nuptam Ducum nomine ad Via-
danam inuifit; nec Veneti, Florentini, Germani, Galli. Legati,
qui in nuptiarum sollempnibus suorum Principum lætitiâ re-
præsentarunt; nec procerum aduentus, nec militum numerus,
nec ludicrorum apparatus, quo nusquam illustriorem quifquam
narrabit. Nisi Virgilio illud tribuamus eo vaticinio,

*Primus Idumæas referam tibi Mantuâ palmas,
Et viridi in campo templum de marmore ponam*

Propter

*Propter aquam; tardis ingens ubi fluxibus errat
Mincius, & tenera prætexit arundine ripas.
In medio mihi Caesar erit, templumq. tenebit,
Illi victor ego, & Tyrio conspectus in Ostro
Centum quadriugos agitabo ad flumina curvus.*

Quis æstimet Ferdinandum à Paulo V. in Cardinalium numerum cooptatum? Quem dicam hunc lætissimum iuuenem? An Gonzagæ amplitudinis epilogum? An sacri Sænatu splendorem? Dicam & Naturæ miraculum; Theologicis, Philosophicisq. studijs apprime imbutum; Iurisprudentia præclarum; Linguarum cognitione alterum Maximilianum Imperatorum affinem; Liberalibus, atque ingenuis artibus præstantissimum, quem non laudes, sed admireris; qui vix tertium decimum annum attigerat, cum in Euangelia Quadragesimalia eruditissimas Homilias Ingolstadij edidit. Quæ narro? Quæ balbutio? Quæ Octavius Gentilis de eius obseruantia optimè meritis, quæ Alexander Viustinus Placentinus Iurisconsultus, in os ingessere. Quæ à meipso proficiscuntur, ea sunt, quæ Solis lumina offundunt. Adde & Margaritam Lotharingæ Duci coniunctam, & puellulam Leonoram, vtramque incomparabilis pulchritudinis exemplar. Quamobrem dùm Mantua Manthùs, suiq. Vatis memoria viget, Vincentij, Leonoræ, liberorumq. dominio inter Europæ felicissimas vrbes caput esserat, tesseram Fortunæ Diuina voluntate semper habitura. Dicam ne Leonoram, Lisabethæ Gonzagæ Federici filiæ, Guidi Vbaldi Montisfeltrij sororis, Susannæ, Camillæ Colisani Comitissæ, Iuliæ quam Ludouicus genuit, Hippolitæ, atque aliarum pudicitæ, fidei, constantiæ, sapientiæ, ceterarumq. virtutum epitomen?

Pinti.

*Si nostri caperent oculi rediuisa Maronis
Lumina, Gonzage ducere sæcla domi:
Ille viri, Dux magna, decus, sobolisq. nitorem,
Cantu virtutes promeret ille suas.*

Par

*Par opus, Augusto quo laudes concinuit aquas
Ederet, & felix ter magis ipsa fores.
At pro Virgilio lecti omnes surgite vates,
Aemula det tantum vestra Pœsis opus.*

I I.

*Lumina claudebat somni sub rupe virenti,
Qua scopulos Tesbidis verberat vnda, quies.
Fulua aspesta mihi pennis tum magna volucris,
Rostro scripta ferens aurea verba dedit:
Eleonora tuo iunges ter maxima nato,
Heroum insignes, numine recta, toros.
Vrbs tibi Cadmeia genitricis nomine Mantus
Structa Ocno, debent Allobrogumve Duces.
Alitis ex ore hac cepi: mihi somnus ocellis
Excidit, & rupes dat bene lata moras.
Excitus hic tanto felix est omine, felix,
Cuius habet meritos Eleonora sonos.*

I I I.

*Dùm sic in miseros pietatis lumine fulges:
Iure canat nomen Calliopea tuum.
Te Nympha orta loco, lento it quæ Mincius amne,
Cantibus in ripis, Eleonora, ferat;
Concine Nympha, tuo quam dulce est illius ore,
Fronteq. iucunda sic fluuiialis eas.
Vtero & ipsa tuis numeris, mea Musa: beatum
Hoc habeas, tanta perplacuisse Duci.*



IO. BAPTISTAE MANSO

PATRONO SINGVLARI.



Nter nobilissimas Ma-
tronas , doctasq. Mu-
lieres, tua plurimarum
virtutū gemmis orna-
ta sedeat antiqua No-
bilitas, & quæ in ipsis
ad ethicos mores, & ad immortalitatem
valeant, æstimet, & iudex esto. Iudex?
Auctor potius, quæ adumbrata mea
scripta ineptiùs, Aristotelicis pigmentis
quorum luce ingeniorum acies scriben-
do, loquendo perstringis, ex Lecythis
omnium doctrinarū coloret illustriùs.
Pigmæum despicias? Fiam medius fidiùs
te volente, Atlas, cælumq. sustinere vi-
debor ambitiosius, si diūm totus in te ob-
seruando sum, grati animi propensione
subleuaueris. Vale.

Ligarij vxor.



Nter damnatos ab Antonio Ligarium inimici, MATRO-
 vt capite plecterent sedulò expetebant. Ad NAE.
 multas ille artes confugiens, vt saluti consule- I
 ret, vxoris demum auxilium, opemq. poposcit CONIUG-
 (quæ tutior esse creditur dùm syncerus amor, GVM A-
 honestaq. fides intercedit) per quam facile MANTES.

calamitatem illam euasisset, nisi nefariæ seruæ insidijs esset op-
 pressus. Incidit in eius sanguinem sitientes miser. Mulctatur ca-
 pite, quod dùm ad Antonium lætabundus deferbat Sicarius,
 vxor infelix insequuta, vt mortis consors haberetur, plorans,
 eiulans, scissa comas clamitabat; En Ligarij coniugem, quæ cùm
 virum contrà ius absconderim, ad necem ipsa quoque ducenda,
 necis iura à vobis obtestor; occidite me obsecro; interficite con-
 sciam; eadem mihi pœna luenda est. At nemine id facinus au-
 dente, Iudices vtrò adiuit, moriendum sibi esse, eos decreturos,
 arbitrata. Quod cùm ex animi sententia non cecidisset, seipsam
 sibi iudicem constituit, & fame sibi necem inferre statuit, cui
 gladio simul cum viro non licuit necari.

Pinti.

*Crinibus hic passis populo conspecta Quirini,
 Contumulor: precor, hic siste viator iter.
 Hoc ne te fugiat, charum vixisse maritum,
 Charum, deferuit dùm nece viua, mibi;
 Huius ego caput abscissum lacrimata sequebar,
 Angebarq. vnà non potuisse mori.
 Ingenium, ac tanto non ars defecit amori:
 Quod negat hinc ferrum, mi hinc finit esse fames.
 Hinc abeat coniux laribus rixosa Hymenai,
 Nostroq. exemplo discat amare virum.*

X

Eponina.

Eponina.

2



N multos perduellionis actiones in Gallia intendebantur, cum Vespasiano Imperatore turbæ in ea prouincia essent excitatæ, in primis verò in Iulium Sabinum potentem, & factiosum virum. Cumq. ad arma ventum esset, victis Gallis, Ducem ad supplicium vocauit Imperator. Qui de salute desperans, ne in victoris irati manus deueniret, nemine præter duos libertos sciente, in speluncam se abdedit saxi structam asperis, auiam, quò nec vllum animal penetraret. Nunquam arescentibus lacrimis coniux Eponina in tanta acerbitate virum quaeritabat. Afflictam, nihil erat quod consolari potuisset; præsentia tantum viri posse recreari dicebat. Quamobrem eam quæ triduo fame penè contabuerat, liberti miserati ad virum clam duxerunt. Quis à viro deinceps amantem dimoueat? Deserta loca; ciuitati anteferre; solitudinem, quæ fructum aufert voluptatum, appetere; viri miseriam sibi subleuandam cogitare; viuam cum coniuge sepultam iacere, honestius arbitrari, quàm absque viro viuere, quicum mortua ibidem contumulari, putabat gloriosum. Nouem ibi annos libertorum fidelitate, & solertia fuere, liberosq. procrearunt, sola charitate ministrante. Re denique patefacta, Romamq. deductos, sæuus Imperator occidendos iussit. Ah scelus. Tanto facinori commiseratio non debetur? Quo præmio muliebris fides, quo mutuus amor in tanta calamitate dignus erat? Occubuit cum suo viro Eponina, immortalitatis fama nunquam interitura.

Pinti.

*Dùm thalami socium tanto petis igne Sabinum ,
Dùm solo illacrimas intaminata toro ;
Dùm domui urbana spelea latentia praesens ,
Ne procul à caro sint tua lustra viro :*

Quam

*Quas tibi promeritas laudes meditabor honoris ?
 Digna sepulcrali quæ dabo dicta sinu ?
 Paucis multa canam : iacet hic Eponina, mariti
 Cui sua collibuit subdere membra rogis.
 Illius eternum moneat te, Roma, iugalis
 Sic mage notus amor, sic mage nota fides.*

Glaphyra, & Cornelia Annia.



E connubij pudore seruando, & augenda fide post viri interitum constanti animo cogitabat Glaphyra, nullo quidem scriptore celebris, sed memorabili in coniugem amore, marmoreo monumento clarissima, in quo quid potissimum admirer nescio, coniugalem ne obseruantiam, an Latini sermonis candorem, quo huiusmodi elogio illustris femina claret,

Glaphyra Glaphyri Lusci filia adfecta adeò cineribus C. Lusij Fauſti mariti, beu rarissimi, ut ad alium transire nunquam voluerim. Et si Fortuna præpotens, constantia semper inimica, surdo discrimine, pudicitia placidam ruinam minabatur, & viridis ætas fidem coniugij violare impellebas; inter utrasque tamen fluctuans mulier menses vij. dies xi. non tam corpus cælebes, quàm animum pudicum seruaui. Et ne à tantorum domestica hostium pugna continuò augescere vincerer, procorum petulantem turbam fugiens, viuam me condidi monumento. At posteri si inuidetis, imitamini; si quis verò probauerit, probetur. sin improbauerit, improbum se esse sciuerit. Vale mors. Vixit annos xij. Salue vita perpetua..

An ardentius aliquam virum amasse Glaphyra dicemus, quæ mortuo suæ ipsius vitæ dispendio parentauit? Et faustè inter homines vixisse, & interiisse Faustum dixerim, (si antiquorum ritus inspexeris) qui post mortem, concordii obitu, pudicitiaæ illustri argumento, habuit vxorem morientem. Idem seruatum legimus à Cornelia Annia.

P. CORNELIA. ANNIA

NE. IN. DESOLATA. ORBITATE. SVPERVIVER. MISERA
 VIVAM. ME. VLTRO. IN. HANC. ARCAM. CVM. VIRO. DEF.
 INCOMPARAB. AMORE. DIL. DAMNAT. DEDO. CVM. QVO
 VIXI. AN. XX. SINE. VELA. 3. LIB. LIBERTABVSQ. NON
 Q'OTAN. SVPER. ARCAM. PLOTONI. ET. OXORI
 PROSERP. M. OMNIBVSQ. SACRVFICENT. ROSISQ.
 EXORNENT. DE. RELIQ. IBI. EPVLENTVR. D. O. P. M.
 DA. LX. HS. X. ATQVE. F. FACIVNDVM. DELEGA.
 VALE. VITA.

Auctoris.

*Templorum altum surgat opus, seruentur honores,
 Quæis Romana sacros detulit historia;
 Marmoris ignoti referat tibi Fama triumphos
 Glaphyra non votis interitura tuis.
 Connubij castos cineres seruaui odore
 Assyrio tumulus, qui fuit antè lapis.
 Et lapis, & tumulus, quod viuam condit amantem,
 Iam potuit celebres vincere Pyramides.*

Francisci de Petris I. C.

*Miraris viua ut tumuler? sed falleris, hospes,
 Sas perij chari coniugis ex obitu.*

Pinti.

*Coniugis ut melius luxiffes ossa sepulti
 Annia viua tui, Glaphyra viua tui.
 Lethum inferre sibi stulti vis suadet amoris:
 Laus nulla est, fletus perdere materiem.*

I I.

*Glaphyra dùm mentis perpendo facta pudicæ;
 Scilicet infames te pepulisse procos.
 Non pia tot tribuo, quot laudes busta merentur,
 Corpore viuenti quæ tibi inire libet.
 Annia dùm me ipsam meditor tam sfronte, calenti
 Corde, sepulchrali succubuisse toro.*

Hos

*Hoc unum inuenio, quod te non arguat: orbam
Coniuge tam raro sic voluisse mori.*

Leonora è Toleto.



Enervabimur Leonoram Petri illius filiam, qui administrandæ rei Neapolitanæ viginti annos summa cum vigilantia, & prudentia præfuit, maximi illius Cosmi, qui orbis terrarum fuit ornatus, Etruriæ Magni Ducis coniugem, quæ tanto amore virum prosequuta est, ut semper eum in oculis tulerit; atque ita, ut terra, mariq. serena, aut nebulosa cœli tempestate; vel niuib. obriguisset regio; vel vehementi flamine ventus incidisset, cum venationibus daret operam quibus plurimum delectabatur, ab Etruria decedens, nunquam à viri latere ne pedem quidem discedere deliberauerit. Magna coniuratorum manus ad scelera perpetranda, ad necem Cosmo inferendam conspirauerat, qui vel Petri Strozzi insidias euadere haud posse tam facile credebat, ut vel sub lecto eum semper iacere arbitraretur. Quamobrem longos ipsa noctu, viro dormiente, perducebat lusus, non ut genio indulgeret, sed ut amantissimi coniugis vitæ consuleret, & calamitoso, suspicionisq. pleno tempore heret omnium verborum, gestuumq. exploratrix. Iactabatur in vulgus patrem non tam ad Senarum rem componendas, quam ad Cosmum veneno perimendum, Florentiam petiisse; quo consilio Leonoræ communicato, non tulisse illam tantam à patre in virum indignitatem; cumq. ex ea id rescisset Cosmus (tantum abest ut paternus amor coniugalem superet) chirothecarum venenato odore Petrum interemisse. Quam varix vulgi sententiæ; quam properè currit ad credulitatem. Neque Cosmus, ex omni parte beatus, interimendus erat; neque Petrus animi, generisq. nobilitate conspicuus, tam vile facinus commisisset; neque Leonora virtutum omnium præstanti gloria eximia, in tantum patrem scelere fuisset notanda, quæ pietatis encomio erga omnes efferebatur.

Pinti.

Pinti.

*Pralia cum Tauro Leo miscuit horridus olim,
 Quo sibi pratentas pelleret insidias.
 At dùm Marte fero valide pugnatur utrinque:
 Coniugij consors forte Leonis adest.
 Neve viro quidquam noceat, videt omnia: diras
 In colubrum latebras deijcit ungue patrem.
 Nomine mutato de me, qua hoc marmore subsum,
 Fabula narratur. Dux bone Cosme vale.*

Lisabettà Boadilia:

6



N verò hisce mulieribus cedit Lisabettà Boadilia Amoix Marchionis nepos, quæ Petro Ariæ coniugi in Indiarum disiunctissimas terras, quarum loca mediterranea illustri viro Rex Catholicus administranda detulerat, discessuro, maluit se comitem præbere, quàm liberorum consuetudine perfrui? O magna connubij vis. Delicatiùs nobilem mulierem educatam, nec longissimi, molestissimiq. itineris cogitatio, nec Oceani horror, nec procellarum minæ perterruere. Vix enim è Sibia soluerant, cùm rà m sæua coorta est tempestas, vt duæ naues onerariæ naufragium fecerint, aliæ proiecta supellectili cursum retardarint, salva naui Prætoria, in qua gubernante Ioanne Vespucio Florentino, coniuges erant. Cur in vndis periret, quæ inter coniugalis amoris fluctus, virum constanter, sanctèq. deperibat?

Pinti.

*Dùm propè vir staret ponto, bellantibus vndis,
 Te aure puto lyricum condere dulcè melos:
 Dùm pateris, fortasse viro, sub tartara manes,
 Iuncta tuo, est (si est fas dicere) pæna minor.*

Eiusdem.

Eiusdem.

*Aria dùm terras tecum Boadilia coniux
Tendit, ubi gemmæ prodigus Indus habet :
Aequè si pelagi iuissent tua vela procellis,
Coniugis ac fida tutus amore tua :
Hic mage qui nam te penetrassent puppe beati ?
Vxor quæ non dat bella, dat ira freti .*

Hota Maura .



Ora Rhai cuiusdam in Regno Fezæ fortissimi Ducis vxor , non immeritò à Hieronymo Olorio maximis laudibus extollitur . Ea enim capta , cùm à marito insigni audacia, & fortitudine, cæsis Lusitanis, cū eorum Duce, in libertatem restituta esset, paulò post interfecti viri in proelio, funus, cum lacrimis , & eiulatu procurauit , corpusq. magnis sumptibus sepulcro condidit. Nequem dies à cibo, & potu abstinuit , extremumq. vitæ spiritum edere coacta , cum viro voluit sepeliri . Indignum quidem arbitrabatur sepultura ab eo separari , qui cum inseparabilis amor eam coniunxerat . A barbara ergo muliere amoris, & connubij vires, & exemplum petimus ?

Pinti .

*Hic est illa, viro tumulum molita, diebus
Quæ patinam, & pateram respuit Hota nouem .
Hota maritali studio, princepsve pudore,
Quam rapto puduit coniuge, luce frui .
Non tanta vxoris facinus mirare viator ?
Barbara non more hæc, si regione suis .*

Xenocrita

Xenocrita Cumana.

8

PATRIAM
SERVITV-
TE LIBE-
RANS.

Agis ne vituperanda sit Xenocrita Cumis orta, quòd Aristodemo Tyranno fuerit prostituta, an laudanda quòd sui corporis dedecore ciues, & patriam, in libertatem vindicarit, haud facillè existimarem. Aristodemus post bellum pro Aricinis in Etruscos feliciter gestum, occupato Cumanorum Imperio, omnia in ciues libidinis exempla edidit. Institutis enim Gymnasijs in quibus Ephebi luxuriam exercebant, quorum coma cincinnis, & reticulis religatis; & virginibus pictis togis succinctis, omne muliebre decus, & virilem omnem cultum corruerat. Concubium sæpius expetebat Xenocrita. Quæ cum aliquandò in agro esset (quo fodiendo Cumanos coegbat Aristodemus, ut nunquam ab eorum ceruicibus, seruitutis iugum depelleret) nec in aliquem ciuium conuerteret oculos, cum paululùm diuertisset Tyrannus, ex iuuenibus quidam est percunctatus, Cur tot ciues nunquam, Aristodemum semper intueretur? Cui mulier; Id profectò à me factum scito, quòd virum Cumis Aristodemum modò conspicio; vos feminas, vos pecora appellarem. Quid malum tanta in Cumanis ciuibz ignauia? Hæccine est illa omnium fortitudo qua pace, & bello ceteris antecelluistis? Quamobrem pudore perfusus, ait; Ecquid faciendum victis? Qua poterimus ope tandem subleuari? Tu efficere illud potes, Xenocrita, ut viri dignoscamur. Operam, & opem illicò pollicita est. De Tyranni nece cogitant. Timotelem coniurationis principem constituere. Ad eam rem conuenerunt exules, qui Capuæ degebant, tum præcipuè eorum filij, qui ab eo cæsi fuerant, & Hippomedontis Magistri Equitum filius cum lecta iuuenum manu sequebantur. Nocte intempesta, dato signo quo patuerunt Xenocritæ studio fores, in Regiam impetum facientes, Tyrannum, ipsa muliere ferociter manus iniiciente, iugularunt. Cui cum magnos honores, & dona ciues deferrent, repudiatis

repudiatis omnibus hoc tantum petijt, vt Aristodemi corpus per ciuitatem, libertatis trophæum, efferre liceret. Quod & licuit, & in Cereris Sacerdotem est electa. Melius quàm à Porſennæ iniurijs Romanas obſides Clœlia, tranato Tyberi, ſuos ſeruauit.

Auctoris.

*Quis locus hic ? Cumæ. Quæ rupis gloria ? Manes
Conduuntur ſacro marmore Xenocrita.*

*Quæ ſlet ? chara Venus. Quis tùm iacet antè ? Tyrannus.
At quæ viſtricem fronde coronat ? Honos.*

Pinti.

*Quæ Iudit ſoboles percelebras tuam
Hebræa : Euboicum quondam habuit genus
Seruantem patriæ Xenocritam ſuæ.
Hæc illa, hæc valido pectore femina,
Hæc hoſtile caput detulerat, mage id
Optans, munifico quàm data munera
Auri ciue : iuuat te hanc animi face,
Quicumque es, patriæ, cernere, proditor :
Illic ſunt cineres : hoſpes adi : hoc pſys
Per natale ſolum grefſibus ambula,
Et dictis facinus Xenocritæ efferas.*

Eiuſdem.

*Fers huc vnde pedes ? iudex hic hoſpitis adſum ?
Hoc me dic graio nomine Xenocritam.*

Camilla Macedonia.



Volſcorum Camilla Regina nequicquam aude-
dum Camilla Macedonia nobilis Neapolita-
na in aciem prodit, in qua Natura ipſa quàm
in ceteris mulieribus ſe præbuit viriliorem.
Hæc ubi animaduertiſſet paratas ab inimicis
fratri fuiſſe inſidias, cumq. omni ſpe deſtitu-
tum, ſariſſa accepta, eos aggreſſa eſt, quorum impetum fortiter

Y

cùm

9
FORTIS,
ET MA-
GNANI-
MA.

cùm diutiùs sustinuiſſet, conatuſq. omnes perturbaret, priuſ-
quàm ex terrore, & fuga ſe reciperent, animos, & deſenſionis lo-
cum fratri dedit, qui optimæ; & benemerenti ſorori acceptam
reſtulit ſalutem. Eadem, cùm ab armato iuvene, alium inermem
opprimi intueretur, & ſpectator gladio præcinctus adeſſet, ma-
nus in eum iniecit, arguens cur tam ſegnes, atque inclemens
eſſet, vt ab inermi viro contrà armatū iniuriā non propulſaret.
Aquilæ profeſſò imbelles non generant columbas. Habuit mi-
litaris virtutis conſortes illa fratres Ioannem Franciſcum, Ioan-
nem Iacobum, & Ioannem Vincentium, quorum laudes belli
gloria, & Auſtriorum Regum trophœa vbiq. teſtantur. Inter
quos fratris filius Annibal emicat, quem iam indè à pueritia ad
bellorum inſignia natum, Itali, Galli, Hiſpani, atque luculentæ
in eius corpore obduæ cicatrices prædicant. Arque hoc præ-
clarum ad rem bellicā eius habet familia, quæ ab ea illuſtri
provincia deducta (cuius nomen, Enſiferum, ob Alexandri ge-
ſta, ſignificat) hos protulit domi, foriſq. celebres Heroes.

Pinti.

*E trabe ſuſpenſum magno molimine pilum
Vellit, vt in fratres Mars aliunde ſurit;
Palla oram, præcepſeſcendit, ad ilia vinſta,
Feminea, & valida eſt baſta recuſſa manu.
Mars tacet: alta animi, fax miri hic ardet amoris:
Auſibus obſtupeat Volſca Camilla tuis.*

I L

*Sume enſes: longas, Macedonia, pone ſariſſas:
Nam Macedo, clarum nomen, ab enſe venit.*

I I L

*Haſtatum velox agitaui femina ferrum,
Dùm ſibi fraternus quæreret arma furor.
Hocce genus teli forti vibrare lacerto
Sciui, & ad immites non cecidiſſe manus.
Euafiſt tutata meos mea dextera fratres:
Victrici gemina frons mihi ſorte cadat.*

Iure

*Iure triplex at palma cadat: nam tertia fama est,
Perpetuos qua scit ducere fausta dies.*

I V.

<i>Tu ne superbam</i>	<i>Næ tua vellet</i>
<i>Dùm quatis hastam,</i>	<i>Iure Hymenai</i>
<i>Femina tantum es?</i>	<i>Membra iugali</i>
<i>Quilibet hinc te</i>	<i>Iungere lecto.</i>
<i>Parthenopæam</i>	<i>Poneret ille</i>
<i>Dicat Amazona:</i>	<i>Perfruitus te</i>
<i>Nunc ferat ille</i>	<i>Vasta cupito</i>
<i>Lumina vitæ</i>	<i>Limina mundo.</i>
<i>Aemathius Dux.</i>	

Fuluia.



Pulum, & supplicationem, festumq. diem celebrasse sibi persuasit M. Antonius cùm sacrum illud Romanæ eloquentiæ caput crudeliter abscissum, quod prius adhuc mortuum Rostra, inspectante populo Romano decorauerat, in mensa veluti pompæ ferculū iusserit collocari.

Nullò vnquam lautiori apparatu, ornatuq. in Triclinio visus est lætari funestus homo, dùm luctuosus funus, & Romanæ virtutis casum alij doluerunt, qui furiam patriæ, & tempestatem illam Reipublicæ in bonos viros sæuientem detestabantur. In conuiuiò famem quoque crudelitatis Fulvia vxor satiauit, quæ in sinu caput acceptum, primò maledictis, atque diris execrata est, mox amentibus oculis intuita, inspuens, virus in illud perfidiæ videbatur euomere. Tunc verò ab ea crudelius sæuitum est, cùm in linguam è faucibus euulsam sæpiùs aciculam infingeret, quæ ad capitis ornamenta vreretur. Atque ità caput illud quod nefarijs hominibus in ipso Imperij domicilio, consilio, & lingua fuerat formidolosum, quodq. dùm loqueretur omnes in admirationem adducebat, habuit ludibrio mulier, & furci, atque irrisuibus

IO
CAVDE-
LIS, ET
FORTIS.

subiectum aspernata est. Quid igitur Fuluiam prophanam inter celebres mulieres recensemus? Ergo ne parricidæ quæ patrem patriæ vili fecit inter nobiles mulieres locum dabimus? Non equidem. Hoc tamen celebriorem factam non negabimus, quòd eam linguam tractarit, quæ vel mortua suauissimos omnium doctrinarum explicat concentus, tum præcipuè Romani sermonis, & elegantix. Sed nec eiusdem viriles ausus prætermittendi. Cùm Bruto occiso, Antonius cogendæ pecuniæ causa in Asiam profectus esset, & Cæsar Romæ Lepido esset impedimento, Fulvia, contempto Lepido, ita administrabat omnia, ut nihil à Senatu, vel à plebe contrà eius voluntatem decerneretur. Vtebatur etiam Lucij Antonij fratris opera. Insolens socrus habebatur à Cæsare, sed coortis seditionibus, timore perterritus, & cum Fulvia, & cum Lucio (quos oderat) reconciliari studens, impetrare non potuit. Eaquæ accingebat gladium, signaquæ inter milites distribuebat, atque apud eos sæpenumerò concionabatur. Quamobrem cum Veteranis Cæsar egit ut controuersias omnes inter ipsum, & Fuluiam componerent, eosquæ sibi iudices sumpsit. Qui Romæ in Capitolio causam dicturi, cùm Lucius, & Fulvia non aduenissent, iniustè eos contrà Cæsarem agere iudicarunt; ideoquæ eis Cæsar bellum indixit. Victor euasit, fugiente Fulvia cum liberis ad maritum.

Fabij Leonidæ.

*Sparfisti in nostrum viuens maledicta maritum,
Disce pati mutum nunc malefacta caput.*

Pinti.

*Hæc quòd lingua tuo fudit maledicta marito;
Impungis saua sic feritatis acu?
Extincto barbam vellis vesana Leoni,
Tollere si linguam, non monumenta potes.*

Eiusdem.

*Lingua silet, tamen ipsa cies fera vulnere: tolle
Ne tantam capiant lumina sauitiam.*

Aemilia

Aemilia Tertia.



Rnare vxoria fides pudicitiam potissimum debet. At nisi viri quoque mores eadem fides honestauerit, nihil quicquam aut nobile, aut ingenua muliere dignum vllam effecturam credendum est. Maximas afferunt viris vxores iniurias, quæ proteruo in coniugalia iura, moresque

II
VIRVM MA
LVM PA
TIENTIA
PERFE
RENS.

insultant animo, & culpas, quæ abdita nihil viris efficiunt, eandem perfidia, & dicacitate patefactas, imminutæ auctoritatis apud homines efficiunt satellites, & administratrices. Quapropter maximis laudibus Aemiliæ prioris Africani vxoris patientia, vel potius prudentia, efferenda est, quæ cum comperisset vnam ex ancillis viro maxime charam, & doletet summum Ducem illiberali amore detineri, simulandum potius deliberauit, quàm Africæ domitorem, feminæ impudicitia perdomitum accusare. Laudabilior ea animi fortitudo in Aemilia fuit, quàm Africani in expugnandis vrbibus virtus; hostes enim profligauit viri disciplina, sed vxoris patientia, periticaem quæ mulierum præcordia vehementibus ignibus adurit, deuicit animi affectionem.

Pinti.

*Vir meus ancilla vincitur amore: sed astu
Contego: quis merito non vocet Aemiliam?
Eiusdem.*

*Hic sita sum fidei nodis deuincta iugalis
Coniugis in seruam vilia passa mei.
Illius vxor eram, qui, victis vrbibus Afris,
Nomen, & inde sibi clara trophæa tulit.
Hunc mihi non rixis placuit turbare molestis:
IUVIT sape viri dissimulare nefas.*

Ifotta

Isotta Ariminensis.

IS
FORTIS,
SED IN-
FORTY-
NATA.



Post multa, à Sigismundo Malatesta facinora edita; post pacem eidem per Venetos à Pio II. partam, quos à Triestina obsidione reuocauerat, vt Federico III. Imperatori rem gratam faceret; post multa quæ Malatestis, & Montefeltrijis acciderant, nihil ipsi reliqui fuit præter Ariminum, & Cerasolum, aliquotq. Montefeltrij munitissima loca, quæ haud multò post vt cum fratre in gratiam reciperentur, eiusdem Pontificis ditioni libenter subiecit. Naturæ tandem cedens, Ariminum Isottæ, qua cōcubina vsus fuerat, quamuis matrimonio postea coniunctam dixerint, & Sallustio notho, quem sibi alia mulier genuerat, imperiū gubernandum reliquit. Ciuis hæc Ariminensis erat, prudentia, disciplinarum studijs, sed Poëtices præcipuè exercitatione clara. Ità verò in administrando se gessit, vt cum omnium in se animos conuerterit, in ea potius Malatestarum nomen, quàm in aliorum dominio Ariminenses, naturali quadā propensione, & beneuolentia expeterent, proprijsq. virtutibus exteros etiam sibi deuincire conata, Venetos quibuscum familiariter vivebat, in vrbis præfidiū aduocaret. Obierat interim Pius, succedente Paulo II. qui nihil sibi potissimum deliberandum statuit, nisi de Arimino recuperando, si ea exequi deberet, quæ condicionibus inter Pium, & Sigismundum fuerat proposita, cum præsertim nullum cognosceret legitimum successorē. Quapropter eos qui in Piceno, & Aemilia militibus Ecclesiasticis præerant, monuit, vt Ariminensium animos tentarent; qui missis ad ipsa moenia grauis armaturæ hominibus, sperantes popularium animos eorum aduentu ab Isotta defectoros, re infecta rediere. Tunc Pontifex cum Roberto Malatesta Sigismundi quoque spurio, qui sub eo merebat, ex Pontecoruo vbi castra habebat accersito, oppidorum, & pecuniarum præmio oblato, clam egit, vt Ariminum occuparet. Quod cum per ami-

COS

cos ei licuisset, Isotta, à qua humaniter acceptus fuerat, & Sallustio ex ciuitate extrusis, sibi ditionem illam, deluso Pontifice, comparauit. Collabi sic dominium decuit, quod fragili mulieris, & concubinæ columna fulciebatur.

Pinti.

*Isotta o parium gloria pellicum,
O ingens honor, atque Arimini decus,
Malatesta anigni dimidium tui:
Tu ne hoc marmore conderis?
Noui quæ valido pectore gesseris,
Cum commissæ foret res tibi ciuica,
Quàm prudens, sapiens, quàm fueris chori
Phæbi culta Poëtria.
Dùm te dùm recolo facta celebra:
Me quantum miseret, lumine te haud frui
Vitali: misera at dùm memoro genus
Fortuna, instabili pede:
Hac te sub lapidis pace quiescere,
Pertentant animum gaudia: Ter vale,
Quæ auro structa pio proxima montium
Mausolea meres iugis.*

Leonora Arborensis.



Ragonum res Federico Petri II. filio Siciliæ, & Athenarum Rege maximis tumultibus implicitas legimus quos rerum varietas, animorum dissensio, regnandi. cupido concitauerat. Omnem idcirco conatum in Sardoam expeditionem Rex cōuertere coactus est. Martinus enim Arborensis quem sibi Sardi ludicem adsciuerant, & Salebrosus Oria, bellum in Sardinia quod cum Genuensibus paces, & ocio resederat, inferentes, enutrienda tyrānide, pessima in Federicum

13
REGNO
RVM CV
PIDA.

volun-

voluntate huiusmodi occupabantur, vt gerendo bello, exilio, aut morte damnatos, Rex restituendos in libertatem, & pecuniam creditam nouis tabulis creditoribus prorogandam iusserit, vt maximum militum numerum compararet. Mariano vita functo, Hugo filius fortunarum, & tyrannidis hæres successit tetra immanitate, & insigni perfidia patrem superaturus, qui Iudex quoque Sardis constitutus, Insulæ dominij desiderio accensus, ob feros, immanesq. mores omnibus cruciatibus confectus, à suis necatus est, in spem libertatis Sardinia euocata. An flamma restincta est? Non mediufidius; sed truculentiori incendio in Leonora Mariani filia, Hugonis sorore exarsit; quæ cum Brancaleoni Oriæ nupta esset (qui Montione à Rege in publico conuentu benignè exceptus, Montisleonis honorario Comitis titulo decoratus est) Principis abusa munificentia, petulans, & ad omne facinus audax effecta, delectu habito, armis instructa, Ducem se militibus præbens, Regio fastu, & fama delectata, Sardiniam possidere, cum Rege cõtendere, suis iniuriam inferre deliberauit. Quid muliebri pectore ferocius ambitio dùm stimulos admouerit? Quid inhumanius, cùm indignationis ardor se insinuarit? Absente viro, qui apud Regem commorabatur, arcium, atque oppidorum Hugonis fratris potitur, agros vastat, & tyrannidem maiori quàm frater, paterq. desiderio Genuensi ciuitate adiutrice flagitat; tantumq. suspicionis aduersæ Regis fortunæ in ea insula commouet, vt virum custodia, licèt liberali, detinuerit, ac demum certas pacis condiciones asserre, vtilius iudicarit. Accipit tunc quoque in fidem Sardos, qui defecerant, Brancaleonem ex arce Caralitana emisit, & Reipub. Genuensi, cui Antoniotus Adornus præerat, ijs rebus quæ non modò ad Genuam, Saonam, Albigaunum, oraq. Ligustica, sed etiam ad Capham, Chium, Famagustam spectarent, prouidè consuluit.

Pinti.

*Ingenuo orta patre, ingenuo quoque nupta marito,
Hic sita, cui validus dat Leo nomen, humi es.*

Os

*Os muliebre fuit, verum tibi mascula virtus,
 Teq. salutarat Martia turba Ducem.
 Vastatos agros, summas arcesve subactas,
 Sarde, huius referas oppida capta manu.
 Sceptraferi tibi mens fuerat cupidissima regni,
 Quin si viua foret, ambitus ipse fores.
 Quin vel viua fores, peltis noua fortis Amazon,
 Aptæ foris telum, sceptræ mouere domi.
 Hæcine non stupida lapide hoc capis aure viator?
 Finis adest, & adhuc, ambitiose, furis?*

Ioanna Scortiatæ.



Accellit animi magnitudine, & pietate illustribus matronis Ioanna Scortiatæ inter primarias Neapolitanas celebranda. Peperit duos illa filios. Quorum alter dùm studijs operam daret, coorta dilceptando inter æquales contentione, concitus ad rixam, à iuvene quodam neci traditus est. Qui ne in satellites incideret, fugiens, infcius in de. mortui domum se recepit, atque ad infelicissimæ matris sinum, quæ facinus ignorabat, confugiens, salutem est deprecatus. Et cùm rumor percrebuisset, filium fuisse occisum, & quem domi haberet, necis fuisse auctorem, & actorem, dùm animus fluctuaret, à pietate victa, noluit duorum interitum condolare, & plus potuit solitudo occisoris ad misericordiam, quàm offensæ matris dolor ad crudelitatem. Euadere illum passa est, dùm placido vultu extincti cadaueris lauaret cruorem. Alter, Fabritius ille Brancacius fuit, antiquæ Iuris disciplinæ lumen, & cùm immatura morte fuisset extinctus, cùmq. lacrimæ in tot, tantisq. acerbitatibus plurimæ effundi debuissent, huiusmodi exaruerunt, vt virilem constantiam, non dolorem animo hæsisse demonstrarint. Quid Corneliæ Græcorum natæ, quid Rutiliæ Romani commemorabunt? Funus Christiana prudentia prosequuta est,

I4
 CONSTAN
 TIA IN
 AERVM-
 NIS.

Z & in

& in ipsa in qua iacere debebat sepultura, loculo collocato, pijs Deo fufis precibus, è templo decessit, pietatis operibus iam inde operam datura.

Auctoris.

*Dùm miferes facti matrem, dùm mæsta querelas
Fundit, adest pietas, sollicitatq. dolor.
Atque dolor; nato languescunt lumina, inultis
Te illum cedit Amor cernere luminibus?
At pietas, tacito suspendens pectore vota,
Et scelus, & natum collocat in gremio.*

Fabij Albini.

*Sanguine placari manes ignara vetustas
Credidit occisi corporis ense truci.
Noluit illustris renuens hoc semina nati
Morte peremptoris tristitia fata lui.
Extinctum, scio, mater ait, nec vinere natum
Intersectoris funere posse meum.
Hunc ego seruabo; hac subeas penetralia, dixit,
Et dùm cessabunt militis arma, late.
Heu celebranda pia constantia magna parentis,
Cui par nulla fuit, nulla virilis erit.*

Pinti.

*Pelle, ignara, tuum genitum scelerata peremis
Dextra, fuga cuius das miserata lares.
Pelle, vel immitis tradas licitoribus, aquas
Mox sceleri pœnas soluat ut illa necis.
Non minor est virtus vindictam tollere culpa,
Quàm santa hac patiens si mala ferre velim.
Sic Ioanna animi visa est fortissima telo,
Dùm contrà hinc pietas dimicet, inde dolor.*

Maria

Maria Aragonæa.



AT quis locus Mariæ Aragonæ in hoc Theatro dabitur? Prima antè Iunones, antè Minervas sedeat. Stent ænea Matronæ signa Immortalitati sacra; nec in auro eius cudatur imago, quam sibi cælauit æternitas. Quam facies eo seculo illi parem? In connubio cui nam viro coniuncta? Per cunctare sexcenta victricium bellorum insignia, quibus Annibales, vel ipsi Scipiones cederent. Hostes deuictos enumera. Sui ipsius maximi Imperatoris de Alfonso Haualo laudes percipito; cuius virtute Imperium, vitamq. sibi esse partam testabatur. Qua corporis illa erat habitudine? Qua nihil venustius, nihil grauius, nihil modestius cælum conspiciens cursum Gratiarum, & Sirenum adiumento, ad eam ornandam semper inflexit. Quæ verò in tanta muliere animi magnitudo cognita est? Hanc profectò dices inextimabilem. Orbata enim viro, cuius obitu Mediolanenses administrationes, bellorum Præfecturæ perire, viuam domus gloriam sua virtute retinuit, liberos (qui ad summos honores euecti sunt) splendidè educavit, & ex rari coniugis splendoribus; clarissima vndique accensalumina suæ prætulit nobilitati. Adde, quod nostra ætate admireris. Absque viro mulier, florenti ætate, eximia, præstantiq. forma, nobilissimorum virorum frequenti consuetudine, qui veluti Numen aliquod eam venerari potius, quàm alloqui consueuerant, inuiolatam fidem, famamq. tuendo, memorabile pudicitiae posteris reliquit exemplar. Tantumq. eius pudicitia progressa est, vt alieno pudori seruando maximè studuerit. Mulierum enim, quarum opera utebatur, famam illæsam sibi custodiendam huiusmodi proposuit, vt eius disciplinæ memoria in ijs quoque gloriosius remaneret. Quamobrem Milij symbolum Paulus Iouius dedit, quod cum nec putrescat, eamq. lucem ab alijs arceat, encomium illud sibi comparauit, **SERVARE, ET SERVARI**

15

ANIMI MA
GNITVDI-
NE, ET
PVDICI-
TIA IL-
LYSTRIS.

Z 2 - M L V M

MEVM EST. Habeat hoc sibi Maria eximium, & singulare; vñ
 stabili, firmaq. ratione contempserit, quæ à nobili, forti, magnoq.
 animo debent esse aliena.

Berardini Rotæ.

*Dùm petis Inarimem Diuùm pater, ac sua iactas
 Fulmina, teq. sua victæ Typhœe manu;
 Quid iactas Maria exclamat? si vera fateris
 Nostra tuis præstant lumina fulminibus.
 Cernere vis oculis, quæ sint noua fulmina nostris?
 Annuit ille, oculis fulminat ipsa Iouem.*

Iani Pelusij Crotoniatæ.

*Si quantum potuit quondam Rhodopeius Orpheus
 Arguto cantu, dulcisonaq. Lyra:
 Ipse mea tantum possem, Heroïna, possi,
 Versibus imparibus dùm tua facta cano:
 Omnis Aragonio resonaret nomine tellus,
 Alluit immensi quicquid & vnda maris.*

D. Bernardini Aquiuij ab Aragonia D. Francisci Neritin. Ducis Fratris Fil.

*Prolis Aragonea mulier spectanda sepulta est:
 Purpureas hospes sparge Diana rosas.
 Vnica mirifici species hac virgo pudoris,
 Connubialis & hac gloria prima tori:
 Aetherea superest ànimum nunc degere in aula
 Dicere, & aternis astra tenere potis.*

Pinti.

*Hinc longo pede distet impudicum
 Quisquis pectus habet: iacet Maria bis
 Alphonsi illius Hauali marita.
 Puro hic sis animo, niue albiore,*

Hospes,

*Hospes, funde preces eiq. flores ,
Ferro magnanimum seras Leonem
Sculptor: nam decet hæc imago bustum .*

Ioanna Castriota .



Ecce populis olim frequentissima, maximorumq.

16

Ducum trophæis illustris Epirus; nec Regum imperio, gentisq. fortitudine clarissima Macedonia, immortalitatis laudes Ioannæ Castriotæ Nuceriæ Duci, inter magni nominis mulieres nobilitatis stemmate, animi magnitudine, mo-

VIRTVTVM
AMPLITV-
DINE AD-
MIRABI-
LIS.

rum sanctitate, nulli secundæ, comparauit. An verò regias ipsa virtutes à Regibus, qui ex Castriota familia nobilissimis illis Græciæ regionibus imperitarunt, non didicisse affirmabimus? Qua emicuit pulcritudinis raritate, & modestia? Quo splenduit sapientiæ lumine? Qua honestatis gloria floruit? Quæ viguit in pauperes mansuetudine, & liberalitate? Quæ iam indè à primis annis in ea ad Dei cultum pietas effulxit? At quæ nam præclara efficere non potuit, quæ ab vberissimo amplitudinis, virtutum, fortitudinisq. fonte emanauit? Qui norit mortalium ea ætate principem, Turcarum terrorem fortissimum Ducem Georgium Scarderbegium; noscat & Ferdinandum Ioannæ patrem, qui cum maximo Rege Gallorum Francisco ad Ticinum præliando congressus, tantum virum prouocare non dubitauit. Tantundem dignitatis mater adiecit, ex illustrissima familia è Capua, quæ tot summos Duces, Principesq. sexcentos ab hinc annos felicissima serie protulit. Omnem verò maiorum gloriam Ferdinandus Carrafa filius, patris, matrisq. vestigia sequutus, æquauit.

Alfonsi Martiani.

*Natales alij si celebrant suos,
Clarorumq. sibi nobile vendicant
Maiorum facinus, non tibi sunt pares.*

Nam

*Nam tu clara nimis sanguine Regio ,
 Epiri fuerant cuius aui diu
 Reges magnanimi, ac Herculeum genus .
 Bello conspicuos si referunt Duces ,
 Et fusas acies fortiter hostium ,
 Belli fulmen adest ille Georgius
 Turmas quem toties fundere Thracias
 Scimus, quem proprium militia decus
 Olim Turca ferox suspiciens, vocat ,
 Magni Barbarico Cappadocum Ducis
 Signans nomine vim, ac ingenium celer .
 Gaudet si qua sui coniugio viri ,
 Quod sortita sit illum egregium , probum ;
 Quid quasò melius, quidve benignius
 Alfonso fuerit coniuge maximo ,
 Seu spectes animum, seu bene dexteram ,
 Quo Nuceria nunc Principe iubilat ?
 Tu multo genitum prole beatior
 Heros cui genitus gloria Principum
 Fernandus, similis belligero Deo
 Marti, siue pedes praelia, siue eques
 Semper cruda ineat, consilio sagax ,
 Præstans ingenio, clarus in omnibus ,
 Quæ fortuna feras lata, vel aspera .
 Sunt hæc magna quidem premia fortium ,
 Quos cælestis humo tollis, & euehis
 Virtus, ipsa quibus prænitas licet,
 Fecisti nibilo semper ea, altius
 Omnes mente volans supra homines pia ,
 Terras despiciens, & superum choris
 Noctes, atque dies usque inhians sacris
 Incumbens studijs pectore candido.
 Hinc cum fata volent, & Deus optimus
 Vallata æthereis undique ciuibus ,
 Lata bunda petes sidereum polum .*

Pinti .

Pinti.

*Mors ego Ioanna virtutum castra subegi,
Illius ut victi gesto trophæa viri.*

Cassandra Marchesia.



Væ Charites cum Cassandra Marchesia luserint, poetâs leporibus explicauit Iacobus Sannazarius, cuius ex ore dulciora verba cum elicerentur, libabant veluti Apes Cupidines, fingeantq. compositæ orationis fauos. Melle tamen suauior fluebat oratio cum de Cassandra

17
PRIMIS
NUPTIIS
INFELIX.

loquebatur, quam dum sibi Decimam Vates, Musam proposuit, castissimè perijt. Quapropter eò laudabilior facta est, quod tanti viri amore culta, inuiderent, quæ à summis viris cupiebant amari; eoq. pulcrior, quod in ea puritatem cum dignitate nitentem, non coloris suauitatem, qui ad libidinem excitaret, veræ pulcritudinis sectator adamauit. In omnibus quidem laudanda; tunc tamen maximè, cum existimationi consulens, innuptis nuptijs quas cum Alfonso Castriota Atripaldæ Marchione, Ferandinensium Ducis filio, parauerat, elusa, neque nouas experiri laudabili existimans ne denuò alienæ fidei periculum faceret, Sapientiæ locum Neapoli, quem Studijs addixerat Olinarius Carrasa, reliquæ sibi vitæ delegit, atque cœnobio instituto, diuino cultui seipsam dicauit, idq. clarissimum prudentiæ, atque animi magnitudinis iudicium relinquere voluit. Non seruati fidei poenas luxit infidus coniux, à Francisco Gallorum Rege interemptus.

Sannazarij.

Desine formosa dotes numerare puellæ,

Desine iam extinctas sollicitare facer.

Nam dum sæpè comas, frontemq. humerosq. manusq.

Commemoras, proprios extruis ipsa rogos,

Dumq.

*Dùmq. oculis Cassandra, animo Cassandra recurſat,
Cassandra heu mentis ius habet omne tuæ.
Blandus Amor tacitis ſubreſſi in offa venenis,
Sic ſibi vel fatum quilibet eſſe poteſt.*

Eiuſdem.

*Quarta Charis, decima es mihi Pieris, altera Cypris
Cassandra una Choridis addita diua tribus.*

Pinti.

*Fuderunt alij meliori carmina vena,
Paucos hoſce meos tu tamen adde ſonos;
Queis quæ vera canam? promiſſo, eluſa, Hymenæo;
Viuens clauſtra cupis, mortua & aſtra capis.*

Blanca Maria Vicecomes.

18

ROBORE,
FORTITV-
DINE, AC
PIETATE
VALENS.



Vm Blanca Maria Philippi Mariæ Vicecomitis filia, quàm aliquot annos antè pater Franciſco Sfortiæ ſponſederat, nuptiæ ab eodem celebratæ ſunt in D. Sigifmundi ad Cremonam, quàm etiam ciuitatem dotem acceperat. Ingentes hæc mulier oſtendit ſpiritus, Venetis magna ad Padum comparata claſſe, Cremonenſes vehementiſſimè oppugnantibus. Siquidem Cremonenſibus copijs, quibus Iacomazzum Salernum præfecerat, extrà portâ Mœſam in hoſtium copias eduçtis, cumprimùm Marci nomen, clara voce, militari ſymbolo iactantem militem quendam audiuit, haſtam ira percita infixit ori, quo iſtu miles occubuit, collatiſq. ſignis ad Cremonenſes victoria inclinauit. Corporis robori, animi quoque fortitudinem coniunxit, quippè quæ contumelias, quas poſt viri mortem à Galeatio filio accepit, prudētiſſimè pertulit. Accedat Relligio, quæ præter ceteras, quæ ætate vivebant eam extulit, cùm præcipuè ſanctiſſimæ Eucharitiæ tempus magno ſumptu dicaſſet. Namiam zelotypiam

tot

tôt virtutum candorem aliqui maculasse arbitrantur. Atqui ita honesta muliere hoc vitium virtus est existimanda.

Pinti.

*Belli te ne Deam, notat an ne hac hasta Mineruam &
Fortior at valida vincis utramque manu.
Cecropia visa es, Martis maiorq. sorore,
Teستا fuit telo, quando Cremona tuo.
Pallade tu maior, Bellona maior: utrique
Defuit, est in te at Religionis bonos.*

Catherina Cantona, & Domitilla Triuultia.



Vm Iconologiæ curiosum opus Cæsar Ripa Perusinus Barbaræ Cantona dicauit, nihil se illustrius fecisse arbitratus est, quàm cum filiaë Imagine, ad quâ venustate, & virtutibus nihil præstantius accedere potest, matris Catherinaë icona, simulacrum quoddam humanæ excellentiæ

19 20
INGENIO,
ATQVE A-
CV PIN-
GENDI,
CANEN-
DIQ. AR-
TE ADMI-
RABILES.

ob oculos omnium ponere; vt artifex præstantis Naturæ imaginis, ignotis nota faceret, & sigillatim quæ contineret Mediolanum Italiæ vrbs celeberrima, in qua omnia cùm sint quæ præclara pace, & bello existimantur, huiusce Matronæ laudibus omnium iudicio, veluti maximarum rerum thesauris, suppedicaret, quæ maiora iudicari valerent. Castitas, religio, pietas, vitæ moderatio in ea præcipua fuere, quas augendæ nobilitati addiderat; sed quæ propter acumen prospiciebat, quæq. atomis, inani, imaginibus, & ijs quæ ἰδωλα nuncupamus, tum incurfione videbat, tum cogitatione meditabatur, tanti habēda sunt, vt eius pœssim non picturam videamus, in qua Deos, sidera, elementa, montium iuga, & comas, herbarum viriditatem, animalium figuras, serpentium volumina, vndarum motus, quibus vel Pelopis Neptunij equis suspensi currus rapiantur, vel Proteus ad antra gre-

A a gcm,

gem, vel armenta deducat. Bone Deus; doctissima manus acu effingit, quod Ethion, Nicomachus, Protogenes, Timas penicillis, coloribus effinxere? Quid Arachnem, Palladem, Didonem, Andromachen, Penelopenq. admiratis? Hanc feminis perfectiorem, eruditorem viris admirare. Quicquid penicillo effici poterat, colorabat. Serico, & auro colorabat; viuebantq. imagines. Mirum. Eius artificij ingeniosissimi auctor mulier; delectabat, pascebatq. oculos, animumq. & mētem exaturabat. Diluxit sub eius acu historiarum vmbra, rerumq. multarum cognitio, quæ ex omni aditu clausa conspiciebatur, eius arte patefacta est, & quadam vi, quæ omnibus erat admirationi, patientius explicata. Ad ea studia, eius exemplo, ceteræ Mediolanenses Matronæ iam indè cum Catherina exarsere, & ab ocio inertissimo longè remotæ, pingendis telis, reticulisq. sese libentissimè occuparunt, quibus Reginis, Principibusq. summa cum voluptate placerent. Quæ pingebat Catherina, Domitilla Triuultia ex primaria Mediolanensi nobilitate cantabat. Patria, virtutibusq. pares; idcirco eas seiungere nefas sum arbitratus. Pictrix, & Poëtria Mediolanum pingant, & concinant, vt alterius pictura teneantur oculi; alterius cantibus aures demulceantur; sic lætam urbem, & nitidam, carminibus, coloribusq. collustratam, Infusum gloriæ patefacere intelligemus.

Pinti.

*Desere quas acubus telas depingis, Arachnes
Ne similem subeas Pallade lusa vicem.
At tradas, Cantona, operas tutissima seclis,
Nulla Minerva tibi est, quæ malè obesse queat.*
Eiusdem.

*Cerne Cispina mira hic duo lumina terra:
Altera Arachnae inferior non arte puella est;
Altera clara nitet mellita voce Ligeam,
Dum lusit meliore sono, Nymphasq. Deasq..
Quæ sua laurigero modulentur carmina Phæbo;
Huius acu spectes operas, huiusve canoros*

Aure

*Aure bibas sonitus; pingens, Cantona, resignat
 Quaque aciem ingenij. tantum Domitilla canendo
 Non homines, sed aues, fluuios, siluasq. moratur.
 Hanc qui non cernat, qui non hanc audiat, expert
 Humano sensu est; surdis hunc abdite saxa.*

Benedicti Sossagi.

*Haecenus extinctos animauit imagine vultus
 Sudor Apellaeus, Phidiasq. labor.
 Nunc Casberina nouis telas animare figuris
 Auctor, & artificis texere facta manu.
 Adiures hac vera geri, neu ficta videri,
 Tantum Dadalea possides artis opus.
 Si terras mentitur acu, stant ordine siluae,
 Rauca sonant fluuij, stagna quiescent silent.
 Nunc curuas sinuant valles, nunc flamina surgent
 Montibus & calo proxima saxa vides.
 Si fragiles artus formauit, & ora virorum,
 Viuere credidimus, credidimusq. loqui.
 Stamina si facies Diuum spirantia monstrant,
 Viuunt in magnos flamina tota Deos.
 Iuppiter igne tonat, montanaq. culmina fumant,
 Fila vagas rumpunt ingeniosa faces.
 Crinitur Phæbus radijs, Mars fulminat armis,
 Inuidia luno sauit, amore Venus.
 Vnde tot inuenis textricibus artibus artes?
 Pallade docta fuit, Pallade vel docuit.
 Eiusdem.
 Insuabridae gemina fama super astra feruntur
 Inclyta quaeque suo nomine, prole sua.
 Altera fidus erat generis dotale Triuulsi,
 Altera Cantonum nobile fidus erat.
 Discordes studijs attollit gloria concors,
 Artibus impariles, ingenioq. pares.*

Aa 2

Vna

*Vna virum mores, vna est imitata colores,
 Vna magis lingua claruit, vna manu.
 Hac velaminibus velamina vincit Arachnes;
 Illa laboratis facta voluminibus.
 Altera cantando narratur Apolline maior,
 Altera texendo maior Apelle fuit.
 Sed calathos confer calamis, velamina chartis,
 Illam homines dices, hanc superasse Deos.*

Roberta Carrafa, Abellin. Princeps.

31
 GENIIS,
 ET PRU-
 DENTIAE
 LUMINE
 LUCEN-
 TISSIMA.



RT Carrafa, & Caracciola familiarum luminibus coruscans, inter eximias Matronas, Principesq. nitet Roberta. En vides quàm splendide vtrarumque gloriam in augustissimo, plenissimoq. dignitatis vultu repræsentat. In maximis viris frequentissima celebritate, clarissima Heroum serie lætatur; vt à patre (quem amplitudinis, & virtutum copia circumfluere huiusmodi intuemur, vt temporis fines, æternitatis securitate eludat) ad maiores, rerum gestarum perpetuitate, virili prudentia, incredibili rei domesticæ propagatione, diuina potius, quàm muliebri sapientia, & eximiarum laudum indagazione, quibus continenter spe, & animo incubabat, perspicua accedit. An Magni Diomedis seriem commemorabo? Diomedis, inquam, Antonij filij, qui quòd omni cura, & cogitatione res magnas sagaciùs odorabatur, moliebaturq. Malitiæ sibi nomen acquisiuit? Alfonso Aragoneum adeas, qui ab Andegauenfibus, & Sfortianis quodammodò interclusus de victoria desperasset, nisi Diomedes subsidio fuisset, qui per aquæductum in urbem Neapolitanā ingressus, occisis custodibus, viam Regi, & exercitui heroica virtute aperuit, tanta alacritate vt animus Alfonso accesserit, inimico Regi timor fuerit iniectus, idemq. Regno cesserit. Dicam ne Diomedis Regnum Neapolitanum ab Aragoneis acceptum esse tribuendum? Nec multum dedisse magna-

magnanimum Regem fatédum est, qui in eum Comitatus Magdalonij, & Cerreti, patrimonij conseruationem, & supremi Consilij dignitatem contulit. Illuxere alia sidera, maximi Proceres, qui titulorum, & Ecclesiastici muneris fasces sustinuerunt; quis enim neporum seriem longo ordine recensébit? Quid Sole illo maximo Paulo IV. illustrius? Quid summorum virorum numero, qui vigent, præstantius, quorum vita, & virtus, in vna hac Robertæ spirat imagine? Sed spirat amplitudine generis, reuerentia amoris, charitate coniugij, fœcunditate prolis in viuente viro Camillo Caracciolo Abellinensium Principe, in Aurei Velleris ordinem à Philippo III. Rege cooptato, in quo vno veræ virtutis gloriæ domicilium, nobilitatis illustrissimæ finibus terminatur; quem dum admirantur Galli, venerantur Hispani, dum in Belgio florentem militares ordines salutant, in Italia consilio validum, prudentia insignem, constantia, & grauitate eximium, laudum crebritate extollunt. Spirat liberorum thesauro, in Marino præsertim Tripaldæ Duce, quem, Augustorum more, Principem iuuentutis dixerim, liberalibus studijs additum, præclara semper molientem, in quo amplitudinis insignia posteris posita, clarissima mōnimenta conseruaturum prædicant. Quid Roberta felicius? in qua pulcritudo cum castitate, venustas cum modestia, eloquentia cum verecundia certarunt? Quæ florentem iuuentutem laboribus erudiuit, cum, absente coniuge (qui ex bellica laude, & disciplina profusis sanguine, & fortunis, ad Regum gratiam aspirabat) ab insolenti rerum domesticarum fastidio nunquam abhorruit, rem familiarem splendide auxit, rexitque tanta prudentia subditos, vt rogata pariter, atque armata, ius redderet, iniurias propulsaret? Quàm doctè scripsit? Quàm opportune loquuta est? Quàm suspensio, & sollicito animo rimabatur, quæ non veluti Themistocles Milciadis trophœis, sed veluti Roberta, cui nullam parem iudico, coniugis, liberorum, status amore è somno suscitabatur. Sanctè vixit, sanctissime decessit, quæ Siluestro Franciscano Capuccino suipsius mortem prænu-
ciauit.

Pinti.

*Tu ne illa es tumulto hoc illustris femina sedis,
 Tu ne hic Carasie lumen, honosq. domus?
 Tu ne hic delictum, spes ne hic tu cara mariti
 Principis, extincta hic clara Roberta iaces?
 Viuis adhuc, viuesq. Mori stat nescia virtus,
 Decidere è mentis limine nulla potest.*

Eiusdem.

*Virtus magna fuit magno cum sanguine iuncta,
 Sors etiam thalami magna, Roberta, tui.
 Magna fuit pompæ facies, eademq. sepulcri,
 Magna est, magna viri causa doloris erit.
 Cur vir coniugij non desseat usque soluti
 Vincla? tui socias flebit an ille pares?*

Isabella Caracciola.

22

HVMANA-
 RVM RE-
 RVM DE-
 SPECTRIX



Oua narro. Mira hac ætate narro. De humanarum rerum, generisq. amplitudinis contemptu agitur. Agitur de animorum in sanctitatem conspiratione, de connubij castissimis amoribus, de illecebrarum turpitudinis irrisione. Fieri hæc non posse, corruptis moribus, mihi persuaderem, & facilè quisque iudicaret. Ea tamen vera sunt quibus posteritas fidem deferat, & honores. Isabellam Antonia Cardenas Philippo Caracciolo Nicolai illius Antonij Vici Apuli Marchionis, & Mariæ Gesualdæ Cardinalis sororis filio peperit. Ea Carolo Caracciolo Marcelli Casadalbori Marchionis filio nupta est. Florenti, venusta, eximia ætate iuuenes. Connexum feliciter vinculum, quod vel prolis nodus deuinxerat; eoq. felicius, quod parentibus ad cœlorum gloriam immatura morte præluxerunt; tanta præsertim constantia, qua humanas calamitates sapienter pertulere, tum præcipuè, cum filiolæ, quæ

quæ iam adolefcere cœperat, fuarum manuum minifterio in loculo collocatæ, tunc parentaffe exiftimauerint, cùm ad æternas fedes ex fordido cœno dicerent euolaturam. Tantam habebat morum fimilitudo, coniunctionem, atque concordiam, vt in rebus agendis, nulla vnquam querela intercederet, & tranquilliffimæ pacis libertas dulciffimo coniugio probaretur. Alterius alter exploratam fidem habebat, augebatq. continenter benè viuendi defiderium vtriusque pudorem, quo feueriffimè voluptates fibi reiiciendas conftituere. Deferuit illa pompas, cupiebatq. fimplici muliebri ornamento Angelico patrociniò muniri. Deferuit ille nobilium faftus, vt omnem ex animo fuperbiam humilitas expeftoraret. Quid? Cubiculum fibi cœnobium, lectumq. chorum fecere. Canonicis horis, & pfalmis coniugalem pacabant ardorem, dùm mens mundi oblita, pugnacior effecta, ceteris omnibus fortiter reluftabatur. Crescebat amor; vige-
 • bat timor; nec finebant maiores partes animi à virtute, & interiori lætitià blanditijs detorqueri. Nunquã fuauius quospiam vixiffe cognofcebant. Tunc diuini amoris flamma ardentior facta eft, & extra domesticos lares erumpens, coniuges facro diuortio cui fanctus Pontifex annuerat, in Cœnobia, contemplatiuæ viræ cupiditate flagrantem incitauit. Altera inter D. Andree Moniales; alter inter Theatinos in D. Pauli adfciti, exemplo, fpiritu, confolatione fingulares. Magnum illud eft. Adde verò quod maximam adiecit, & incredibilem admirationem. Paupertatem excolere, Relligionis femitam exiftimantes; ad feptuaginta millia aureorum, in Cœnobia, in loca pia, in pauperes erogarunt. Tenere portum dùm nequieverunt, nauigando, tempeftatibus obfequi, artis fuit. Sed quid timerent, dùm ex longa nauigatione ad tranquillitatem certò credebant effe venturos? Vicere mundum; quis non inuideat?

Pinti.

*Quæ lux, Heroes, veftro nunc exilis ore,
 Diuùm in amore pares, nobilitate pares?*

Defer-

*Deferuistis humi, supera præ luce, tenebras;
 Noſtis ſit quantis prædiſta terra malis;
 Sorduit ætherei ſtudio quodcunque parentis,
 Limite præuasto Phocis, Atlaſq. parit;
 Duxiſtis nibili quicquid fortuna miniſtrat,
 Duxiſſetis Arabs, quicquid & Indus habet.
 Sponte pijs auras vitales carpiſte ſeptis,
 Tu vir carpe tuis, tuq. marita tuis:
 Illa optata dies veſtrum lucebit utriq.,
 Cum dabit æterna proſpera in arce Deus.*

Conſtantia è Caretto.

23
 DIVINI
 CVLTVS,
 ET SAN-
 CTITATIS
 AMANTIS-
 SIMA.



On veterum Saxonum, in qua ſplendidiffimè
 Videchindus, Vegbertus, Valbertus elucet;
 non titulorum inſignia Montisferrati, Lariffæ,
 Saonæ, Boſchi, Inciſæ, Finarij; non apud Impe-
 ratores, Regesq. ſummos Magiſtratus; non do-
 mi, foriſq. res geſtæ; non Reipublicæ Genuen-
 ſis honores, tantum gloriæ Carettanis addidiſſe dixerim, quan-
 tum Conſtantia tùm ceteris virtutibus quibus enituit, tùm præ-
 cipuè addidit relligione. Ab omnibus ipſa, quæ mortales affi-
 ciunt curis longè aliena, tota iuuandis pauperibus, cœnobijs
 ædificandis, pecuniæ rebus ſacris dandæ incubuit. Meretrices
 è poſtribulo euocauit; collocauit multas conſtituta dote. Puellis
 quarum virginittatis florem Diaboli ſectatores depaſti fuiſſent,
 ne prorfus eorum corpora libidinibus contabefcerent, aſylum
 condidit, ad quod refugientes (& Refugium Neapoli appella-
 uit) virtutum ſeminario beatam, candidamq. vitam ducerent.
 Theatinos aluit, eorumq. auxit ædes, & ornauit. Tantum ab
 ambitione abhorrebat, vt cùm libellum de Spiritibus Lauren-
 tius Anania Tabernas Calaber ingenioſus, ac multæ vir eru-
 ditionis ei dicaffet, huiuſmodi renuit, vt auctori ingratitudinem
 potiùs quàm gratias referret; quamobrem, dicatoriâ epiſtolam,
 ipſa

ipsa inspectante, lacerauit. Tanta fuit animi magnitudine, ut cum litem Sulmonensium Principi intulisset, cuius fratrem coniugem habuerat, victrix tandem, quæ fuerat consequuta, libentissimè donauit. Sexagenaria pustulari morbo, qui pueros inficere solet, oppressa sanctissimè decessit.

Pinti.

*Caresti hac generis decus sub urna est
 Constans, nobilibus, pijsq. factis
 Orta, hic ciuis inops dole, dole boïpes :
 Vos altaria, vos Deum sacella,
 Struxis qua illa suis lubens talentis,
 Flete hic, vosq. viri reflete sacro
 Addicti famulasui : scelesto
 Tantum tu meretrix malo obstinata,
 Toto pectore gaudium indicato ;
 Cui non consilium illius placebat,
 Quam non auxilium illius mouebat.
 Sis Venus tua, sis tuus Cupido.
 Acternum tegit hanc lacunar astris,
 Hac ibis per agros beati Olympi : at
 Caresto Phlegestontis illatebis ;
 Depromes gemitus, sonosq. tristes ;
 Dices : O utinam Dei audissem
 Verbis : o utinam mihi loquuta
 Caresta ex animo haud foret repulsa,
 Caresta omnia qua Deo dicabas.
 Caresta illa bonus, malisq. nata.*



Camilla Piscicella.

24
PIA, ET
HUMANAS
OPES DE-
SPICATVI
DVENS.



Reliquias pristinae frontis in qua vetus magistra pudoris, & modestia sanctis moribus ornata securitas in bonis viris conspiciebatur, qui montium cauernas, vastasq. solitudines, & petrarum asperitates, atque anfractus incolabant, vt breuitatem vitae æternitatis memoria soliuagi consolarentur, in his quoque coniugibus Camilla Piscicella, & Cæsare Serfale è Capuanæ, & Nili centurijs Neapoli illustribus conspicio. Inutilem potentiam aspernari, cupiditatem dominandi præcipitem renuere, lubricam veræ, & solidæ gloriæ anteferre; castè, moderatè, sanctè viuere; à ganeorum nidore, & fumo, quo Principum aulae conspergi, & penè comburi videmus, longè abesse; mundum deferere, in quo omnes conditiones miseræ, sermones insidiosus, perniciosæ assentationes, frons omnium familiaris, malaq. omnium mens, nulla fides, nihil stabile, aut firmum, cuncta infida reperiuntur; amplissimum virtutis præmium iudicarunt; vtq. velut ægroto, dum anima est, spes esse dicitur; sic ipsi quod vana isthæc contemnenda duxerunt, sperare futuram tranquillitatem non desiere. Delicium erat Camilla patris optimi. Cæsar is Piscicellus est inter Neapolitanos Equites prudentia, bonitate, publicarum, & privatarum rerum agendarum peritia primarius, qui in illa omnium fortunarum hærede instituta, domesticæ præcipuè rei administratione, conseruatione, amplificatione conquirebat. Quæ tamen ex sinu patris in monasteriũ sanctissimæ Trinitatis, Pontificis auctoritate permittente, se abdidit, viro in Theatinos secedente. Hanc nulla vnquam cupiditas, nulla diuitiarum commoda, nulla muliebris illecebra, nulla honoris aura labefecit, & de paterna domo maluit, quàm de sententia dimoueri. Debuerat patris amor ex lætitia, & voluptate, qua filia, & generi præsentia perfundebatur, ad luctum, & lacrimas eorundem subita, & insperata priuatione recidere.

recidere. Laborum fructum iam noua seni procella ademerat,
& de manibus, nescio quo pacto, thesaurus elabi visus fuerat.
Quis non esse in miserijs arbitraretur? In ea tamen mutatione,
qua pacem bello, coelestia terrenis, pericula salute permutari
cognouit, iacta doloris tela, animi sapientia retudit; placetq. pa-
tri suorum salus, quam libenti animo, diuturna cogitatione ex-
quisiuere, & iisdem ad hoc tam-praeclarum, & illustre facinus
paratis, omnium fortunam superasse visus est, qui eos huiusmodi
pccatos ante viderit, quam e vita discederet.

Pinti.

*Plena cupidinibus mortalis plena procellis,
Qua mea vexasti pectora vita vale;
Ite maritales complexus, ite superba
Turba mea, famula, sollicitaq. domus;
Pulcra vale facies auri, gemmaq. nitentis,
Vberis & quibus diues amictus eat.
Hosce Camilla pio cuncta hac; dum ludicra ludis
Munera fortuna, fundit ab ore sonos;
Sic ait, & caro exemplum facit illa marito:
Visite: securus portus utrumque manet.
Quid praesens vita hac (melius si cogites hanc mens)
Tempestate furens quid nisi pontus eris?*

Constantia Dauala.



Vz duo belli fulmina peperit Piscarium, & Va-
stium, maximos Duces, insigne quoque belli-
cum facinus edere potuit Constantia Dauala,
quae illustria in mulieribus etiam gloriae monu-
menta elucere significauit. Cum enim ex Nea-
politani arcibus, Petri Nauarri opera, & indu-
stria Galli fuissent eiectioni, cumq. eorum classis, quae sero aduene-
rat ad opem ferendam suis, Aenariam insulam esset aggressa, &

25
IN REGIA
FIDE CON-
STANS.

virus animo conceptum huiusmodi epomeret, vt Hispanorum classem, quæ ibi erat, occuparet; ipsa, quam Federicus Rex in eius insulæ arce reliquerat (nouerat enim & fidem, & fortitudinem) Hispanos egregiè defendit, & Aragoneum vexillum, tanta cum militari prudentia explicauit, vt illustriſſimæ mulieris constantia, Regium nomen amplificasse, vel hostes iudicarint. At Dauala erat. Quid miraris? Nosti Daualos quibuscum victoriarum gratulationes cum Hispanis Regibus factæ sunt? Qui maximos omnium virtutum fructus pace, & bello vbique terrarum pepererunt? Nosti ne Daualum illum, qui Africæ fremitum, Galliz insolentiam, Germaniæ minas in Cæsarem compescuit? cuius trophœis summi Duces obsequuntur? cuius gesta in auro sculpta ab omni interitu, adeptis posteris honoribus, reuocantur? Suos Constantia est imitata; suorumq. in suos Reges fidem ostentauit.

Pinti.

*Est ubi Daualicum signum, grauis insula monstro
Inarime, horrifono quondam tremefacta Typhæo;
Es ne oblita, tua, quantum conduxerit arci
Parte sua, arte sua, Gallos cum dispulis, armis
Vndigenam gentem aggressos, non vrbe potitos
Parthenopes, magni Federici fida corona
Dauala clara Ducum genitrix Constantia constans,
Vnde magis firmata tuo stas inclita Regi?
Nunc in Aragoneam victricem lumina peltam
Tende, memor cunctis illi simulacra plateis,
Littoribusve loces, falso circumstua ponto
Lata tuo, glebaq. tua latissima donis.*

Eiusdem.

*Cum penes Inarimen Gallorum classe frementum
Classica sensisses, Dauala animosa, Ducum:
Rex meus hic viuat, summa sic faris ab arce,
Hinc celer, hinc pedites Galle superbe moue.*

Quæ

*Quis non hic videat, Rheno qui venerat, hostem
Saxa per, & scopulos eripuisse fugam?
Bellona hac eadem (nil mirum) tela mouebat
Aucta fide, ausa manu fundere mille Duces.*

Catherina Zunica, & Sandoual.



Isperi splendoris lumen in Catherina Zunica Ferdinandi è Castro coniuge, lectissima mulierum maxima, emicat. Noueris in ea dùm tacet, dùm loquitur, dùm quidpià agit, virilis constantiæ nobilitatè. Tractantem arma quis dixerit Camillam, & equo insidentem nemo non arbitrabitur Pante-

26
ANIMI, ET
FORTV-
NAB DO-
TIBVS AV-
GVSTIS-
SIMA.

sileam. Nunquam in ea fictum officium, nunquã simulata sedulitas; quodq. maximè laudabis in illustrissima Matrona, à commentitijs rebus, & verbis, quæ in aures insurrat, semper abhorrens. Eloquentia mirum in modum allicit, & cogit. Scribendo, stylo grauiori, & vrbana dexteritate delectat. In Architecturæ studijs, ex Vitruuij fontibus vberes latices hausisse videtur; quamobrè Regiæ domus Neapoli typum à Dominico Fontana Regio Architecto editum, primis ab ea iactis fundamentis, aliqua ex parte emendarit. In Pictura, Vrbinatem, & Bonarotum sic loquendo, sapit, vt eius artis arcana ex eius ore mirificè eliciantur. Antiquæ Relligionis exemplar, consilio pollens, quæ firmam viri in Regno Neapolitano administrationem, prudentia, & animi magnitudine reddidit firmiorem. Biennium, & aliquot post menses, quàm Regni prouinciam sustinere, obitum viri, qui Neapolitanis luctuosissimus fuit, tanta cum modestia pertulit, vt omnibus se præbuerit admirandam. Fortunata nimis, quod Austriacis Regibus chara, & à Margarita Regina, Philippi III. vxore in primis habita, à qua in Hispaniam accersita est, Petro è Toletto Regiæ Neapolitanæ classis Præfecto Ductore, ad quem Rex ipse scripserat, vt nihil in Catherina vehenda à Regia Maiestate decederet. Fortunata fratris Lermæ Ducis, Castellæ

Castellæ Commendatoris, Magni Comestabuli, Philippi Re-
gnorum Statoris, honoribus, & dignitate. Fortunatissima Fran-
cisco filio eximij ingenij iuvene, quem post coniugis funera,
Neapolitanæ Reipub. gubernacula bis tractantem, & regentem
omnium plausu, ciuium, & exterorum encomio, Palatij ampli-
tudine, Fori, & subselliorum fide, iustitiæ præsidio, Annonæ uti-
litate, qua subditorum animi recreabantur, iudicijs publicis,
quibus de pace, & bello sapienter decernebat, materna beneuo-
lencia celebrauit. Hunc nobilissima vxore ex Neapolitana no-
bilitate accepta, filiolis auctum, Veneta Legatione, Pauli V.
Summi Pontificis, Philippi Hispaniarum, Henrici IIII. Galliæ
Regum, omniumq. Europæ Principum votis functum, summis
honoribus, muneribusq. amplificandum suus Rex iudicauit.
Magnum semper quidpiam opus, & arduum Catherina conatur;
quodq. magnæ cogitationis indiget, prudentissima conditione
dissoluit; & dùm scopulosiore rerum loco versatur, eo tranquil-
liore tenetur animo, difficileq. explicatus, animi præstantia in
grauibus rebus agendis exorbet.

Pinti.

*Somnia falsa monent: vigili at sunt vera reperta;
Quæ te vera decent nostra Ibalia canit;
Quæ varia ingenia, atque artes, cultasve Minerva
Quæ sedes, quæ Mars milite diues agat.
Natorum varias formas, Equitumve potentum,
Cum varijs titulis stemmata mille Ducum,
Quæve amplas aulas, regali splendida luxu
Quæve aulae, domus signa superba notet,
Postquam animo versata meo Heroïna fuisti,
Visa mihi in somnis picta tabella fuit;
Inq. tuum gremium casu collabier alto,
Quam Ionis exardens deferat unguis auis.
Somnia, quæ dederunt, Sebethi mittimus oris,
Aurifer accipiat, quo Tagus iste tuus.*

Eiusdem.

Eiusdem.

*Infignem veteres noſſent ſi te artibus, atque
Mentis luminibus : na Dea magna ſores ;
Numina quin in te coluiſſent plura Dearum :
Carminē Pegafidum, quæ eſt loca prima ſuper.
Pallada doctriſis : Aſtraam iure : potenti
Sede, ſoror, ſummi qua Iouis vxor erat.
Pro lepida, Charites, qua polles voce : Dianam
Venatu, ac nitido corde pudicitia :
Robore Bellonam : te at nos & libera propaga
Priſcas ſupra omneis credimus eſſe Deas.*

Blanca Scardeonia.



Aſſiantum municipium Patavinum anno ſalutis
1253. recuperauerat inſignis Tyrannus Accio-
linus. In ijs tumultibus Blanca maritus dimi-
cando ceciderat, ipſaq. (quæ in ea pulcritudi-
nis præſtantia inerat) vi ducta eſt ad tyrannum,
ex cuius tetro aſpectu ſæuius in eum furere

27
PUDICI-
TIAE VI
DEPER-
DITA.

Amor viſus eſt, quàm ipſe in ceteros crudelitate ſæuire conſue-
uerat. At cùm neque præcibus, neque pretio mulieris caſtitas
potuiſſet expugnari, vim inferre conatus, tantum moleſtiæ de-
neganti attulit, vti minis, voce, manibus per cubiculum iactatam,
ad fenestram tandem impulerit, ex qua, accepta occasione ſe
præcipitavit, potius cum mortuo coniuge candida mori, quàm
ſcedam cum Tyranno vitam ducere exoptans. Semimortuam,
humo ſublata, diligenter curandam iuſſit. Multos poſt dies
convaleſcentem, eius conſtantiam hoc periculo perfractam exi-
ſtimans, ad conſpectum iterum accerſiuit. In propoſito conti-
nentiæ fortiter reſiſtentem, & venenata promiſſa recusantem,
contorſit Acciolinus oculos, iniecitq. manus, atque illigatam
ſtup rauit. Proh ſcelus. Quid ſibi conſuleret bonæ fidei mulier?
Qui bus mens caſta furijs exagitabatur? Amicos deprecata eſt,

vt

vt viri sepulcrum per eos visere liceret. Adjit; repaguloq. sublatro, in sepulcrum se coniecit, effracta ceruice lapidis impetu; quodq. maximè optauerat, vt ab amati coniugis amore neque mors eam diuelleret, misero, sed sibi felici obitu impetrauit.

Pinti.

*Hic, hospes, iacet illa Scardeona,
Hic virtutis amans iacet pudica.
Incesti potuit manus Tyranni, &
Eius ludere cassidem salacem.
Se se precipitem dedit, fenestra
Data ausa: genus id cui placebis
Leibi? pransido cauet pudori:
Quis non inuideat; probetq. multis
Dignatam numeris, satisq. fundas
Odores latices, rosasq. canas?
Hæc vltro in tumulum ruit mariti,
Effranam Venerem cauens Tyranni,
Vita exstinctis ibi faces: dolebit,
Quis non & lacrimas plues sepulcro?
Si pudicitia probentur, hospes,
Hæc laudes: reuerenter huic salutem
Dices: Blanca vale, i. Tyrannæ pessum.*

Valeria.

18
FILIAE IN
PATREM
PETVLANTIA.



Natum Valerius Valeriam Tusculanam habuit:
Quàm vtilius si feram generasset? Patris amore
flagrans, vltro se amantem ostendere, non furiarum tædis, sed conscientiae angore agitata,
dubitauit. Rem ad nutricem detulit; & solent
profectò cum nutricis lacte quamplurimos errores mulieres fugere. Dolo malo hæc, & præstigio circumuenient
herum, in maximo scelere inauditam fallaciam commolita; quis
enim

enim impudenter filia petulantiam paternæ castitati obiecisset ? Vicinam virginem eius concubitus petere simulauit, quæ tamen apertè secum congregi recusaret. Annuit illecebris homo, à quo nihil humanum erat alienum. Cùmque noctu, absque lumine, in lecto iacerent, amantis abditas notas luminis testimonio dignoscere postulauit. Cognitaq. filia; *Heu, heu* (inquit) *quid malum tantum facinus ? Quid execrabilis hac libido ? Hæcine nutricis impudentia, filia detestanda petulantia, in tam dira me impulit ? Heu scelus infandum. Moriar. Lucem cur intuebor ?* Repentè pater paterni amoris vincula, tanta exorta offensione dirupit. Repentè filia, paternæ domus commodis relictis, in intimas sese abdidit siluas, peperitq. Siluanum. Ambo se postea præcipites dedere. Plutarchus ex Aristide Milesio refert, ut aliqua de Myrrha, & Cinyto sit fides in libro Metamorphoseon adhibenda Theodoro.

Fabij Albini.

*Si quæ concupio, taceo. ferus ignis aduret
Intus; sin dicam, me coquet ore rubor.
Si quæ opto, obtineo, moriar. si optata negantur,
Emoriar. quid agam nescio me miseram.
Siue animo peccem, seu corpore: dedecus ingens
Ventre homines poterunt, corde videre Deus.*

Pinti.

*Ex utero prodit, Siluanin nomine, fatus:
Ipse mihi gnatus, frater & ipse mihi est:
At quoniam incesso sœdaui semine ventrem:
Nec bene natus eris, nec bene frater eris.*

Eiusdem.

*In præceptis hac me viderunt saxa ruentem,
Sub quibus infelix manibus acta feror.
Cum patre (proh scelus infandum) nutrice dolosa,
Concubui: in siluis pignus & inde tuli.*

Cc

Quo

*Quò sciar, hoc iaceo deslenda Valeria saxo :
 Omne meo procul hoc limite dulce vale est.
 Tanti caussa mali Veneris male suada libido
 Mi fuit : illa tibi perplacet hospes & abi.*

Camma .

29
 VIRI MOR-
 TEM VIN-
 DICANS.



Inatus nobilissimo apud Gallogræcos genere, eleganti forma vxorem duxerat (cui nomen Camma) Dianæ Sacerdotem, cuius amore captus Sinorix amplifsimo item apud eosdem loco natus, cum mulierem quibusvis precibus incitatam, constantem reperisset, amentia ductus, Sinatum per dolum occidere statuit, nuptias deindè faciliùs eo mortuo consequuturus. Immanem hanc necem Cammam dissimulantem, ea tantùm res consolabatur, quòd eam aliquandò vlcisci posse sperabat. Factumq. vt cùm post aliquot dies in templo esset, eòq. Sinorix venisset, nuptias ei persuaserit, & ad Aram duxerit, quasi coram Dea fidem datura. Componit intereà mulsum, & pateram libanti, partem ipsa bibit, partem incauto viricidæ propinat. Qua hausta, læto animo, vultuq. ad aram procumbens, ait; *Sanctissimum te numen testor, me amantissimi viri cædem, & Sinorigis scelus præclarè vindicasse : Gallogræcis, obtestor, patefacias, ad coniugem me inultam discedere noluisse. Tibiq. interim, omnium sceleratissimo, non thorum propinqui, sed tumultum parent. In alieni coniugij iura violentem, omnes meritò furæ concitentur.*

Pinti .

*Ingenui coniux lectissima Camma Sinati,
 Marmoreo hoc placide vase reposita laetet.
 Lucina fuerat templi præclara Sacerdos :
 Concidere aspexit (prob dolor) ense virum.*

MS

*Assi non huc tantum facinus peruenit inulta,
Sinoricem extinxit, qui viricida fuit.
Huius reliquæ latitant vel in osse doloris:
Ultura hinc melius (si queat) exiliet.*

Margarita Sarrochia.



Rinnam Doricè scribentem, & ad Homericam accedentem maiestatem, non Teia tantum insula, in qua orta est, sed omnis ferè Græcia est admirata. Saphonem Lesbos, quæ dicendi suauitate, & breuitate Lyricis versibus vndè Suedæ spiritus profundo veluti Elegantiæ gurgite emergebat, Alcæo, & Stesichoro doctissimis scriptoribus antecelluit. Corinnam Thebe, quam non Olympico certamine luctantem inspexit, sed cum Pindaro Poëtarum præclarissimo quinquies disputantem audiuit. Margaritam verò Sarrochiam Neapolis parens, & Roma, in qua diu vixit, non poetice modò studijs, sed omnium etiam disciplinarum ornamentis insignem intuentur, celebrant, admirantur. Suam vtraque vrbs habet Aspasiam, ex cuius philosophicis studijs veluti ex ditissimo promptuario, multi Pericles edocentur. Suam habet Ippatiam, quam sæpè inter cælorum orbes de sideribus loquentem prospicit eucetâ. Suas, inquam, Cornificiam, Corneliam, Probamque, quibuscum eiusdem scriptis doctrinarum varietate, & poetice gloria, Italiam nouimus illustratam. Scripsit Margarita Scandeburgi maximi, & gloriosissimi Principis res heroico versu Italico gestas, tanta cum muliebris nominis amplitudine, tanta cum eloquentiæ dignitate, vt nisi eius mihi virtus pateret, ancipiti iudicio crederem, tantam scribendi molem à muliere fuisse excogitatam. Commentaria in Casam lucubrauit. Locupletis doctrinarum possessionis censum, nitido scriptionis genere auxit. tantumque diuitiarum in litteris comparauit, vt quæ alij in lacinia seruant, ipsa liberaliter rotundo ore profundat.

30
POEST.
ALIISQ.
VIRTUTIBUS
INSIGNES.

Pinti.

*Etruscos simulas vates, Sarrochia, versu,
 Dùm canis Epiri maxima facta Ducis.
 Promere ne cesses mira dulcedine cantus,
 Prosis quo exemplo femina culta viris.*

Eiusdem.

*Vates, Calliope, tuus
 Purum pampinea de patera merum
 Ad fontis latices Equi
 Fundit; teq. adiit sollicitus prece:
 Orat non rutilum torum
 Auro, non pecudes saltibus Appulis,
 Nec Lestrigonio sibi
 Spumantis dolio munera Massici,
 Terra aut horrea Cretica,
 Regum aut sceptrigeras manus,
 Nil horum sibi postulat;
 Lucunda at cythara carmina principis,
 Dignam laude Poëtriam,
 Quæ alta in sede locent. Muneris hoc tui est
 Alma, o Calliope, optima,
 Quod Sarrochia das clara Poëmata,
 Monstrant Italici virum
 Quod docti hanc digiti pratereuntium
 Insignem eloquij sonis,
 Et quod sit supero prædita lumine.
 Nobis, Calliope, dabis:
 Potauit satis è flumine Tybridis.
 Sebethus petit hanc suam;
 Ut virtute grauem cælicola suam.*



Nogarola

Nogarolæ Veronenfes.



Vas habuit Verona Matronas, quibus eius nobilitas illustrior facta est, & quarum laudes libentissimè Theatri sui proscenium inter sapientis populi voces resonaret. Genuit ea ciuitas Nogarolos, quorum maiores iam indè à Caroli Magni in Italiam aduentu nobilissimè florue-

31

runt. Ex ijs prodire, ANTONIA Saluatico Bonacolpho Mantuani Passerini Principis nepoti, excellenti forma, quæ tamen intellectus perspicacitate præstantior habita est, in matrimonium collocata, viua quæ adhuc omnium viget encomio, doctrina, & moribus insignis. ANGELA Antonij ab Arco coniux, Pij II. Pontificis ætate, tota Italia litterarum studijs, diuitijs, modestia, religione notissima. Multos perlegit auctores, sacris verò plurimum delectata, quorum mysteria versibus Latinis varijs generis explicauit, altera scribendis centonibus Proba Falconia. Tres præterea sorores, GENEVRA Brunori Gambari Brixiani Comitissæ vxor, doctissimè humanis litteris imbuta, quod eius testantur epistolæ styli candore, & sententiarum grauitate laudatissimæ. LAURA Nicolao Trono Veneto nupta, ad Geneuræ gloriam ob religionis virtutes, & beneficia, quæ in pauperes contulit, accedens. Et ISOTTA, quæ virginitatem professæ, Latini sermonis optinè calluit elegantiam. Extant eius orationes, & epistolæ ad Hermolaum Barbarum, Nicolaum V. & Pium II. Pontifices, quibus in Turcas piorum animos excitabat. Eius Theologica, & Philosophica scripta cum legerit Cardinalis Nicenus in Senatu illo sanctissimo, celeberrimas, eius videndæ cupiditate accensus, Veronam profectus est, & cum virginem conspexisset, non humanam, sed diuinam prædicauit.

Pinti.

Pinti.

*Si vos tempus idem pernoſſet: tu ne fuiſſes
 Sæpe tot in templis culta Minerua tuis?
 Dixiſſent homines: non tu, ſed clara cerebro
 Fluxit in has terras Angela nata Iouis.
 An ne eadem illius germanæ dicta tuliſſes?
 Aemulus vnanimes nos adiſſet bonos.*

Eiuſdem.

*Altera Geneura eſt, Laura hic eſt altera, Iſotta
 Tertia, femineas trus habet urna togas.
 Si patriam quæras: Verona eſt, magna Catulli
 Carmine, prædoctis maior at hiſce tribus.
 Ore ſonos vates nugales edidit ille,
 Seria & hæc culta compoſuere manu.
 Si genus: eſt patri lunatus calceus harum,
 Non dùm auris feriſt gens Nogarola tuas?
 Quæ plura hinc capies, cineris dùm cernis aceruum?
 Trus ſimiles tribus hæc continet urna Deas.
 Geneura, Aglaæ eſt, Laura, eſt bene compta Thalia:
 Virginea Euphroſyne eſt altera Iſotta coma.*

Iſabella Andreina.

32
 COMICA
 ILLVSTRIS



Omico iocandi genere, ſed eleganti, interdùm ingenioſo, ſententias in ſcena Iſabella Andreina obloquebatur. Ex antiqua Comoedia urbanitatem, ſaleſq. ad hæc noſtra tempora tanta cum modestia tranſtulit, vt non Comicorum ſtylo verba pronunciaret, ſed eorum more, qui aut pro roſtris dicerent, aut panegyricos pertractarent. Intercede-
 bat aliquandò, ipſa actrice, grauitas, & Attica fluebat ſacundia, in qua omnia & ſuauitate placerent, & maximo decore delectarent. Nihil in ea ſpectabatur vitioſum, nihil quod non
 com-

commendabile potuisset existimari. Peritos arte Roscios edocebat, dum amando, differendo, confutando, affirmando ad eas res à Natura eam intelligebant fuisse conformatam. Quid, quòd scenam ipsa sæpiùs scholam reddere visa est, in qua non spectatores, sed auditores in concione assiderent Philosophica, & Astrologica exercitatione? Suiipsius illa comis artifex, eloquio, & specie, Cothurno, & Socco, Suada, & Venus, theatri decus ad amorem incendit, ad concinnitatem allexit, ad omnem leporem inuitauit; postq. plausum cantauit, saltauit, & placuit. Volumen Lyricarum compositionum edidit, Cinthio Aldobrandino Illustrissimo Cardinali dicatum, in quo ingenij vires, & acumen curiosis propalauit.

Pinti.

Quid mora? è scena latebra, Andreina;

Exi ut in focco tabulata quasses:

Spectat illustris te hominum corona

Dulce loquentem.

Peruolat vultum Venus, & Cupido,

Atticum toto fluit ore nectar,

Ridet hanc circum tua perpolitâ

Musa, Terenti.

Exi, ut hinc curas animis repellas,

Nam vales lato eloquij nitore;

Arte mira omnes salibus, iocisve

Pellicis auras.

Exi, ut in risus moueas sedentes,

Vt tibi primas phyliras capeffas;

Hinc ut elata à celebri virorum

Laude recedas.

Eiusdem.

Quæ nosti verbis aurem irretire, mouendo

Labra, oculos; nuper quæ mihi visa loqui es:

Cui Charitum inuidis princeps Aglaa leporem,

Inuiditq. suum cui Dea casta decus:

Cui

*Cui fari Rosci decuit Comæde : frequenti
 Primus in orchestra sis tuus artus bonos ,
 Cui vel fistebas Siren cum pleetra cieres :
 Prò dolor angusto hoc saxo Isabella latet ;
 Delicium latet hic Equitum. TV fide: voluptas
 Rebus ab humanis dùm cito fluxa cadit.*

**Leonardi Todeschi Med. & Physf.
 Anagramma .**

LIRA NE, AN LABRIS DEA .

*Tanta Isabella tuam decorat facundia linguam ,
 Seu laxo, strieto seu pede verba liges :
 Et calles tanta arte fides procurrare dulces,
 Seu malis pleetro, pollice siue velis.
 Sis NE LIRA , AN LABRIS DEA nullus ut ambigat ordo ;
 Cum Dea sis labris, sis & habenda Lyræ .*

**Francisci Polæ I. C. Veronenfis
 Anagramma .**

ALIA BLANDA SIRENA .

*Dùm tu Isabellæ micæ pleno Andreina theatro
 Ingenio, facie nobilis eloquio .
 Ecce ALIA hoc SIRENA auo tu BLANDA videris ,
 Sic tua te lepide nomina versa ferunt .*



Cleobuline.



India, quam prospicis, mulier est, Cleobuli
Sapientis filia. Versatile huiusmodi coluit
ingenium, vt in omnium rerum cognitio-
ne, ænigmatibus, atque griphis scateret.
Idè sapiens. idèq. elata, atque arguta.

33
ARCANO-
RVM EX-
PLORA-
TRIX.

Quæ mens rerum inuolucris, longèq. pe-
titis concipit, iisdemq. Naturæ parturit
arcana, ex intimis Sapientiæ fontibus haurit, & secreta qua-
dam vbertate copiam profundit. Ed sublimiore acumine mulier,
quod abstrusa isthæc, & difficilia tanta felicitate consequeretur.
Celebre de anno ænigma eadem commenta est; Vnum scilicet
esse patrem, duodecim filios, eorumq. cuiuslibet liberos triginta.

Pinti.

*Quanam sub-tumulo ? gnata Cleobuli,
Tantum qua ingenio polluit, arteq.
Tamve ænigmatibus qua faciles vias
Solvendis habuit, qua Sapiens fuit;
Multa ex ore dedit, multa manu dedit.
Hæc non lanificis nata, sed inclytis
Rebus: mas fueras, non mulier, male
Sit qua apta ad calamos, apta male ad libros,
Tantum femina cum didicerit, parum est ?*



D d

Maria

Maria Gornacensis.

34



*N*ouum monstrum, & nostri saculi verā Theano, Lipsius appellat admirabilis ingenij, cultissimæ lectionis, singularis prudentiæ nobilem Virginem in hoc theatro propositam. Maria Gornacensis hæc est, omnibus ijs ornata, quæ viz cadere in muliebrem sexum credit iudiciorum

ille Princeps; & quæ dubia incredulitate exploderet, certa fide, varijs argumentis in ea est admiratus; tùm præsertim, quod singulare iudicium de magno quodam viro adolescens protulerat. Multa ediscere, innumera posse scribere, delicatæ indolis mulieri dabitur. Sed *ἡ γυνὴ, sed ἡλικία λογιστὴν ὄντα*, obscuras mentis ambages enudare, malè ne, an benè factum sit liberè eloqui, in summo intellectionis fastigio positum est, quod cùm quis attigerit Herculeo labore Antheum vicisse non dubitabit. De Græco hæc idiomate huiusmodi decernit, vt ex ea doctissimi viri iudicium quærant; & Latino tantum excellit, vt paucos ad eius candorem accedere posse affirmant. Quod si cùm Lugdunum esset ventura, concepto voto his verbis ab eodem Lipsio excepta est, *O mihi lucem, quæ te propius norim? non enim dicam probius; adeò satis te nosse videor è pauculis scriptis, atque adeò vel sine scriptis; cur voti causa, quo me tot virtutibus obstrictum puto; non datur in eas regiones peregrinatio?*

Pinti.

*Si nomen Maria: quid tibi dulcius?
 Si sermo latius: quid tibi cultius?
 Si quis scripta legat: quid sibi doctius?
 Si quis te videat: quid sibi pulchrius?
 Si quis te audierit: quid sibi gratius?
 Dilecti superos virgo? quid altius?
 Si fors parca fuit: quid tibi tutius?*

Duxisti

*Duxisti hanc nihili? quid generosius?
Te Lypsus celebrat? quid tibi clarius?
Laudant Oenotrij? quid sibi dignius?*

Vrsina Caualletta, Liuia Peparara, & Tarquinia Molza.



Vlam Alfonsi Estensis Ferrariæ Ducis (quem ^{35 36 37} mœsta luget Italia, cuius lumen tanti Principis interitu restinctum est) tres Musæ nouum Parnassum effecerant, quæ quotidianis studiorum exercitationibus Atticæ disciplinæ instituta, & Gymnasij leges alacri, & vegeta sedulitate cū totius Europæ admiratione, conabantur æmulari. *O domus Ancæi.* Stantem florentissimæ domus columnam fortuna prouit; nec Ariostos, aut Tassos, nec Molzas, aut Guarinos, nec quot Italia tellus protulit doctos viros Ferraria domicilio excipiet, vel in Academiarum consessu audiet. Sed nec inter choreas Nymphæ corollas nectent; nec fortasse iocūda cœli serenitate æquor florebit agrorum, aut quæstuosa fluctuabunt in segetibus vndæ. Cultorem habet profecū, qui rastris prudentiæ nouerit glebas inuertere; Non tamen semper idem Agricola. *VRSINA* Caualletta hereditariæ apud illius illustrissimi Principis Aulicos (quos eruditissimos vndique præmiorū stimulis ad eam nobilissimam ciuitatem incendebat) omnium doctrinarum dignitati adipiscendæ, curis peruigilibus, incubuit; virtutisq. apicem transcendere visa est, cū Latinæ, & Italæ linguæ gemmis ornata, summo nitore eximijs Poëtis omnibus illuxit. *LIVIÆ* Pepararæ, Calliopis voce, Melpomenis cantu gloriam, quis non inuidus consequi exoptarit? *TARQUINIAM* Molzam, disciplinarū splendore, linguarū omnium peritiā conspicuam, quæ ex Charitum sinu omnē leporem rapuit, quis efferat? Maiorum ne gloria eā laudet, an ingenij felicitas? Nihil horum. *Iulia Estensis Mutinæ felicissima*

D d 2 Princeps

Princeps institutione laudet, & contubernio. Tantæ Heroinæ,
 admirabilis ad omnem maiestatem indolis promptæ laudem,
 tantum sibi emolumentum allaturam Tarquinia animaduertet;
 quantum mihi, si à Serenissimo Cæsare præstantissimorum Du-
 cum exemplo, in suos adscitus fuero, gloriæ, & honoris accessu-
 rum intelligam.

Pinti.

Tanta paruos bonos VRSINAE marmoris extat ?
Hanc miror, cur non aurea saxa tegant ;
Miror & Eridanus cur non de limite turgens ,
Exierit, tumuli bella mouere solo ,
Incusans Mortem dicta hac cum prompseris ore :
Nympha Vrsina meo quò fugis umbra sinu ?
Te rapta doliturus ero, Phætonte sorores
Extincto ad ripas ut doluere suo..

I I.

Calliopes tumulo tristem dat tibia vocem ,
Questibus & relique complens hac ossa Camena,
Diana hic, & passio lacrimatur crine Minerua.
Non audis, non ista vides ? PEPARARA, viator ,
Liuisa sub lapide est, quis non banc desseat? ampla
Regna Padi, ferri dicta urbs de nomine desiet,
Cuius ab ore auri magnam vim ceperat, auro
Ni quouis melior cecidit sonus ore puella .
Non Dux magne gemis? PEPARARA hoc abdita busto est
Illa tua illuge magno Duce nate parente .
Delicium fuit illa patris, fuit inclytus aula
Splendor : in extinctum querulos det tibia cantus ,

I I I.

Siste hostes : tumulo TARQUINIA hoc latet,
Molæ gentis bonos Eridani decus ,
Mater clara suo pignore nobili
Aequæ ac clara sua munere Palladis
Vitas spreuit amans hac calami colos ,

Doctæ

*Docto docta suo perplacuit Duci,
 Vel si verba manu, dente vel edidit.
 Vt casto hac tenuis corde Lucretiam,
 Sic sædum timuit Tarquinij scelus;
 Quin victis merito Tarquinij dedit
 Nomen. casta dies femina transigit?
 Illud maius habe, quàm si omnia de schola,
 Tanquam fonte, bibat plena volumina,
 Quàm si castra suis viribus arceat.*

Frænca Illyria.



Um classem in expeditione contra Venetos
 Selimus Thraciæ Imperator anno 1570.
 eduxisset, & in Cyprum insulam cogitaret,
 dum maritimam oram legeret, militum ma-
 nus ad Anũbarim appulit, vicina oppida,
 & agros direptura. Obuiam incia processit
 nobilis virgo, cui nomen Frænca Medi-

38
 VIRGINI-
 TATEM
 SERVAN-
 TES.

mnouicca, quæ hostium aspectũ pertimescens, in certam, & pe-
 riculosam fugam inter saxorum asperitates se coniecit. Barbari
 non improbe partam prædam arbitrati, si eam captiuam duce-
 rent, fugientem haud impigrè sunt insequuti. Generosa tamen
 virgo cum animaduernerit aditum sibi aliò non patere, ex pen-
 denti saxo maluit in maris vndas se præcipitare, quàm Scytharum
 immanem seruitutem subire, & inuitam violari. Saxa per-
 petuum nomen sortita sunt, quæ deinceps ab accolis *Die aineze*
stine (virginis scilicet saxa) appellata fuere. Quid? Illustrius no-
 men hisce saxis virginitas, quam Fortunatis insulis rerum vber-
 tas comparauit.

Pinti.

*Saxa hæc præcelebri prædita nomine
 Flexu nausa subi poplitibus, decus*

Debetur

*Debetur niueo pectore virgini
 Hoc Franca Illyrica, qua in Thetidis sinu
 Promeruit tumulum mersa, feros Equos
 Hostileis, furias & scelera vetans.
 Quæ mortalis erat, Nympha maris diu
 Neptuni à cyathis tempora transiget;
 Hanc & Phorcus amat munere regio
 Ditem, splendida sub tecta corallijs.
 Sed quid flecta cano? Franca domos habet
 Diuum, non habet: hæc atra sibi intulit
 Quamuis non gladio lethiferas manus.
 In caris habuit pura? quis efferat
 Paucis? præcipiti de salebris pede
 Se in pontum dedit? extolle animos. scelus
 Non est: virgineus flos manet? haud scelus.*

Placida Campana. Hippo.

39



Axima ad Campanæ vrbs gloriam accessio
 Placidæ puellæ pudicitia facta est. Iniecit in
 eam oculos Gallus miles, ex cuius aspectu cum
 in petulantis animi libidinem Cupidinis flam-
 ma irrepsisset, atque ita, vt præcordia sensim
 lambens, vehementi tandem impetu ad mentis
 fomitem exiliret, tantum creuit, vt totus exardens illico conflag-
 rarit. Nec potuit vnquam puella nefarium virum pudicæ fron-
 tis nubecula, quæ ingenui minabatur animi procellas perterre-
 re. Ad Vulturini ripas digressa, ne per vrbs compita militem ob-
 uium haberet, suo malo ad ripas ambulantem reperit. Nactus
 ille tunc loquendi occasionem (faciebatq. animos loci solitudo)
 puellam adiuit, blandisq. verbis alliciendam ratus, nullum fa-
 cundia locum prætermisit, quo se præberet venustissimæ virgi-
 nis amatorem. Surdæ tamen fabulam narrans, ab amore ad ve-
 cordiam, & amentiam funesto vultu cruorem minitans, se pro-
 fudit.

fudit. At Placida, cùm facinorosi hominis crudelitatem euadere non posse sibi persuasisset, se voti compotem eum facturam pollicita est. Et dùm paulatim ad ripam accessissent, dùmque conscia futuri facinoris, vultu, gestuque cum irretiret, præcipitem subdolè se dedit in aquas, & fluminis vorticibus absorpta, Tyrrheno mari cõdita est, vt tantæ virtutis, & castitatis, nõ Vulturni solum gurgitem, sed præconem etiam haberet Oceani vastitatem. Græcam hæc superauit Hipponem, quæ seruandæ castitatis causa, è naui se in mare proiecit, & in Erythræo littore condita est.

Auctoris.

*Fluctiuago assuetus Panorum vertere cursu
Corpora iam rapidis obruta vorticibus,
Tyrrhena exanimem dùm voluit ad ora puellam
Quam vides extinctam captus amore procus,
Vdam Vulturinus complexus gurgitis urnam
Atque coma mærens tectus Arundinea
Hæc ait; Et Tyberis non me nobilior, arte
Clælia quod magnis laueris ora vadis;
Nec me nobilior Lunæ, Phæbiq. sororum
Quod biberis lacrimas corniger Eridanus.
Virgineos manes dùm colligit unda, superbo
Castus Honos effert clara trophæa toro.
Consequimur laudes, Fama præstamus uterque,
Placida Virginibus, ast ego Fluminibus.*

Fabij Leonidæ.

*Placida lasciuos cùm Galli audisset amores
Hincq. orgere preces cerneret, indè minas;
Ridentem sese illa prius, simulatq. volentem,
Vulturni & rapidis lenta propinquas aquis
Hinc verò; Nostrum ne (inquit) scelerate pudorem
Barbare, sic te armis vintere posse putas.*

Nescius

*Nescius est vinci inuitus pudor, ille superba
Flumina, terribiles non timet ille faces.*

*Idq. meo exemplo discas : sic fatur & undas
Ocyus in medias se moritura iacit.*

*Felix o virgo, & cunctos celebranda per annos,
Cui potuit vita carior esse pudor.*

*Nunc iuuenis stulti Icarium mare nomina iactet,
Vulturnus fama est si meliore nitens.*

Pinti.

Cur non Vulturne est Placida de nomine nomen ?

Sic mare Dedalida nomine nomen habet.

*Nomine si Placida, casta de virgine sumpto,
Ires : decursu quam meliore fores.*

Quin si olim dulcis non hæc tua lympha placebat.

Ob Placidam, o Fluvium quam mihi prime places.

Micca Eliensis.

40



Abuere Miccam ciuem Elienses Philodemi
filiam, quæ vna patriæ, seruata virginitate,
omnia laudis attulit ornamenta. Moribus,
& forma excellentissima, à quodam Leu-
cio Tyranni satellite adamata est, qui mi-
nas, atque vim inferens parētibus, vt ultro
ad se virginem mitterent, petulanter impe-
ritabat. Hi sanè, quod eius ebrietatem perferre nequirent, eam
rem adolescentulæ inuiti persuadebant. At illa paternis genibus
aduoluta, amantissimè obtestabatur, atque obsecrabat, vt turpis-
simū flagitium aliquo aut honestatis, aut pietatis præsidio auer-
teret; mortuam potius, quàm turpiter, amissa virginitate, viu-
entem intueretur. Quid suauius, quàm virginitatem mortis sup-
plicio tueri ? Quid detestabilius, quàm dedecoris, & ignominie
fama notari ? Longa cum traheretur mora, libidine, & amentia
raptus

raptus Leucius, ad mulieris ædes erupit. Sinus patris amplexam Miccam, violenter humi strauit. Mox laceratis vestibus, nudatam grauiissimis plagis afflixit; neque vox inter dolorem, crepitusq. plagarum audita vlla est. Acerbo tunc spectaculo, qui domi erant commoti, indignis contumelijs affecti, Deorum opem implorare. Verùm vino, atque ira percitus autens, in patris gremio, ad quem confugerat, pudicitia seruatricem miserrimè iugulauit.

Pinti.

*Quò te obscæne trahis furor Lyai,
Satelles? Vocitande Ditis atrii
Satelles? rapiende per caminos,
Omni flamma quibus perardes auro?
Nunquam Mæcha fuit decora Micca.
Te non Micca mouet misella Virgo,
Amans Virginei sui pudoris?
Insanum ne ita te dedit libido?
Deum pro pietas, virumq. Parua
Amens insequeris genas puella?
Hoc ne audes facinus patrare? Mauri
Peius quid faceres Leana, & Vrba?
Micca haud est fera, sed tenella virgo
Cauens contaminare cordis album.
Manus dedecore abstine satelles:
Vagina reprimas truce macharam,
Prius cum patiatur hac subire
Necem, quam maculare Micca florem.
FLOS est virginitas. opem parentes
Nata ferte tisi. pudor calenti
Quicumque à Venere absuit calorum.
Lixarum impietas modos habere
Nullos nouit. opem satia valebis
Tu mens ferre piam superna cali,
Florem hunc ne famulus premat Tyranni.*

Ec

Silua

*Silua huc egredere huc tua Diana,
 Ciues numen amanti tui Elienses;
 Sat venata cane es. perempta Micca est,
 Micca est illa tuo timens decori:
 Luge, & vos Charites humate Miccam.*

Diana Moscana.

41



Vindex Diana Moscana Consentina tanti sceleris, quod antè commemorauimus constituta est, vt præsentis poenæ metu, virginum castitas non violetur. Hæc ignobili loco nata, sacris induta vestibus, textrinam exercens, victum quæritabat. In eam oculos cùm inieciisset Fabius Cappellus, & nec muneribus, nec minis potuisset contaminare, rextentem aliquandò illiberalibus verbis accepit, mox districto pugione perterriere conatus est. Ea verò audax honore, insana pudore effecta, securi percussum libidinosum amatorem interemit, remq. tribus diebus oculuit. Cùmq. facinus Magistratus rescisset, non modò homicidij rea facta non est, sed eius virago plurimùm fuit collaudata. In violentem virginem, vindex Deus illicò efficitur.

Th. Natalis Budislaui Marcanens. Episcopi.

*Sceno acos scena, vecchia si neg ona
 Ca dobi Olferna vlisi Sansona.*

Pintus è regione Latina fecit.

*Si es mulier, mulier, vicit, ne maior es illa,
 Aut quæ Olophernem, aut quæ valido Sansona capillo.*

Pinti.

Pinti.

*Ille sub hoc, hospes, dormis textricula busto
 Moscana, in Veneta ter venerata solo.
 Hac, Pergaa, tuo gauisa est nomine, mores
 Est meditata tuos, est imitata tuos.
 Visa sit hic anceps ferro fabricata bipennis,
 Immista & niueis lilia cana rosis;
 Lina hic visa colo pendentia, forfice tela,
 Cuncta Diana sibi hac symbola iure petis.
 Nens, vel lascium texens occidis amantem:
 Paruum ne hoc facinus virginis esse putas?*

I I.

*Quid sibi picta velit, latet, ista secessit saxo:
 Moscana hoc texitrix est sita sub tumulo.
 An scelus admisit? Nullum. Interfecit amantem
 Ne decori maculas funderet ille suo.
 Huc ades, & niueos patera perfunde liquores
 Diana, rosis Diaua lilia texe tua,
 Quousque hinc exurgas, forti munita securi,
 Hic ex Nympha tua pulchrior esto vigil.
 Huc valida, & casta paruum pro Virgine donum est:
 Non maiora meret Virginis auctus bonos?*

I I I.

*Si nescis, iacet hoc tumulo Moscana, viator,
 Qua ingentis animos virginisate dedit.
 Texendi arte valens visa pracidis Amantis
 Telam animosa sui, ne violanda foret.
 Tanti est virginitas, tanti dignatur honore,
 Assis & banc vilis tu tamen offsis babes.*

I I I I.

*Virginis hic vltrix merito est exsculpta securis,
 Repperis hac inter clava trophæa decus;
 Quin, si danda esset, maiorum, victima, more,
 Artis apta foret quam bene sacra Deo.*

Ec 2

Sempro:

Sempronia Spathaphora.

43
ZELOTY-
PACIENTE-
RITVS.



Lteram quam contrà Imaginem conspicias, cui venenatum poculum Eumenides suppeditant, Semproniz Spathaphoræ Consentinz nobilis mulieris est, quæ quoddam egregia forma inter alias eniteret, & viro deformiori nupta esset, ancillam perditè amanti, tantum doloris animo concepit, vt non multos post dies pepererit interitum. Doluit non tam coniugis turpitudinem, quæ in deformitate corporis plurimum habet offensionis, quàm deprauationem, & turpificati animi foeditatem, cùm neglecta vxoris optata venustate, abiectæ mulieris pudicitiam deperiret. Cùm denique omnibus attribus ad amorem sui virum frustra prouocaret, hausto veneno, medicorum curatione reiecta, lubens emori voluit. Impudicis virorum moribus, muliebris simplicitas sæpenumero contaminatur.

Pinti.

Dâ, cur Eumenides huic simpula plena veneno,

Suppeditant, pulcris quæ mouet ora genis?

Coniugis illa sui (turpis licet) arsit amore,

Inde sibi quisquam nec veniebat amor.

Ille sua (heu misere) serua ille libidine captus,

Fugerat vxoris quodque cubile sua:

Sic spreta ille, inquit, viuiam sine coniugis usu?

Disis, apud Manes, forsitan vxor ero:

Sic ait (ausa ferum scelus id committere factis).

Ebibit & lethum, nec scelus esse putat.

DILIGE vir sociam: inconcessa stragula temne,

Aut sine lege tori, tutus ubique mane.



Brianna

Brianna Aquiuua ab Aragonia.



Illica in aduersis rebus (quibus mortalium animos licet benè constitutos, Fortuna perturbare, cum sapius solet euertere) tolerantia, magnitudo consilij, rerumq. humanarum contemptus, Briannam Aquiuuam ab Aragonia, Neritiorum Ducis filiam, primariam, atque illustrissimam Matronam, in coelum extulere;

43
ALIIS;
PRAETER
ANIMI PA-
TIENTIAM
VIRTUTI-
BUS DE-
CORA.

quibus virtutibus longè omnes, multumq. in perferendo viro superauit. Quot modis in eam sæuijt constantiæ inimica? Quibus artibus, dum omnem impetum in eam cõuerteret, proprium eidem extorquere consilium conata est? Sed quanta fortitudine, stabilis iudicij, conseruatrix, eas res subiit, atque repulit, quas alij formidolosæ arbitrantur? Contrarijs vicit artibus, & de iacente, atque inclinata inimica triumphauit. Illustri ore loco eius laus sita est, qua maiorum gloriam excelsò animo deuicit; quæ res domesticas, & subditorum ea prudentiæ solertia studuit moderari, vt in administrando, grauiorẽ quosque viros, & sapientiores exaquarit. Anteaq. vitæ, & morum felicitatis, exitus suarum laudum æmulus, testatus est. Cum enim exhalasset animam, lucidissimam è cubiculo facem exeuntem, & in aëra sese extollentem conspexere, qui aderant, non Ernitiorum consecrationis symbolum, sed Christianæ veritatis in patientissima muliere argumentum.

Pinti. viuenti illi.

*Rebus in aduersis semper tolerantia laudis;
Qua viget in paucis, munere digna fuit:
Exigit à vobis, Musæ, hoc Aquiuua Brianna;
Exigit, atque datos ex lyra, & ore sonos.
Ante illam suauis saltem fundantur odores.
Nympha læta manus ibura Sabæa ferat.*

AB

*Ast nihil huic opus est odor. huic non denegat illum,
 Rara suis virtus quam dare saepe solet.
 NA virtutis odor redolentia balsama vincit,
 Hunc & quisquis habet, sat bene olere potest.*

Pinti. mortuæ eidem.

*Laue hoc marmor habet, quæ fuit inclytis
 Cordis perpetuò prædita dotibus,
 BRIANNA aruicola gloria Neriti.
 Ducis de celebri sanguine.*

*Viuas Nereidum de pateris aquas
 Fundat plena manus; spargite flosculos,
 Musarum pueri. Sustinuit grauis
 Iugi connubij pondera.*

*Hæc vexata diu rebus ab asperis,
 Non imos animos, coniuge, protulit
 Insesto. omne habuit perpetuens malum,
 Dei ardens studio dulcius.*

*Illi delicio nil fuit ex bonis
 Fortune, nibili duxit in omnibus
 Extolli cumulis munera subditum,
 Amans soli poli premia.*

*Estisne immemores luminis illius,
 Quod fax clara dedit funera post, domo
 Egressa alta petens sidera, ubi suum
 Beata obtinuit lectulum?*

F. Albini.

*Lacteus orbis inops niuei iam lactis egebat,
 Et polus ardebat fidus habere nouum.
 Lumina cæcus amor cupiebat, Solq. Pyropum,
 Et rete intexens aurea fila Venus;
 Hinc cito tu superis, cæloq. inuecta triumphas,
 Et diuisa pio sunt tua membra polo.
 Ora polus: Sol labra habuit: via lactea pectus:
 Et Venua alma comas: lumina sumpsit Amor.*

Maria

Maria Puteolana.



Vo præcipua in Maria Puteolana robur, & castitas, fuerunt admiranda. Coortis inter ciues discordijs, & armorum flammis vndique excitatis, virilem ipsa speciem induit, & continenter armis tecta, nullam subire pugnam inter bellatores recusauit; adeòq. se formidabilem pugnan-
do reddidit, cum præsertim prima in aciem rueret, prima hostem prouocaret, prima telorum ictus exciperet, vt nemo cum ea con-
gredi auderet. Cum finitimis bellum hereditarium gessit, tanta animi, & virium præstantia, vt sola interdum pugna labores sustineret. Frigoris, caloris, famisq. patiens sub dio pernox versabatur. Herbosum sibi cespitem, vel clypeum sternebat, atque humi iacens vires addiderat ossibus duriores. Experiendæ mulieris aliquando cupiditas plerosque incessit, Puteolosq. profecti, vt aliquod virium argumentum ederet obsecrarunt. Graue saxum, & ferream trabem iussit afferri, quæ cum in medium proiecisset, vt tollerent, hortata est. Diutius certatum. Ipsa facillimo iactu præstitit. Afferat Puteolanis bellatrix mulier, maiorem gloriam, quàm Thermæ, quàm ignitæ Crateres, aut Augustorum Portus; nec tantum sibi sumant in Phlegreæis campis, quantum Mariæ virtus, ossa Gigantum. Sed quid maius in muliere exposcis, quàm inter armatos viros Virginitatem tueri?

44
FORTIS,
ET CASTA

Pinti.

*Siccine pro speculis contendis spicula cornu
Virgo Dicharchæi gloria magna sali?
Arcus prove acubus tractas, Mauortia tela
Pro telis, libuit miles esse foris?
Siccine corde vales? fragili non femina mente es?
Et castum in castris ausa es habere thorum?
Non, ait. Ista iugis, leuibus non dextera fufis,
At fufos hostes cernere nata solo est.*

Nec

*Nec te, cum turpi, cui vident ocia, luxu,
O pecus igne suum, tanta Virago mouet ?
Eiusdem.*

*Quo te animosa pedes ? Mauors ne ubi perstrept armis ?
Tuta ne in aspectu Virginis arma putas ?
Res est virginitas varijs subiecta periculis
Pulcrrior in laribus, militiæq. magis.
Quàm rarus miles Veneris qui frangere suus
Didicit, & niueos non maculare thoros.*

Phia Cinnama Amalphitana.

43
RVSTICA,
ET PRV-
DENS.



Vò sterilior opibus, eò Naturæ diuitijs opulentior Phia Amalphitana facta est. An infœcundam dixeris, quòd inter paupertatis fines, decem & nouem filias in lucem ediderit ? Vel maximorum Regum oculos, & animos tot filiarum numerus perterreret. At feminula hæc tantum contrà egestatem roboris sumpsit, vt nunquam difficultatibus, quas propositas interdum muliebri pauido animo extimescebat, verita sit audacter occurrere. Hortum quem conduxerat, non amœnitatem, sed fructus sibi suppeditare arbitrata est; atque huiusmodi eo se oblectabat, vt sudorem, quo rigabantur olera, vberius filiarum dotem, quàm herbas enutrire debere existimaret. Creuitq. paucos post annos res amplior, & absque viro omnes filias in matrimonium collocauit. Quàm sæpe rudes animos, honoris audivitas maximè excoluit ?

Pinti.

Si large natura genus muliebre perauxit.

Nil mirum: graio nomine nomen idem est.

Eiusdem.

Orta superstitio tecum est si femina; cede hinc

Maribus infelix ne paritura fies;

Cede hinc, illa Phia est tumulo, Phia semper egena;

Femellas semper cui mala Iuno dedit.

*Ille ex hisce nouem, atque decem commisit in auras,
 Has aluit, cunctas iunxis & hasce viris.
 Mutauit fortuna vicem, gausa nepote est.
 Comoda quid tanta hac suppeditauit & olus.
 Te, quæ vel binas desperas tradere natus
 Posse toro: multis non iuuat aucta Phia. &c.*

Lucretia Alanea.



X Nicolao Alaneo (quam familiam Amalfia paulò antè Ladislai Regis ætate Neapolim transtulit) Hugo, & Marianus filij prodire; plures verò filiz, quarum venustatis præstantia principem Lucretiam, Alfonsus primus tam constantè amauit, vt solam semper in oculis ferens, verba laudaret, sapientiam admiraretur, vt veluti Regi-
 næ honores deferendos iusserit, nihilq. sibi proposuerit iucun-
 dius, quàm explosis alijs Lucretiam intueri. Plurimum videba-
 tur à Regia maiestate detractum, quòd dùm nemini ad eum pa-
 tebat aditus, nisi annuente Lucretia, suæ videbatur existimatio-
 nis oblitus, qui nobilissimæ Hispaniæ parti, Corsicæ, Sardinia, Siciliæ imperitando, post Italiæ plurimas sibi prouinciâs subie-
 ctas, post fortissimos Duces deuictos, ipse victus mulieri suc-
 cumberet; quodq. incredibile videretur, nisi Michaelis Ricij scripta testimonium facerent, sterilitatis nactus occasionem, ad Pontificem Legatos misit, qui peterent vt Mariam Castellæ Re-
 ginam dimittere, & Lucretiam matrimonio copulate liceret. Quod de Legatis refert Riccius, ad opinionem refert Pontanus, qui ait; *Hæc illa est Lucretia, cuius per orbem terrarum amores*
fuere quàm nobilissimi. Eam Alfonsus adamatam propter formæ,
qua præstabat excellentiam, suauissimis etiam puella illecebris
sénex ipse delinitus, diuitijs, opibus, auctoritateq. ità extulerat,
vt plerique arbitrarentur, si Maria visa excessisset, legitimè
eam uxoris loco habituram. Hugnem Burrelli Comitem, Re-

46
 REGIS
 AMASIA,
 SED PV-
 DICA.

F f

gniq.

gniſq. Cancellarium; & Marianum Bucclanici Comitem in eius gratiam creauit, tradita in matrimonium Catherinella Vrfina Ioannis Manupelli Comitis filia. Quid de amante ſene illo dicam? Caſtiſſimam ſuam Venerem ad Græcam Turrim, in qua Lucretiæ ædes erant, ad littoris oram inter vndarum ſpumas obſeruabat, cùm ne ab illa decederet, cum illa omnibus horis verſaretur, rudem nec Rege dignam habitationem incoletet, vt ab ea diuelli non poſſe, vel hoc amoris ſymbolo ſignificaret. Sed cum corruptæ pudicitie rumor, & ſuſpicio irrepſiſſet, *Virginitatem* (dixit) *nolenti mihi vnquam Rex auferet; quàm ſi auferre ſentauerit, non imitabor Lucretiam Collatini coniugem, quæ admiſſo ſcelere, mortem ſibi conſciuit; ego enim facinus morte præueniam.* Ex ingenuo, & nobiliſſimo hoc animo maior fortasſe vis amoris in prudentiſſimo Rege exarſit, qui lepidulas puellæ blandicias deperibat. Hanc aduerte. Superſtitioſa adhuc Neapolis in vigilia D. Ioannis Baptiſtæ, virgines hordeo teſtam ſerebant, futuri matrimonij tempus auguraturæ, eoq. ludicro ſtrenam à prætereuntibus petere conſueuerant. In Regis omen teſtam ſeruit Lucretia, obtulitq. ad ſuas ædes vidēdam in Sellariæ Vico, vbi ſæpiſſimè in eius honorem haſtiludia fiebant, quamobrem D. Chiriaci ſacellum is demoliendum iuſſit, ne ludicris eſſet impedimento. Et audacter à Rege, qui cum nobilibus obambula- bat, petita ſtrena, crumena per ſtipatorem tradita, vno denario accepto, *Vnum ſibi Regem Alfonſum ſufficere* dixit. Aleam mortuo Rege Fortuna permutauit. Ferdinandus, quæ à patre illi tradita fuerant, reſtituenda curauit. Ipſa cum Iacobo Picinino in Apuliam ad Ioannem Antonium Tarenti Principem confugit; indè cum Ioannis Coſſæ filio in Dalmatiam, tandemq. Romam, vbi Fato celſit. Aenariæ inſulæ Præfecturam, & domini- um obtinuerat, quam coloniam Hiſpanorum viſor Alfonſus effecerat, veteribus colonis expulſis, quam cùm ipſa Ioanni To- rellæ Antoniæ ſororis viro commendafſet, violata fide, reſtituere inſulam Lucretiæ contempſit. Dein, quòd intelligeret illam cum Andegavienſe Ioanne ſentire, re Ferdinando ſignificata, ab eo ſibi & urbem, & inſulam impetrauit.

Pinti.

Pinti.

Alanea *Alfonsus* victus languebat ocellis,
 Cuius erat species, dignus amore pudor.
Rex ita cum cæco decerperetur ab igne,
 Sapius amissa matre dolebat Amor;
 Nescientem hanc mollus aliquandò sub arbore crinus
 Vidit, & appropere hos dedit ore sanos:
 Quò fugis, ò genitrix? cui natum deseris illi?
 Sic geminas duras nocte, dieq. moras?
 Et quid, dulcis, ago, fili, te num latet? inquit.
Alanea *Alfonsus* flamma vel ipsa sua est.
 Ardet, poscis opem; Regi hanc præstemus uterque,
 Ipsa mea hinc possum, tu potes inde tua.
 Rex viuis rapitur. certe, *Lucretia*, Regis
 Fortassis tanti te meruisset *Hymen*.

Iustina Romana.



Vis credat maximam pudicitiam cum exi-
 mia pulcritudine coniunctam, quibus lau-
 des sibi plurimas solent mulieres compara-
 re, obesse aliquandò, & à virtute bonos ad
 perniciem, & exitium vocari? *Iustina* nobi-
 lissima virgo, excellenti forma, locupletem,
 at stolidum, & furem iuuenem virum ac-
 cepit; cuius animus cum inter zelotypiæ tempestates agitari, &
 fluctibus absconditæ suspicionis turbari cœpisset (verebatur
 enim ne improborum audacia coniugis corrumpere castita-
 tem) candidissimam eius ceruicem conspiciatus, subito furore
 correptus, inclinantem ipsam ad exuendum calceum, obtrunca-
 uit. Crudeles cur non cecidere manus? Cur flammis, quas ex-
 ceperat amoris, non exarsit? Nunquam stolido nubat puella.
 Similem stolido inquinatum facio, & cum qui foetido ore teter-

47
 OB VIRI
 ZELOTY-
 PIAM MOR-
 TVA.

Ff 2 rimam

rimam luem inhalat. Venuſtæ virgini dùm copulatur ſit ἀγάμος γάμος, & Mezentij Tyrrhenorum Regis pœna renouatur, qui inaudita crudelitate viua corpora mortuis colligabat.

Incerti.

*Immiſiſ ferro ſecuiſ mea colla maritus,
Dùm præpero niuei ſoluere vincla pedis.
Durus & antè iborum quo nuper nupta coiui,
Quo cecidit noſtra virginitatù bonos.
Nec culpa meruiſſe necem. bona numina teſtor,
Sed ſaceo ſati ſorte perempta mei.
Diſcite ab exemplo Iuſtina, diſcite patres,
Non nuba ſæuo filia veſtra viro.*

Pinti.

*Iuſta viro uſque ſui claro Iuſtina parente,
Enſiſ at iniuſtus per mea colla furis.
Carnificiſ partuſ exercuiſ impiuſ & vir,
Et ſeruſ ipſuſ peſ tabulata dedit.
Nondùm tuta hic ſum, defendas marmore, ruſuſ
Ne vir & hùc in me ſuſpicioſuſ eat.*

Mulier Rhodiana, & Maria Eleazari filia.

48 49
FEROCES
DE ALTO-
RUM FE-
ROCIAM.



Lluſtris feminæ Rhodiani belli ſcriptor nomen reticuit, quæ tamen facinoriſ præſtantia perpetuam ſibi gloriam apud poſteros peperit. Cùm Soleimanuſ Turcarum Tyrannuſ, Syria, Aegyptu, atque Arabia Imperio additiſ, animuſ in Rhoduſ Inſulam adieciſſet, cuiuſ potiundæ maioreſ ingenti deſiderio flagrauerant, in quæ Chriſtiani Imperij limiteſ ad Orientem Equiteſ Hieroſolymitani tuebantur,

bantur, maximæ, ornatissimæq. clasis apparatu inuasit, atque atrocibus prælijs, omnibus crudelitatis exemplis in defensores editis, tandem in suam redegit potestatem. Erat ibi mulier arcis Præfecto gratissima; quem ubi agnouit fortiter dimicando occisum, amplexa duos venusto corpore puerulos, quos defuncto genuerat, maternæ pietatis libatis osculis, & cruce amborum frontibus signatis, crudelitate in amorem sæuiens, ferro innocentes iugulauit, atque adhuc trementes, cum supellestili in ardentem rogam iniecit, ne tantæ indolis liberi ingenuis, nobilibusq. parentibus orti, in barbaras hostium manus, in miseram seruitutem, & turpitudinem dandi, deuenirent. Mox amatoris paludamentum sanguine madidum induta, eiusdemq. gladio viriliter accepto, in medios hostes erumpens, egregia bellatrix pugnando occubuit. Debuerat profectò Christiana mulier à tanto scelere abstinere; sed commiseratione idcirco digna, quòd barbarorum ferocia in suos eam reddidit ferociorem. An crudelior Maria Eleazari filia non dicenda est, quæ genere, fortunisq. nobilis, in obsidione Hierosolymitana, puerulum, ne Romanorum seruituti addiceretur, quòdq. famem diutius perferre nequiret, iugulauit, comedit, & comedendum prædonibus apposuit?

Pinti.

*Illius hoc Rhodia tumulo sum dextera, flammis
Qua occisos nasos subdidit atra suos.*

*Crudeli haud feci, prudenti at pectore; quin hos,
Quamuis contra habeas, non scelus esse feram.*

*Barbara seuitia in nostras quòd ruperat arcus,
Pane fui manicis serua reuincta feris,*

*Ter cruce, & hos genitos signata fronte peremi,
Oscula & ante illis ter lacrimosa dedi.*

*Hic ferro ferrum, saxis imponite saxa,
Ne cineres fiant vel mala præda mei.*

Immo meâ possis animos si inferre lacertis:

Prædoni, egrediar, quo noua pugna fremat.

Ff 3

Epicha-

Epicharis.

30
FAMOSA-
RVM GE-
STA.



Illo Nerva, & Attico Vestino Cofs. coepta, & aucta est in Neronem coniuratio. Sed cum inter spem, & metum coniuratorum animi aestuarent, Epicharis, re conscia, eorum ignaviam damnans, arguere eosdem, & accendere non desinebat. Proculum Volusum classis Chiliarchum negotio adsciscere conata, decepta est, quippe quæ audierat, ad Neronem perfidus deferre non dubitavit. In custodia retenta est. Tormentis dilacerari iussa. Verberibus autem, ignibus, torquentium ira haud perterrita, obiecta constanter denegavit. Postero die cum ad eisdem cruciatus traheretur gestamine sellæ (sic Tacitus loquitur) nam dissolutis membris insistere nequibat, vin clo fasciæ, quam pectori detraxerat, in modum laquei ad arcum sellæ restricta, indidit cervicem, & corporis pondere connisa, tenuem iam spiritum expressit. Clariori exemplo libertina mulier in tanta necessitate alienas, ac propè ignotas protegendo, ingenuos, & viros, equitesq. ac Romanos Senatores superavit, qui tormentis intacti, charissima quæque suorum pignorum prodiderunt. Lænam Græcam feminam celebrant, quòd ne coniuratos Armonium, & Aristonem egregios iuvenes proderet, qui Hisparem immanem tyrannum occiderant, deficientibus in cruciату viribus, quapropter cuncta se propalaturum existimabat, acri morfu linguam præcidit, & expuit, ut loquendi potestas nulla esset. Ea quæ nec facta, nec excogitata sunt ultro obloqui feminarum garrulitas, ritè facta, & præmeditata promulgat.

Pinti.

*Ducitur Epicharis, digitos post terga reuincta ;
E coniuratis una animosa viris.
Iudicis os videt (huic iussus faciente Nerone)
Ebibit immanas & necis aure minas ;*

Atque

*Atque ait : huc affer liſtor tormenta, prius nam
 Emoriar, quidquam quàm mihi ab ore cadat.
 Quid, Nero, vis ? aſtat mulier fortiſſima ; nil te
 Molita eſt contrà ; perſere mucro feri,
 Pulſa, virga, humeros, quantumuis cunſta repulſa
 Membra, etenim intrepida hac peſtora ſemper erunt.
 Iſtibus baud potuit reliquis euadere : cedit :
 Tandem obit : hac alijs ſit nece parta ſalus.
 Te, quem vel viſa ignauum Pratoria terrent,
 Arguat exemplum, qua hic iacet, Epicbaris.*

Locuſta.



Amoſa veneficijs femina, famoſo vitijs Imperatore interempto, inter eas adſcribi meruit, quæ magno aliquo facinore glorioſum poſteris nomen reliquerunt. Cogitabat de opprimenda Agrippina eiufdem perſæſus Claudius, & rationes inibat quo pacto Britannicum filium daret Imperio ſucceſſorem. Moliebatur contrà offeſſa mulier eiſ geſta, & conſilia veneno perdere. Idq. cùm nec potu, nec eſca domi (cautius enim Imperatores ijs utebantur) officere poſſe cognoſceret, accerſita Locuſta, immedicabili Boletto venenum infudit, quod miſerabile lethum noctu Claudio intulit. Indè Neronis apophthegma, *Fungos Deorum eſſe cibos, quoniam Claudius Boleti eſu Deus eſſet effectus.*

51

Pinti.

*Hoc quæ ſub tumulo ſita es Capene,
 Cur non Caſarea gula dediſti,
 Exceptas ſapido freto Locuſtas,
 Quibus ſub latitet Stygijs venenum,
 Tantum quo citius ſcelus necares ?
 Merſum ſlagitijs cibo Neronem*

Perdiſ.

*Perdis. na numeros meres Locusta,
 Meres & nitidum aureis lapillis
 Structum, Dadalea manu, sepulcrum.
 Vna at caussa tuos refellit ausus:
 Te rupisse fidem illius. celebrat
 Caussa hinc altera; te malam Quiritum
 Omnem de medio abstulisse pestem.
 Quid plura? aligera cadans Locusta
 Locustam venerentur hanc volatu.
 Locusta intus adest. abibis hospes
 Boletos ede. protinus Locusta est.*

Incerti.

*Illā iacet, trīsti clamat cui Claudius ore:
 Letbi Boleti caussa fuere mei.*

Laurentia.

51
 MERETRI-
 CIA PIE-
 TAS.



Uerò Laurentiæ meretricis nomen ob-
 erit, quo Romanæ rei gloriam illustrauit.
 Appellet eam quisque Lupam, quòd vul-
 gato corpore inter pastores quæstum fa-
 ceret. Ipse eam dixerim Romanorum ma-
 trem, quæ Romulum, Remumq. enutriuit,
 Romanæ amplitudinis conditores. Dixe-
 rim orbis terrarum domitricem, quæ suo Romanum nomen san-
 guine, populumq. orbis domitorem propagauit. Amulius,
 quem impium polteritas detestari non desinet, paruulos ad Ty-
 beris ripam exponendos iusserat. Laurentia cum Faustulo con-
 iuge (tanta persæpè in rusticis viget nobilitas) suscipit, & libe-
 raliter domi, quasi filios educauit. Quid in illiberali femina li-
 beralius? Sed quæ magnanima lacte, & educatione fuerat,
 quæ parens non modò sanguinis, verùm alimoniarum admini-
 stra extiterat, prodiga muneribus extitit, quæ populum Roma-
 num

num moriens opum, quæ sibi reliquæ fuerant, instituit heredem. At nunquam ingrati Quirites diuinis donantem muneribus compenfarunt, Festos dies in eius honorem Laurentalia celebrantes. Turpes dedecoris maculas, egregijs facinoribus deletas non ignoramus.

Pinti.

Pignora qua mammis dependent bina Lupinis,

Na Remus alter erat, Romulus alter erat.

Non Lupa lacte aluis, Laurentia comis alumna est,

Regibus expositis vbera rure dedit.

Hac princeps fuerat meretrix, tua, Faustule, coniux,

Hanc Lupa, & hoc meritò nomen habere ferunt.

O magna scorti pietas: nisi, Roma, fuisset:

Perdiderat Reges perfera belua tuos.

Lais.



On esset illustrium mulierum templo adscribenda Lais, quæ corpus, & pulcritudinem meretricibus artibus quæstui habuit, nisi aut illum sibi nobilissimè constituisset, dùm nec illiberalis, nec sordida, summos viros admitteret, eos nouerat fructus, quos splendidis lenocinijs comparabat; quamobrem excepit eam Corinthus, quò præclaros procures mulier efficacius, quàm loci nobilitas, aërisq. præstantia inuitauit, aut eius formæ elegancia, cùm Demosthenis sapientia non contendisset, qui scorto accensus, relicto Atticæ eloquentiæ Oceano, inter Aegæi inhonestæ Veneris scopulos, eximius Orator ad mollem, subdolanq. Syrenem nauigauit. Dicerem profectò Demosthenis omnem gloriam, atque splendorem in Laidis obscœna obscuritate fuisse deperditam; & indignam homine libero expectationem Græciæ meritò fuisse irridendam, nisi euentus rem longè diuersam demonstrasset. Cùm enim noctis vnus operam decem millibus drachmarum diuendere

53
MERETRIX
CIVS LV
XVS.

dere deliberasset; ab emptore responsum, *Nunquam tanti emere penitentiam esse edoctum.* Avaritiæ illud tribuendum censuere, quod multos noueris, qui castitatis iura se tueri dùm iactant, infimæ sordis scelere tegunt sanctitatem.

Pinti.

*Me pulcrâ tumulus Siceliden fouet
Sum quæ è Trinacria aduecta Corinthios
Vt quæstus facerem corpore sordidos,
Quæ nunc Tartareis in laribus queror,
Præclari, lacrimis plena, Philosophi
Hic Demosthenida, atque eloquio inclyti,
In vultus eo, non immemor, illius
Tentigo fuerit quanta Cupidinis:
Quod si hic auxilij læta sub inferis
Pars est: auxilij haud exigui foret,
Hunc traxisse meis illecebris citum,
Mirata eximium est Græcia quem virum;
Grandis propostæ caussa pecunia,
Ni auertisset eum ex illa opera breuis
Tam dulcedinis: ad me celeri gradu
Iffet. verum alios quod mala perdidi,
Semper sed iuuenes sanguine nobilis,
Magnis diuitijs semper amabilis?
Nescis? quæ loquitur Lais erat; meum
Nomen ne alliciat te ad Venerem: fuge.*

Beatrix Nolana.

54
PVLCRI-
TVDINIS
EXITVS
INCER-
TVS.



Beatricem Nolz formæ venustissimam clariuisse scribit Ambrosius Leo, in qua tanta indolis erat excellentia, vt cum pulcritudine coniuncta, Diuz nomen, per omnium Italiæ Poëtarum, tum verò Antonij Tibaldei ora, cognomen compararit. Thomas Maluicus præstantissimus sculptor, Gratiarum conspectu, quæ manus coelando doctissi-

mas

mas reddidere, è marmore tam bellè finxit, vt cùm viuâ Beatricæ marmoreæ Beatrici adesset, geminæ viderentur Beatrices, quarum altera dùm loqueretur, altera verba excipientem irretiret; ridentem alteram, altera risu imitaretur; vt opere perpolitò, & ad vnguem factò, nihil iucundius iudicari potuisset. Duodecimum iam annum agentem, ad Cæcalæ iuga profectam, inter oleas, & quercus sublatam, idem narrat, nec vsquam ab aliquo visam. Sed cùm ad coelum viam euolasse somniat, cur non ob nimiam pulcritudinem, instar Proserpinæ raptam credidit?

Pinti.

*Iuisti forma princeps Nolana Beatrix,
 Et pro te in terris nil nisi marmor adest.
 An quia credebas sub marmore viuere vitam
 Posse diu & pulcras qui meruere genas?
 Anne parem Cereris nata per prata vagantem,
 (Omen at hoc absit) Dux Herebi eripuit?
 Lator at, haud animis, formosa, licere reuerſi
 Viuenti præ te prælia magna forent.*

Eiusdem.

*Vos quercus, oleasq. voco Nymphasq. Beatrix
 Dicite quorsum abiit & non iacet in tumulo.
 Signo ne illatitat, sculpsit quod Maluicus & illud
 Cernens, è viuis tam bene flecta, abiit.
 Me, fassa est, viuam mortalis cerne sub ore
 Marmoris, illa fui quam tibi marmor habet.*

Illustrium Mulierum Elogiorum Finis.

CAROLI
PINTI

Pro abso-
lutis illu-
striū Mu-
lierū Elo-
gijs.

Claudite feminis pedibus, patre sat, ades.
Sed referare decet, veniens ne limina pulset
Femina. quaecunque ei gestis clarissima rebus,
Ingredere, & primam Auctori ter lata saluam
Affer, ibi, longa viuas quod aetate, manebis;
Hinc propter sublime virum par cernere templum est,
Quis usus non armorum, sed Pallados ardet,
Tot laudum peperere modos, id munera lingua;
Et vos, hinc, idem debetis multa **CA PAC I**
Exculto calamo, cunctos qui nocte libores
Et voluit iucisse die, venientibus annis,
Ocia deuitans aeterna pramia Fame
Sola petens, nunquam maledictis laderet quenquam
Vir probus aggressus, pietate insignis auit;
Hunc magna, ac parus, Hesperia monumenta reposcunt,
Edna, compressis numeris, aut voce siluta
Hunc Senones, & quot porant è flumine Rheno;
Clarius & regio radiat qua spectat Eoni,
Portubus Ithyris. vade hinc decus ipse tuorum
Venisti medicis Praesul cultissime charis;
Hunc adeunt qui grais colunt Scironis saxa;
Hunc & sedatur quorum sitis Istula ad undas,
Sive audire verbis Sirenis iura vetusta,
Sive noua cupiant, Baiana ad littora sedes
Seu permosse, velint, fuerint quaecunque, Quiritum;
Seu pro suggestis optent data verba disertis;
Discere seu studeant, quidnam piscator in aquor
Deserat, vndigenam qui fallat arandis gentem,
Rete vel acpelas, populo quod dines aquoso
Ad sua tellus queat laetus sub nocte redire;
Qua nouum, & ad veterem qua detur Epistola amicum;
Commata seu queraui, salubris conserpsa, iocisq.
Seu Fari exposcant, varia sub imagine, belmas,
Vade hominum varios possunt dignoscere moros.
Tandem quae rogant, laudata volumina praebent,
Qua Vir Parthenopes confecit gloria nostra.
Inuide quid contra, vultum demisse, proferis?
Te miser, te lauro edat, tibi docta supellex &
Hanc accibe; pariter subeant operisq. mentis
Lumina, & ex antris exi quod caecus oberrat,
PLIVS iste sui similem. (mibi corde) videbit
Certè perpaucos, hominum seu iusta requiras
Consilia, & socia hac operis, seu sacra decora;
Seu studium in ciuili spectes an mosq. fidemq.
Sive doceri aueas, genus male conscie rerum.
Quam tibi praeferat, posito liuore, si adires,
Tanta laude virum? ne te perterreat vlla
Suspicio: facile huic poteris tua ponere cuncta
Sensu animi: insato corde hic, non ore superbis;
Quem (ne hoc inuideas, virtus maiora merebit)
Fausa bonis alijs quicquid non fortuna referuat?

ILLVSTRIVM LITTERIS VIRORVM

ELOGIA, ET IVDICIA.

A IVLIO CAESARE CAPACIO
Neapolitanæ Vrbi à Secretis
conscripta.



NEAPOLI,

Apud Ioan. Iacobum Carlinum, &
Constantinum Vitalem.
M. DC. IX.



D. SEBASTIANO FONTANAE
MOECENATI OPTIMO.



IN illustriori, quā Memphis coluit Pyramide Dominicus Auratus Eques pater tuus insignis, perpetui sui nominis gloriam collocavit. Augget eam in dies Iulius Cæsar frater, qui paternæ virtuti apud Austriacos itidem splendide successit. Reconditis tu characteribus tuarum virtutum monumentis, sacrisq. pientissimi animi symbolis (SEBASTIANE) exornas. Nec admiratur Aegyptus. Tua Isis, tuusq. Serapis est præclarissimorum hominum prædicatio, quorum hic recensentur elogia, & quos in teipso victuros dixerim, dum non cineribus optimum iudicabis, sed famæ consuluisse. Vale.



ILLVSTRIVM LITTERIS VIRORVM ELOGIA:

Tres Callimachi.



Vem Principem, quem dabimus illustri-
bus viris, qui litteris claruere Antesi-
gnanum? Quem scilicet Horatius Ca-
putus variae lectionis, prudentis littera-
turae, versatilis ingenij iuuenis obtulit;
quem nec in honore habuit Paulus Io-
uius, licet Museum suum ex illo subri-
puerit. En Callimachi imaginem vene-
rator. Is ille Athenarum decus est,

123

Batti, & Mesatmes filius, Hermocratis Iasensis auditor, qui Pro-
lomæi Philadelphi ætatem, exquisito, & multiplici studio red-
didit celebriorem. Ad octuaginta libros (octingentos ex aliqui-
bus exemplaribus expunge) exaravit, quis scribendo locuple-
tior? Mortuis parentauit elogio; quæ laudabilior pietas? Viuo-
rum monumenta eximijs laudibus posteris commendauit; quæ
splendidior animi nobilitas? Hoc Museum, has Tabulas viro-
rum omnium, qui in quauis disciplina claruere, nostra si hæc
ætas intueretur, quis esset Callimacho illustrior? Sed in eius
memoria huiusmodi conspicienda proponamus, ut cum quis lau-
dibus effertur, Callimacho acceptum referat, qui primus in eo
genere excelluit, nec quisquam eo prætermisso, alienæ laudis
probus habendus est æstimator. Commemorantur præterea ab
eo scripta, *Ionis in Aegyptum aduentus, Semele, Argiue urbis*

Gg 2 adificia,

edificia, Arcadia, Glaucus, Spes, Satyrice Fabula, Tragedia, Comædia, Carmina, Mensium apud singulas gentes nomina, Insularum, & Urbium origines Orbis terrarum flumina, De Piscibus, De Ventis, De Avibus, Miraculorum singulis locis collectanea, Italia, & Peloponnesi admirabilia, Hecale, De nomine Anus hospitis Thefei, Argolici Coloni, Epodos, Mela, Lex sodalitia, Τὰ αἶτια, qua in re Varronem fuit imitatus. Citatur eius epigramma in Ambraciote Cleombrotum à Cicerone in Tusculanis, quod Bononiensis Cadrus retulit, recitatq. Nicolaus Gerbellius in sua Græcia,

Εἶπας ἦλπε γὰρ κλειόμενος Ἀμβρακιώτης

Ἦλπε ἄρ' ὑψηλὴ τέχνης εἰς αἶδον.

Ἀχχοι εἴ τι παθὼν θανάτου κακόν, ἀλλὰ Πλάτωνος

Εἴ τι περὶ ψυχῆς γράμμι ἀναλεξάμενος;

Itaq. vale Soli cum diceret Ambraciotes,

In Stygios fertur desilisse lacus.

Morte nihil dignum passus; sed forse Platonis

Divini eximium de nece legit opus.

Aiunt profecto, Callimachum lecto Platonis opere de anima, se ex muris precipitem dedisse. Quam varia, quam diues supellectilis? Pro scriptoribus omnibus, vnus suffecisse visus est. At maledico carmine Ibin est prosequutus, quæ veneno plena auis Aegyptia, ingratum discipulum Apollonium denotabat; à quo in vxoris sollicitatorem Ovidius relegatus argumentum d:sumpsit. Mordet aliquandò placidiùs qui figit oscula; & inter Iudes iam diximus sæpè sedere censuram. Quid igitur peregrinæ laudis inuentori vno tantum aculeo quicquam detractum existimamus? Quid si mordere consueuerat alius Callimachus Cirenensis Poëta, Elegorum scriptor, de quo Propertius cum Phileta coniuncto?

Callimachi Manes, & Coi sacra Phileta

In vestrum, queso, me finite ire nemus.

Idemq. ad Lynceum Poëtam scribens, inflatum nominat,

Tu satius memorem Musis imitere Philetam,

Et non inflati somnia Callimachi.

At

At cùm mordaces nominas, tertium Callimachum interpone, è Geminiano Etruriæ oppido paulò antè nostra tempora virum doctissimum, sed crebris aculeis pungere assuetum, quàm obrem libenter cum antiquis coniungam; eòq. libentiùs, quòd cùm Philippus appellaretur, horum Græcorum nomine, nomen commutauit. Sapit quid non integrum nominis mutatio, displicuitq. plurimùm Paulo II. Pontifici, qui eam ob rem Academicos Roma ablegauit, diligentius Callimachum ad poenas expetens, qui maiorem conspirationis suspicionem mutato nomine dederat. Quapropter ad Sarmatas confugit, à quibus cùm conuiuio fuisset exceptus, primò gustato poculo, quod exile iudicauit, inquit, *Vinus*. Subitè inter doctos coortæ affabulationes. Hic ne ille Callimachus? Hem, nec Latine scire videtur. Mox ad secunda pocula alio meri genere paulò generosiore rorantia, ait, *Vina*. Post admirationem, risum concitauit. Sed cùm ad tertia ventum esset, & optimum vinum fuisset propinatum; alterius auris nutu iocundè dixit, *Vinum*; sed neutrum propè diuinum. Hinc ad facetias sermones contulere, & viri notarunt urbanitatem. Cum Casimiro Rege familiariter vixit, & post eius mortem, cum Alberto filio. Sed eò aulica modestia abusus est, eòq. potentia prouchi conabatur (solent enim temerario huiusmodi homines animo tantum sibi potentiorum benignitate, & gratia sumere (vt à Polonis extrusus in intimam Sarmatiam ad Vlnam apud amicū quendam effugerit. Ibiq. mortuum, vt Regi rem gratam faceret, arefactum seruauit. Indè Cracouiam translatus est, & in eius vrbe Basilica æneo sepulcro honestatus. Res Vngaricas, & Turcicas ab Amurate gestas, tam doctè scripsit, vt sint, qui cum Tacito in conscribenda historia eum conferunt.

Caroli Pinti.

*Promeriti nomen, pandet dùm lumina Phæbus,
Estis Callimachi tres & in arte pares;
Fecere atates, patria & discrimina: verbis
Pungendi ratio si tribus una fuit:*

Alter

Alter in Etruscis, Cyrene natus es alter :

Hic Pandionia ciuis ab urbe venit.

Cur non urna eadem, vario post tempore, cepit ?

Vno tres iungi debuimus calamo;

Non hic urna velut ketinet sine lumine visa :

Fama hoc, perpetuo viuere soli datum est.

Fabij Albini.

Callimachos celebres sumulus tres contigit vnus,

Quos diuersa dedis nomine terra pares.

Vnum Tusca parens, alium tuht alta Cyrene,

Atque alium felix Attica terra virum.

Ille elegis, hic hystorijs, sermone soluto

Nobilis ille alius, elegijsq. fuit.

Sed quia tres vno lingua maduere veneno,

Tres simul extinctos hac breuis urna tegit.

Apuleius.



Emper boni aliquid attulisse Africam, prouerbio dicunt. Et bona, & illustria attulit. Cognito in prima mensa, Augustinum omnium litterarum parentem, Theologorum principem, librorum interpretem primarium; Tertullianum graui, & multiplici eruditione alterum Platonem; Arnobium Rhetorem, atque Philosophum, qui Gentium vanitates seueriore eloquentia contriuit; Victorinum sub Constantino statua Romae donatum. In secunda, Ticonium Apocalypsis dilucidatorem, Asclepium declamatorem, Vitellium, qui sublato Donatistarum errore, inter summos acceptus esset; Possidenium Calamensem, Victorem Certenae, & Victorem Cummanensem Episcopos; Euodium, Primasium, Eugenium, Fulgentium, Larrandum Carthaginensem Diaconum; qui omnes vel refellendis Haeticorum opinionibus, vel explicandis

candis sacrorum librorum mysterijs, vel Ecclesiastico arario augendo, emolumentum plurimum sacre dignitati, antiquorum scriptis, studijs litterarum attulere. Vltimi sedent Terentius, & Apuleius. Alter quotidianum Romanæ linguæ vsum quod potius candidius explicat, doctorum hominum sæculo natus. Alter rudi oratore sub Diuis fratribus Antoninis, Romanè loquitur; sed cum Romanis, inclinante Imperio, aliqua barbarie notatis. Neque idcirco barbarum Apuleium dicas; sed qui eius seculi voces, quas proculdubio damnasset felix illud, quod antecesserat, è medio Latio, non antiquatas, non obsoletas, sed bonis Linguæ auctoribus novas, aliquando asperas, atque horridulas, profert. At quid si in ea asperitate, lepidè narrantem legimus, ut si ad humilitatem deiecta oratio nihil habeat magniloquum, nescio tamen cur, dum depressior in vulgus serpit, magis sese extollat, magisq. delectet, atque in admirationem adducat? Quo contemptior Apuleius in *Paragio*, in *Pallastro*, in *Oppellata*, in *Domitione*, in *Collurebationibus*, & hisce similibus est; cò, in vocum nouitate, & proprietate, quæ ex eius Condo depromuntur, sit summa dicendi venustate desideratior. Domi conuiuia parantem seruam, mulierum capillos, afflictorum miseriam, locorum amoenitates describe; quid festiuus, gratius, fragrantius expectas? Effunde cum eodem, quauis in re placidulum sermonem; non erit ille opèrosus, sed inordinatum ornatum gratiam addere animaduertes. Quid quòd, *ponderis Apuleiani flumen*, dicit Sidonius? Quod ad disciplinas attinet, multas crateras Athenis ipsemet in Floridis bibisse testatur. *Prima* (inquit) *cratera Litteratoris ruditasem eximit; secunda, Grammatici doctrina instruit; tertia Rhetoris eloquentia armat*. Hactenus à plerisque potatur. *Ego & alias crateras Athenis bibi, Poëtica commentam, Geometria limpidam, Musica dulcem, Dialectica austerulam*; enimuero vniuersas Philosophia, inexplabilem scilicet, necessariam. Canit enim *Empedocles carmina*, *Plato dialogos*, *Socrates hymnos*, *Epicharmus modos*, *Xenophon historias*, *Xenocrates satyras*; *Apuleius vester hæc omnia*. Πάντων dicas. Nihil non calluit. Sed in Philosophia, vtraque lingua Platonius,

cus, Plotinum, Iamblicum, Porphyrium antecelluit; venustate morum, & dicendi copia Socraticum fontem, & Platonicum torrentem redolens. Noratus vanitate Magica, cum Apollonio Tyaneo, & de ijs artibus apud Iudices Christianos accusatus aliquot se criminibus nobilissima oratione purgavit; quamvis non semel in suis scriptis Magiam fuisse sectatum planissime ostendar. Quid verò Magiam? Puerilia, leges, & aniles fabulas; nisi in vires conuersos occisos, ad Bacchum referas. Atque hoc est Magos CHRISTO anteferre, quod ridet Augustinus. Hoc, inquam, in Asinum transmigrare, quem tunc præcipue se præbuit, cum Socratis Deum finxit, & Medioximos constituit, qui ex hominibus Dij sunt. Parce Apuleie. Debueras non ludicro, sed Corneo baculo contundi. Aduocati munus Romæ obiit, atque in Foro causas egit. Sacris initiatus in Græcia, Sacerdos in prouincia Africa fuit, cui ex ære Carthagini statua posita est. Extant eius libri de Asino Aureo, Florida, De dogmate Platonis, De Philosophia, De Deo Socratis, De Mundo, Περὶ ἰσχυρίων, Apologiz. Nec in re Poëtica exiguum testem habet, Ἀνδρομέδων, carmen ludicrum Amoris, ex Menandro.

Pinti.

*Dùm magni resouent cunabula parua Platonis,
 Labra adiit mellis plurima diues Apis.
 Ast equidem vereor, mira hac porsensa, Apulei,
 Vt tibi contigerint, qui ex Ape nomen habes:
 Floribus hæc hausto distendis nectare cellas,
 Palladis ipse libros condidit ut arte fauos.
 Verborum his epulas condidisti Maxime Casar
 Antonine, tibi his dulcius ecquid eras?*



Antem-

Artemidorus.



Vatuor homines *ὄνειροκριτικοίς* tractandis immer-
 sos, lugeo. Artemidorum Daldianum,
 Achmetem (si tamen is est, quē etiam Acham-
 matem Medicum Arabem dicunt) Astram-
 psychum, & Nicephorum, quorum scrip-
 ta apud nos extant. Primos, qui somniant in
 somnijs, prætermitto, Alexandrum, Epichar-

5

num, Apollodorum, Apollonium, Aristandrem, Artemonem,
 Aristarchum, Cratippum, Demetrium, Dionysium, Hermippum,
 Nicostratum, Philochorum, Panyasim, Serapionē, Stratonem,
 Suidam, Arnobium, perditorum cœtum, suavi profectò morbo
 laborantem. Velle enim per somnia prædicere, & coniectores,
 & *ὄνειροπόλους* fieri (nisi diuina illa monita fuerint) idem esse
 reor, ac si in nebulis figuras euanescentes dignoscere, & consti-
 tuere velimus. Quid de Artemidoro? Altas in eo stultitiæ radi-
 ces nosces. Primum, τὸ μεγαλὸν θεωρημάτων in ijs ponit.
 Deindè, damnat eos, qui Diuinationem non esse credunt, atque
 ità Deorum prouidentiam esse negant. Demum, certam de som-
 nijs doctrinam se assequutum asserit, ideòq. per multos annos
 Græciæ vrbes, Asiam, atque Italiam peragrassè, vt somniorum
 euentus audiendo cognosceret. Huiusmodi autem vates apud
σεμνοπροσωποῦντες, pro mendicis, præstigiatoribus, atque scûrris
 habitos esse, abnegat. Nil verius dictum autumo. At ea fortasse
 de causa contemnendus, abiiciendus Artemidorus est? Nihil ne
 ex sua scriptione studiosis innotescet? Reijce somnia, à super-
 stitionis vsu abhorreas; cetera quæ scribit, multarum rerum ple-
 na nolens reperies. Physicè multa differit, & ad Platonicas ani-
 mi prænotiones accedit; & Peripateticè cum Aristotele dubitat,
 utrùm extrà nos sit somniandi causa à Deo immissa, an causa
 quædam intrà nos sit, quæ animam afficit, facitq. ex natura sibi
 accidens; nec renuit Pythagoricam numerorum disciplinam,
 non ad somnia, sed ad naturalium rerum causas desiderandam.

*Magnitudi-
 nem specu-
 lationum.*

Vires graues,

H h Sic

Sic legito, sic interpretator Artemidorum. Cùm de Capite loquitur, ne diuinationem cures, sed pecunias κεφάλαια à Græcis vocari, & symbolo Conuiuiali colligendo aliquem fuisse præfectum edifcas. Cùm de Capillis; has vaticinatæ superbix contemptor, eosq. sapientissimos viros, Sacrificos, Vates, Reges, & Dionysiacos artifices decere, animaduertas. Cùm de Fronte, non effrons in eundem scopulum illidas; sed hanc hominis partem, pudoris fuisse templum cum vetere Glossario enuncies. eamq. ob rem Persium dixisse,

----- exclamet *Melicerta perisse*

Frontem de rebus -----

Quin potius omnia eius dicta ad symbola, & emblemata referas. Lupum ait annum significare δια τὸν λυκάβαιτα, hoc est, anni tempus; itemq. ordinem, vel prudentiam, propterea quod se mutuo Lupi insequuntur flumina pertrāscentes. Hoc elicias ab Artemidoro. Somnia deferat. Onager, inimicitiam refert, ὅτι κοινὸν ἔχει πάντα τὰ ζῶα τὰ ἀγρία, πρὸς τὰς ἐχθρὰς, *Omnia siluestria animalia in communi ad inimicos referuntur.* Hoc placeat. Ne cures si Onagrum somniaueris, inimicitiam aduersus aliquem beneuolum non valde generosum significari. Quàm vtilia ex volatilibus, reptilibusq. & maritimis animalibus percipies? Quàm rara ex omnium arborum, & plantarum generibus? Quercubus opulentiam ob alimoniam tribuit, quippè Arcades eius fructu vefcebantur ex Archæi auctoritate; Oleis, certamina, principatum, libertatem, mulierum fecunditatem; Cupressibus, longanimitatem; Platanis, Vlmis, Fraxinis, sterilitatem, & paupertatem. Symbola ex his, vt lubet, explica. In Deorum relligione, quàm varia profert? Quis dilucidius in Aetherios, Cœlestes, Terreſtres, Marinos, Fluuiatiles, Subterraneos, circum circà ambientes distribuit? Quis, νοῦς, & αἰσθητής doctius discriminat? Omitto alia, quæ non somniantem, sed vigilantem quempiam ad bonas artes instruunt, & quæ hunc auctorem inter bonos adnumerandum hortabuntur. Achmetes, Indorum, Persarum, Aegyptiorum, sacra, ministeria, relligionem, præter somnia suppedabit. Ex Astrampſycho, & Nicephoro, nihil boni

boni consequeris præter orationis breuitatem, quæ iam b cis
versibus in hoc postremo conficitur. Alter ab altero inutua-
tus est.

Pinti.

*Magni ne ergo viri miscent mendacia veris ?
Somnia pro veris Artemidorus habes .
Istis terrarum peragras mendacibus orbem ?
Si hac vera exquiris: sunt ubi falsa Sophos .
Te miserum ni aliud, præterquam falsa tulisses ,
Ingenio & scriptis Artemidore tuis .*

Achilles Taciuss.



Es amatorias scripturus alter Græcus Achilles
Taciuss Alexandrinus, omnem in Clytophon-
tis, & Leucippes amores sermonem conuer-
tit, veluti in Eroticis Parthenius Nicænsis
diuersa narrauit. Attica profectò mellitus elo-
quentia; sed eò Græcanica lasciuia petulans,

vt Mimnermo iocosior (an turpior?) historię concinnitatem,
prostibuli alicuius scenam effecerit. Libido in verbis exæstuat;
lasciuendi forma, dialogismis constituitur; & quæ ipsum dele-
ctabant, in alieno congressu explicat, reuocatq. in cubicula, quæ
ingenui ingenium abhorret. At quæ sint in amore vices, pro-
cellæ, luctus; quæ voluptates item, atque illecebræ, ab eo aucto-
re explicatæ, vera veluti & viua simulacra obijciuntur, multasq.
Cleatras faciunt, quæ lecto auctore dicant in aucupio,

----- *adis nobis area est, auceps sum ego,*

Esca est meretrix, lectus illex est, amatores aues.

Bene salutando consuecunt, compellendo blandiscer,

Osculando, oratione vinula venustula.

Quamobrem verba in Achille sceteris, & elegantiam; res ipsas
castè nescito. Tunc verò omnis elegantię diminutio facta est,
cum ἐκ ὁσχημον λόγι, & nefandis masculæ libidinis incita-

*Nō decorum
loquitur.*

H h 2 mentis,

mentis, perpolitum dicendi genus inquinauit. Quantum Bathyl-
lus Anacreontico lepori dedecoris attulit? Quantum nostri æui
scriptoribus, fœdus Epheborum descriptionis apparatus? Ob-
fuere molles, & amatorij versus in Astæra, in Alexim, in Phæ-
drum Platoni; seueritatemq. Solonis, Diogenis Cynici, Zenonis
Stoici, Zeij Lacedæmonij, versusum licentia in impudentiam
conuertit, nam minus peccasse dixerim Saphonem Lesbiam,
quæ cum Phaone Siciliensē Nestorem, vel Priamum ad pruri-
ginem excitaret. Dramaticum appellat Photius, qui nuper ad
manus venit, hoc Elogio conscripto; & in eo Auctore examinan-
do, cum eodem me conuenisse, plurimum sum delectatus. Eun-
dem sacris initiatum, ad Episcopatum fuisse euectum, scribit
Suidas.

Pinti.

*Hoc, natale solum, quem nobile Alexandria
Progenuit, TACIVS conticet in tumulo.
Si verbis quondam prædiues lingua palato
Aret: Leucippe cum Clytrophonte vires.
Flagrantes istorum, operaq. Cupidinis omnes
Haud vincit, ignis edocuit numeris.
Si quis amat, Tacium legat: at contemnere præstat
Nunc monuit vanis nil graue inesse pudor.
Nolueris si oculos ex hoc auertere castos:
Hos equidem metuo ne maculare queas.
Insana mentis lector si scripta relinques:
Na sapiens, atque huic, qui tacet, inde preces.*



Longus

Longus Sophista.



Astos Daphnis, & Chloes amores descripsit Longus Sophista, pastoralia Græca suauitate, nouo dicendi genere congerens, quippè soluta oratione, huiusmodi Poeticum munus est exequutus, vt versibus exponendi Laurentio Gambara materiam præbuerit, quo factum est vt venustates,

7

quæ in Sophista delitescbant, Gambara felicissimè denudarit. Fabulam, episodiorum interiectione, iurgia enim, prælia, obitus intercedunt, Tragicomœdiam dixerim. Quid? ποιηρικὰ numeris expertia, absque lege soluta, pœtices campum excurrunt? Quem das Auctorem? Hic sanè nullus est. Neque Κομωδία finxit, neque τὰ φαιλικά. Quin vtraque eius argumentum complectitur, & actiones, & αὐλητικὴ, & Dithyrambicam. Lamon in insula Lesbo puerum, Dryas puellam expositos aluere. Daphnin illum, hunc Leucem dixerunt. Capras alter, oues altera nutrire edocti. Daphnin è fouea, in quam ceciderat eductum lauat Leuce, cui Dorcon Lupina pelle indutus vim inferre conatus, ab amantium canibus penè discriptus, ab iisdem illatis morsibus remedium petit. Inter pastores interim, prædoneſq. in maris littore proelium committitur. Daphnis belli auctor est, occubuitq. socius Dorcon, cuius necem Daphnis nunciat suis, à quibus multis cum lacrimis conditur sepultura. Dùmve ad pascendos greges reuertuntur, familiaritatem, quæ inter ipsum, & Dorconem intercesserat, narrat Daphnis; mox ad Lyconis vineta laudibus à viris Daphnis, à feminis Leuce extollitur. Aucupium deinde simulans, Dryantis domum Daphnis ingreditur, & Leuces aspectu tantum fruitur. Lycormus, pastores conuiuio excipit, Lamonq. & Dryas interfuere, varia pastoribus carmina vino plenis, concinentibus. Adfuere Lymniacæ, Thelesilla, & Arge nautarum vxores, quæ dùm suos detegunt amores, Daphnis, & Leuce amorem inter se mutuum perpetuum

fore

fore iureiurando confirmant. Expetebant sibi plurimi Leucem uxorem; in vetitum nitebatur Daphnis. Nuptiæ tandem erant celebrandæ, cùm turbas facit riuallis Lampes. Dionysophani Lamonis hero Daphnin ad urbem ducere cupienti, Lamon expositi pueri indicijis patefactis, Daphnis filius agnitus est; & ab eodem ciuis Lesbij filia Lence est celebrata, & in matrimonium Daphni tradita. Habes ἀνὰ νόμισιν, & περιπέτειαν. Habes quæ Fabulam constituunt. At hæc narratio est; quid Fabulam appellas? Quid Tragicomœdiam fingis? Quid Dithyrambum, & Auleticem destruis? Nunquam ne Aristotelem perscrutatus es? Manum de tabula. Sed has quoque narrationes inter Poetica Aristoteles reponeret, si quid Dramata, ad eam rem faciunt; & cum Heliodoro coniungas de Theagene, & Chariclea loquente, qui pudicè inter se amantes, in varijs periculis coniugalem amorem seruarunt.

Pinti.

*Prelongas, hospes, nomen mihi peruolat oras:
 Ossis reliquias, heu, breue marmor habet.
 Longior & poterat melius cui ponier urna,
 Quàm mihi, qui LONGI nomine dictus eram?
 Quam nisi promeruit nomen: sibi iure merebant,
 Composuit longum quos mea Musa, modos.
 Hæc tibi Pastorum mores, flammæq. retexit,
 Quæis mea nã fuerat Daphni perusta Cblo.
 Ardores variis, varias dignoscere tristis
 Forte petes iras: hæc tibi Musa feret.
 Me non fabellis longos consumere Soles
 Pertasum est: hanc me claudere sædet humum.
 Hunc longis saltem tumulum circundate tanis;
 Hic breuib. vates, dicite, LONGVS adest.*



Stanislaus

Stanislaus Hosius Card. Varmienfis.



Armatarum laudatissimus sese mihi offert Stanislaus Hosius, qui relictis Vlrico, & Anna parentibus, in Italiam profectus, multorum annorum laboribus legum studia sectatus, & doctoratus laurea insignitus, clarus euasit.

8

A Pio IV. Episcopus Culmensis, deinde Varmienfis creatus est. Ab eodem ad Ferdinandum, & Maximilianum Imperatores pro cogendo Concilio missus, cui Tridenti Pontificis Legatus præsuit, in Cardinalium Collegium titulorum S. Sabinæ, & Pancratij adscriptus. Sanctitatis, eruditionis, & eloquentiæ gloria celeberrimus. Catholicæ Fidei clypeus, sæuientibus Centuriatorum procellis, insanam Matthia Flaccio Illyrico tempestatem excitante, vanas hæreticorum fallacias Pij V. sanctissimi Pontificis monitu detexit, protriuit, confutauit. De Petri Apostoli Primatu agebatur. In Centurias, cauillos digesserat Illyricus sacræ scripturæ deprauator, Euangelicæ veritatis oppugnator, cuius ori, & pectori Catholici mentio nominis acebat, quapropter scriptis pestilentibus quibus quoquò terrarum grauitatem aspirabat, mortiferum virus studebat euomere. Occultæ Catholici status valetudini, apertam adhibuit Varmienfis medicinam, multosq. ab Apostolico dogmate abalienatos, ad eiusdem semitam auctoritatis, & doctrinæ robore inflexit. Ad ea quoque reiicienda, Romam ab eodem Pontifice accersitus est Thomas Casellus Dominicanus Cauensis Episcopus, inter summos Theologos habitus eximius, quem incæptos absoluere labores mors non permisit. Multo quoque sudore in ijs lucubrationibus frons nostra manauit, quas à me Antonius Cardinalis Carrafa expetiuit. In Gregorij XIII. Pontificatu, titulorum S. Clementis, & S. Mariæ trans Tyberim Maior Pœnitentiarius fuit Hosius. Decessit anno salutis 1579. septuagesimo ætatis, & Romæ sepultus, cui disertissimum epitaphium Stanislaus patruus, & Stanislaus Rescius posuere.

Pinti.

Pinti.

Siccine iucundam sapientum seuâ virorum

Sedem, obitu, Mors o, tu mihi saepe ruis?

Pro Pater omnipotens, queror hic, Mors nescia flecti est,

Contundam, & tremula concidet hasta manu.

Vsq; vale, perculte senex mi Sarmata, Regi

Dulce tuo, sapiens, & mihi dulce decus.

Hac STANISLAUS, si quaras, HOSIVS urna est,

Purpurei ille Patrum gloria prima chori.

At viuum liquere satis sua nota Latinis

Dicta notis: Pallas sic ait, atque abit.

Stanislaus Rescius.



Rintima Sarmatia neminem vnquam huc adueniētem doctiorem, humanioremq; Stanislaō Rescio Cracouiensi Canonico, Serenissimi Stephani Regis Legato, Neapolis nonit. Suus ipsum Rex multis dignitatibus complexus, quanta in eo morum grauitas esset, quā rara vitæ integritas, patefecit. Omnium disciplinarum Stadia percurrens, virilem demum se in Theologicis præbuit athletam, quippè saniori dogmate cum conterraneis, & Lutheranis, eorum salutis expetitor, luctatus est; & puluerem in Eloquentiæ curriculo colligens, victor aded nobilis euasit, vt non statuas, aut ceras, sed immortale nomen non modò apud Polonos, sed apud Italos quoque, & in orbis capite Roma, fuerit consequutus; id quod præcipuè eius Orationes, & Epistolæ ad summos Proceres, aliosq; scriptæ indicant. In ijs non elegantiam, nec Romanam proprietatem, sed Germanam facundiam celebrant, qua res ità descripsit, vt grandiloquum potiùs, & varium, quā obseruatorem iudicarent. Sed plenum salibus dicas oportet, qui ne verbum quidem proferat, quod non sit aliqua recondita significatione conditum, & obsecret,

liberius

----- liberius si

Dixero quid, si fortè iocofua; hac mihi iuris

Cum venia dabū -----

vrbanitate tamen Stoica, quam ex optimis libabat disciplinis, vt venustatis subtilitatem humanissimis sermonibus attingeret. Quamobrem & si mollior interdum, ac delicatior videretur, flebat se nihilominus ad seueritatem, qua magistra modestiæ, censoria etiam interdum utebatur. Sed Græca sæpè Latinis miscuit, siquidem,

----- *sermo lingua concinnus utraque*

Suauior; ut Chio nota si commissa Falerni est.

Multa scripsit præterea, quæ in lucem edita, sublimis eius ingenij testimonium faciunt, & quæ Christianæ Reipublicæ utilitatem allatura, Octavius Cardinalis Parauicinus prædixit. Spongia, qua abstergit contumelias Iesuitis Sacerdotibus ab hæreticis illatas, pijsissimi, & docti succi plena est. Oratione parænetica, quot Lutheranorum errores patefacit? quot conciliat opiniones? Quæ verò adhuc non prodire commentaria in septem Davidis psalmos, tanta laude Ascanius Cardinalis Columna commendauit, vt suæ ornamentum Bibliothecæ singulare addidisse affirmarit. Tanta fuit comitate, vt semper in cubiculo, in mensa, doctos viros haberet; qua in re cùm reprehenderetur (podagræ enim, & chiragræ doloribus ità miserè afficiebatur, vt cùm podagra ad pedes veniret, mortem ad fores esse diceret) respondit, *Mensas Legatorum, mensas Regum existimari; & sacram rem esse mensam socialem, ut aliquid habeas in se viua voluptatis, cùm ad latus amicum videris, non solum quem desideras, sed qualem desideras.* Neapoli decessit, doctorum virorum lacrimis deploratus.

Pinti.

Fortunam auspicio non amplius ire secundo

Re scio quin tristis sæpe referre modos.

RESCIVS *heu lacrima cecidit mihi Visflula, dixit:*

Palladū & specimen na probitatis erat.

li

Ab

*Ab Sebethe, meos tam crebrò occidis amice ?
An tibi ferali flumine lympba fuit ?
Ex hominum genere hoc posthac te nullus adibit ;
Miserit aut talis parca corona viros.*

Sidonius Apollinaris .

10



Idonium Apollinarem Aruernæ illustribus parentibus ortum, Galliarum Præfectura decoratis, in pueritia Poëtices ornamento initiatum, in adolescentia Græcis, Latinisq. litteris eruditum, mox quasi per gradus Philolophicis, Mathematicisq. studijs imbutum, ad Iurisprudentiæ columnen, & à Consulatu, & Præfectura Urbana ad Episcopatum adscitum, vitæ sanctitate illustrem, Theodosij, & Leonis, Zenonisq. ætas, in qua floruit, est admirata. Doctor sanè Catholicus (licèt auus primus Christianus in eius genere fuerit) Romanæ Sedis defensor, Christianæ Fidei propugnator, hæresis Arrianæ contrà Euarigem Regem potentissimum, hostis acerrimus. Ad senectutis ocium ductus nihil antiquius habuit, quàm Romanæ Linguae candorem Gothorum lue deturpatum, ad pristinam dignitatem, quoad fieri poterat, reuocare. Epistolari stylo id assequendum arbitratus, cùm ad Ciceronem accedere haud posse fateretur, quem nec assequi potuerat Iulius Titianus sub nominibus illustrium feminarum (is auctor nobis incognitus ab eo citatur) duos sibi imitandos proposuit, C. Plinium, & Q. Symmachum, quorum vnus disciplinam, & maturitatem, alter rotunditatem suppeditaret. Adamante durior eius oratio plerisque visa est, tùm præcipuè Francisco Petrarcæ, qui vt temerarium eum admiratur. An temeritas ea est, quæ stylum non nouit, vel tarditate non capit? At si quis inter Ciceronianæ eloquentiæ vbera enutritus, posteriorum scriptis vacauerit, ab antiquorum puritate alienus crassiore cibo vesci, vel si sexcenti Apollinares loquantur, sibi persuadeat necesse est. Cur verò non placebit

placebit aliquandò pilæ lusus in *Sphæristarum contrastantium paribus*, inter *rotatiles catastropharum gyros*, & huiusmodi multa, quæ Sidonius, non Cicero explicauit? Offenduntur ne aures in *Subsequiis rusticanis* (Apulei vocibus) *subulciscq. roncantibus*? Patere, quæ loquendi vlu ea tempora pertulere. Idq. temerè non dictum arbitror, quod ætariis receptum, sale sit respersum, sit purum, & in sua barbarie non contabescat. Sed gratiora expetas in Sidonio, Magistratuum munera, quæ ad inferiora tempora pertinent, Regum imagines, antiqui ædificij structuram, quam si in Plinio nouimus, in hoc sæpè habemus vberior, Curiarum ordines, Imperatorum aulam, rerum maximè Gothicarum varietatem, Dedicationis festa quibus & Gentiles, & Christiani epulabantur, barbaricam in nuptijs pompam, quam in Sigismere iuvene ostentauit, qua nihil illustrius meo iudicio potuit effingi, *ut in actione thalamorum non appareret minor Martis pompa, quàm Veneris*. Quis itineraria exactiora conficit? Quis topographiam dilucidius ob oculos ponit? Maeste virtute, Sidoni, quàm bene, quàm bellè de Aruernis loqueris? Adde rerum forensium praxim, de qua luculentissimè inter Turpionem Tribunicium, agit, & Maximum Palatinum de Centesima vsura; præter alia Iurisconsultorum placita. Et Episcoporum electionem, in sanctis Patiente, & Euphronio; & nouorum operum, nouitaris gratia commendationem quam de Mamercio Claudiano protulit, quem Christianorum Philosophum appellat; & annonæ curationem in Lugdunensi Episcopo; & scripturarum Allegorias, quas ad Basilium explicat, Euarigem metuens, & Episcopales orationes, & eorundem charitatem pro Gallorum fide exposcens; ceteraq. innumera, quibus & Ecclesiæ, & moribus, & Reipublicæ consulere nullo labore, nulla studiorum intermissione, recusauit. Quod si hominum prauitates, delationes, crimina, scelera, Demosthenes, aut Hortensius fuissent explicaturi, quid facundius protulissent, quàm ea quæ Sidonius protulit, in ijs animaduertit, qui Chilpericum accusabant, & criminabantur? Bone Deus, quàm in simplici argumento varius, in concisa oratione copiosus, epithetis multiplex,

historijs numerosus. Hæc in Sidonio collaudes. Elegantiam sic venerator, vt cum ipso loquaris ad Aruogastem, *Tertia Urbanitas, qua te ineptire facetissima allegas, & Quirinalis impletus fonte sacundia, potor Mosella; Tyberim rufas; sic barbarorum familiaris, quod tamen nescius barbarismorum; Par ducibus antiquis lingua, manuq. sed quorum dextera solebat non minus stylum tractare, quàm gladium.* Nec cum Francisco Florido eius auctoritatis virum cum Baptista Pio adiungas, qui Latinarum vocum monstrositate ridiculus, Romanam linguam, nec Scythicam, nec Peruuianam, sed nullius orbis reddidit inquilinam; cum Sidonius etsi horridis plerumque vocibus vsus fuerit, redolet tamen, veneranda maiestate, Latini idiomatis grauitatem, & non ornatam nouam nuptam dixeris, sed vestium nouitate conspicuam. Quid eius Carmina? Totus in Panegyricis, totus erat in Epithalamijs. Eos Anthemio Cof. & Valerio Maioriano, & Auito Augusto; hæc verò, Polemio, & Araneclæ dixit. Lepida sunt; licet *σαφύνας* desideres.

Pinti.

*Quis fides tumulo? Sidonius, alter Apollo.
 Qui latè fama lumine in orbe nitet.
 Antistes ne fuis? vera hac notas alba mitella
 Marmore, & hunc luget Gallica terra suum.
 Extiterat queis Cæsaribus? Zenone, Leone.
 Clarus an antiquo sanguine? clarus erat.
 Nec petis ingenij longum quæ munera chartis
 Tradidit, & varia Pallade plena manent?
 Percepi. quid opus multis? sat sculpere verbum est:
 Hic Sidonius est. viuit & illacrimas?*



Ioannes

Ioannes Trithemius.



Elix villa ad Mosellam Ioannem protulit; feliciora cœnobîa Spanheimense in Moguntia, & Herbipolense Abbatem aluere; felicissima tempora Pij I I. & Federici I I I. rerum à Principibus gestarum in Europa, lucubrationum, quas docti viri, tam Ecclesiastici Scriptores elabor-

11

rarunt, memoriæ habuere conseruatorem. Quot, quantisque elo-
gijs hæc Trithemium efferunt? Et quis eo dignior laudibus, qui
æternum tot hominû famæ præconium proprijs sudoribus man-
dari conatus est? Nec dicas, nihil cum ingenij in Elogijs osten-
disse, cum omnes ijsdem ferè verbis laudarit; satis enim fecit si
hominum gloriam, non suæ orationis ornatum seruauerit. Stu-
diosi specimen edidit in comparanda maxima illa bibliotheca,
in qua præter typis traditos, ad octingentos manuscriptos libros
Ioannes Duraclusius numerauit, qui ad edificandas linguas Græ-
cam, & Hebraicam ad Trithemium se contulerat. Laboriosi verò,
cum ex eorum librorum lectione, innumeros ipse scripserit; nam
præter mysticam Chronologiam, quæ ad secundas intelligen-
tias orbes post Deum mouentes, spectat; & Francorum, Ducumq.
Bauariæ, & Comitum Palatinorum *Χρονικά*, quæ ad Politicam
referuntur; multa composuit, quæ Monachos decere ob Dei, &
Religionis cultum; multa quæ quotidianis exercitationibus,
Homilijs, & scripturarum interpretatione necessaria cognoue-
rat. Nullus sine linea dies præteribat; noctuq. didicerat horas
somno furari, quibus aut legeret, aut scriberet, aut dictaret.
Dederat se libris mancipem, quorum etiam Principum ope præ-
donem se fecerat. Hisq. artibus sciebat. Nec sine libris quisquam,
nec in libris otiosus ediscet, quæ Trithemius, Philosophicis,
Theologicis, Mathematicis, Poëticis, Oratorijs studijs compa-
rauit, quæ sui temporis doctissimum virum prædicarunt. At cum
reconditis rebus penetrandis animum adiecit, duos scripsit li-
bros Polygraphiæ alterum, alterum Steganographiæ. Mirandos,
& in-

& inæstimabilis laboris libros ij appellarunt, qui cùm aut homines loquentes non capiant, aut libros legentes non intelligât, tunc sermonis, & scriptionis Auctores pro Dijs habent. In Polygraphia, nemo adhuc est, qui scabrosis vocum ordinibus, occultè scribat. Reclusa omnia in seipso cernimus, nec adhuc Clauis fores reseat; quin clauem oppessulantem diceret Apuleius. Atque vt prorsus claritatem obstruat, cum Sphynge passim loquitur, *Ignorantia est mater erroris, & qui bonum discere contemnis, quod nescis, amas cecitatem*. Eorum more, qui videantur prophetari. Aduoca Oedipum. *Quid in his? Non refert si diem nox superet, aut si lux tenebris non concordet, qui circulus finem non recipit, & vacuum plenitudo non admittit*. Dauus sum Trithemi. Nec me implices in periphrasmatibus, aut metasthesi, vel Spiraminibus vocum, & Feronomasi; nec durior em dicas vnitatem binarium, nec vnitatem mediante ternario in binarium progrediatur. Durissima clavis est; indiget oleo. Eruginem prius auferas, quæ aut est in hominum mentibus, aut in tua subtilitate. In στεφανοποιία, quàm vanus? Credideras fortasse Magico studio,

----- alijs duras immittere curas,

Sistere aquam fluuijs, & vertere sidera retro?

inania, falsa, nedùm ridicula, & incredibilia eius artis promissa ignorabas? Dereliquit eam Nero, cui nec ingenium, nec diuitiæ deerant, & ad quem ex Armenia Tyridates Magos detulit, & contempsit; tu verò inhians amplexus es? Laudem quam ex tuis nobilibus studijs foeneratus fueras, deperdidisti; & in diuitijs quas gloriæ, & famæ adeptus fueras, conturbasti. Quàm enim longè à Relligiosi, & Theologi via aberras? Admiror hominum cupiditatem. Sunt qui hunc librum ex Inferis eruerent. Quid tum? Legisti Steganographiam. Quid facies? Aethiopide herba stagna siccabis? Verbenaca, quæ velis, impetrabis? An mater Deorum ex Pessinunte Romam adueniens hærebit in Tyberi? An Thucia Vestalis aquam cribro in Capitolium feret? Sed ne sic acerbè in Trithemium animaduertas, Naturali enim Magiæ operam dedit, quam nõ per reuelationem à Deo, vel ab Angelis bonis

bonis percepit; nec à Dæmonibus, impia cum ijs societate deuinctus; sed quam humano studio per Philosophiam comparauit. Esse naturalem Magiam non est dubitandum, quæ abstrusiore quadam sapientia, & occulta rerum naturalium cognitione, mira facit. & eiusmodi Apollonij opera non euertisse Deum, Iustinus Martyr affirmat. Eam Trithemius sectatus est; quid durioribus verbis accusas? Herbam do. Sed vide ne veluti Chimici ex naturalibus, ad violandam pecuniam sæpius euertuntur, sic Magi ex Philosophia, ad superstitiones, & præstigia non deducantur.

Melissi.

*Humanos supra captus, sensusq. Sophorum
Et mentes Genium, cui fuit ingenium;
Non quierit dia superare Trithemius arte
Quicquid humo summum, quicquid in axe poli
Desine mirari. vir tantus ad omnia doctus
Natura instinctu, totus acumen erat.*

Hieronymus Fracastorius.



Obili genere Hieronymus Fracastorius Veronæ ortus, Catullum, & C. Plinium conterraneos, alterum versibus, alterum varia disciplina æmulatus, cum omnibus Italis, plenis modestiæ, & dignitatis scriptis, contendit. Ab humanioribus scriptis Patauij ad Mathematicam, inde ad

Philosophiam Pomponij Mantuani auditor; mox ad Medicinam incredibili celeritate, & auctoritate ita coaluit, vt suggestus honores iuueni Patauium detulerit, quos nisi perfectæ ætatis viris deferre consuevit. Ad eam natum omnes nouerant, incitabantq. acrius hinc Gaspar, M. Antonius Contareni, & Andreas Naugerius; hinc verò M. Antonius, Ioannes Baptista, & Raimundus Turriani, nobilissimi iuuenes, quos florenti ætate habuit socios, & sodales. Astrologiæ deindè cōtempitor, in qua Caldeis

in

in prædictione, & notatione cuiusque vitæ ex natali die minimè esse credendum, scribit Eudoxus, Astropomiæ factus amator, ex Pomponij, & Lucæ Gauricorum familiaritate ea excerpfit, quæ non ad iudicia, sed ad naturalia ediscenda pertinent, & secretioris cuiusdam Philosophiæ cultor, Ioannis Matthæi Gilberti Veronensis Episcopi exhortationibus, quæ circa stellas apparent per homocentricos orbes ostendere diligenti studuit indagatione, quos labores Paulo I I. Summo Pontifici dicauit. Ingenij fertilitate, cum in vltimam senectutem antiquorum Medicorum ætates aetas processisse viderentur, veluti virgultum, excidentem Medicinæ truncum sustinuit, & mortalium salutis consulens, clarissimo lumine contagionis doctrinam de miserrima nocte exactissimè eruit, probante Alexandro illo Farnesio Sanctissimi Senatus gloria, atque splendore. Cumq. in Naugerio (Dialogus is est) ex abditis poëtices fontibus suauius propinasset Ioanni Baptiste Ramnufio, qui litterarum studiosorum familiam ducebat, vberiore se quoque præbuit, & dum præclare animum mille orationum flosculis informasset, abundantem quoque rerum reconditarum copiam ex ditissima officina fuggererit. Quàm verò doctè in sua Syphilidi cum Petro Bembo lustrit? Potuit ne fieri, vt morbum Gallicum tam lepidè describeret, & poëtice sanarit? Nec Poëta dicatur. Satis Casteluetro faciamus. At negabit, nisi eum prædicemus in opere, fuisse tamen in numeris, quibus omnem poëtices laudem illustrauit? Euerfo bellorum eruptionibus Gymnasio Patauino, à Liuiano Venetarum copiarum Imperatore in Academiam Foroiuliensem Andreæ Naugerij, & Ioannis Cortæ contubernio euocatus est. Sed fuso Liuiano, in patriam se contulit, quam etiam reperit incendijs deuastatam. Connubio miseriam solutus est, & liberalium Artium exercitatione, quibus Musicæ principem locum dedit. Vir minimè ambitiosus, paruoq. contentus, iocundæ, & honestæ vitæ percupidus, vt cum Medicina se abdicasset, totum se mansuetioribus Musis dedicauerit. In suis Caphijs (ager est) fato cessit septuagenario maior, & Veronæ conditus. Aeneas imagines Fracastorij, & Naugeri Patauij Ioannes Baptista

Ramnufius

Ramnusius posuit, supremum amicitiae munus. At Veronenses ne pietate in ciuem à Ramnufio superari viderentur, marmoream statuam Veronæ, summo omnium consensu posuere.

Pinti.

*Per fratres Helena lucida sidera
Vos oro Aonides hic lacrimas date:
Illius cineres marmore sublatent,
Cui quondam nituit sidereum caput,
Tàm probè astra Sopbos nouerat omnia
Cultos assidue condiderat sonos.
Hunc vos ò Medicùm flete virum cohors,
Hic & res medicas auxerat ingeni,
Haud fessus studijs, mirus acumine.
Bullarum recidant lumine gemmula.
Hic Verona tuo: ciuis ubi tuus?
Clarum lumen ubi, & lucidius decus:
Hic Fracastorij paruus adest cinis:
Hic digna Imperio vir facie, cinis;
Esset quàm miserè actum sine munere
Ipsius calami, Phœbe, sub hac tua,
Tellus qua fruitur, lampade, qua polus.*

Andreas Naugerius.



Mmortalitati commendatur Ars dicendi huius voce, & scriptis, quem intueris (hospes) & contemplaris. Verborum splendore, & copia, quem Oratorem non superauit? Quam ingenij gloriam alios laudando non consequutus est? Et quæ propria laudis præmia cum suis Vene-

tis non communicauit? Quid moror? Andreas Naugerius est, quem coronis, & floribus Musæ complerunt, orationis ornamenta, subtilitatemq. ab ipsis mutuatum. Acri vir iudicio res graues eiusmodi sustinere edoctus, vt in Hispania diuturnæ Legationi

K k

apud

apud Cæsarem fungendæ Veneti prudenti consilio destinarint ; & vix reuersum, in Galliam missum, eidem muneri præfecerint. Hisce animi perturbationibus, licet studiorum assiduitatem nunquam abiecerit, non tamen absoluta, & perfecta, quæ scripserat, in medium asferre dubitauit. Noluît citrà sui nominis iacturam ea diuulgari, nec violari partem per orbem terrarum existimationis fructum; quocirca, Siluis quas Statium imitatus composuerat non ignouit, & nec delicti veniâ ab amicis petita, damnauit igni. Vereor vteadem poena affecerit duos de Venatione libros heroico carmine, librumq. De Situ orbis elegantissimo stylo conscriptos, lusus complures, & laudationem illam quam in funere Cypriæ Reginæ publicè habuit de nobilissima Veneta gente Corneliorum, tum præterea laudatissimam historiam Caroli Octauî in Italiam aduentus, in qua multa arbitror fuisse desideranda. Paucula, quæ adhuc in litura erant, seruauerunt amici, qui tanti viri funeris reliquias expetunt, & hisce papyris non cera, sed beneuolentiæ ardoribus circumuolutis, mortuo prælucent, pullatis lugentibus M. Tullio, Terentio Varrone, alijsq. bonis Auctoribus, quos castigatiores propediem librarijs dare deliberauerat. Post Gallicam Legationem decessit ætatis anno quarto & quadragesimo.

Pinti.

*Iàm tum, doctæ, tui nomina, NAVGERI,
 Percepi teneris auribus; inclita
 Nunc cerno ingenij culmina...
 Astant Meonides dum tua lætito,
 Parnasi rutilant tunc mihi lumina;
 Dignos quos referam te sonos &
 Quæ cultè eximij condideras viris,
 Quæ magno Oenotriæ delicio tua,
 Multorum decorant nunc manus.
 Mercus, quas alij Castalidum gerunt
 Angustis ratibus: nonne opulentior
 Vasta naue tuis gesseras?*

Hen

Heu pars huius humi naufraga subiacet :

Supremo at ratio, clauis erat cui,

Cælo est nonne sedens integra ?

Et sunt, qui esse putant nauiculam alteram

Clarè quæ memores nos sui

Reddat stellifero de polo.

Petrus Card. Bembus.



14
PETRO Bembo Venetiæ clariore, redditæ sunt, quàm vel naturæ miraculo, quòd omnium admiratione in aquarum lacunis conditæ sunt; vel quòd felicissimæ Reipub. splendoribus inter Italas vrbes, Italiæ totius præsidium, elucet. Latini sermonis obseruator is est; Itali, restaurator. At religionem appellas obseruantiam? En tu innocentem accusas. Quæ nam religio in candidè scribendi cupido, qui verecundè extrà Romanæ linguæ fines egredi plerunque voluit, vt (quod à Ioanne Franciscò Pico acceperat) plures ad benè dicendum imitaretur? An religiosum benè appellas eum, qui omni puritate conceptus parit? Hyperidæ, & Lysia Atticam fortasse subtilitatem exposcis? An idcirco religiosus, quòd horridioribus verbis mutatis, additis numeris, aptiorem facit orationem? Ex antiquitate eligere, reijcere, ingenui scriptoris est, in quo tunc demum grauitas apparet, cùm interlucet nitor. Si epistolarum Bembi volumina legeris, Paulo III. Pontifici dicata, à quo Cardinalis electus est, summa iucunditate res maximas, & euentu grauissimas, quæ Leonis X. Pontificatu florentissimo acciderant, facillimè animaduertes explicatas. Habuit in ijs delictos censores, qui aliquot ad summos proceres conscriptas, ieiuniores dixere; aliquot verò ad artifices, humilesq. homines, pleniore quàm par esset Summi Põtificis auctoritati. Si eiusdem historiam suæ ipsius Reipublicæ precibus in senectute editam percurrès, quàm eleganter scriptam iudicabis? quàm

sincerè expositam, in qua nec mendacio gratiam aucupatus est, nec odium veritate extimuit? Si Latina carmina perleges, quid dulcius, quid purius, quid magis Maroniano saporì proximum degustabis? Quid verò in Italico idiomate, Bembi disciplina accuratius est? Quid vitio tribuunt turgidi scriptores, quod à Francisco Petrarca non discedendum statuit? A candore, & puritate, non discedendum sanxit optimus iudex; quam sanè deferere coguntur, qui salebrofa, & hiulca verborum curiositate redundantè excurrunt, quiq. dùm iucundiora interijcere student, pondus, grauitatemq. sententiarum aspernantur. An fortasse satis illud Bembo non esse debuerat, vt se magistrum præbuerit, cuius præceptis doctorum virorum scripta pertulerint emendationem? Non nescimus Ludouicum Ariostum multos versus obelisco notasse; & Sannazarium parere recusantem; in aliquot errores incidisse. Nec veremur, tanti fuisse quæ Bembi calamo viuunt, vt sint cum sæculo perduratura. A Constantino Lascare litteras Græcas edidicit. Studioforum amantissimus, tum ambitiosius ab ijs laudari cupiebat, quod huiusmodi Francisco Maurolico declarauit, vt cùm Dialogos de ordine, & numero elementorum, & de Sphæræ circulis, & Planetarum motibus ipsi dicaturum scripsisset, *Se illud peruelle*, respondit, *nec vberiore esse donationis inter viuos stipulationem, quàm ea qua nostri nominis memoriam in omnem posteritatem sit propagatura.*

Incerti.

*Adria Bembe tibi patria est, tibi Roma sepulcrum,
Imperat hac terris, imperat illa mari.
Egrege es Tusca lingua, Latiaq. loquutus,
Non hac, non illa dulcius vlla sonat.
Sunt testes Musa Tusca, Musaq. Latina,
Magnanimùm Venetum testis & historia.
Nobiliore loco baud poteras nasci, nec obire,
Nec magis ornatè, nec magè dulcè loqui.*

Iacobus

Iacobus Cardinalis Sadoletus.



EX Ioanne Sadoletto, qui Ius ciuile Ferrariæ ab Hercule Estensi, summorum virorum fautore, accersitus, publicè profitebatur, Iacobus Mutinæ ortus est. Quem adultum pater ad eadem studia nequicquam alliciens, ad ea hortatus est quibus eum oblectari intelligeret. Nihil du-

15

rius, quàm inuita Minerua alicui studiorû generi operam dare. Idq. bonas artes perdidit, & plurimum ingeniorum indoli abrogauit. Quamobrem humaniores Musas sectatus, Nicolaum Leonicensem moralem Philosophiam edocentem audiuit, Græcæ Linguae incubuit, Romanæ eloquentiæ copiam ex optimis quibusque auctoribus hausit, vt egregiè ijs disciplinis institutus, doctissimis eius ætatis viris esset admirationi. Et quamuis rem Poëticam non ea felicitate fuerit assequutus, qua Petrus Bembus clauit, quocum ab ineunte ætate familiariter vixerat, & qua ad aliorum studiorum columen peruenit; aliqua nihilominus eius poëmata in adolescentia huiusmodi florere, vt grauitatis, & grandiloqui sermonis fructum pollicerentur. Nec Cicero ipse ex vberissimo facundiæ flumine riuos ad carmina Musis dedicanda deduxit. Fortunatum Bembi caput, & olea, & lauro ornatum quis non admiretur? At cum tantum roboris virtutum efficacia ingenio inesse cognosceret, vt Romanæ se posse auctoritatis iudicia sustinere non vereretur, Romam profectus est, & ab Oliuerio Carrafa Neapolitano Cardinali amplissimo, qui iuuenis incredibilem pudorem, & singularem modestiam perspexerat, receptus, præstantium virorum domi, forisq. beneuolentiam sibi conciliauit, tum præcipuè Federici Fregosij Salerni Antistitis, cuius contrubernio post Oliuerij interitum, cum Petro Bembo vsus est, quos etiam iisdem studijs coniunctissimos Leo Decimus cum primùm Pontifex creatus est, ad conscribendas epistolas delegit. Nescio an diligentiorum Petrum appellem, qui posteritati scriptis pro Pontifice epistolis consuluit. Non

tamen

tamen illud reticebo, nihil esse in summorum Principum negocijs, in Romanæ Aulæ maiestate, in publicarum, & priuatarum rerum cognitione, quod in Sadoleti epistolis desideres, quas veluti totius litterariæ Reipublicæ ærarium posteris reliquit. An dixerim fortasse cultiorē Bembum, Sadoletum grandiorē? clarum illum, hunc, floridum? in vno splendorē, in altero venustatē conspici? Creatus interim Carpentoracensis in Gallia Episcopus, tranquillā vitā degit sedente Adriano, qui Leoni successerat. Mox à Clemente VI. post Adrianum Romam vocatus, administrandæ Reipublicæ ob summam prudentiam adhibitus est, licet eius Pontifex magis calamitoso tempore consilium non fuerit complexus, qui ingruentibus inter ipsum, & Carolum Quintum bellis, dissuasor discordiarum, & deponendorum armorum extiterat hortator. Abijt idcirco Roma Sadoletus; & vix viginti dies absuit, cū de miserrima vrbs direptione nunciatum est; doluitq. Pontifex, & intellexit quā prudenter sensisset Cardinalis optimus, & quā fideliter monuisset. In ea rerum perturbatione sacris libris animum addixit, & D. Pauli ad Romanos epistolam tribus libris explicauit. In aliquot psalmos lucubrationes edidit, volumen illud Dauidicū interpretaturus si ocium nactus esset. Philosophiæ studia sic retinuit, vt aliquandò laudauerit, aliquandò verò improbarit; *Quorum vtrumque (inquit Sigonius) tanta cum ingenij, ac iudicij laude, tanta verborum, ac sententiarum copia est assequutus, ut acrius ne ab eo reprehensa, an ornatiùs laudata Philosophia sit, haud faciliè iudicare possis.* Alterum librum Phædrum dixit, alterum de laudibus Philosophiæ, Maffeo Volaterrano dicatos. Scriptis, & voce, salubri consilio, quoad fieri potuit, omnibus adscitis vigilijs, semper eos qui à maiorum fide, & relligione aberrauerant, ad Euangelij pietatem, veriq. Pastoris obedientiam hortatus est. Quamobrem linguarum eruditionem, eloquentiæ flumen, Philosophiæ, ac Theologiæ promptuarium, auctoritatis amplitudinem omnem, ad Pontificiam dignitatem amplificandam, ad Catholicos, bonosq. mores informandos profudit. Honestis viris semper eius domus potuit, aluitq. summa charitate difficili annona egentes, vt veri

Episcopi

Episcopi munere excelleret. A Francisco Rege, & Carolo Quinto, Gallis omnibus, Hispanis, atque Italīs, maximo in honore habitus est. Trans Tyberim Romæ septuagesimum annū agens, obiit. Cūq. Senatus habitus esset, Ioannes Petrus Carrafa Sabrinorum Episcopus, deinde Pontifex, orauit. Sed in æde D. Laurentij cuiusque ordinis hominum frequentia à Iacobo Gallo Romano ciue laudatus fuit. Nullam in suo funere pompam postulauit. In D. Petri in Exquilij sepultus.

Benedicti Ariæ Montani.

*Vt Plato sacunda decorauit dogmata lingua,
De prisca Sophia dogmata sumpta sinu;
Eloquij sic tu decorasti flumine blando
De sacro CHRISTI dogmata sumpta sinu.*

Petrus Victorius.



Nil est quod florentissima Italiæ vrbs Florentia in maximis rebus desideret. Dominatum si inspicias, Mediceos habet Magnos Duces, præclaros Principes, qui Pij V. Sanctissimi Ecclesiæ Monarchæ testimonio, Relligionis pietate, Magnum sibi nomen compararunt. Si ædificiorum excellentiam, quæ nam vrbs Arnolſi, Baccij, Giotti, Alberti, Bonaroti, Donatelli, Rauezzani, Annemannati, Taddæ, Stoldi, Londini, Friani typis, Architecturæ regulas, non didicit? Si Statuarum raritatem, quid Dicit, ac Noctis, D. Virginis, Victoriz, Bonaroti opera signis nobilius? Quid eiuldem Septem mundi miraculis admirabilius? Quid Vincentij è Rossis Troia pulcrius? Quid Donatelli Magdalena, Sanctis Georgio, & Marco candidius? Quid Ioannis Bologni Sabina efficacius? Quid Bandinelli Hercule, Caco, Laocoonte industrius? Vt antiquorum Statuas non commemorem, inter quas Platonem, & Aristotelem extolles. At cū picturarum simulacris oculos, & mentē explere volueris, quænam tibi Bronzinus, Alloijs, Barberius, Sartus,

Sartus, Naldinus, Perusinus, Ghirlandatus, Lippus, Poppus, Vasarius, Urbinas, Masuuius, Pantormus, Pollaiolus, Paganus obijcient? Quos in tabulis, parietibusq. aperient thesauros aulae preciosiores? Templorum ibi magnificentia, Hortorum iucunditas, pontium structurae, aquarum perennitates, omnia praeterea quae nobilissimae ciuitatis titulo decorant, quam Carolus Caesar in sollemnibus ostendendam esse praedicabat. Quid? An praestantius aliquid in doctorum ingenijs expetes? Quantum Dante Aligherio, Francisco Petrarca, Marsilio Ficino, quantum Poggio, & Guicciardino illustrissimis viris gloriantur Florentini? At omnes eius patriae enumerem doctos viros? Volumine opus esset. Vnum nostra aetate seruaui, Petrum Victorium (Vettorium sua lingua dixerim) qui & statuis, & picturis, & Florentina fortuna illustrior, maximum Florentiae suis scriptis attulit honorē. Nescio an frequentius ad Sechnuphidem Aegyptij, quam ad Victorium Itali, Galli, Germani venerint, qui ab eius ore optimis disciplinis, Graecisq. & Latinis litteris pleno, ambagum solutiones, veluti oracula expectabant. Cosmo illi maximo, illum inuisenti factus obuiam, ait; *Mirari se tanti numinis aduentu, adium parietes ob reuerentiam loco non dimoueri.* Cum in villa esset rusticis vestibus indutus, succinctus gladiolis ad expurgandas arbores, quidam iuuenes, qui eum adierant, nec in eo habitu cognouerant, percunctati sunt, *Vbinam Victorius esset?* Quibus respondit, *Ipse Victorius adsum.* hisq. illudentibus; *Non creditis (inquit) me esse Victorium? expectate, iam aderit.* Atque digressus, sericea veste ornatus redijt; *En (ait) Victorium.* Quem alloqui volentibus, dixit; *A veste responsum accipiso, cum vestis Victorium demonstrarit.* Scripsit variarum lectionum libros, Latinorum, Graecorumq. auctorum voces, sententiasq. dilucidando; quibus autem dicere Rhodiginis, Calcagninis, Crinitis fuisse clariorem. Marcum Antonium Muretum ad eas quoque conscribendas impulit. Commentaria in Ciceronem, & Aristotelem, Catonem, Varronem, Colummellam, & Cornelium Tacitum. Veterum libros mancos, & corruptos, summa diligentia integros, & emendatos reddere studuit. Bonorum ingenijs

nactus

nactus occasionem semper fauet. Lectionibus publicis in sua patria ad ultimam senectutem vacauit. Eius effigies depicta in æde Montagutorum visitur, habetq. socios Vincentium Borghinum pictorem, & Baccium Baldinum Cosmi Medicum.

Petri Angeli Bargæi.

*Si quem felicem, ac verè statuere beasum
Quicumque expendunt cum ratione bonum;
Ipse ille es certè Victori; nam tua primum
Clarat te veteri nobilitate domus;
Deindè valetudo firmum, vegetumq. senectâ
Tradis, & à puero continuata venit.
Postremò virtus sese tibi pulcra, suasq.
Nixa quibus graditur, sedula pandit oper.
Cetera non referam, quando omnes undique terras
Plurima doctrina sic monumenta tua
Complerunt, ut te quoddam ceu numen ab astris
Delapsum cuncti mente, animoq. colant.
Perge igitur, veterumq. libros, artesq. iuuato
Ingenuas omni qua poses vnus ope.
Perge, inquam, nobisq. aperi quorum aurea magno
Cum damno in tenebris scripta sepulta iacent.
Ipsaq. tot meritis deuincta fatebitur atas,
Nulla vnquam tantum sacra tulisse virum.
Nam si opus Heroum proprium est prodesse futuris,
Atque hominum præsens velle iuuare genus,
Extinctis vitam, lucemq. afferre tenebris
Quis Phæbi, & summi iam negas esse Iouis?*



M. Antonius Muretus.

17



Mnia cū in M. Antonio Mureto summo viro, dicendo, & scribendo, ingenio planè diuino, ad omnes artes aptissimo, seu carmen pangeret, seu solutam orationem texeret ornatissimo laudaueris, illud laudabilius existimato, quòd candidè scribendi regulam, præscriptionemq. à seueritate, qua duritas, & mœstitia orationis efficitur, explodendam, epistola quadam iudicavit. Quid malum ab vno Cicerone, ab vna eiusdem vocula pendere? Venustam, & concinnam orationem quis grauitati asperferit, qui pedem extrà nimis obseruari sermonis limites promouere dubitabit? Omnes ergò Ethnicorum libri abijciantur, comburantur. Vnus viuat Cicero. Viuat Cicero; Princeps est. At cum solo erit Respublica Principe? Nitor ille Ciceronianus plurimus est. Etunt ne aliorum lumina despicienda? Moriar si cum Ciceronè scriberem, quæ morum varietate conficiuntur, temporum vicibus extant, sæculorum cursibus immutantur. Ne sperne, quod Cicero ipse docuit, *Omniū bonarum artium scriptores, ac doctores esse legendos, & peruolandos*. Si quidem variarum epularum apparatu, q̄piparè conditur conuiuium. Adolescentulus Muretus, ea docere incœpit, quæ ea ætate si quis disceret, in summa laude esset ponus. Ducem, & adiutorem studiorum habuit Iulium Cæsarem Scaligerum, qui excellentissimum adolescentis ingenium admirabatur. Luteriam deindè profectus, diuitias animi explicans, orando neuus videbatur Demosthenes exortus. Duodetricesimum annum agens Venerijs Lauredano, Bembo, Contareno, Soriano, Manutio charus vixit. Indè Parauij summa cum suorum studiorum laude commemoratus est. Mox in Galliam cum Hippolyto Cardinali Essensi rediit, cuius suasu in Italiam reuersus, Romæ per annos vnum & viginti, Aristotelis Ethicæ, Ius Ciuile, Platonem, Senecam, Horatium, Tacitum, Ciceronem summa cum studioforum voluptate, & frequentia explicauit.

In

In eo variam eruditionem notat Lipsius, sed comitatem, & leporem, & tam promptam humanitatem, ut raro domus, aut lingua eius cuiquam essent clausa. & nunquam ex eo rediisse affirmat, nisi cum fructu aliquo, & velut doctrinæ spico, quod ex fœcundo illo agro colligebat. In Platonem, & Aristotelem Commentaria inchoauerat. Insignesq. notas in Herodotum, Thucydidem, Xenophontem, Plutarchum, Liuium, Plinium scripserat; sed quas in Tacitum edidit, habemus. Varijs lectionibus sexcentos Græcorum, Latinorumq. locos emendauit, disposuit, enucleauit. Vix credi potest quanto studio orationibus in Catilinam infudarit. Sed quantum delicatoris operæ impenderit Catullianis Commentarijs, ex eorum peritissima lectione studiosi animaduertent. Sacrum Collegium coram Summis Pontificibus orando sæpè decorauit. Gymnasium Romanum, litterarum parente orbauit. Natus est in Gallia, in agro suburbano Lemouici, cui Mureto nomen; patre Iuriconsulto, genere per antiquo, & nobili, qui agrum illum possedit. Sepultus Romæ.

Pinti.

Somnus erat, muros sublato mente videbam,

Et penes ire vaga ductile flumen aqua;

Libethri circum Nymphas ductare choreas;

Et grauem in aurato fornice in esse senem.

Dùm choreas passim exercent: perquiro quis esset:

Ille: erat hic nostri gloria magna chori;

Condendis nouus hic ingens vir natus Athenis:

Hic raro eloquio Tullius alter erat;

Sciscitor & nomen: Muretum vix dedit ore,

Nescio quæ pulcras compta puella comas:

Est subito cepta hac lata euanesceit imago,

Latitia, heu, somni tam breuis esse solet?

Nil mirere, meam si hac lufit imagine mentem:

Dextera erant tanti scripta diserta viri.

Iustus Lipsius.

18



Otius Antiquitatis arbiter, ac perlustrator Lipsius (ne venaticum veterum monumentorum canem appellem) salebrosas variarum rerum quaestiones ita complanauit, ut quae inuia, & inaccessa credebantur, planissima esse reddita incognitorum seipsum antea auctorum obseruationibus quibus usus est, perspicue cognoscamus. Quis enim ante ipsum Sidonios, Apuleios, Arnobios, Cassiodoros, atque alios eius farinae scriptores nouerat? Quis ex ditissimo Cornelij Taciti aetario tantum nouerat diuitiarum comparare? Quis ex Graecis, Latinisque Historicis, Grammaticis, Philosophis, Medicis, Theologis, medullitis penetratis, litterarum Reip. tam consulo providere didicerat? Res quidem varias promit, magnas ostendit, abstrusa patefacit. Politica, quorum sententijs alijs adire astringit, breui, & arguta methodo coarctat. Confusa plerisque videntur, immerito. nihil enim magis distinctum, atque ordinatum. Sed dum affectatam Principum gratiam redolere alij existimant, ab eo genere aberrare quis neget? Nihil Lipsius variorum Auctorum primae classis auctoritatibus, nisi ad Regum virtutes conformandas coniecit, quibus nisi *Monita* addidisset, nequicquam de re Ciuili fuisset loquutus. De Romana militia quis tractauit uberius? Machinas bellicas quam subtili acumine in lucem reuocat? Sed quam purum qui ex altis rupibus cadit liquorem, delicatiori vaseculo tum in multis, tum in libris de Cruce, & Constantia propinauit? Quam placide philosophatur in suo Seneca? Romanam urbem ampliori magnitudine reddidit admirabilem. Amphitheatrum munera exhibet. curiosè, eruditè. Vestalium ignem accendit denuò. At Criticis lectionibus varios Auctores illustrat. Epistolarum voluminibus, quas in Centurias constituit, rem familiarem loquendi formulis, urbanitate, uberimè auget; ut habuerit Belgia virum, quem sibi Principem Europa exposcit, ob multa utilia, quae studiosorum commodo propalauit,

palauit, enucleauit, edocuit. Quid verò (inquiunt æmuli) Lipsiana illa noua, libera, inuistata Latinitas? Eam hercules admiror, si non imitor. quam si imitarer, nihil esset dispendij. Cultus enim est, & reconditarum vocum obseruator, nullius seruituti addictus, foecunditate redundat. Et ne alieni prædij depeculatore quis eum accusaret, suo tantùm peculio viuere studuit, dùm scriptionem sibi peculiarem comparauit, vt diceret,

Mea prada est illa. —

ipseq. dicerem, *non enim hodie peculi nummus non est plumbus.*

Cui homini hodie peculi nummus non est plumbus.

Et suprà vires factum arbitror, vt tenebricoso eorum locorum scribendi generi lumen attulerit, & quasi *monellare* voluerit in Germania, cùm in Italiæ meliore cœlo, & solo profecerit, vt ipse testatur ad Henricum Strauium; ideòq. de Latinæ Linguae pronuntiatione tam disertè disseruit, & tam dilucidè Epistolicas institutiones edocuit. Tria Latinitatis tempora dedit. Puerile, in quo Cicero, & solus Cicero. Crescens, in quo Liuius, Fabius, Curtius, Cæsar, sed leuiter; at cum omni studio Plautus, & Terentius. Et adultum, in quo omne scriptorum genus legatur, præpositis tamen Sallustio, Seneca, & Tacito, quibuscum liberè se quisquam exerat, atque floridè vageretur. *Antiquas verò illas rariores, & prisca vocēs, eloquentiam non facere*, scribit ad lanum Vuouerium; & *quanguam lectionis, aut doctrinæ aliquod specimen præferunt*, tamen iure hanc *κακὴν ἑλπίαν* damnassee, & appellassee Augustum; & videre eos, qui in ea classe ipsam censerent, qui aliquid sale asperserit, vt *salem*; & non superfluere, aut abundare. Eadem de re longius scribit ad Henricum Vucum, aliquid in suis scriptis, vel vetustius fortasse, vel concisius dictum; sed idem excusari, vel erigi, si quo loco, argumento, vel ad quem scriptum sit, videatur. In Criticis antiquioribus vsum, vbi ex professo antiqua tractat. In epistola ad doctum virum, breuius, & cruditiùs scripsisse, & absque vlla affectatione mollia, & vulgaria, vt strictiora, & meliora eodem calami tenore ex impetu exarasse. Quid ergo? Abest Ciceronis elegantia? Abest. Sed cum omnibus scriptoribus est elegans. Et adfunt, intercur-

Prædicationem.

runtq. suauiter lepores, adestq. spiritus, quo viuere, quæ dicuntur huiusmodi perspicimus, vt vita ad lectionem excitet, etsi non omnes delectet forma. Tantùm Lipsius Antiquitati incubuit, qua sine nihil nouum concinnè conditur, qua sine scripta, rudia, & impolita habenda sunt, vt cum rebus ipsis voces quoque eberit, malueritq. aliquid Plautinum Antiquitatis reuerentia sapere, quàm multus scribendo videri. Ist hæc nihili facio. Aestimæ, tantarum rerum molem laboriosissimum hominem fuisse complexum. Christianum virum, Beatæ Virginis deuotioni addictum, Hallensis Virginis historiam prosequutum, qui sterilis cuiusque materiæ argumentum copiosum facere poterat, ab Hæretico quodam iniuste obiurgatum, Anastasius Cochelet Monachus Carmelita pijsimè defendit. Anno 1606. cum pietatis Christianæ testificatione x. Cal. Aprilis, anno ætatis nono, & quinquagesimo ad cælum euolauit.

Francisci Colellij.

*Quis latitat tumulo, num Lipsius? ob dolor, hic est,
 Qui perijt. mundi ò flebile dissidium.
 Quæ pubes? Charitum. Quorum hic est fletus? Olorum
 Aonidum. tumulo quis lacrimatur? Honos.
 Cur tremit Vrna? pauet istum complectier. haustu
 Vitali orbantes qui rapuere? Dei.
 Cur lugent Vates? amissa est Laurea. cur non
 Cinthius in tumulo thura ministrat? obit.
 Quis tandem Lipfi cineres comitatus in vrna est?
 Cinthius, & Pallas unanimi interitu.
 Felix sorte tua, tibi Polus inuidet; at tu
 Tergeminum Sophia contegis Vrna iubar.*



Gaspar Scioppius.



Rancum amicum habeas, vicinum ne habeas, vetus fuit Romanorum verbum, Marcellino teste. At in hoc viro contrà fieri videmus, cum eum Rômani non ciuitate modo donare, sed etiam in patricios allegere, quàm inter Francos Orientales, in quibus natus est, diutius censi

19

maluerunt. Neque id herclè iniuria. Ingenij enim solertia præstat. Præstat moribus, quos è Christiana pietate deductos Stoicæ philosophia (ex qua *ῥώμην καὶ ἰσχὺν ψυχῆς* eruit, & eruditissimo scribendi stylo optimam viuendi rationem instituere conatus est) Zenône, Anrsthene, Platone, Socrate reuocatis, reddidit ornatiore. Tantum porro in ipso propagandæ Catholicæ Fidei, & restituendæ in Germania auitæ pietatis studium, vt non modo totis iàm vndecim annis hæreses concidere, & iugulare sermone, scriptis, & vitæ exemplis conatus fuerit, sed etiam vt Germani Principes, procèrelq. in hæresi sortè potius, quàm vlla sua culpa nati, & educati, liberè Romam accedere permitterentur, & hospitalitate, ac beneuolentia Romanorum mitigarentur, & ad combibendam mutuam ergà Catholicos beneuolentiam imbuerentur, sua deprecatione apud Clementem VIII. P. M. perfecit. Testes in eam rem affero libros, qui pro Ecclesiæ dignitate tuenda, summa cum eius laude efferuntur; De sua ad Ecclesiam migratione, summa cum eius laude efferuntur; De sua ad Ecclesiam migratione, Annotationes in Tertullianum, De Indulgentijs, Commentarium Apologeticum aduersus Aegidium Hunnium, Syntagma de Antichristo, De Iustificatione hominis coràm Deo, Elenchos aduersus Lutheri Religionis auctoritatem, & nonnullos alios eius argumenti lingua Germanica scriptos, quibus multos ex hæresis faucibus ereptos Ecclesiæ conciliaret, Germaniamq. erroribus inquinatam, puram, & nitidam redderet, Syntagma de Cultu, & Honore, quo libro nec cultius quicquam, nec maiore honore dignū legi. Quid Scioppio admirabilius? Quid perditos hominibus vtilius? Quid Lutheranis
magis

magis odiosum, qui quotidianis infidijs eius sanguinem exposcunt? Abditas Philosophiæ latebras penetrauit. In profundissimos disciplinarum gurgites se immerfit. Nihil reconditis Auctoribus expendendis, atque examinandis prætermisit, ut omnia sciuisse, omnia edocuisse, cuncta præ manibus habuisse dignoscatur. Moribus hæc addidit,

*Quæ virtus, & quanta, boni, sit vivere paruo
Discite non inter lances, mensasq. nitentes,
Cum stupet insanis acies fulgoribus, & cum
Acelinis factus animus meliora recusat.*

Eaq. damnat,

*Ego iam intus ero, facite cæna mihi ut ebria sit,
Cænare lepidè, nitidèq. volo* —

Qui priusquam in Italiam veniret, sic totum in Germania bien-
nium exegit, ut integros dies aridus, siccus, ac ieiunus in studen-
do consumeret. Romæ postea hanc instituit rationem, ut carni-
bus, piscibus, ouisq. à mensa in perpetuum proscriberet, & caule
unico, oryza, piro, caseoq. contentus viveret, cæna scito plus-
quam Stoicè adhibita, ieiunio quotidiano addictus; ac ne dimi-
diatam Deo gulam (velut Tertullianus loquitur) immolaret,
continuo aquæ potu mutaret. Lecto cubiculari, non conchyli-
ato peristromate strato, sed duriore, quam habuit Seneca, utitur,
in quo sine vlla culcita asseres, cervicali, duabusq. lodicibus in-
struati, in quo somnus laborum, ac sollicitudinum perfugium ar-
ctior, & ad vitam necessarius oculos petit, ut nihil vrgeat, quod
à contemplando declinet, & in quo mens studiorum vigilijs ex-
citata, ocio, & inutili tranquillitate valeat consopiri. Eaq. vigi-
lantia *emuncta naris* homo tantum nouit, ut sua, atque aliena,
diligentissimè rimetur,

*Prælim enim
noscere alios.*

— Χρησιμώτερον γὰρ ἢ

τὸ γινώσκει τῆς ἄλλης —

Hinc eiusdem Hypobolimæus Scaliger, quo FERDINANDO
Archiduci Austriæ Pseudoscaligerorum fraudes patefacit. Hui?
tantus ne in ea re Scioppius? Et Stoicus homo verecundus, &
parcus in cibis, procax, & prodigus in contumelijs? Hæc dixere
aduer-

aduersarij conspecto libro. Sed ne Seueritatem, obsecro, à Stoicis seiungas. Quid si ambitiosi homines huiusmodi malleis contunduntur? Quid si Iosephi Scaligeri contumacia in tot pios, doctosq. viros, quos turpiter in annotationibus in Eusebium deridet, comprimit, execratur, & singularis arrogantia, qua ad insolentiam, & inanem sui existimationem effertur, sic erat castiganda? IOANNES FABER Bambergensis eruditissimus vir, in rerum simulacris factus ad vnguem, qui vix xxx. annum egressus Vesalium, & Fallopium æmulatus, sedulus naturæ explorator, centena diuersi sexus, & ætatis humana cadauera secuit, cui grata olim posteritas rarum illum suarum observationum Thesaurum debebit, Neapolim à Paulo V. Summo Pont. missus ad varias plantas in Hortos Vaticanos congerendas, dum de Nardo, & Epithymo suam mihi aduersus Iosephum Scaligerum Disputationem typis traditam ostenderet, de clarissimo hoc viro ea retulit, quæ me in maximam admirationem adduxere. Confirmant id Austriaci, Bauari, alijq. magni Principes, qui in maximi momenti negotijs eius opera, & consilio feliciter vtuntur. Prædicant verò illustria, & varij argumenti opera, quibus orbi clarescit. Scripsit enim, & edidit iam inde ab octauo decimo ætatis anno Verisimilium libros quatuor, Promptuarium Romanæ eloquentiæ, cui nihil vnquam simile à quoquam vel cogitatum videtur; Symbola Critica in Plautum, in Apuleium, alia, quæ acumen viri, doctrinam, politissimum iudicium, & candorem perspicuè omnibus declarant.

Pinti.

Dege Quirinali longam sub culmine vitam,

Herculeusq. summa sit labor usque viri.

Christiadum fidei seruito hoc inclyte in æuo;

Mutatis animis gestiat illa tuus.

Tota, lares patrij, stupeat Germania ciuem

Te illa suum, melius te audiat illa suum.

Gaspar es ille, penes quem virtus iuncta Minerva,

Consilioq. iuuant, auxilioq. iuuant;

M m

Gaspar

*Gaspar ex & lingua, & vero munitus in Hydram
Rumpere qui potes: at qui ex modo, Gaspar eris.*

Ioannes Kircmannus.

30



Villa de re differentes doctos viros libentius
audiui, quàm de Gentium funeribus; nihil
enim in tota Antiquitate curiosius existimaui.
De *Humatione* multa ignorabam. De *Combustione*
in varias ferebar opiniones. Verebar
ut à Græcis uterque mos deflueret, vel à trium
Philosophorum dogmatibus. Nam Heraclitus Combustionem
proposuit, quòd omnia ex igne constare dicebat; Thales huma-
tionem, ut corpora humore resolverentur, ex quo omnia pro-
creari arbitrabatur; & Democritus in melle seruanda affirmabat,
quæ sic reuiuiscere posse pollicebatur. Ignorabam an Romani
ex Græcis exemplum sumpserint; nec constabat quo pacto in ro-
gum cadauer cum lecto collocatum comburebatur, quo pacto
legerentur ossa, seruarentur cineres; nescio quid de lino Asbisti-
no, vel Indico in mentem venerat, quo comburi corpora pleri-
que tam verè affirmabant, ut vel etiam credidissent nauibus one-
rarijs opus fuisse, ut comportaretur ad tot corpora comburenda.
Multaq; alia ad quæ ediscenda multorum annorum vsuram con-
tulisse. Cùm ecce tibi eruditum opus, à Ioanne Kircmanno
Lubrecensi elaboratum accepimus, qui fortasse aspernatur Por-
cachi exiles in ea materie labores (sed plurimi faciendos, quòd
primus in Arenam descendit) vberius absoluit, quæ ille ieiunus
inchoauit. Nihil est, quod amplius desideres. Ex optimis qui-
busque Latinis, Græcisq; Auctoribus, effosis cœmentis, nobi-
lissimum sepulcrorum ædificium condidit. Habes itaque indi-
cua, tacita, vulgaria, plebeia, translata, censoria, triumphalia
funera; oscula, lotionem, vincturam, vestitum, coronas, le-
ctum, conclamationem, elationem, cantus, tubas, tibias, ænia
ludos, imagines, pheretra, lacertationes, conuiuia, crines, digitos
abscissos,

abscissos, insignia, orationes, pyras, decurſionem, maſtationem; ſepulcrorum loca, munera, odores, δῶρα, ψυχᾶν ἄγχιον, Leges, Præficam, urnas, pacis precationem, Oſilegia, ſepulcrorum rationem, diuiſionem, περιχομιδὴν, ſimulacra, emblemata, elogia, relligionem, violationis pœnam, parentationes, Feralia, Nouemdia, Denicalia, victimas, menſas, aras, inferias, vnguenta, vel χοαί, Arferiam aquam, vel Arferial, aut Adferial, vt in Gloſſis, quam Græci χθονία λυτὰ dixere, vinum, lac, & ſanguinem, flores tœnias, ſilicernia, Manes, ferales cibos, cuncta præterea, quæ cùm in libris, aut in lapidibus legeris, in Nomiſmatibus inſpexeris, in eorum notiitiæ cupiditatem te impellere poſſe videbantur. Breui ſcies. Callebis optimè; & multa quæ in Poëtis præſertim legendis præterieras, diligentius cum hac lectione animaduertes.

Auctoris.

*Triftia cum lacrimis, extinctis, funera præbes,
Perfundisq. ſacros, maſte, liquore Rogos.
Viue ſic diſcis, vaſto ſic labier Orco
Credis & inuerſas dùm regis arte vices.
Nenia das cunctis; laudes tibi quaris. & urnis
Corpora dùm ſeruas, te domus alta teget.*

Guidus Pancirolus.



Am indè à Theodoſij Imperatoris ætate aureus liber latuit, quo nec vtilior, nec curioſior multis ab hinc ſæculis in lucem prodijt. *Dignitatum Orientalis, & Occidentalis Romani Imperij Notitia* inſcribitur. Auctor ignoratur. Sed is quidem pietate inſignis, qui antiquarum rerum memoriam, & Romani nominis maiestatem, hoc quoque libro ſeruandam propoſuit. Inſcribant auctoris nomen Romani, quorum res agitur. Romanæ urbis Principum diuitiæ, robur, præſidia, diuiones, magiſtratus, magnitudo, in eo conti-

20

M m 2 nentur.

nentur. Inscribebant Iurisperiti, cùm omne ferè ius Ciuile Magistratum, & officiorum nominibus explicet. Inscribebant militum Duces, quorum symbola militaris disciplinæ occulta, sed præclara ornamenta demonstrant. Quis enim antea nouerat Aquilam in Herculanis, Rotam in Pannonicianis, Dracones in Celtis, Aprum in Batauis, & Ascaris, Crucem in Matthijacis, & Secundanis, Regem, aut Solem in Felicibus, Canem in Marcomannis, Leporem in Constantijs, Leonem in Thracibus, Nodum in Primanis, Coruos in Constantinianis? Quis in Equitibus, Serpentem in Honorianis, Lunam in Saggittarijs, Vrsos in Mauris, & Honorianis? Quis horum rationem nosset, cùm prius in antiquis sculpta monumentis vidisset? Inscribebant Historici, quorum plerisque ignotos locos Notitia dilucidat, quod in Marcellino potissimum, Suetonio, Tacito, Suida, Nicephoro, Cedreno animaduertemus. An tot Inscriptiones ei debentur, quot in memorijs, atque libellis Magistri Scriniarum notabant, quot in Laterculis Primicerij exhibebant? An tot, inquam, quot Prouinciarum limitibus nomina cohortium describebantur? Hæc omnia libri huius referunt honores. Sed retulit illustrius Guidus Pancirolus olim in Patauino Gymnasio Legum interpres Primarius, eximia laude in hisce lucubrationibus dignus. Nullam Legem non eius auxilio indigere iudicabis. Nihil esse in Antiquitate reconditum, quod non sit huius opera omnibus iudicij expositum, & egregiè perpolitum intelliges. Quod si Corpori ciuili explicando tota vita insudasset, nullam maiorem gloriam adeptus esset ea quam ex his in Notitiam Commentarijs comparauit; quæ si quispiam studiosè legerit, ea ediscet, quæ prorsus ad hæc vsque tempora fuerunt ignorata; habes enim præter ea, quæ diximus, Panciroli sudoribus ex obscuritate, & tenebris mira lætionis varietate, & Iurisprudentiæ disciplina hæc omnia dilucida; Publicum Veredorum cursum, & Angariarum ordinem, Legionariorum militum nomina, eosdemque multis Orbis locis dispositos, ministrorum salaria, pompam, dignitates. Quid exactius? Ipsas habes Principum vestes, gemmas, aurea, & argentea vasa, Largitionum libros, & signatæ pecuniæ, vel

vel in argenti massa conditæ monumenta. Varia quis antea Magisteria in militia sciebat? Quis Præfectorum, Vicariorum, Proconsulorum, Comitum, & Consularium iurisdictionem; quis armorum fabricas, præsidia limitum, cohortium classes non ignorabat? Nec dicas fictum fuisse opus Notitiæ, aut suppositum. Pancirolus doctissime locos conciliat, verumq. Iuris, & præstantium Historicorum testimonium affert.

Franciscus Pola Veronensis.

*Ergò insperato tandem candore positam
Notitiam Gemini Imperij spectamus ouantes
Romulidumq. iuuat, nec non Byzantia regna
Partibus è cunctis manifesta in luce tueri
Qua fuerint orbes olim, qua castra vel arces
Quæque Magistratus ferrent insignia, nunquam
Intellecta prius, nigrisq. obducta tenebris?
Te sequor ò te sancte senex; tua numina adoro
Pancirole ingens; ne me aspernare colem.*

Torquatus Tassus, & Ludouicus Ariostus.



Vem cernis (quisquis es) procera statura virum, luscis oculis, sublauro capillo, tristi fronte, cogitabundum, inter Christianas phalanges arma barbarica phaleratis carminibus tractantem, Torquatus est, Bernardo patre, ex quo, & coniuge ex familia Russa, nobili genere Surrenti genitus est,

22 33

& Neapoli educatus, tantò nobilior litterarum fama euasit, quantò inter Ferdinandi Sanseuerini Principis Aulicos, ipse scribendo habitus est excellentior. Torquatus est, nouæ scriptorum militiæ Imperator eximius, qui Heroicam dignitatem, quæ in Homero primùm, deindè in Virgilio desierat, noua disciplina, omnium

omnium gentium plausu restituit. Armauerat se profectò splendide, & leuerionis dætrinx acie constituta delicatum sermonem Primipilum obijciens, qui nec

----- *in hora sæpè ducentos*

Vt magnum, versua dictabat stans pede in uno.

& qui nec imitaretur vsquam

----- *conclusas hircinis follibus auras*

Vsq̃ue laborantes dùm ferrum molliat ignis,

nec peregrinas, exoletasq̃. dictiones, sed ex genuino fonte depromptas inucheret, omnemq̃. Musarum suauitatem introduceret, nemine concurrente, Ludouicum Ariostum strenuum Ducem laceffuit, qui post sui temporis incultos scriptores, primus cultiori stylo scriptor prædicabatur. Quid? Torquatus dices *minimo digito prouocasse* Ludouicum? Prouocauit, contempsit, victoriam sibi prænuñciauit. At cùm manus conseruere, neuter succubuit. Rudem illam carminum, operumq̃. congeriem, quam antiquiores Itali in medium protulerant, exacto vt ea ferebat ætas, scribendi genere Ludouicus perpoliuit. Eum Torquatus ità sibi imitandum proposuit, vt *ἐν τῷ ἴπῳ* magis *ἡρωϊκῶτα* se præberet; & *ἐν τῷ ποιῶν*, rectius fingeret, & imitaretur, si tamen illud sic concederem; vt *δραματικὰ μῦθους* iure ab eo factas (qua in re vnus Homerus laudatur ab Aristotele) & *δὲ ὁρῶντας* in communi conuictu Critici censuerint illustriùs à Ludouico fuisse introductos. Huiusmodi, inquam, sibi imitandum proposuit, vt puriora ex Italo idiomate deduceret, tenuesq̃. & exiguas aliquot voces, grandiori sermone ex Latinorum Poëtarum officina deprompto, redderet clariore. Torquatus, intrà sacræ suæ historiæ cancellos, prophanis interiectis Episodijs, se continuit; Ludouicus, apertissimū Fabulæ campum, allegoriarum, rerumq̃. admirabili varietate peragravit. Aliena cautiùs Torquatus seruauit; sua liberaliter Ludouicus profudit; dùm enim ille auidius traducit, hic suam Mineruam liberaliter excolit, atque exornat. In illo concinnitas; in hoc maiestas elucet. Illum, ornata; hunc, copiosa supellectilis diuitem ostentauit. Militem si descripserit Torquatus, nobilem sanè militem, nitidumq̃. proponit; quem

Ludo-

Ludouicus militaribus laboribus affuetum, puluere aliquandò sordidum patefacit. Mulieris ille venustatem dùm ob oculos ponit, omnes Cupidinum artes, omnesq. Veneres adpingit, varijs leporibus circumfusas; hic autem absque fuco, simplici ornameto, naturali penicillo colorat. Quòd si ad hominum mores Ludouicus etiam Satyra clauit; Torquatus Ethicam Philosophiam Dialogorum alloquutionibus illustrauit. Pastoralibus, atque Tragicis imbutum, nitidiore socco, aut nobiliore cothurno indutum Torquatum dices? Quid Ludouici Comœdias non producis? Ecquid, si ea quoque ipsum scripsisse dixerimus, quæ in lucem non prodierint? Aut quis neget tanto virum ingenio, quicquid voluisset fuisse conscripturum, & feliciorem existimandum, si hæc æuo scripsisset, qui mores mutauit, ad nouas rerum semitas deflexit, & quiddam priore ætate inopinatum conquisiuit? Ambo igitur Italorum gloria, ambo florentes, ambo Estensium Principum deliciae. Atque in hoc omnino pares, quòd alter à Carolo V. summo Imperatore, alter à Clemente VIII. Summo Pontifice, laurea fuerit decoratus. Qui cum Homero, & Virgilio Torquatum conferunt, ea ne altius hyperbolicè reperant, quæ ab hoc sæculo longè sunt aliena. Vix Homerum attingit Torquatus, qui actiones, non sententias eius Linguae ignarus, nosse confitebatur. Et dùm Virgilium vertit, à quo gravitatem, describendi methodum, poëticos spiritus elicit, magistrum non æqualem habere patiatur. Inter nostros eò prouectus est, quò quispiam eum ea dignitate vix profectò accedet. Si quis iniuste ea de re litigauerit, Marsyam ad forum, adeat. Laudent Torquatum, & efferant, summum virum, Poëticae rei restauratorem, sed non temerarium faciant. Displicet sanè quòd non ardet adhuc *Ombos, & Tentyra*; & disceptationes, & æternæ argumentationes conquievere; nec

Inter finitimos vetus, atque antiqua simulas.
nec vicinia,

----- *solos credat habendos*
Esse Deos, quos ipsa colit -----

Alexandri

Alexandri Rinuini.

*Non hic effusis Elegeia mæsta capillis
 Immatura canit lasciuï fata Tibulli,
 Non Siculo extinctus ploratur carmine Daphnii,
 Sed quibus æterno semper dignissimus ævo
 Limina cum liquit vitæ diuinus Homerus,
 Argolicas quondam completis vocibus vrbes
 Aonides magnum mecum celebrate Poetam;
 Sic quoque ploratus Tyrrheno in littore vobis,
 Dùm triste alternat carmen mæstissima Syren,
 Ausonium decus ille Maro, qui seruidus ævo
 Syluestrem Tityrum, & moderantes arua colonos,
 Mox Phrygium cecinit Regem, quæ bella Latinis
 Intulit, ut sauum strauit certamine Turnum;
 Haud secus Etrusca Tassus noua gloria linguae
 Et teneros primùm calamos, & lussit amores,
 (Quis non blandè tuas miratur Amynta querelas?)
 Hesperias exindè acies, sacrosq. labores,
 Et canit Assyrijs exauisita pericula in oris
 Sanguine dùm multo petitur sanctissima tellus.
 Tu casus renouare pios, tu nomina mille
 Erepta è tenebris ingentem Tasse virorum
 Instaurare potes, per te gratissima cælo
 Christiadam virtus nostras celebrata per oras
 Gentibus insolitum inspirat pietatis amorem.*



Ludouicus

Ludouicus Casteluetrus, & Annibal Carus.



Xitiale bellum à Romanæ Academiæ Fœcialibus Ludouico Casteluetro, Annibale Caro iubente, indictum est. Quid causæ? Ardet ne Ilium? Raptæne est Helena? An,

24 25

---- μάλα πολλά μεταξὺ,

Οὐρίατε σκιοῖντα, θάλασάτε ἡχίτασα?

--valde mul-
ti, montesq.
ombrefi inter
medij sunt,
mareq. respo-
nans

Nihil horum. Sed rideas. Verebatur Casteluetrus ne aut Lili-
orum umbra Musis obesset; aut non tam patulè eos flores luxu-
riaturos, ut eas opacare valuissent. Umbratile profectò, & molle
studium, quo nervum omnis poëtices elidebat. Id ne solidum,
atque germanum in ea re cōtentionis genus? An nescimus Poë-
tas veluti pictores in umbris ea collocare, quæ quis in eminencia
spectare desideraret? Effigiem vllam nisi in Allegoria poëtica
rei tenemus expressam; eaq. fortasse ementiri iudicamur, quæ
Scena varijs frondibus, Theatrum velis, Dictio figuris adum-
brat, tàm præcipuè in Lyricis; malè enim cum Horatio actum
esset, qui *lubricum* mulieris *vultum* dixit. habet nè strata via-
rum mulierum facies? nec sanæ mentis fuisset cùm diceret,

----- quicquid habes, agè

Depone tutis auribus ----

non suffecissent Midæ aures; nec Quercuum aures, quas arbores
eadem allegoria *auritas* nominat. Quodq. ad propositam ma-
teriem propius accedit, si Fama velut arbor cresceret,

Crescit occulto velut arbor æuo

Fama Marcelli ----

ad quam ea proceritatem pullularet? sed grandiore dicit Vir-
gilius,

Ingrediturq. solo, & caput inter nubila condit.

Sed sic habeto. Pythagoras cùm μετεμύχουσιν effinxit, Ludoui-
cum in Aristotelem, & hunc in Ludouicum transmigraturum
auguratus est. Quis Casteluetro Aristotelior? & cui nam carior

N n

Atisto-

Aristoteles? Quis enim ex eius Poëtica fructus decerpitur, cum quispian deurato Auctore,

----- in versu faciendo

Sapè caput scaberet, viuos & roderet ungues?

Ergo ne præcepta traditurus, artis vtilitatem percipiet, si eius thesauris fruatur oculis, nec dabitur vsus? Laudabis fortasse mella, cum non gustaueris fauos? quod si facies, quàm laudabis ineptius? Quid medullam Suadæ quempiam dixeris, quem durum, nunquàm limatiora effundentem audimus? Sed

--- πῶς με ἔπας φύγει ἔπος ἐδόντων;

— quale mibi
verbum fugit
ex sepro den-
tium?

limatiora non effudisse ais Casteluëtrum, qui nunquam ad bonarum litterarum mammas labra admouit, ex quibus purissimus lactis imber non effluerit? Incesto doctissimum virum ore non lacerò; sed hæc illa infelix transanimatio est; neminem arbitrari de arte poëtica cultius loquutum, & nullum poëtices monumetum posteris reliquisse; quasi verò quis bellus verborum sit Architectus, & non ædificij; & aliquem rectè eam artem docturum dicamus, qui decempedem non tractauit. Nec Horatiano exemplo nitor, qui cum nec Comœdiam, nec Tragœdiam scripserit, de ijs optimè docuisse profitetur,

----- ego fungar vice cotis, acutum

Reddere quæ ferrum valet, exors ipse secandi.

Quid enim coti, & ferro? Quid imagini, & pictori? Pictor Homerus, & Euripides; Imago Cicero, qui eos laudat. Et picturæ vitia, quis nisi pictor norit? An verò idem non contigit Aristoteli? Hoc reliquum eius scholæ sectatoribus; oblatrare, mordere acrius, criticè in aliorum scripta, & cum liuore inuehere, nec vsquam in Regnis litterarum, quæ sibi effingunt, argumentum aliquod aliorum iudicijs examinandum in medium proferre. Sed heus tu, qui

----- naso suspendis adunco

Ignotos -----

& *Egregio inspersos reprehendis corpore nauios,*
quæ scribis, quæ iactas, quæ balbutis, insulsa sunt, neque bona palato Epicurus iudicat. Et quæ salsa arbitraris, & velut condita

condita fercula degustanda apponis,

Quasi salsa muratica esse autumantur,

Sine omni lepore, & sine suauitate.

Satis Casteluetro factum arbitror, si aliorum carmina, ad quæ natus non erat, reiectis. Sphyngebis, & cauillis, qui modestis viris displicent, probauerit; si ex bonis auctoribus ea elicerit, quæ ad humaniores litteras faciunt, quas profectò calluit. Sed dum acumen, & pompam cum specie, & dignitate remotarum rerum indagatione præferret, meminerit rebus Sibylla indigētibus non vti, & in traducendo esse accuratiore; Græci enim sermonis vim, vulgari idiomate exprimere, *ad vñ*. Eosq. Annibali Caro honores deferat, quos nitido, cultoq. scribendi genere præclaris quibusque Academicis recepto, & sua scribēdo, quæ varia proferruntur, & aliena vertendo, in quibus excelluit, veluti in Virgiliano poemate cognouimus, comparauit. Quisq. dando muniticus, & in exigendo non acerbus esto. Commentarios in Petrarcam, & Poeticam Aristotelis cautiùs legito; sic Catholica Ecclesia iubente.

Pinti.

Quem animis, aut igne ferox, quoue ariete, Vitri,

CARE, tui castella petis? non igne, nec armis,

Sed qua est, aut flamma, aut quauis truculentior hasta,

Vi lingua. quibus hac veniunt certamina caussis?

Non ita in Oenotrias Pænus Dux ruperat oras,

Regnandi cupidus, lecto ferus Annibal hosti,

Antiquam natus Romanam euertere gentem.

Damna feres? tanta ne animis sapientibus ira?

En age, CARE, tuos motus compesce furentes:

Sum memor: exiliis te iniuria percitat; alba,

Aurea vel, nemo fregit tua Lilia Regis:

Integra visuntur magnis laudata Camænis,

Docte Poëta, tuis: hostis simul integra Vitri

Sunt Castella tui: vos sædus pangere utrinque

Fas erit; & pulcro capiantur Lilia Vitro;

Nn 2 Vitrea

*Vitrea sic Adamas veluti Castella manebunt ;
Sic tua perpetuò fragrabunt Lilia Vere .*

Antonius Epicurus .

26



Ec multarum virtutum claritate nobilis Antonius Epicurus in Samnitibus apud Marfos honestissimis parentibus ortus, in hoc templo iacebit inglorius, cuius Sepulcrum Bernardinus Rota Musarum studijs, & ingenuæ disciplinæ societate, in D. Claræ amplissimo templo Neapoli illustravit. Sodalem, amicum, ducem præterea appellauit Rota in Elegijs,

*Quæris ut Herculeæ fatum lacrimabile Nympha
Sit noua nunc chartis fabula picta meis ;
Est, EPICVRE, nefas tam chari iussa sodalis
Spernere, sancta iubet lex ita amicitia .
Te ducē virginis prima ora admoimus undis,
Vidimus & sacrum relligione nemus .
Te ducē, Castalium pueri penetrauimus antrum ,
Capimus & tenuis tangere fila lyra .*

Quid optimi, splendidissimiq. ingenij non assequitur industria, dum cœli pleniorē naturam cum tenui, & pura commutando, vel retusa, atque hebes acies acuitur, qua nihil feracius doctrinarum varietate exculta, redditur? Diuertit litteris vacaturus Antonius ad Rotam, à quo viginti ferè annos familiarissimè, & liberaliter acceptus est, cuius laudibus docti viri virtus, quæ intrā parietes delitescēbat, in summorum Procerum cognitionem, & beneuolētiā se emerit, tū præcipuè cum Carolo Quinto ex Africa feliciter redeunti, Arcuum, & Trophæorum apparatus, ciuium lætitia, publicæ hilaritatis significationibus, symbola, inscriptiones, epigrammata essent dedicanda, ad quæ cum natura genitus, & conformatus videretur, verborum, & sententiarum raritate, huiusmodi placuit, vt Fortunæ initium, summorum virorum Vallij Marchionis, & Salernitanorum Principis volun-

tatē

tate coeperit propagari. Ideò Cæsari ab iisdem commendatus, Secretarius, & Portulanus (quem dicunt) effectus est. Plenus mox fortunarum Iuliam Datam vxorem sibi coniunxit, ex qua susceptis liberis, & extincto mare Scipione, qui ad vltimos eius annos superuixerat, tanto dolore afflictus est, vt confecta, exactaq. octoginta annorum ætas, licet exercitatione assidua, robusta, perpetua post eius obitum ægritudine effluerit. Sic Rota pro Epicuro eidem soluit inferias,

Quas tu debueras lacrimas mihi nate parenti

Qua iuuenis misero soluere iusta seni,

Hæc tibi fatorum non aqua lege paraui

Infelix simulacrum, umbraq. mæsta pater,

Et quando semper tecum tua viuet imago,

Sit tibi pro tumulo mens, animusq. patris.

Ex ijs quæ scripsit, Cæcilia solum Tragicomœdia viuit; in qua stylus deest, & candida elocutio, quamuis doctis, cultisq. spiritibus scateat. Hoc linguarum incommodum ea ferebat ætas; & tempori tribuendum est, quod aptius desiderares. Ex chartulis, & schedis, quæ reliqua fuerant, multa quis posset elicere, nisi viuitatis dolore deperdita, in sacrilegas manus deuenissent.

Bernardini Rotæ.

Tu ne, Epicure, iaces anima pars optima nostra;

Tu ne iaces Charitum, Pieridumq. decus;

Vsq. adeò immis seuis lex improba Fasi;

Vsq. adeò in magnos mors furit atra viros;

Tu poteras blanda fatales voce sorores

Flectere, præcipientes tu cohibere manus;

Et tamen ipse siles nigroleuii umbra sepulcro,

Nec Vatem Charites, Pieridesq. iuuant.

Debuerat laniata sinum, crinemq. soluta

Surripere è medio Calliopeia rogo.

Ipsa tibi æternas felicia pocula lymphas

Præbuis, & vellet fersa dedisse tibi;

Qua

*Qua magni crines olim cinxere Maronis ,
 Quæq. Tibulle tuos, quæq. Petrarca tuos.
 Te moriente sacri Permessi exaruit unda,
 Excussit Laurus te moriente comas .
 Dissiluit summo Parnassus vertice, & atra
 Nube suum obduxit te moriente nemus .
 Tum Phæbus citharam perfregit pectine verso,
 Tum cecidis capiti Laurus amata suo .
 Solus abis, solus montes, silvasq. pererrat,
 Flebilibusq. mouet saxa, ferasq. modis
 Non tantum Eridani cùm flagrauere salicula
 Defleunt nati tristia fata sui .
 Infelix Phaëton animosis perdisce cæptis
 Quid malè caute petis ? cur tibi fata paras ?
 Metiri poteras annos, viresq. animosq.
 Aequa humeris aptet pondera quisque suis.
 At nos exemplum miseret terrere ruina
 Debuis, & poteram, non tamen abstinui.*

Bernardinus Rota.

37



Vid in Bernardino Rota potissimum laudem,
 generis, an virtutis nobilitatem ? Vtraque
 præcipua est; sed genus efferam, quibus ma-
 iores cogniti fuere, qui Antonium patrem
 norunt quatuor Aragonensium Regum Nea-
 politanorum, Ferdinandi primi, Alfonsi se-
 cundi, Ferdinandi secundi, & Federici fami-
 liaritate, muneribus, legationibus percelebræ. Quo studio Ferdi-
 nandus II. Carolo VIII. Regnum inuadente, sequutus est? Qua
 in alumnum (sic enim in diplomatibus, præter Cameræ Præsi-
 dem, & Consiliarium appellauit) qua in optimum militem ani-
 mi propensione, recuperata Neapoli, de parta victoria certio-
 rem fecit ? Quid superiores Reges commemorem, quorum splendo-
 ribus

ribus huiſce viri maiores elucent? Nicolao militi Carolus ſecundus Caſtrum Rotum reſtituit. In Samnitibus Rinaldo, Goffredo, & Gulielmo Robertus Rex oppidi auri iura concedit. Carolo Illuſtri Riccardus inter Regulos, qui Cupertini Comitatum poſſidebāt, milites obtulit; veluti Lancelottus, Riccardus, & Andreas Riczacorni oppidi, & Riccardus, Robertuſq. fratres oppidi Roti in Lucania militari ſubſidio potiebantur. Quantum alter Robertus clauit, qui in Etruriam cum Calabria Duce inter ceteros inſignes viros proſectus eſt? Quænam idem à Ioanna prima non eſt aſſequutus, cum Riccardus natu maior ei litem intuliſſet, cuius æſtimatio à Roberto Sanſeuerino Cambellano facta eſt? Quòd ſi recensiora notentur in hiſtorijs, en tibi Ioannem Rotam, qui arci Tropeenſi præſectus, quam Ludouicus Andegauenſis obſederat, deditiõnem eiꝰſmodi facere ſtatuit, vt niſi viginti dierum ſpatio, datis obſidibus, Alfonſus Rex opem ferret, ſeipſum, filios, arcemq. dederet. Quæ cum Rex reſciſſet, claſſe in Calabria ex Sardinia contēdit. Cum verò maris æſtus fuiſſet impedimento quo minꝰ milites è nauibus deſcenderent, deditiõne facta, in Siciliam nauigauit. Antonij filij Ioannes Baptiſta ad Rauennam pro Rege Catholico nauiter pugnando occubuit; Ioannes Franciſcus in Valdimontiana obſidione cecidit, cuiꝰ gloriæ Carolus Cæſar, & Hugo Moncada Regni Vicarius teſtimonium publicè dixere, dùm captiuꝰ factꝰ eſſet in eadem obſidione Alfonſus, qui prætereà in ea quam Lautreccus concitauit, & ad Tunetum apud Cæſarem ſtipendia meruit. An Bernardinus à militari diſciplina abſuit, qui in iſſdem obſidionibus, & in Florentina, ſuam Regibus operam nauauit, vt meritò S. Iacobi militiæ decore fuerit inſignitus, & meritò titulorum honores in familiam, domũq. euocaſſet, ni mors inuida præripuiſſet? Stemma hoc præfulgidum, in eiꝰ virtutibus demꝰ enituit. Optimis diſciplinis inſtitutus, Poeticem amplexus, vtraque lingua floruit. Tibullum in Elegijs, in epigrammatibus Catullum dixere, quibus Heroica grauitate antiquos omnes æquauit; figuris ornatus, renidens floribus, gratia, & iucunditate lepidus, ſaluſ, atque eruditus, affectibus admirandus, quibus lectiſſi-

mam, specie, & pudicitia præstantem Portiam Capiciam vxorem, aut versibus explicatis, aut marmore sculptis, cantauit, amauit, immortalitate donauit. Picturam mirificè excoluit. Rerum antiquarum monumenta vndiquè conquisiuit, domumq. orna- uit, & appositis omnibus institutis, Antonio primogenito, & Ioanne Baptista heredibus virtutis, & nobilitatis superstitibus, in cælum euolauit.

Dionysij Athanasij.

*In noua mutari quicumque haud corpore formas
Posse putas, Vatem perlegat ille Rotam.
Inq. ipsum inueniet mutatos quatuor unum
Tecum Flacco Albi, te Valeri, atque Maro
Hisq. duos addet, te dulcis nempe Terenti
Arbitrè Etrusca, teq. Petrarca Lyra;
O mirum, & nulli credendum; corpore in uno
Illustres unà viuere sex animas.*

Pauli Manutij.

*Felix, cui licuit pleno bibere ore liquorem
Pegaseum, & magnis Vatibus ire ducem.
Ingenium, nomenq. suum ROTA candide, & artes
Fama coloratos ducet ad Aethyopas;
Ducet & ad Morinos, Lelegas, piæsq. Gelonos,
Et quæ Ripheis nix iacet alta iugis;
Et quæ Sol radijs rutilum caput exeris, & quæ
Cæruleo labens conditur Oceano.
Seraq. mors gelido cum clauseris ossa sepulcro
Nom tua Lethæis nomina merget aquis.*



Paulus

Paulus Manuccius.



28

Onæ Latinitatis amator Paulus Manuccius, à splendido, & magnifico orationis genere abesse visus est, dùm ab humili Epistolarum stylo non discessit. In ea tamen humilitate grandior effectus est, cùm deuorato Cicerone, nihil exprimat, quod ornatam non redoleat eloquentiam, in qua nihil ipso candidius, nihil cultius est, ut omnibus, qui sua ætate viuebant, puritate, & obseruantia antecesserit. Quæ de Antiquitate duorum Ecclesiæ, & litterarum luminum Bembi, & Maffei Cardinalium monitu ex omnibus veterum monumentis omni studio collecta pertractauit, Hyppolito Estensi Romano quoque Principi dicata (summorum enim tunc virorum sæculum vivebat à Leone X. Laurentij patris vestigia imitato, introductum) sapiunt profectò Romanæ sapientiæ dignitatem. Et quamuis Sigonio, in ea re conscribenda, palmam alij tribuerint, qui omnem Urbis molem veneranda tractatione complexus est; digna nihilominus sunt, quæ Paulus de Legibus scripsit, ut inter nobiliora de Antiquitate scripta numeretur, tum præsertim cùm stylo magis florido fuerint exarata. Sed veluti doctissimis illis viris debuit Italia, ex qua translata barbariem depulerant; ita & Manuccio semper debebit, qui ab eruditissimo patre edoctus, emendatissimis typis, tot volumina imprimenda studiosorum commodo curarit.

Pinti.

*Quis iacet hic? Paullus, gentis decus ille Manuæ,
Adriaci cunas cui maris ora dedit.*

*Quem ciues longum debent lugere Quirini,
Et lingua excultum turba Latina virum,
Scribenti huic Cicero, Cicero fuit ore loquenti;
Quin scriptis dele nomen: erit Cicero.*

*Ergo hic aut illum desce, aut monumenta legenda
Sæpe tua, illius docta, capeffe manu.*

O o

Carolus

Carolus Sigonius.

29



D conscribendam historiam natus Carolus Sigonius, humana, atque diuina sectatus, antiquorum scripta accuratissimis laboribus dilucidauit, atque ita, ut inter Romanos Historicos, primas videatur partes agere, cum de Fastis, Triumphisq. narratio proponitur, qua in re omnium auctorum consonantia veritatis explicator, & defensor effectus, quantum Patavio Liuius, tantum ipse Mutinae adeptus est dignitatis. Quid si dicerem Romanos omnes huic viro tantum debere, ut qui sint, quo nomine appellentur, quibus facti fuerint familijs illustres, quo iure vixerint, quibus Colonijs, & Municipijs praeuerint, quas dederint Leges, quibus Comitibus Magistratus pronunciarint, ab vno Sigonio sciant? At alios, qui de iisdem rebus scripsere despicias? Laudo in primis, tantum abest, ut despiciam: Sed nemo dilucidius, nemo germanius Sigonio scripsit. Eius clarissimis monumentis testata est, consignataq. Antiquitas; & ab vltima antiquitate eius studio res repetitas amplectimur, atque amamus. Quid posteriora debent illi tempora, quibus cum ferè nullus extiterit rerum gestarum Auctor, è densis tenebris manuscriptorum Codicum, diplomatum (licet in summa barbarie ea fuerint constituta, & carie consumpta) memorias eruens, Occidentale, atque Orientale Imperium, Graecorum factis, Longobardorum, Gotthorum, aliarumq. barbararum nationum bellis, & dominio, certis confectis Annalibus, in quibus nec mendosior; nec ambiciosior ab vilo dijudicari potest, fecerit notiora? Lucubrationibus, quas multas meditatatas consilio dixeris, quid rebus Ecclesiasticis non attulit utilitatis? Hanc vnam sibi laudem peperisse, cuncti felicissimum non fatebuntur? At deflorauit alios. Quid si deflorando, dulcissimum liquorem confecerit? Obijcies fortasse Robortellum? Amicitiam censurae, veritatem subtilitati, ne dicam liuori antepone debuisse. Sed ad Disputationes Patavinas te reijcio. Habuit Petrum Nannium

Alcma-

Alcmarianum aduersus eundem Robortellum, Cornelium Furium, Andream Alciatum, Vincentium Madium, Petrum Victorium, Franciscum Patricium, commilitones, qui vno ore immodestum, & petulantem accusarunt. Eius Ephemerides nihilifecit Sigonius. Quin eius diſteria riſit, cùm ex Patauino cum Gymnaſio expellere cogitabat. Tunc doctrinæ, & ingenij teſtes habuit locupletiffimos Onuphrium Panuinum, qui Sigonij auxilio ſuos Faſtos confeſſiſſe affirmat; Gulielmum Xylandrum, qui virum longè doctiſſimum, & exactiſſimæ diligentiaſ vocat; Franciſcum Balduinum, Antonium Auguſtinum, Franciſcum Fabricium, qui ſummis laudibus dignum prædicant; Ioannem Baptiſtam Pignam, qui ſumma litterarum cognitione præditum, & ſtudio Patriciorum Venetorum digniſſimum dicit. Cùm Nicolao Gruchio diſputationes habuit de Binis Comitijſ, & lege Curiata. Vitam, & res geſtas Scipionis Aemiliani conſcripſit. Hebræorum Rempublicam dilucidauit, quos etiam cum ſacra Hiſtoria Sulpitij Seueri coniunxit. Græcas, Latinaſq. litteras Patauij profeſſus eſt. Decianum habuit, & Romulum Amaſæum contemporaneos, & collegas.

Cafimiri Accurſij.

*Sigoni pater eruditionis
Atque idem Italia decus perenne,
Laudes qui innumeras tuas videre
Se negat, medio in die videre
Se Solem negat. ille namque ut orbi
Toti ſplendidus uſque, & uſque fulges
Virtus haud aliter tua eniſceſcit.
Quod ſi quis memorare pergat illas,
Hic cælo numerare vult ſereno,
Quàm ſint ſidera mulſa, cum tacet nox.*

Franciscus Floridus.

30



Primè in criticis rebus olentem Franciscum Floridum notauimus; qui tamen pessimè in cloacis olet. Linguam doctè acuerè, dicacis est, & solertis; sed maledici, & detractoris eam sordidis sermonibus sordare. Fortiter contrà Linguae Latinae calumniatores pugnat, noxia in lutulentos scriptores tela iacit, argutoq. iudicio de doctorum virorum varietate, doctrina, scriptisq. decernit; sed intemperanter saepenumero (quod eruditum hominem non decet) aliquos execratur, quos ni fortè candidè loquutos existimamus, vtilia nihilominus varijs operibus, variaq. eruditione tractarunt. Ain tu? An verò huiusmodi foex hominum, ab hominum societate non est ableganda? Esto. Quid spurca verba immiscet? Quid extrà modestiae fines egreditur? At si quis diceret,

----- nunquam ne reponam

Vexatus toties rauci Theſeide Codri?

*Aurum, et
lingua ma-
gnū periculū.
Inimico ani-
mo.*

Nec illud Clitarchi in mentem venit; ὅτων καὶ γλαῖος μέγας ὁ κίνδυνος? Parcè & molliter faciundum, quod ἐχθρῶς vrbanitatis exlex fecit, eaq. reticenda fuere, quae incondita quadam acerbitate profudit, dùm ipse quoque *quādoque bonus Homerus* in ceteris castigandis dormitauit. Ceterùm floret profectò ingenij acumine; iuuenisq. probatis laboribus Latini sermonis obseruantia, Plautum, Varronem, Lucilium, aliosq. antiquos defendit; antiquarum rerum peritiam ostentat, de Caesaris praestantia loquens; & succissis lectionibus, bonarum litterarum disciplina nitet. Debeat ei plurimùm Plautus, cuius honorem, dignitatem, maiestatem retinuit, nō in iocis modò, quibus elegantem, vrbantum, ingeniosum, facetum simul cum Atticis Cicero nominat; sed in sermone, quo nihil candidius, nec magis lepidum; quo si quis vt assuesceret, ex Latino Capite hauriret, audiretq. à doctis viris, non ab imperita multitudine, cuius rusticum stomachū in delicatis cibis nauseat, scripta, dictaq. maximè commendari, haberetq.

haberetq. referendæ Florido linguam natam gratiæ, cui, quòd Plantinum negocium rectè accurauit, rectè quoque curiosorum encomio, & feliciter sub manus successit. Quid vero? in Plautum enagabimur licentiùs? Libero quedam studio nullus habebitur delectus? Atqui delectu habito, veteranis ob reuerentiam relictis, tyrones ad pugnam excitemus. Vetustiora, & obsoleta quiescant, & laceffent ingenium recentiora. Quid si ex tribus doctorum ætatibus, prima qua Plautus, secunda qua Cicero, tertia qua Plinius auunculus vixere, tertiam eligemus, quæ si quid antiquauerit, optimè factum existimabimus? Melius si non quasi quibusdam sacris initiati, alienigenæ, superstitiosi, certis legibus deuincti apparere scribendo velimus.

Pinti.

*Albentes, mistosq. nigris hac spargite flores
Ne malus balet odor.*

*En hoc qui quondam maledicti floruit arte
FLORIDVS in tumulo est.*

*Aruncani huius sed lucent scripta Poeta
Candidum ob eloquium.*

*Varronisq. vetus claret Plautiq. volumen
Scena ubi plena ioco est.*

*Aut, hospes, celer hinc abeas, aut supplice dextra
Clam dabis ore preces.*

Ioannes Baptista Attendolus.



N Italiæ calamitatibus, quas Barbari cupiditate regnandi intulerant, antiquissima, & nobilissima vrbs Capua eorundem inundationibus in medio itinere semper peruia, si suum aliquandò Ambrosium Attendolum habuisset, cuius solertia propugnaculorū munitionibus ornata conspicitur, nihil Syracusis ob Archimedem inuidere potuisset, quando plurimum Marcellorum gratiam tanti ciuis merito fuisset conse-

consequuta. Genuit is Ioannem Baptistam litterarum studio omnium Campanorum principem, disciplinis, linguarum peritia gnarum, Theologica, & Philosophica eruditione clarissimum, ut nihil quicquam vel dicendo, vel scribendo proferret, quod ex earum penetralibus depromptum non dignosceremus, cum præcipuè Rabinos, atque Arabicos scriptores inhians euolueret. In re poetica ità versatum, ut cum Græcorum, Latinorum, Italorum, Gallorumq. lac ebiberit, omnem in ipso vno excellētiam adoleuisse dixeris, dūm vel emendaret, vel interpretaretur, vel in pristinum candorem candidissimo stylo restitueret. Plenam idcirco omnium rerum, atque ornatam habuit officinam, in qua multa inchoata digessit, Museum, Lectiones in psalmos, De mysterio regenerationis ad Cathecumenos, Theologicorū Sueslani supplementum, secretioris poeseos critica, præter ea, quæ ex Oratoribus, atque Historicis coegerat, ex quorum copia vberem segetem docti expectabant, sed cum messis nulla fuerit, fructum interijisse subita mors pertulit. Nihil perfectum velox concipiendo, tardus parturiendo reliquit; tantūmq. partui adhibere consueverat operæ, ut obscurior videretur, in qua tamen obscuritate multa lumina curiosis viris eniterent. Totum se illustrium, & formosarum mulierum laudibus effundebat. Amicitia laudibus nihil sanctius coluit. Patriæ præcipuus observator, quod publico marmore in D. Catherinæ ipsa quoque Capua eius elogio testata est. Mathematicis in primis fuit addictus, à quibus cum sortem libuisset edoceri (rem docto viro indignam narro) atque statuta die periculoso mortis genere prædicta, consensurus rhedam, ut Archiepiscopum Cottam in D. Mariæ suburbio inuisset, aliquot relligiosos viros obsecrauit, ut precibus mala infelicitis diei omina auerterent. Discessit tandem. In reditu, media in Campaniæ planicie, quod malum nescio effrenes ità concitato cursu reddidit equos, ut auriga, quiq. cum eo erant, vnius fracto crure in terram sese deiecerint, ne in moeniorum fossas prociderent. Idem ipse efficere conatus (antè Capuæ portam rheda pervenerat) suamet veste circumvolutus procidens, rotarum velocitatem non effugit, quæ fracta miseri ceruice cursum illicò

retar-

retardarunt. Iuxit eum Capua, quæ maiorem ex eius viri morte calamitatem, quàm ex vastitate agrorum, vrbis direptione, Campanæ felicitatis interitu accepisse existimauit.

Pinti.

*Artes, & linguas peregrè quem nosse profectas
 Nouimus, & primos cuius miramur honores,
 Qui Heroum laudes numeris, & voce soluta
 Qui multa scripsit, frugi patriaq. suisq.
 Sub currente rota crudeli funere raptum
 Vulturni deflens fluuij quem Nympha dolebat.
 Cernite ut aduerso hic fructus sub sidere visa,
 Theſides alter periſt, Troianus ut Hector:
 Hoſpes amice, Deum metuens, attende ſupremum
 Inſer ſpemq. metumq. diem. hac Attendolus urna eſt.*

Camillus Pellegrinus.



Iuitate, studio, moribus, religione Attendolus Camillum Pellegrinũ habuit æqualem. Doctum ſanè virum; Latinè, atque Italicè concinnè ſcribentem, vt ſæpenumero in Poëtarum theatris primas habuerit acclamationes. Critico fuit in aliorum ſcriptis iudicio. Nouit Florentinorum Acade-

32

mia, cùm pro Torquato Taſſo Ludouici Arioſti æmulo ſtetit in Dialogo de Epica poëſi Hoſtilienſium Principi dicato. Illum ex Attendoli Bibliotheca prodiſſe multi arbitrati ſunt, propterea quòd ex ijs, quæ cum Principe conferre conſueuerat, dialogum conſcriptum non negat. Quid illud profanum pronunciant? An quicquam Camillo deerat, qui ex locuplete promptuario ſua promere valeret? Multis reſperſa ſalibus in eam rem ſcripta Florentini edidere, ſcommatibus ei aculandis non longa verborum periodo peritiſſimi. Fortiori ſe Camillus obtexit clypeo, cui hærebant aliquandò ſpicula, aliquandò verò fracta victoriam viſto

viſto condonabant. Aufus, conatusq. viriles laudauit, atque ſe-
pè timuit hoſtis acerrimus. Mors proelium diremit. Pugnandum
fuiſſet diutiùs, vt ea exercitatione acuerentur ingenia, cùm velu-
ti in trutinam doctiſſimorum hominum ſcripta expenderentur;
quamobrem non tantum curæ Ludouico, & Torquato expolien-
do, purgando, defendendo acceſſerat, quantum diſceptationibus
ſublatis doctarum rerum gratiæ deperiſſe animaduertimus.

Pinti.

PELLEGRINE, tuus cinis, Camille.

Vrba clauditur hac. abi viator.

Auri plura petis dari? vetuſta

Vrbi Troiugena Capv vocata

Bonus cinis erat, bonus Poëta;

Vulturni patrij decus ſtuenti,

Vrbi ſtoridula nitens Etruſca

Arte, & mirifico ingeni lepore;

Taſſi Pieridum patronus acer;

Docti Attendoli amicus & Camenis.

Nec hac ſiccis oculis eas Thalía:

Textam flore, nigro & dabis corymbo,

Dignam marmoreo hoc ſinu, corollam.

Si quos inuenies, malos repelle

Poëtas, rudis & ſonos Minerva.

Si cultor: tumultum ambiant, decenſas

Vt uſque huc numeros ferant, rogato.



Aloisius

Aloisius Tanfillus.



Aloisium Tanfillum Nola ex Campaniæ vrbibus nulli secunda in Poëtarum numerum adscriptum protulit. Italo scripsit idiomate, non ita Latine scribendo felix. Et quamuis natura potius effusa, quam arte elaborata eius scripta habeantur, redolent nihilominus tantum acuminis, vt bono imbutus scribendi vsu, flexanima, dulciq. oratione rapiat, ac si doctrinis fuerit liberaliter institutus. Idq. in eo admirabilius esse cognosces, quod cum veluti aquilam seculam eum teneri tibi persuaseris, legendo deinceps, vniuersum summen erumpere in poemate, quod de Petri Apostoli lacrimis confecit, animaduertes. Fuit opus illud à Torquato Tasso, prandio à me excepto; tot laudibus ornatum, vt neminem in Italia multos ab hinc annos puriores foetus edidisse affirmarit. Cum verò post eius obitum aliqua à Theologis, & Poëtis desiderarentur,

71

Ioannis Baptistæ Attendoli opera in Casamarcianæ montis Coenobio, quò ad eam rem conficiendam, Magdalenæ Carrazæ sumptu, se receperat, prodijt absolutum. Ludicra, quæ eius ingenium peperit, plurimum placuere.

Pinti.

Taxillo aligerum somno, sub fronde tuebar

Captus, & hoc quero quæ ad loca tendat iter?

Ille mihi: ad tumulum Nolani conuolo vatis

TANXILLI, atque illuc à Ioue iussus eo.

Percunctor fieret cur hoc? respondes: honore

Et cultu hic alio contumelandus erat.

Huius in haud urnam Vates sudere liquores

Permissi, haud Pindi ferta tulere iugo.

Cur ita sit factum: somnum, Cyllenia proles,

Rumpens, Iustitia quo locus esset, ait;

QVOD meritis prohibent homines, dant numina Diuum;

Nec capere ingrato munera corde solent.

Pp

Ioannes

Ioannes Casa.

34



Eortunatiorem Francisco Petrarca Ioannē Boc-
caccium habeto. Nouit hic neminem in lingua
Etruscæ dominio successorem. Habuit ille Ioan-
nem Casam eius compilata doctrina, & ex-
hausto ærario competitorem. Competitorem?
Succensuisse visus est. Perperam id credunt
scioli. Nihil minus. Cælum tetigisse dicās, qui Petrarce cando-
rem scribendis Italis carminibus fuerit assequutus. Hoc sibi Ly-
rici lusus exposcunt. Nec Lyricè dixerit, qui quod puritatem
contempsit, illud Diphili postulat,

*Sed diuine
Aer mitte no-
bis per nubes
Anticyram,
ex ex cimice
fumum effi-
ciam.*

Ἀλλὰ μάκαρ αἴε διὰ τῶν νεφῶν διάπυρον

Ἀντίκυραν, ἵνα τὸνδ' αἶον κηλῶα πνήσω.

Ad æmulationem Horatius Pindarum commendauit; noluit ta-
men tibiā orichalco iunctam, æmulam iudicari. Quid verò huc
Pindarum arcessis, qui licet Lyricus, Heroum nihilominus gesta,
atque coronas in ludis cecinit? sed turgidiorem stylum cum pu-
ro si quis mutauerit, prouoco ad Eupolidem, *Vino enim præsentē
acetum bibere cupit.* Quid sesquipedalia verba cum ampullis in
ode? Quid

Accessit numerisq. modisq. licentia maior?

Quid Solem renuunt, vt Opiliones in effusa luce intereant? Quid
Petrarce, & alijs scriptoribus, cuius flatu verba, Venereſq. com-
pleant necesse est? Ergo ne qui tardissimè quasi Iunonis, & Cere-
ris sacra ferentes, versibus, & sententijs incedunt; qui Orgia Bac-
cho facere autumant aliquid poëticum explicaturi, palmam Pe-
trarce eripient, qui dū canit amores Cycnus est; dū acres spi-
ritus excitat, se diuinum præbet; dū philosophatur Platonicæ
maiestatis imaginem refert; quiq. omni adfectionis admixtio-
ne liberatus, purus verbis est, integer, atque vnus materia, sen-
suumq. illustri breuitate conspicuus? Accede ad Petrarce ora-
tionis lenitatem; quid dulcius? Ab eius ne verborum, rerumq.
proprietas recedas; quid candidius? An verò nauseam circuitio
mouebit,

mouebit, & anfractus, cùm amorum illecebras, animorum motus, poëticas omnes diuitias, Musis placidè annuentibus, dulcè ridentibus, ad eius Artis Liberalis commoditatem, floridè, eruditè, sapienter explicauit & Multa dixi. nihil dixi. Patrem Musæ Italæ Petrarcam colunt. Degenerant, qui alijs, quàm ab asumno acceptis ornamentis studebunt conuestiri. An idcirco degenerat Ioannes Casa, qui grandior est, qui vagatur latius, qui folles implet, & cui non, vt Damasippo

----- *vultus erat multa, & præclara minantia,*

cùm re ipsa, & promiserit expectatione, & scriptis cum admiratione obseruari? Hoc ne de eo dicendum est,

Ingenium cui sit, cui mens diuinior, atque os

Magna sonaturum? -----

An verò Poëtæ nominis honor huic dandus non est? Hoc non audebo. Neque mea oratio Loliginis succo inspergitur. Magnus Casa est, qui nec *humiles* potuit *habitare casas*. paucisq. scriptis sublimis iudicij pompam fecit. Cùm autem quatuor, aut sex odas admiraueris, quæ reliquæ sunt, cōmuni stylo abiectæ in vulgus, non tamen vt fluere aliquorum more lutulentus, cùm semper aliquid sit, quod in eius scriptis probaueris, indagabat enim, & odorabatur acutè, quæ numerosa orationi cùm dignitate coniunctæ, quæ poëtico lepori opus esse cognouerat. Verùm in eodem scamno cum Petrarca assidentem venerari, perpolitum ingenij non conuenit. Indicis mercibus onusta navis in magnitudinis Oceano Petrarca est. Minori nauigio Casa littorum sinus tenet, & margaritas exonerat, non ea itineris longitudine conquisitas. De moribus aulicè scripsit. Latine scriptionis metam non attigit. Aliquot Latina carmina exarauit.

Pinti.

Marmore de pario domus, & distincta columnis

Alta, vir, haud humiles sunt tibi, culte, Case:

Iuno potens per quam spectari & ampla Minerva

Gressibus, ac defert splendida luce rogas;

P p 2

Fons

Fons ubi Equi aligeri lymphæ nitet, ungue resossus,

Pegasidum satius hic pellitur ore, sitis.

Graius ubi Orator Latio (Duce te) ore profatur,

Erudit & iuuenes moribus arte senex.

Mitra ubi mille patent, & mille rubentia cocco

Tegmina, temporibus festa parata tuis.

Quid viuam recolo? ruit alto è culmine sedis,

Hancq. rutam angusta hæc continet urna domum.

Ipsius at reſtrix quondam mens vadit Olympo,

Aeterna illa Dei (ſpes ait) ora videt.

Ioannes Andreas ab Anguillara,
Ludouicus Dominicus.

35 36



Erum Latinarum traductores insignes Ludo-
uicum Dominicum, & Andream ab Anguil-
lara nostro hoc æuo habuimus, alterum, qui
ex soluta oratione Paulum Iouium, alterum,
qui carminibus Ouidium Italicè fecere lo-
quentes. Fidus alter interpret, de suo nihil

addere ausus est; ità tamen aliquandò conuertit, vt sententijs
ijsdem, & earum formis, tanquam figuris, sed verbis ad nostram
consuetudinem aptis vteretur, Ciceroñem imitatus, qui in con-
uertendis Aeschinis, Demosthenisq. orationibus idem se fecisse
scribit; quapropter Latini sermonis angustias interdum, in per-
spicuum dilatarì copiam permisit; nimiamq. persapè eiusedem
vbertatem, nostrorum commutatione verborum, & sententiarum
varietate contraxit. Et placuit Auctori, vt quisque de eodem
fonte hauriri intelligeret. Addidit alter sua, & sæpius addidit,
quæ nihilominus nec animum offendunt, & orationem crebrius
videntur reddere concinniorẽ. Quis enim Poëtarum mentem
se explicaturum profitebitur, qui antiqua tempora, verbis, mo-
ribus, affectu, ad nostra non traducat? Summa cum felicitate

aliquot

aliquot etiam Virgillij libros Anguillara transtulit, & in turpi corpore, nobile ingenium ostentauit.

Pinti.

*Turpis ut hic vultus terret plerosque tuentes:
Anguis ita baud horrens Laocœontis erat.
At quantum huic, Musæ, debemus soluere vati:
Edidit hic vigili carmina culta manu;
Hoc duce, Naso sonus varias decantat Etruscis
Prischorum in formas corpora versa Deum.
Hæc miro ducit studio te copia rerum,
Dulcibus hic numeris verba ligata tenent.*

Eiusdem pro Ludouico.

*Diuitis en huius quondam sermonis Etrusci
Culcitra in hac urna molliter ossa cubant.
Vsq; Latina forent, non hoc, monumenta Latina
Conuerfore, Ioui, quæ tuâ dextra tulit.
Hunc abyssè vides, memores at, dùm manet orbis,
Ille sui iuuenes, & facit ille senes.*

Aurelius Cassiodorus.



Vid. Cassiodori stylum curiosum hominum genus explodit? Cur non homini, sed seculo, quo floruit imposito vitium tribuunt? Quid puerilia blæterones in magno illo viro exposcunt? Quasi verò sermo, non res ex insignibus auctoribus sint expetendæ? An peregrina dictio inuecta, præclaris rebus indixit exilium? Cur ingenuæ, & eximæ doctrinæ, vel disciplinarum promptuarium non recipiendum ducunt, qui cum sui id iudicij non esse cognoscant, oculis sectandis, negligendis student? Ergo ne Cassiodorum non admirantur, qui tantum scripture vtilitatis attulit, vt ab eo Iurisperitorum, Academiæ, Legum, edictorum, iudiciorumq. formulas quibus Gothorum

37

Reges

Reges vtebatur, didicerint; nouerint Magistratum officia, quibus Notitia Imperiorum indigebat; sciat Militia ordinum descriptiones, & Comituias, vt eius opera disciplinam Prouincijs uisae redditam Theodoricus Rex fateatur. Sed quid in Politicis immoror? Habes ex eo viro, qui Cancellarius, Senator, Urbis Consul, Sacri Palatii Exquæstor, Comes, Præfatus Prætorio, Patricius, & tandem Monachus, & Abbas πολύτροπος extitit, multos sacræ Scripturæ libros doctissimis commentarijs expositos, Psalmos scilicet, Acta Apostolorum, Apocalypsim, Cantica, Epistolæq. Canonicas. Habes opuscula de Anima, De Diuinis institutionibus, præter ea quæ de Tropis, de Grāmatica, & Rhetorica congeffit; & quæ ad mores pertinent, de Amicitia; & quæ ad historiam spectant in Chronicis explicata, & in Tripartita historia, quam ex Epiphanio Scholastico traduxisse Honorius Augustudunensis scribit. Illustris à Rege appellatur, qui præcipua in Republica claritate notissimus, non fragili felicitate prouectus Fortune ludo ad apicem fascium repentinis successibus euolauit; sed vt crescere virtutes solent, ad fastigium præconiij conscendit gradibus dignitatum. Quamobrem tanti Cassiodorum facio, & generis nobilitate cum sub Valentiniano patrē habuerit Tribunum, & Notarium, qui honos in præstantes viros conferebatur; & summa fide, qua Theodorico charus erat; & modestia, qua nunquam fuit elatus; & Relligione, quam humanarum dignitatum pertæsus professus est; & excellenti doctrina, qua summos viros fuisse institutos affirmabimus, vt in doctissimorum Corona primum sedentem, vel ij intueantur, qui in nitidissima facie næuum damnant.

Pinti.

Solem, Aurumq. tui felix notat omine nomen:

Nostra tamen Clio sis an utrunque, docet.

Anricomus Phæbus tæcas ex orbe tenebras:

Ordine ab hæcæ tuo te pepulisse ferunt.

Vt tibi erant tenebra pellenda munda tuorum

Est, tua, porum aurum, vita probata viri.

Te

*Te ante Senum sedes, aurum est, subijisse togatas,
 Inter & bos æqua lance fuisse parem.
 Te sensim, aurum est, decorum tetigisse cacumen
 Fascibus inque, aurum est, Consulû isse Forum.
 Aurea, non ne aurum est, tôt nobis scripta dedisse?
 Quin auro hæc cuius ante ferenda reor.
 Fortunate Patrum cætus si, hoc auspice, quondam
 Auro diues eras: lumine clarus eras.*

Alexander ab Alexandro.



Aboriosos, argutos, acres in causarum patrocinijs hac ætate Iuriconsultos noui; sed rarò bonarum litterarum cultores; quapropter ijs inuideant necesse est, qui aut scriptorum monumentis, aut Academia- rum consessu, vel publicarum scholarum honoribus, ingenuis, politisq. disciplinis

38

floruerunt. Ingeniosos multis in locis æris clementia procreat; studiosos sæculi infelicitas non producit; & dùm Curialium (vè vocant) voluminosi explent libri bibliothecas, nullus eruditorum liber exornat, currunt enim in stadio, & ad Iasonis, Bartholique metas, vel alicubi ad Rituum, Pragmaticarum, & Consuetudinum Oua, metas sibi constituere. Primùm à Linguae Latinae cultu prorsus abhorrent, atque è sodalitiò abijciendum arbitrantur; si quis Latine sciuerit, nec Iuriconsultus habetur, qui vacat elegantiae. Quasi verò quisquam antiquorum sententias nouerit, qui Latini sermonis fuerit ignarus; & quasi Pauli, Papiniani, Modestini, Ulpiani arcana ediscet, qui Romanae eloquentiae domicilia non penetrarit. Absunt deindè longiùs à disciplinis. Ecquid limatiora iudicia quis proferet, si qua occurrent vel ex antiquis moribus, vel ex prisca æui memoria, aut multorum hominum rebus gestis, quæ ex intima Philosophia sint eruenda, quæq. ad Politicam, Ethicamq. spectent, quibus aliquandò plerique tenuiter imbuti, ex ignorationis immanitate emergere videntur?

videntur? Leges, iudicia, Doctorum placita obruit infcitia, quæ suo malo in eius rei tantum studio indormit; & euertuntur scientiarum partes, quæ rudi, vel auaro sæculo non placere dignoscimus. An verò surgentia in summis viris Alciatis, Budæis, Tiracquellis, Brittonijs, Fabris, Claris studia, non dum adulta stirpe exarueret? Pudet, vnum se mihi in eo genere offerri laudandum, in mea patria, Alexandrum ab Alexandro ex Portæ nouæ Sedili nobilem, qui ex Iurisprudentiæ Theatro, in cuius Orchestra optimis disciplinis ornatus multos annos federat, & in Patrociniorum arena luctator Olympicus habitus est, in suauissima optimorum studiorum oblectamenta se abdidit. Cumq. animaduertetet non iurium telis, sed potentiorum vi esse pugnandum, iudiciaq. non ratione, sed hominum vultu rejici, vel confirmari; quæstus item temporum calamitate ius, fasq. esse conuolutum, dicere solebat; *Satis esse modico, & civili cultu contentum viuere, quam bona animi, turpi avaritia, pessimo exemplo maculare.* Viuebant ea ætate doctissimi viri Trapezuntius, Platina, Gaza, Barbarus, Volaterranus, Calderinus, Pontanus; audiuitq. iuuenis Alexander senem Philelphum Romæ docentem. Aulum Gellium æmulatus in Noctibus Atticis Dies Geniales conscripsit, totos enim dies in Pontani hortis cum eruditis, curiosisq. viris varijs de rebus sermones conferebat, & Lusus appellauit, Andriæ Aquauitæ Adriæ Comiti multiscio dicatos, quibus in procellis sæuientis Fortunæ respirare videbatur. Totam perlustrauit Antiquitatem, vnde quæ pertinent ad Veterum instituta, honores, Magistratus, rem bellicam, sacra, Cæremonias, cultusq. Deorum, tanto doctorum plausu deprompsit, vt Andreas Tiracquellus multiplicem eius doctrinam annotationibus, quibus Semestria nomen dedit veneratus, ostenderit quanti Auctor hic insignis sit faciendus. Sed malæ fidei hunc Auctorem Tiracquellus accusauit, quod ceremonias lauandi manus in Ossilegio, auctoritate non produxerit, quod tam Alexander in Tibullo legerat,

Perfusaq. pias antè liquore manus.

Irrideat seipsum Niger, qui cum obolare facit. An seipsum pluris faciet, quem quadrante balneatorio Floridus æstimauit?
Romæ

Romæ interijt, vbi hortos in agro Vaticano, domumq. possidebat, dùm esset Abbas Carboneti.

Pinti.

*Multa in Alexandro noui communia Magno :
 Nomine magnus erat : nomine magnus eram .
 Seminibus nitet ille sui clarissimus ortus :
 Enitui pariter seminibusq. mei .
 Singula quid similens ? tantum quod distulit inquam :
 Mars illi in caris : at mihi Pallas erat :
 Pella illi natale solum , prope litora Graia ,
 Italia mi Siren sub meliore Ioue ;
 Addo quod haud illi prauastus fas fuit orbis :
 Sat mihi pauca domi mensa , liberq. fuit .
 Ille sibi Eumenides socias videt : at mihi cæli
 Heroas . turbas ille habet : ipse fruor .*

Antonius ab Alexandro.



Vid vnum ex Iurisperitorum numero laudandum se mihi offerri dixi ? An ex memoria exciderat summus vir Antonius ab Alexandro, quem Aragonei Reges Ferdinandus primus, Alfonsus secundus, Ferdinandus iunior, Federicus gloriosissimi in delicijs consuetudine, in consilijs sermone, & iudicio,

19

in Oraculis sapientia, & fide habuere ? Peragrauit hic Italiam, non vt ab Egeria Nympha, sed à doctissimis viris tùm præcipuè à Francisco Aretino Iurisconsultorum sui temporis principe humani, diuiniq. iuris arcana edisceret, cuius multiplici, ac recondita disciplina imbutus, Ferraria, Senisq. profectus, Bononiæ in illa celebritate, & splendore studiorum, Doctoratus insignia accepit, quo tantum valuit, vt alter Charondas leges condere suis potuisset omnes prædicarent. Ornamenta verò legibus addidit, eloquentiæ studium, quo primam inclitam, & arduam

Qq

diffi.

difficillimo tempore Legationem apud Pium II. prosequutus est, dùm de Regni Corona ageretur, cui sefe Andegauenles reitū potius ambagibus, & cauillis, quàm armis opposuerant; atque post grauissimas disceptationes, quas summa cum admiratione Pontifex frequenti Senatu audiuit, non modò Coronam, sed Inuestituræ formulam eius consilio conscriptam Aragoneis Regibus, posterisq. impetrauit. Secundam ad Hispaniæ Reges, Ferdinandi, & Ioannæ felicissimo connubio. Tertiā, ad Regem Gallorum, nuptiarum item auspicijs. Alias ad Alexandrum, & ad Innocentium, quibus Italiæ quietem, Regni statum, & firmitatem maxima cum sua laude procurauit. Addidit & antiquarum rerum cognitionem, quam excellenti quadam dexteritate, quasi ex thesauro negotijs conficiendis depromebat. Tū præterea historiarum leporem, quibus nisi quis eminere studuerit, quid insignia facinora tractaturus consultum, lepidum. Regibus exponere? Quid maiorum exempla proferet, quibus abducatur animos, reuocetq. aut res ipsas, & tempora conciliet, ut rerum publicarum molitor, atque affector ex omnibus partibus commendata negotia perficiat? Grauius, doctè, & copiosè Neapoli Legales lectiones professus est, ex tota Europa auditoribus concurrentibus, ex quibus vel senio confectum Aulæ occupationes auocarunt, cum Sacro Consilio Prothonotarij, & Logothetæ Regni Vicarius præsser, quod munus obijt oculatissimus veritatis iudex, & Iustitiæ prouidus examinatore. Ex eius voce, & scriptis, vberissimos fructus cepere, doctissimi viri, qui in Foro vigeabant. Ex familia Riccia nobilem matronam habuit vxorem; obiitq. Neapoli anno 1498. habuitq. in funere orationem Franciscus Puccius Florentinus in aede Oliuetana, in qua sepultus conditur.

Pinti.

*Qui Italicè cunctas peragravi limitis urbus,
Ingenui mihi quò dos animi alta foret:
Qui titulos, & opes poteram & iactare potentis
Iura Magistratus, qui Toga prima fui:*

Cuius

*Cuius ab ore olim iuuenum studiosa pependit
 Ciuium, & externo de Ioue missa cohors:
 Quem Rex audierat specialis munere functum,
 Purpurei summus quem Pater ille chori:
 Cui Siren permæsta dedit feralia, caris
 Qualis in extinctis ciuibus esse solet:
 Magni ab Alexandri vocitata nomine gentis
 Flos iaceo hic; flores & mihi nomen habes.
 Dùm stas ante meum hoc, hospes, memor esto, sepulcrum:
 Finiri tandem stamina longa senum.*

Antonius Ianuarius.



N verò Antonius Ianuarius ad ipsam Regibus
 admirabilium laudum ornamentis elatus, & in
 maximarum dignitatum luce positus, nostro
 indigebit Elogio? *Consiliarium, Auditorem,
 Praesidem, Viceprothonotarium, Militem*, cum
 dixerint, nihil quicquam sine virtute laudabi-

40

le existimantes, *morum probitate, virtutibus, Iuris scientia mu-
 nificè decoratum* Ferdinandus; *virum insignem, vitæ integrita-
 te, & Iurisprudencia clarum*, Federicus appellarunt. Plura ne
 de hoc singulari viro expetis? Optimè de eorum Regum varia
 Fortuna promeritus est. Post varias clades, quas Regno Neapo-
 litano Carolus Francorum Rex intulerat, quamobrem Ferdi-
 nandus Catholicus, & Isabella Hispaniarum Reges grandem pec-
 uniam erogauerant, vt terra, mariq. Federico essent subsidio;
 post calamitates quibus Ludouicus omnes affecerat, à quo non-
 dùm ritè firmata pace denuò bellum esse inferendum suspicaba-
 tur; Antonius, & Baptista Brancacius Consiliarij, atque Oratores
 eliguntur, qui Catholicis Regibus omnem pecuniam restituen-
 dam curarent, vt acrius dùm opus esset Regni patrocinium sus-
 ciperent, ac libentiori animo tuerentur. Idem cum cõlegæ He-
 ctore Pignatello apud eosdem Catholicos, aliosq. Reges, &

Qq 2 Proceres

Proceres pro feriendo fœdere (*Confraternitatem, & Intelligentias* habent diplomata) procuratores; mādātarij, aētores, & nuntij mittuntur, dūm omnia quæ ipsi egerint, rata habiturum Federicus iureiurando publicis tabulis pollicetur. Quæ etiam auctoritate ad nuptias inter aliquam Catholicorum filiam, & Ferdinandum eius primogenitum, Calabriae Ducem, quem ex Isabella Baucia Pyrrhi Altamuræ Principis filia susceperat, pertractandas delegatur; quæ cū inter Ducem, & Ioannam Aragonæ Siciliæ Reginam intercesserint, cum eodem Brancacio, rem perficere, & matrimonij sollemnia absolueri iubentur. Cū iam senectutis onera perferret, coadiutorem Ciccum Loffredum sibi poposcit anno 1521. Quæ tantum virum ignorasse dicemus, quem suorum Regum negotiorum præclare gerentem, gesta, scripta, omnium voces declarant? Ad vitam eum reuocat Felix Ianuarius, qui maiorum vestigia sequutus, inter summos Regij Senatus viros, cunctis virtutum, animiq. dotibus eximius, ferendis sententijs integerrimus, administrandæ Reip. consultissimus, Austriacis Regibus & sua, & suorum gloria, qui domi, forisq. claruerunt, charus, apud suos, apud exteros volitat laudatissimus.

Pinti.

*Da, quis es? armata nudum quid concussis ensē
 Dextera? Alexandro Græcus an hostis eras?
 Quem toties perhibent vates, nimbosus Orion:
 Carbosa ad hic falsas nauta ligabat aquas.
 Sed quid me rogitas? fuit hic Antonius olim
 Nomine de lani gente decorus eques.
 Maiores, noui hunc, equites videre togatum,
 Et toga iuncta ensi quam decus esse solet.
 Regibus hic quondam, docta pro Pallade, adauctus
 Sæpe magistratu, munere sæpe fuit.
 Heu rogator abi. menti quid plura resurgunt?
 Carus erat. lacrimas ne mihi redde nouas.*

Paula-

Pausanias.



Eliciter Græciæ successit, cùm quatuor habuit veteres heroes descriptores Strabonem, Ptolemæum, Plinium, & Pausaniam. Infelicitè actum in ordine. Primus enim ab Epiro in Peloponnesum traiecit. Secundus à superiore Achaia in hunc descedit. Tertius ex Epiro ad superio-

41

rem Græciam, mox ex Attica regreditur in Thessaliam. At Pausanias quartus describendo, dilucidando primus, ab Attica per Megaridem in Peloponnesum, inde per Isthmum in Achaiam redit versus Epirum. Confusus hic ordo, Græciam, urbium nomina perturbat. Sed cui nam maiorem fidem adhibeam? Pausaniæ proculdubio, qui accuratè præter ceteros narrat, exquisitè digere, inaudita, & noua, & nulli scita commemorat. Expectas quid de Pausania sentiam? Ne vivam, ni is est, qui præ manibus est semper habendus, si magna, si rara cupis. Nerviis habet quibus Historia stat firmiter, totumq. corpus seriò placet. Caput rerum gestarum extollit, dùm ab uno orditur, urbiumq. ædificia, gentium genealogias, & Regum bella rependit. Oculis, in fronte voluminum narrationes, collocando vibrat. Lingua, innumeros Poëtarum locos obiter enucleat. Pectore, multa scitu pulcra recondit, quæ profectò apud alios Auctores non reperies. Manibus, Statuarum palpat artifices, quarum apparatu Attalicas condiciones superat, ut nihil curiosius sit expectandum. Quæ religio? Quæ sacrificia? Quos ritus? Quæ symbola? Quæ Numinum in Lucis, in delubris dignitates? quocirca nec antiquitatem ad Liberales Artes, ad omne disciplinarum studium necessariam, extrà Pausaniam noscas, nec rerum pulcrarum simulacra percipias. Digitis, pictorum ostentat imagines, ut in Parthenone nihil præter Themistoclem pictum desideres; quo circa in hoc auctore Apellis gratiam, Polygnotti dignoscas severitatem. Pedibus, tot urbes, tot regiones sedulus peragrat, distinguunt, proprijs ditionibus subijcit, quot lugeas necesse est, cùm
aut

aut solo æquatas, aut impiæ Turcarū nationi subditas intelliges. En tibi thesaurum eruditionis. Iacebit inconditus, puluere oblitus in tua Bibliotheca Pausanias? Tanta rerum moles ad eius te amorem, & æmulationem non prouocabit? Si audiuiſſes Rhetorem, fortasse displicuiſſet. Placebit, si leges Historicum. Rhetorem sic describit Philostratus in Sophistis, vt, quoniam Capadox, innato eius gentis vitio crassa lingua pronūciarit, quamuis ex Herode magistro (quem Ἀδελφῶν ἀδελφῶν nominat) præstantia orationis ornamenta rerulisset, ideòq. appellatum fuisse μάγιστον, πολυτελὴ ὁππῶς πανήρους ἀρτίοντα, *Coquum opiparum dapes malè condientem*. quòd rebus splendidis nullam pronunciationis gratiam adderet. Historicus non pronunciat, sed tacitus aperta significatione nobilissimè obloquitur. Floruit sub Antonino Philosopho anno ab V.C. 927. Sed iuuenilem profectiōibus ætatem tribuisse conijciunt, reliquum deinceps vitæ tempus declamationibus Romæ, & Athenis consumpsisse. Inter vehementes declamatores posuere, & ἱερομδῶντες dicentes, quamuis orationis genere remisso, sed quòd ἔχῃ μακρὰν τὴν ἀρχαίαν. Certabatur de duobus Pausanij altero Lacone, altero Cæsariense. Hunc fuisse de quo agimus & Volaterranus asseruit, & Philostratus multis in locis demonstrat.

Valid.

Ab antiquo
dicendi gene-
re non discre-
pat.

Pinti.

*Vos ite ad Veneris sinus iocosa,
Fodis queis petulans Amor latebras,
Latens & laquei misello Amanti;
Et me, Pausilypi, dùm amæna collis
Ambisio, nitidâ vagi carinis:
Hic esse ad scopulos rogo sinatis
Sedentem: trahis ite, qua libido,
Sed citra macula, notamq. culpa.
Ego (sepelitis parùm Camænis)
Hic cum Pausania meo iocabor,
Is conuiua meus, meus sodalis,
Probeq. historie meus Magistr.*

Aedes

Aedes vos petite, & vireta, & hortos,
Et antra, & latebras, rutaſq. ſedeis
Quæ olim Romulidum ſuere Regum
Prima delicia, oſiq. fructus;
Sua Parthenopes moraſq. dulces.
Hunc na delicio ſeram ante cuique
Meum Pausaniam: mihi hic placebis
Auctor Cappadocus, leuabit atris
Is curiſ animum: hoc libro tuebor
Vrbes, ſemina gentium, inſulaſq.
Ritus Argolicum; Ducumve mores
Regum militiam, ſeriq. bella
Mauortis: varia hic mi erit voluptas:
Demum Pauſilypum aſtimabo veſtrum,
Meum Pausaniam mihi ocioſo.

Athenæus.



Liud reperit theſaurū Athenæus multiſcius,
 perſcrutator, altera Pandora. Non hercules
 è dolio, ſed è Conuiuio; cui nec Anthraces,
 Congrios, vel Ergaſilos, & Curculiones
 adhibuit, qui

----- *rebus prolatiſ latens*

In occulto miſeri, viſitant ſucco ſuo,
 nec Philemia, vel Erotia quæ inſuſurrent,

Amanti amœnitas malo eſt, nobis lucro eſt,

& dùm comefſationibus adſunt, *dedolant affuſatiſ viscera*
 amantum. Sed quos conuiuas è Dipnoſophiſtas, eruditiffimos
 quouis genere diſciplinariū viros, Maſurium Legum interpre-
 tem, Momium Poëtam omnium bonarum Artium cognitione
 nulli ſecundum, Plutarchum, Leonidem, Aemilianum; Philoſo-
 phos Pontianum, & Democritum; eximioſq. Oratores, quibus
 Laurentius Romanus Conuiuium parauit; quoſq. Vlpianus Ty-
 rius ad omnium quæſtionum genera laceſſiuit. Hæc ne ſunt
 noſtrorum

Pinti.

*Magnus Athenæus domicænia magna parauit
Regibus, & magnis quæ daret apta viris.
Pro Cerere hic verum est : pro Baccho carmina vatum :
Pro dapibus dederunt quæ loca docta Sophi ;
Non hic lurcones ; Pallas , Pandora , Θερσίς ,
Hic & casta loquens verba ministrat Amor.
Accumbat tantum sapiens : hinc quæque faceffas
Inscia, & in luxu perditæ turba suo .*

Adrianus Imperator.



Vid præclarius existimandum est , virtutibus
Imperatorē, an ab Imperatore virtutes fuisse
exornatas? Laureæ virtutes coronantur; quid
præstantius? Virtutes pro Laureæ sunt vsui ;
quid memorabilius? Circumspicit è summo
æthere Sol Reges, oriensq. ferè salutæ, quòd
eius imaginem gerant , & homines diuino
beneficio disiunctissimas terras, magnorum littorum sinibus, flu-
uiorumq. diuerso sub cœlo ripis interclusas, superbo cum Impe-
rio possidere admiratus. Mox in Occidentem vergens, quòd nul-
la notarit eorundem gesta virtutum gloria clara, socordiæ, &
ignauix tenebris, noctis tenebras, vela indignationis, obtendit.
Quid Rege maius? Indocto Rege quid vilius? Maiestatem indo-
tatam, incomitatam, atque incompram, sapientiæ dotibus locu-
pletare, quàm laudabile, quàm populis commodum? Aduerte
Adriani magnitudinem. Nescio an maiori laude, quàm admira-
tione dignus sit . Poëmatum, litterarumq. omnium fuit studio-
sissimus, & vetustissimorum auctoriū amator Ciceroni Catonem,
Ennium Virgilio, Sallustio Cæciliū præposuit; eiusq. vetustatis
studio Catacrianos libros obscurissimos scripsit: Græta lingua
sic delectatus, vt Græculi nomen quo appellabatur, non abhor-
ruerit; artesq. Liberales complexus, quid in Arithmeticis, Geo-
metricis, Musicisq. non profecit? Quantum operæ nauauit Ar-
chite-

R r

chite-

chiteaturæ? Pictura verò, qua sola qui delectantur liberali ingenio, & polito possunt haberi, quo studio incubuit? Qua facundia doctissimas composuit Orationes? Quid mirum si doctos viros, Senatores, Consules inuiferet, honoraret, Iurisconsultos optimos Senatui præficeret, vt in Iulio Celso, Saluio Iuliano, Neralio Prisco cognouimus? Quid mirum si tot egregia ediderit, quæ ab omnibus Romanis prouincijs ab ipso perlustratis, ab Alpium niuibus, ab Aegypti ardoribus, à Danubij fluctibus celebrantur. Quid virtus in Imperatore valeat, discite Reges ab Adriano; discite ab Imperatorum maximo Carolo Quinto, à cuius latere nunquam Thucydides decedebat, quem librum vel etiam cœnæ, aut lecto adhibebat. Discite ab Alfonso illo Castellæ Rege, qui omnes liberales artes amplexus, Astronomicas accuratissimas tabulas composuit; & ab Alfonso Aragoneo, qui quater sacra Biblia euoluisse, & Quinti Curtij lectione è morbo conualuisse gloriabatur. Discite ab Imperatrice muliere Amalasuenta in iuvene Theodorico instituendo, in quo demùm tunc perfractas Gotthorum vires nouimus, cùm in eodem litteras non desiderarunt. Aperitur Regibus hisce exemplis virtutibus campus, quem si excoluerint, quos vberès fructus regnis non afferunt? Sed ne superstitiones, voluptates, Magicas artes, aut cædes Adriano obijcias. Flagitia eximiae virtutes obruere.

Pinti.

*Vnius Martis gladij sequendi
Tēnnitis, sceptrā, studijs adesse
Pallados? vobis sociale tractat
Fœdere telum.*

*Illā ne ad solas inopum tabernas
Præpetes vertet studiosa gressus:
Ibit hūc Fama sociata Honoris
Diuite pennis?
Nā latet Reges, iuuet vt vetusta
Voluere Auctorum monumenta, Graciā,
Hac vel è prælis, minus vt laborent,*

Orta Latinā.

Fascibus,

Fasces, Pallas, repetes relictis,
Semper exilis operosa sedus ?
Non ne te quondam domus ADRIANI,
Blanda recepit ?
Cæsar hic Lydo decorauit auro,
Facta es augusta locuples in aula :
Si tamen pura tibi corda aduris
Ardor habendi.
Te fitis nullam cupidam fatigat.
NÆ solent plerunque nocere fausti
Nummi. idest caussa vacua vt virorum
Tecta frequentes.
Illud aut fiet quoniam superbos
Efficit Reges minus imperitos
Esse. sed Regum, nocuit Minerua
Nuda supellex.

Ioachimus, & Ludouicus Camerarij.



Res Symbolorum centurias ediderat doctissi-
 mus Ioachimus Camerarius (non illū memoro
 à Romana Sede impietatis omnino damnatum)
 Medicus Noribergensis ex plantarum, & ani-
 malium historia depromptas, quibus quicquid
 ad eam rem pertineret, tanta diligentia, & in-
 dustria disposuit, vt bono studiosorum Fato materiæ tam curio-
 sæ consultum videatur. Quàm iudiciosè aliorum opiniones con-
 ciliauit ? Quàm locuples aliena reddidit ditiora ? Bonorum au-
 ctorum locos vnde emanarunt, aperuit, addiditq. rebus omni-
 bus, Græcorum, & Latinorum auctoritate, dignitatem. Ea qui-
 bus nostri Medici (si Dijs placet) ad suam tantum ipsorum lit-
 teraturam vtuntur, ad bonarum artium vsum, ad Symbolorum,
 & Emblematum cognitionem, quæ plurimi apud ingeniosos

44 45

Rr 2 habenda

habenda est, transtulit. Ad reconditam Philosophiam earum rerum interpretatio spectat, quarum desertum ab alijs patrocinijs, summa cum pietate Ioachimus suscepit, & ea quæ indoctum genus hominum eripuit, laudandarum rerum studio, inusitato exemplo restituit. Libelli eiusdem viri, quem falsum Ciceronem nuncupabat, meminit Lipsius in Epistolis. Sed quartam Centuriam rerum Aquatilijs cogitantem, mors inuida surripuit, cum nihilominus Ludouicus filius nihil paterno ingenio cedens, eius partis, quæ reliqua fuerat, extiterit auctor. Et aduersas licet Iuriconsultus hic est, Palatinus Consiliarius; sed elegantioris Musæ iucunditate, alter effectus, sublimiora pura mente intuetur, occultasq. rerum causas doctiori haurit spiritu, sustineturq. atque alitur ijs, quæ ineruditi, & crassioris Mineræ appetentes, cum stomacho renuunt. Collecta in eo cernes opere, quæ Paulus Iouius, Lucas Contilis, Hieronymus Ruscellius, Scipio Bargaglius, Camillus Camillius, Ludouicus Dulcius, Andreas Palarius, Gabriel Simeonius, Guilhelmus Paradinus, Andreas Alciatus scripserunt. Nec mea scripta contempnere. Humanissimè ab ijs acceptus sum. Parem gratiam referre haud valeo, sit meæ in ipsos obseruantiae symbolum, Aeternitas.

Pinti.

*Musa, sub umbrifera nos ceperat arbore somnus,
Tunc mentem irrepunt spectra marina meam.
Tun' nihil aspexi? verum quam mira videbas?
Ore meo verum quod cadit, aure bibas.
Sceptrigerum, camurum, alga, pectusq. corallo,
Regem altè in saxis; agmina amica penes.
Singula, at ignoro in medica quis veste, petebat
Interea secta, squamigerumq. genus.
Hic LVDOVICVS celebris Camerarius arte,
Digna hic aspectu cuncta docendus erat.
Quid non facta canam? suntne isthac forte futura?
De falsa melius stirpe quis edet opus?*

Ioannes

Ioannes Antonius Pifanus, Cæsar Scan-
napecus, Donatus Antonius
Altomarus.



Vltos esse Medicos, paucos Medicinam nosse, 46 47 48
ab ipso Hippocrate dictum. Nec te moueat

Apollinis nomen, quod Αλεξικακος diceretur;
vix enim alicui malo medelam attulit, & om-
nium malorum depulsor appellatus fuit. In
Chirone Centauro, Medicinam detesteris ne-

cesse est, vel si oculis omne vlcus herbarum viribus sanantem
videas. Atqui Aesculapium dùm à Nympha natum, à Ioue occi-
sum, in serpentem mutatum audis, quàm benè despicias? Huius-
modi etiam Machaonem, qui arte quadam Philoctetem in bello
Troiano sanauit. Ain tu? Despicias fortasse Hippocrates, Are-
tæos, Theophrastus? Quid ni malè de primis sentiam, qui bre-
uissimo sermone; longissima morborum curricula complecti vo-
luerint? de secundis, quorum obscuritatē nihil Iacobus Goupil-
lus illustrauit? de tertijs, qui inter plantarum radices Naturam
implicarūt? Sed quid de Crætea, de Nigro, de Celso dicendum?
Primus, herbarum collector; alter incredibilium relator; tertius,
eius artis colorata oratione depictor. At Galenum reijcies?
Næ, Atticus ille gloriosus, hominem, sed nō indiuiduum sanans,
sermone potius, quàm re ipsa valuit. Et Aeginetam? Græcos
quoque sequutus cum Aëtio, & Oribasio, Galenum compilauit.
Et Auicennam? Barbaricam luem attulit medicinæ. Siquidem
Auenzuarum mehercules copiosè loquentem, rerum etiam co-
pia delectatum amplecteris. Quasi verò à barbarie hic fuerit se-
clusus. Quid malum hæc perfidia? Quid perfidiam dicis? Si ea-
dem medicina est, cur nouam Theophrastus Paracelsus in Ger-
mania adinuenit? At Montanos, Farnelios, Trincauellas, Craf-
sos, Argenterios, Cardanos, Cornarios, Victorios, Curtios, Sa-
uanarolas nihili facies? Non equidem. Omnibus Medicis tan-
tum honoris tribuo, quantum summorum virosum virtus, qui
naturæ

nat uræ arca na perſcrutantur, expoſcit, quantus ſalutis ergò tribuendus eſt. Cùm verò ex omnibus medicinæ coryphæis veriora decerperint, accuratiorẽ in omnibus diligentiam, maturius conſilium, diuturniorẽ experientiam, ægroti, & non pecuniæ amorem deſidero. De vita agitur. Maxima res eſt, & ab omnibus expetenda. Paucos vix dies methodo datur opera, paucos pharmacorum uſui quotidiano, cùm ſubitò quiſpiam Medicus ſalutatur. Vniuerſalia ſigna notat; medicamenta cuilibet morbo conſtituta affert. Quæ primo loco irrita, reiteranda iubet; nec morbi genere cognito, morti miſerum deſtituit, nec ipſe ab aliquo iugulatur. Inter eos ne recenſeas Medicos Neapolitanos, Donatum Antonium Altomarum, qui è celeberrimis Medicis, ac Philoſophis Italiæ ſuo æuo fuit. Scripſit Artem medicam, de medendis humani corporis malis; Methodum de alteratione, concoctione, digeſtione, & purgatione; De medendis febribus, variaq. varij argumenti opuscula, quibus acceſſit, De ſanitatĩs latitudine tractatus. Nec Ioannem Antonium Piſanum, & Cæſarem Scannapecum, qui eadem ætate, eadem vicinia, ſed non eadem medendi methodo vixerunt. Alter varijs diſciplinis ornatus, hilaris, ægrorum oblectamentum; alter, Medicæ tantùm diſciplinæ deditus, ſubruſtico ingenio, nihil præter ægritudinem cum ægro tractans. Altra Cæſar; Lotium Piſanus obſeruandum dicebat; dùmq. hic placido veluti obſequio hominum naturis, ætatibuſq. multa condonabat, ferocior ille in morbos impetum faciebat, celerem victoriam reportaturus. Quod ſi primam medicinam Medici faciem exiſtimandam legimus, ægrorum animos Piſani aſpectus recreabat. Erat in eodem comitas; & ab hominũ conſuetudine Cæſar abhorrebat. Publicum Medicorũ ille Gymnaſium multos annos leſtura, tũ verò Anatomicis laboribus ornauit; dũ totus domi Cæſar libris incubuit, priuatis ſtudijs maximè delectatus, & prognostiſcis clarus. Trium illuſtriſſimorum virorum interitu maximam Medicina iacturam fecit, ſed ingentibus opibus hæredes auſi. Quid verò? Faxit Deus ne Adriani Imperatoris verbis vtendum ſit, πολλοὶ ἰατροὶ βασιλείᾳ ἀπώλειαν.

Pinti pro Altomaro.

*Quod funus mira hac veneratar pompa sequentum?
 Cui gestat niueas ambitiosa faces?
 Sirenis plectrum supra quid cerno feretrum?
 Hoc Medico fieri iussit Apollo decus.
 Cui Medico? Altomaro. Altomarus decessit, ut alto
 Doctrina, è vita? an portus ut urna patet?
 Corpori an extincto portus? Non. portus Olympi est
 Alta animo sedes, pax ubi, & alma quies.
 Aeternum hunc studeat quisquis conscendere portum,
 Re ut medica, clarus sic pietate Medens.*

Pinti pro Pisano.

*Pugnasti satis in Letum medica arte pauendus:
 Sape amissa illi palma dolenda fuit.
 Et pulsus, sanum induxci loriove nosato:
 Nonne satum hinc fidus te penes esse statur?*

Pinti pro Scannapeco.

*Iuisti ex nostro vitali lumine in Orcum:
 Tecta nisi tibi si suppiser alta dedit.
 Quis te nauta senex dictis aggressus in imo est
 Lintre, fera remis dum Stygiis unda fremis?
 His ne opus et quid erat nostras descendere in oras?
 Dis meus ex atra num male sede valet?
 Lustra Herebi partes omnia, eger ne moretur:
 Sin minus: hinc, obolum solut, & abire licet.
 Quid iocor his, Caesar? cælum tua vita petebat.
 NON alia illa viris, quam supèra aula datur.*

I l.

*Velleris insigni Medico si Rex pecus aurei
 Traderes: hac primo primus honore fores.
 Aurea: nam decoris nulli id retulere medentes
 Pro pecude hac, Caesar, scamna supernus babe.*

Ioannes

Ioannes Bernardinus Longus.

49



Vm verò de Neapolitanis Medicis sermo est, *Τετο μέγιστον* si quis Ioannem Bernardinum Longum diceret, non longius ab eius elogio aberraret. Theologus enim, Philosophus, ac Medicus fuit insignis, qui Cathedras sacris disceptationibus, lectionibus scholas, curationibus Collegia illustravit. Audiuimus eum sapissimè de rebus Theologicis tam disertè differentem, vt doctrinæ grauitate Tertullianum, subtilitate Aegidium iudicarem. Neapolitanam scholam lugentem quotidie, & suum Longum desideratè intelligimus; qui enim quadraginta ferè annos lectura huiusmodi claruit, vt suum Aristotelem ea ciuitas haberet; vtq. omnes, qui in ijs disciplinis aliquid profecere ab illo maxime finitè emanarint, quemadmodum viuens in honore habitus est, sic post obitum singulari memoria obseruatur. Placido, & liberali erat, sed acuto ingenio; vtq. auditorum animos alliceret, nec impudenter indignis modis rudes Calabri, Appulij, debeatèhari auderent, iocis, & salibus materiæ grauitatem condiebat. Leniter egros curabat, fontanæ aquæ liberalissimus. Hortos exardificauit ad Mergellinam aureis malis confitos, fontibus aqua pluuiæ irriguos, Neapolitanorum delicias. Quibus dum frui cum colludentibus marinis Nymphis deliberasset, mors abstulit eum ciuium lacrimis.

Pinti.

*Quid sibi longa togæ Medicorum turba? quis alie
Affidet in medijs? optimus Axiatæos.
Quæ, rogo, vera docet? Longus. sat dicere id unum est.
Eius enim latè fama vagata sedes.
Quis donat? Phæbus. quid? textam flore corollam?
Quæ prope stat mulier? Iuno, ministras opes.
Qui pueri circum? series hi longa nepotum,
Quæ magis est opibus clara futura senæ.*

Maiestate

*Maieſtate grauis non ſic aſtaret Apollo
 Vatiſus, hic celebriſ LONGVS vt in Medicis.
 Hinc abiit, longum in terris at nomine viuet
 Et longum in ſupera, quin ſine fine, domo.*

Duo Pauli Rhamnuſij .

50 51



Eliciffimo ſeculo Rhamnuſiorum ſtemma Vene-
 tijs floruit, eamq. vibem mirificè multis virtu-
 tum ornamentis decorauit. PAVLVS Benedi-
 cti filius inter Iuriſconſultos, & eos qui capitales
 quæſtiones præclarè exercebant eximius, de
 lure Emphyteotico librum ſcripſit, & Angelo
 à Caſtro præceptor dicauit. Additiones præterea ad Angeli
 Aretini tractatum de Maleficijs. De officio Aſſeſſoris ad Hiero-
 nymum Feramufcam Iuriſconſultum Vicentinum; tùm etiam in
 ſecundum Digefſti noui librum, & in Vetèris primi, & ſecundi li-
 bri titulos, præter tractatus, & interpretationes. Alter PAVLVS
 Ioânis Baptiſtæ filius, Decemuirorum Cõſilio à Secretis, lingua-
 rum, & diſciplinæ varietate eruditus. Primo ætatis flore La-
 tina carmina exarauit; laudauitq. in funere Triphonem Gabrie-
 lem, Andream Franciſcum Magnum Reipublicæ Cancellarium,
 & Iouitam Rapicium præceptorem, & nobiliſſimum Rhetorem.
 Grandior, ſex Latinè libros de bello Conſtantinopolitano con-
 ſcripſit, quod anno 1204. geſtum eſt, ſub Henrico Dandulo Prin-
 cipe, qui cum Burgundionibus, & Gallis Proceribus fœdus fe-
 rierat, quos ex Gottifredi Villarduini Galli Hiſtorici commen-
 tatijs excerptiſ. Et iam ſenex præ manibus habebat eorum elo-
 gia, qui D. Marci Procuratores nuncupabantur, quos vt præſtan-
 tiſſimos Senatores celebraret, ni morte ſublatus eſſet.

Pinti .

*En duo Rhamnuſij, Pauli vocitatus vterque
 Nomine, & in clara doſtus vterque domo.
 Ambo ætate pares, Veneto ſub ſidere naſi
 Ambo, ſatis ſcriptis notus vterque ſuis .*

Sf

Omnia

Omnia conueniunt ipsis : discrimen in vno est :

Baldus vt alter erat : Flaccus vt alter erat .

Anteferes igitur consultum iure Poëta

Musa : tua laudis carmine tolle pari .

Cur non ambo vna conduntur (miror) in vna ?

Nil est, hos superum ni tenet aula duos .

Hieronymus Rhamnusius .

32



Hieronymus Benedicti filius , Philosophiæ studijs peritissimus , cùm esset Patavij , cum præcipuis eius vrbis familijs immortales exercuit inimicitias . Quamobrem vt omnia quæ imminabant pericula auerterentur , à Paulo fratre in Siriam missus est . Neque in eo contabuit ocio ; quippè

Arabicam linguam celeriter tam benè didicit , vt Arabem Doctorem Auicennam conuerterit , atque ità , vt eum laborem (quod operosior , & fidelis habitus fuerit) insignes nostræ ætatis Medici in Rhamnusiorum Bibliotheca fuerint admirati . Huiusmodi quoque Andreas Graciolus probauit , qui in primi eius Auctoris libri traductione , textus harmoniam ex illo traduxit . Scripsit etiam duos de vtriusque Philosophiæ nexu libros , cum aliquot Elegijs Hieronymo Donato Illustrissimo Senatori , Leonardi Donati hoc tempore Principis affini , dicatos . Damasci fato cessit . Alter verò Hieronymus Pauli iunioris F. Senatus Veneti à Secretis paterna , auita , proauita virtutis vestigia persecutus ; semel in Lusitaniam , bis in Germaniam , bis in Galliam profectus , operam suam non minori fide , quàm virtute Reipub. præstitit . Superioribus annis apud Comites , alterum de Miranda , alterum de Oliuares , Neapolitanos Proreges , Internuntium agens , munere suo per triennium egregiè functus est . Vir non solum frugi , sed elegantis ingenij , ac summæ probitatis , Patribus , & patriæ apprime charus .

Pinti.

Pinti .

Benaci hic ille est olim gratissimus undis .

Eridaniqu. decus cum iuvenile foret .

Hunc ad Idumaos fratris prudentia misit ,

Ne molita esset gens inimica dolos .

Sic odia vs studio , visauerat ocia , lingua .

DESIDIA vs turpe est si liget vlla manum .

Factus Arabs Arabis Medici medica arte volumen

Vertit , & egrotos sic magis ille iuuat .

Linea tandem aui ducta est postrema Damasci .

Promerita est tantum barbara & urna virum ?

Ioannes Baptista Rhamnusius .



Oannes Baptista Pauli Iurisconsulti filius , &
Decëuiralis Collegij à Secretis, Bembi, Nau-
geri, Fracastorij, aliorumq. doctissimorum eius
aureæ ætatis virorum familiaritate celeberrim-
us. Græcæ , Latinæq. linguæ peritissimus .
Gallicæ, Hispanæ, Lusitanæ gnarus; quas ijs,
multisq. alijs in Regnis, grauissimis Legationibus à sua Republi-
ca adscitus comparauit. Medicinam, Philosophiæ optimè calluit.
nec de ijs in eruditorum virorum confesso quæstiones propone-
bantur, quin Rhamnusium consularent. Cosmographiæ studio
tantum claruit, vt tria nauigationum volumina congefferit, qui-
bus alter Strabo, vel Ptolomæus, noui Orbis incognitas terras,
insulas, maria, gentium mores, naturæ miracula, cœli prospectus,
aliaq. quas fabulas existimauit Antiquitas, tanto studio patefec-
cit, vt nihil veteribus, plurimùm nouo huic scriptori, tantæ molis
cognitione debeamus. Dùm præfatur quibusque libris, de varijs
reconditis rebus disserit, inter quas de Nili aquis disputans, eò
visus est admirabilior, quò materles antiquis Philosophis ardua,
neotericis incognita facta est. Opus de fluxu, & refluxu maris
inchoauit, non absoluit. Obscura Philosophiæ arcana, & penitus
abditæ, quasi qui viderit, manu docuisse visus est, & aliquot amici

St a Fraca-

Fracaſtorij, & Cornarij opinionones tractatu de Venetis lacunis confutauit.

Pinti.

*Quid tibi cum ſculpta, RHAMNVS! marmore Rhamno ?
Spina aduerſa notat, viuens aduerſa ferebam ;
Sumve uſus Rhamno, morborum damna repellens,
Arte valens medica iuuenis Phæbeius alter.
Quid tibi cum Solio ? Reges Orator adibam,
Propatrijs miſſus rebus cumulatus honore .
Quid tibi cum pleno ripiâ, ac rupibus orbe ?
Quid cum liſtoribus ? Nautis quos puppibus intrens
Oſtendi portus calamo, tractuſq. remotos.
Quid me plura rogas ? tibi adhuc haud cognitus hoſpes
Extiti ? in Hæſperias ambas mea Fama penetrat,
Et qua lymphæ Tagi, & Sequanæ, & qua currit Iberi .
Sat dixi : peregrinæ habui γλωσσηματα terra :
Nunc tacita longumve ſinas requieſcere in urna .*

Sertorius Quattromanus.

34



Onſentinæ Academiæ florem Sertoriū Quattromanum antè mors contriuit, quàm fructum aliquem edidiſſet. Quæ enim ab eo ſcripta circumferuntur, præcocia ſunt, nec eam maturitate cocta, ut ſpontè ex eius fertili ingenio decidiſſe viderentur ; falluntq. huiusmodi opinionem, ut maiora ab eo expectari debuiffent, quàm Cantalitiſ Epifcopi de Magno Conſaluo carmina noſtro idiomate proſa oratione traduſta. Cenſor fuit alienæ ſcriptionis ſeuerior, ut mordacitate fuerit notatus, cum præſertim moleſtiæ nauſeam ex omnium ſcriptis haberet, nihilq. probaret, quod ex Petro Bembo, & Ioanne Caſa non eſſet proſectum. Latini, & Italici ſermonis peritus, earumq. Linguarum vocum relligioſus obſeruator, quibuſcum tam ſedulo, tam accuratè

curatè verfabatur, vt grandioris eloquentiæ stylus ab eo profuerit, cum totus in voculis esset, nec μεγαλώς scribere consueuisset. Rem Poëticam calluit, eaq. in vtriusque Linguae Poëtis adnotauit, quæ studiosorum curiosissimi prætermisere. Et licet nihil ab eo in ea Arte confectum fuerit; fuisse tamen scribendo gloriam consequuturum, ostendunt aliquot Horatianæ Odæ nostris carminibus doctissimè explicatæ. Erat Symbolis operam nauaturus, in quibus excelluisset.

Pinti.

*Tandem fersa gerens SERTORIVS buc grauius annis
Venit: Narycijs qui alter Apollo fuit.
Si tot in Heroum laribus, sat clarus ubique,
Scripta soluta dedit, scriptaq. vineta dedit:
Cur hunc Quatrimauum nostri dixere? lacerti
Centum Centimanis more Gygantis erant.*

Michael Scotus.



Eandem nutricem cum stolidis litteratis bibit 55
Michael Scotus, & in eorundem nexu germanitatis vnà coaluit. Detorsit ad speciosas formas animum (hoc habuit singulare) & nobiliorem mundi partem, genituram scilicet hominis, ei usdemq. compositionis notio-rem aspectum, hoc est corporis delineamenta, in quibus phisyognomiæ recondita cognitio constituitur, describenda sibi proposuit. Sed nec illud in hoc homine asperneris, quod Federici Imperatoris nomine, diuturnam suis scriptis gloriam addere censuit. Benè factum. At dum hæc præclara rimabundus eximie delectatus est, in vetustum chaos omnia misit. In alteris rebus sæpè incautus Aristotelis axiomata confundit; in alteris Aegyptiarum more mulierum diuinat, quibusque membris eandem proprietatem adscribens; pedibusq. in suam sententiam vadit, cum
sic

sic se scitulum probat, ut suis se scriptis sapidissimum esse persuadeat. Quid verò in xij. augurijs somniat? Quid *Fernouam*, & *Amponensib*, aliaq. monstra objicit? In qua officina Vulcanus has voces fabricauit? quasi verò defuerint *adepta Coptica*, *incrementa Nilotica*, *arcana Memphisitica*, *sistra Pbariaca*. Sed hæc ad Magiam, inquires. Quid hominem, & auem; dexteram, & sinistram miserimè vrget? Non adedò ignaua Fotis, quæ ex Lucerna imbrem prænuñciauit. Miror Federicum in hisce nugis fuisse immoratum, nec noxios oculos, noxia huius verba effugisse. Habebis in eo auctore aliqua, quæ meliori ordine digesta, & saniori perpolita ingenio, indignis lectione, & Christiano homine, aliquot expurgatis, Phisyonomie studio aliquid afferrent vtilitatis; inculta enim pauperie Apuleiana, sine delectu ciborum, sordentia ventri conquisiuit.

Pinti.

Quod tantum Federicus amet vir magnus haberis?
Quod, Scote, te exlegem Cesaris aula legat.
Bellus es, & malus es, doctusq. indoctus & idem,
Nunc salso, insulso nunc facis ore dapes:
Nunc te deijcio, & capio, nunc nolo, voloq.
Nunc nouus, & contra nunc vetus auctor ades.
At tua dum rectè pendo monumenta, Michæ!
Na mage pro veris rebus adesse placet.

Phocius Patriarcha:

36



On pluri esse faciendos thesaurorum, quàm Bibliothecarum repertores, Ptolomæus Philadelphus edocuit, qui cum Hierosolymis Hebraico idiomate Bibliorum exemplar habuisset, nullum defossis sub terra thesauris fructum inesse prædicauit. Quid Bocchus Numida in monte pecuniam condidit? Quid à Deccebalè Duce in Sergetia,
 & à

& à Vespillonibus Alarici in Bisento fluminibus aurum est repositum? Quantum utilitatis attulere in Iberia Isidorus, & Ildefonsus, in Gallia Gennadius, & Honorius, in Belgio Sigebertus, in Germania Thithemius, qui bibliothecis excussis, librorum cathalogis exactis, reconditis auctoribus, & eorundem ingenijs in medium prolatis, matura gloriosi laboris segete coacta, vberem litterariæ annonæ messem compararunt. At primum fortasse locum PHOCIO Constantinopolitano Patriarchæ dabimus, qui (nam Hieronymus antè illum Ecclesiasticorum scriptorum tantum historiam contexuit) dum Imperatoris Orator in Syria versaretur, Tarasii fratris rogatu, locupletem Philologorum, Oratorum, Historicorum, Philosophorum, Medicorum, Theologorum bibliothecam composuit, deditq. operam, ut quæ iam intercidisse iudicabantur, quæq. funditus essent deperitura, in manus hominum tandem deuenirent. Quis huic Auctori debetur honos, qui tot auctorum nomina propagauit, seruauit? E' quibus (bone Deus) eos tenebris eruit? Et è quibus ipse tenebris erutus est, adiutrice manu Andreæ Scotti Antuerpiensis Iesuitæ, qui purioribus collatis exemplaribus, tam operosè, tam candidè, Marci Velsæri Cæsaris Consiliarij, litterarum alumni, auspicijs, latinitate donauit? Ad ducentum habes auctores, & cuiusque operum habes (præter res ipsas quas scripsere) & styli, & sermonis, & historiæ, peculiares censuras. Sed dum quærit interpretem, eundem habet ipse censorem, qui tumultuarium illud opus esse scribit, ut qui eadem sæpius repetat, & hiuleus sit, atque neglectus, confarcinator potius, quàm concinnator; & quem nitidius opus fuisse facturum arbitraretur, si postremam manum adjicere licuisset. Effecit Phocius, ut quas gratias prior ætas Ptolomæo (licet ingens librorum numerus bello ciuili Pompeiano Alexandriæ fuerit combustus) quas Aristoteli, quem primum librorum collectorem Strabo nominat; quas Polycrati Samio, Euclidi Atheniensi, Nicocrati Cyprio, Pisistrato Tyranno, Euripidi Poëtæ Græcia, Iulio Africano Cæsarea Palestina, Artalicis Regibus Asia, Aemilio Paulo, & Octauio Roma referre debet; eas posterior hæc ætas referat ingentes Serenissimo Ba-

uariz

uariæ Duci, & Augustanæ Reipublicæ, ex quorum bibliothecis Iacobi Greſſeri opera, Anaſtaſius Sinaita, Theodorus Abucara, Philippus Solitarius, Nicolaus Sebaſila, Ioannes Carpathius, Philotheus Patriarcha, Gelafius Cizycenus, tot ſanctorum Liturgiæ, præter manuſcriptorum Græcorum librorum indices, tanto cum doctorum hominum commodo prodierunt. Ingentes habeamus gratias Philippo II. maximo Regi, qui in D. Laurentij in Hiſpania tot libros ex tota Europa congeſſit; Sereniſſimo Franciſco Mariæ Feltrio Vrbinatium Duci, qui tot manuſcriptos, ab Eſdra præcipuæ ſacræ ſcripturæ libros exaratos, in ampliffima ſua bibliotheca, Italix ornamento, ſeruat; ne Vaticanam commemorem, quam veluti Chriſtiani orbis tutelam, Illuſtriſſimus Baronius in ſuis Annalibus, ad Fidei, & doctrinarum gloriam, & cognitionem explicauit.

Pinti.

Vaſta urbis quondam Byzæ Patriarcha ſepulcræ

PHOCIVS, boſpes, habet.

Ne capite obteſto adſiſſas, ne lumine ſicco,

Ter venerare ſenem.

Et pius, & ſapiens, & magni Præſul honoris

Profuit imperio.

Sed cur expendent hoc mille volumina buſto?

Sunt ne trophæa viri?

Quid cum Marte libri? dedit hæc inſignia ſummo

Filia nata Ioue.

Vndique congeſtis cumulauit tectæ libellis

Sedula hic inſtat Apis.

Mellis vs hæc alijs: doctrina iſa condidit iſſe

Et manu, & ore fauos.



Ioannes

Ioannes Georgius Trissinus.



Raui ingenio Trissinus, multis ex Dantis Aligherij libris de Vulgari eloquentia recognitis, & explicatis, multisq. ex Petrarca traductis, & ex suo additis, Italæ linguæ fuit adiumento, & ornamento. Dicerem eius quasi præscripto, normam eloquentiæ, & poëticæ scribendi for-

57

mulas ceteros esse sequutos, & vsurpasse, cùm de verborum ele-
ctione, aut de Rithmis disputant. Nec Etruscæ linguæ puritatem
in Guittone Aretino, Brunetto Florentino, Bonagiunta Lucensî
damnaremus; aut laudaremus in Itala Guidum Florentinum,
Cinum Pistoriensem, & Dantem, non docente Trissino. Nec ex
quatuordecim Linguis, Sicula, Appula, Romana, Vmbra, Etru-
sca, Ianuensi, Sarda, Calabria, Anconitana, Latia, Longobarda,
Veneta, Foroiuliensi, Istriana, vnam linguam Italam confici,
quam Aulicam appellant, ità planè nobis esset cognitum. An tu
Sisiphi quoque lapidem moues? Erit ne æterna hæc concerta-
tio? An ex ea mixtione aliquid nobile futurum tibi persuades?
Rithmorum genera scitè explicat. Appositè combinationes ob
oculos ponit. Perbellè versus ijs pedibus instruit, quibus ince-
dentes, & eleuantur sæpenumèrò, & deprimuntur; quibusq. nu-
mero, atque sono intelligimus ornari. Doctus itaque Trissinus.
Veritatis poëticæ inuestigator. Ceteroqui ad maniam ductus.
Con dona hanc mihi vocem Georgi. Ex quo fonte nouarum lit-
terarum introductio manauit? Saltim Carmenta in nostris cha-
racteribus fuisse. Quid in Latinis Græcus es? In monstruosissima
pagina lucifugos ludere permittis, & Epsylon, & Omega ità cre-
brò irrepere sinis, vt nostros characteres irrideas, atque eludas.
Duo hæc corpora commisces. Fiet Hermaphroditus. Alcumena
etiam opus esset, aut adesset Iuppiter, qui diceret,

— uno partu duo peperit simul.

sed si vaticinaretur,

Eorum alter, nostro qui est susceptus semine

Suis factis te immortalis afficiet gloria.

Tc

Latinum

Latinum ne crederes, an Græcum characterem tibi nomen comparaturum? Dialogum, qui nomen Castellano, de Itala Lingua conscripsit. Dubitationes eiusdem Linguae Grammaticales, quibus profectò docta, & vtilia propalauit. Italia à Gotthis liberata, Italis carminibus conscripta, aliquid ipsi honoris, & gloriæ conquisiuit.

Pinti.

*Cæsar iustitia plenus ab hostibus,
Tu inculto Italiam carmine liberas
Oppressam Getica manu.*

*Exortus. Danaûm sanguine non eras:
Ωμέγα tamen horum utere, & Εφελόν,
Scriptis affiduo tuis;*

*Scriptis, næ redolent quæ sapientia
Et Nardi, & Casie, & caruleum Thymi
Florem; quæ Aonides amant.*

*Dùm permixta Ducum prælia continis:
Adstunt Charites tres sinu in hoc tuo
Vatum gloria. TRISSINE.*

Ioannes Salesberienfis.

y8:



Ioannes Salesberienfis, quem de Saresberijs nominat Petrus Blesensis quadam epistola, qua cum Thoma Cantuariensi Archiepiscopo, cuius discipulus, vel socius erat, in exilio degentem consolatur, Carnotensem Episcopus, doctrina, & bonitate insignis, diuinis, & secularibus litteris nobiliter eruditus, circa Alexandri III. Pontificis tempora claruit. Librum varia disciplina conspersum scripsit *De Nugis curialium, & vestigijs Philosophorum*, in quo de Magiæ differens, nihil de ariolis, imaginarijs, coniectorijs, fortilegis, auguribus prætermisit. Ad Mathematicam accedens, de Mathesi, præ notionibus, signisq. subtiliter disputauit. Nihil est, quod de Re publica, Rege, Tyranno prætereatur; nihil quod de militari

militari peritia contemnat. Philosophorū genera, dogmata, opinionones explicat; vt ostendat sub *Nugarum*, & *Philosophorum* nomine, quibus vitiorum gurgitibus obruatur animus, quibusq. virtutum adiumentis ad superiora emergat. Non *pulcrum in eo venustatem*, nec *disertum eloquium* Tritemij testimonio reperies; sed, *optimam eruditionis formam*, & *propter artificiosam sententiarum varietatem inestimabilem materiam voluptatis*, quæ Blesensis tribuit encomia. Thesaurus planè hic liber est, si quis aurum colligere sciuerit; nec cetera quæ supererint nominismata reiicienda dixerim, si quis impensè quò opus fuerit didicerit erogare. Principes enim, plebeios; doctos, ignavos; exemplis, præceptis; sacris, profanisq. doctoribus aduocatis, instruit; quæ omnia, licèt ad libitum exposita, nullum seruent ordinem; ità nihilominus connexuit, vt multiplex rerum congeries ordinem non exposcat. Thomæ Cantuariensis vitam descripsit, quò à milite capite molètato, brachium huic Doctori ferè præcisum est. Quod cùm nullo pacto post integrum annum posse consolidari Medicus speraret, à Sancto Martyre noctu linea fascia inuolutum, sanitati est redditum. Tunc in Episcopum electus est,

Pinti.

Hos paucos numeros quæ schola Palladis

Mittunt marmoreo, suscipe, qui sinu

Hoc paruo magna abdere.

Procliui illa legit luce volumina

Quæ doctis tribuunt docta præcipua

Sacrata egressa de manu.

THOMAE *tu eximio Antistitis Anglici*

Et clarus studio martyris inclyti,

Facta huius scriptor edoces.

Hoc sit sub tumultu longa quies tui,

Mens aternum habeat gaudia cœlitum,

Carnuti Præsul optime.

Adrianus Spathaphorus.

59



Inscriptionum varietate, statuarum numero nomismatum copia, lapillorum sculptis imaginibus insigni cumulo, vasculorum excellentia, & peregrinarum rerum præstantia, quas non modò ex Cumanis, & Puteolanis relliquijs erutas seruabat, sed ex tota ferè Italia magno sumptu conqui-

siuerat, ex tenebris quas hominum inscitia offunderat, omnem Antiquitatem Adrianus Spathaphorus in lucem reuocauit. Indè antiquarum rerum studium Neapoli inclaruit, cum antea contemptui esset. Adriano in ea re plurimum debemus. Ceteroqui poena dignus, qui florentem huiusmodi monumentis, squalidam reddidit. Cum enim Perasfanus Ribera inter Neapolitani Regni Proreges maximus, Adriani monitu, eo studio Principe digno, dilectari cœpisset, alter Verres, quicquid vetustatè in publicis, priuatifq. locis redolebat, in Hispaniam transtulit, magna parte ex maris gurgite deuorata;

In nunc argentum, & marmor vetus, æraq. & artes

Inspecte -----

Nihil est, quod laudes, vel admireris. Vbi nam Amiclea, & Nomadum saxa? Vbi columnæ ex Eoa Siene excisæ, quarum vna ad Basilicam reliqua est, ex fundamentis eruta? Vbi Parthenopis ἀγάλμα, cuius Suidas meminit, quæ in ædium angulo ad D. Stephani posita, antiquam Neapolim referre videbatur? In Castorum tantum busta iuramus. Hæc vigent. Hæc affabrè, & antiquo artificio elaborata, vel cum dolore manca conspiciamus. Quod si Theatri partem, in quo bonus Pythaulæ audiebatur, submouere licuisset, sacram tectam sustulissent. Nemo ex intima Europa Neapolim veniebat, quin ad Adrianum diuerteret, ab Adriano opem peteret, Adriani quotidiana cōsuetudine perficeretur. Nullus domi paries erat, qui aliquam vetustatis memoriam non contineret, aliquid lectu dignum, visu delectabile non seruaret, & de-

& describendi materiã exteris non præberet; quapropter Adriani Antiquitatibus, eorum pietatem, qui veterum fragmenta varijs peregrinationibus collegerunt, ne prorsus deperdita iacerẽt, auctam, amplificatam, illustratam duobus nuper voluminibus cognouimus, quæ Iustus Lipsius, Ianus Gruterus, Iosephus Scaligerus, Marcus Vellserus Antiquariorum utilitate maximis laboribus edidere; quem vnum librum si quis legeret, nihil præterea in tota Antiquitate desideraret; eaq. ex solis lapidibus ediceret, quæ aut Iuris ciuilis corpus compilauit, aut factorum rituum relligio protulit, vel Romanorum Fasti Consulium, Magistratumq. honoribus edocuere. Quid ab ijs abest, quod ad militiam spectet? Coniugum, parentum, liberorum affectus non exprimat? Veterum artes, & studia non patefaciat? Prouinciarum, municipiorumq. leges non proponat? Quis verò est, qui absque hisce inscriptionibus Latini sermonis elegantiam aptè rotundet? Id quidem Adrianus fecit, qui eas ad antiquas accedentes multis in locis posuit; & à quibus abstinere, quæso, qui antiquorum styllum ignorant, ne in ridiculas cantiones impellantur, quas sexcentas legimus. Scriptiones dicas; & historias ferè percurras, vel testamenta rideas; quæ polygraphijs, & inutilibus prolegomenis non *παμφαίονται*, vel quæ non

— *miracula promant*

Antiphatem, Scyllamq. & cum Cyclope Carybdim.

Abest breuitas. Intercurrunt verborum phalanges, quas penè extrudebat Antiquitas vno contenta. Exulat candor, affidetq. barbaries, in *Regij Naualis finem indicat* cum absolutum opus intelligeret; in *Ambulacro*, quasi Balneæ fuerint publicæ viæ; in *Regiam vicem implente*, quàm lepida Proregis descriptio; in *Præfecto Prætorio*, quasi *ἱπαρχος τῶν διοικήσεων*, vt Burrus sub Nerone, & Perennis, & Lætus sub Commodò, & *ἱπαρχος αὐλῆς* Præfectus aulæ, vt Nymphidius Sabinus dicitur à Plutarcho, idem sit cum Proregibus Neapolitanis; ne duos Præfectos Prætorio sub Augusto, tres sub alijs Imperatoribus commemorem; ac si nesciant Præfecturam Prætorianam, totius Imperij quendam esse principatum, sed sine purpura, *βασιλεία ἐστὶν ἀπὸ βερβυρος*; quam-

quamobrem aurea virga insignitus, inter obsequia numerosa primus Præfectus Prætorio antè pedes Regios incedebat. Quid ad Proreges? Alia præterea, quæ cùm stomacho ab eruditis leguntur, ex Calepino sententiarum ornatu deprompto, qui incomptus est, nisi veterum lapides suppeditauerint. Cum Sole Adrianus cœnatus cubitum ibat; antè Solem in templa se conferebat; mox domum reuertebatur tempestiuo prandio operam daturus. Diuturnam aiebat vitam victurum, quem Sol radijs non percuteret. Tranquillitati sic indulgebat, vt nec vxorem, nec liberos morientes videre voluerit, rus proficiscens cumprimùm Medici ijs moriendum prædixissent. Ad nonagesimum peruenit annum, nullo morbi genere, vno tantùm dolore afflatus, quòd domum in Alfonsi Sanciij Grottulanorum Marchionis potestatem, quocum litigabat, venturam, & ornamentis spoliandam prælagiuit. In villam Arpinam ad Atellam ea comportanda iussit, domusq. quæ non domino magis, quàm ciuitati erat ornamento, concidit.

Pinti.

*Hospes iter repete: huc rursus vocat inclyta Siren;
 Longe alia hac oculis, dona vetusta feret.
 Omnia non vidi? An ne breui quis plurima cursu
 Temporis aspiciet signa relicta Deum?
 Quæ? Quæ Romulides, quæ olim coluere coloni
 Argolici, & sculptis marmore busta notis.
 Sunt ubi quæ mira hac memoras? Non protenus. Ire
 Nonne licet? Cur non? Nomina pande domus.
 SPATAPHORI domus est. Ultra ne nota reponas;
 Vltima luminibus sunt simulacra meis.
 Prima sed aspexi: na primo digna decore,
 Ac multum me non prima notasse pudet.
 O vir ab externis æque ac sat cognitus ipsis
 Ciuibus. o patrij gloria magna soli.*

Cæsar.

Cæsar Cardinalis Baronius.



Equicquam cum Elogijs de Cæsare Baronio agitur, cuius virtutum laudes, & perenni fama eloquuntur, & in cœlum extulere, & in eo honestando certatim Romana amplitudo, & florentissima Europæ Academiæ studia conferunt, cum fructuosissima laboris, & ingenij gloria, sua scripta Aeternitati commendavit. Maximum quidem opus aggressus, quod nemo ex Romanæ Ecclesiæ Bibliothecarijs excogitavit, illud præclare assequutum scimus, ut difficillimis scribendis rebus, ijs præsertim, quæ ad Ecclesiasticæ historiæ veritatem spectant, ad Sedis Apostolicæ auctoritatem roborandam, hæreticorum prauitates refellendas, Apostolorum Constitutiones confirmandas, Sanctorum Reliquias venerandas, varios in Dei Ecclesiæ euentus, variosq. Principum motus cognoscendos, tantum luminis attulerit, ut si barbara Mors in scribendi itinere retardatū vlrà progredi permisisset, nihil esset quod eo amplius Christianorum cœtus desideraret, tam illustria nouus hic Moyses in laborioso illo, vastoq. Vaticanæ Bibliothecæ deserto, tot annos sudando, algendoq. edocuit. Modoq. Manna colligentem videas, in quo omnium doctrinarum oblectamenta gustantur; modò petras percutientem vnde eloquentiæ flumina eliceret, quibus Serana Veritas, Arpinatem facundiam labefactauit. Quid si deserti mella confecerit, cum veluti Apis cultissima ex omnium veterum scriptorum, ex dependitæ chartulæ, & aduersariorum floribus, tam dulces fauos, tam suauis finxerit? Amariorese sese accusent, qui illud in tanto viro reprehendunt, quod alienis verbis historiam texuerit. Ità sanè faciundum in eo historiæ genere, in quo cum diuina præcipuè tractentur, eorum verbis nitendum est, qui diluciditatem obscuritati, dignitatem ordini, veritatem tempori afferre valuissent. Quid quod ab illustribus scriptoribus idem factitatum legimus? An Gelasius ille Cyzicenus in conscribenda Constantini historia, qua Nicæni Concilij Acta

60

Acta erat narraturus, non vsus est Eusebij Pamphili verbis, quibus quæ protulit verissimè confirmaret? An verò Fabij Pictoris, Lucijq. Pisonis auctoritate spectatam Liuij fidem dicemus; & tot Sanctorum Patrum, totq. receptarum Scripturarum auctoritate, à Baronio quicquam detractum pronunciare audebimus? Sic vberius explicatas res legimus, & enucleatius tractatas, quæq. litigiosè fortassè ab alijs prolata fuerant, ab ipso vno Baronio paci esse reddita non dubitamus. Ingenerata huiusmodi verbis Christianæ Relligionis pietas; factumq. ex eius Annalium lectione scimus, vt multi quos irretitos hæretica fraus teneret, laqueos declinauerint, cognitaq. veritate, in Ecclesiæ Romanæ matris gremio educari desiderarint. Ex Congregationis Oratorij instituto, primùm in rebus gestis Ecclesiæ, in vitis Sanctorum Patrum immoratus est; deindè ad Annales, Antonij Carasæ Cardinalis Bibliothecarij hortatu se contulit; primaq. volumina Sixto V. Bibliothecæ restauratori dicauit. Mox in Cardinalium Collegium à Clemente VIII. cooptatus, alacriori animo scribendi munus prosequutus (licèt Dauidis exemplo, qui armatus contrà Philistæum incedere nequibat, purpuræ grauitatem se perferre non posse, fatebatur) ad duodecimum vsque volumen progressus est, quod Paulo V. extremum laborem obtulit. Vir antiqua fide, & bonitate, qua meruit in Comitijs, quæ habita sunt post Clementis obitum, in Pontificem inaugurari.

Pinti.

*Incede hæc. tumulo est, Musa, BARONIVS,
Multos cui numeros, vel nihil afferas,
Silendo humana pensitans.
Angustum hac poterit lamina marmoris
Amplas ad laudes pandere nec finum,
Meret quas CAESAR inclytus.
Ille hic, cuius erunt vasta volumina,
Quo mente hinc valeant percipi ab intima
Loca ut scriptoris arbitri.*

Quos

*Quos virtute sua veltus ad est gradus,
Non sic, hospes, ades nescius vs velis
Doceri. Fama perdocet.*

Afcanius Cardinalis Columna.



ON familiæ splendoribus, quæ tot radijs emicat, quot suis orbem Sol terra, mariq. illustrat; non maiorum gloria, quæ præclaris facinoribus Columnensium stemma, vel extrâ Herculis Columnas decorauit; non patris maximi Principis honoribus, quibus ab Austriacis Regibus, & Pontificibus ornatus, omnem rerum excellentiam, & in omni vita, propriæ virtutis dignitatem gentium præconio constitutam reliquit, Afcanio Illustrissimo Cardinali, honorum, amplitudinis, gloriæ, virtutis accessio facta est. Ea sibi illustrius comparata retinuit, retenta sic amplificauit, vt sui ordinis Principibus facili præpositus fuerit. Iam indè ab adolescentia in Salmaticensi Academia funebri oratione Annam Reginam Philippi II. vxorem celebrans, ea eloquentiæ copia, quam ex Cardinalis Varmiensis pectore hauisse scribit ad Stanislaum Rescium, eximij sui ingenij specimen edidit. Mox omnibus disciplinis comparatis, tantus orando factus est, vt dicendi vbertate, vbertatis maiestate, maiestatis raritate, non modò sanctissimi Senatus Cardinalibus præstiterit, sed omnibus, qui dicendi facultatem profitentur. Testis Oratio illa quam in funere Philippi Regis erat habiturus, nisi palmam inuidi præripuissent. Et mecum ipse Romæ conquestus est, Nazianzenum, atque Basilium publicè orasse; cur sibi pro Rege maximo, de Catholica Ecclesia optimè merito, non liceret? Testes, eius scripta, quæ veluti Palladium aliquod, aut sacrum depositum asseruare se scripsit Belgicæ ocellus Iustus Lipsius; & quæ nuper in Episcopos Venetos pro Romanæ Sedis, & Pauli V. Pontificis auctoritate edidit. Testes doctissimi Europæ viri, qui vndique aut epistolis, aut voluminibus, riuli ad vastum doctrinæ, benignitatis, amoris,

V u ampli-

64

65

amplitudinis flumen confluebant. Proh dolor. Quid confluunt, dicere non licuit? Hæc me scribente, in omnium mœrore Naruræ cessit, orbemq. Columna, qua virtutes omnes, omnia fulciebantur illustria, orbavit. Librorum helluonem appellarim, qui copiosissima Bibliotheca domum augendam curauit, quam Alexandrini Musæi æmulam nominat Rescius, & in qua ipse Sigonios, Muretos, Bencios desiderabat. Regnum Aragonum ei administrandum detulerat Philippus III. in quo cum se prudētissimè gesserit, suorum virtutis memoriam excitauit.

Pinti.

Vescentem nuper vitali vidimus auræ :

Atq. excita columna velut nunc corruis iſtu

Atropos, atque hinc sunt tremefacta funditus ades :

Extinctum te veste Patres luxere rubentes,

Et dolitum è folio descendit clauiger aureo

Rex, cui sacro Petri sunt aquore Pinus

Tradita; & ex alto venerunt vertice Nympha;

Et feretro, & busto lacrymas, numerosq. ferentes;

Atque hac dicta super tristes posuere sepulcrum.

Hic iacet Ascanius sobolis lux magna Columna

Purpureum iubar ille senum, sat fidus Iberis

Regibus, & docta vel ad æthera Pallade notus

Maximus Ascanius. sat cætera Fama profatur.

Paulus Minerua.

62



N Dominicana familia, quis neget præclarissimos viros enituisse? Nemoq. non nouit Paulum Mineruam Barensem, quem si philosophicè tractantem audias, Philoponum dicas; si Theologicè, ferè cum optimis Patribus conferas. Ex Concionatore, fructum; ex Mathematico, disciplinarum varietatem, & concinnitatem percipies. Si Hebraicè loquutus fuerit, Talmudicæ rei gnarum probaueris; si Græcè: nihil sibi ad Philosophos, & Theologos enucleandos deesse

deesse affirmabis. In Gymnasio Neapolitano abstrusos Metaphysices, Meteorologicorum libros, moralem Theologiam exactissimè explicauit. Scripsit de Neomenijs Solomonis perperuis contrà Hebræos, & Hæreticos. In sententias paræneticas è Græco in Latium conuersas commentaria. Orationem in obitum Beccariæ suæ familiæ Generalis. Editurus est, De præcognoscendis temporum mutationibus iuxta triplicem viam, Cœlestem, Meteorologicam, & terrestrem, libros. Opus in Bibliam celeberrimum. De libro Apocrypho. De Mundi Duratione. De rebus Astrologicis. Opiniones hominum de Deo, & creaturis. Defensionem Caietani contrà Leccherum, præter ea, quæ lingua Italica conscripsit, & Hispanica traduxit; vt inter nostri temporis Monachos, doctrina, religione, bonitate admireris. Illud verò in hoc viro maximè laudabile existimes, quòd cum Regni Prouincialis à suis Patribus summo omnium consensu creatus esset, & Neapolitani, procurante Claudio Milano, Diuum Thomam Aquinatem in Octauis Urbis Patronum à Clemente VIII. Summo Pontifice feliciter impetrassent, tanto studio in ea re suam ipse nauauit operam, vt Electis Ciuitatis, publicis tabulis, reliquiæ Brachij eius Sancti partem, benignè concesserit. Hoc in Paulo æternum vigeat. Vigeat in Neapolitanorum memoria, qui Claudio præclarissimum, & post hominum memoriam celeberrimum opus debent; & Paulo rei perficiendæ nomen consecrarunt.

Pinti.

PAVLI hac effigies mei Mineruæ,
 Cui sint lustra seni quòd astra in axe
 Poli; inde & lasices pluant feraces
 Lauro, tempora quæ ipsius salutes.
 Hic est ingenuo satius parente,
 Hic splendor patrij, decusq. Bari,
 Domus hic & bonos suæ; piorum
 Exemplar parium virum. quid ultra?
 Es vates? adeas meum Mineruam:
 Quærens Historiam? dabis Mineruam.

V u 2 Sopbus

*Sophus ne es ? meum & hunc adi Minervam :
 Clarus ne Astronomus ? petas Minervam :
 Rerum scriptor eris Dei ? Minervam
 Adi ; quicquid aues, docet Minerva,
 Hic & , quicquid babes, habet Minerva
 Latas forte sua. parum Minervam
 Ames ? quis celebret parum, Minervam ?*

Thomas Natalis Marcanensium Episcopus .

63



Vum Rachusium habuit Aesculapium Epidaurum proximum, Thomam Natalem, quem sibi Archiatrum praefectum, summo honore semper coluit. Is cum Thraciae urbem nobilissimam Constantinopolim inuiseret, tantum laudis Medica, & Philosophica disciplina consequutus est, ut non modò Arabes illi Medici, *Hogjialar* eorum lingua appellati admirarentur, sed Turcarum proceres libèrissimè exciperèt, ipseque Imperator Bobaniae restituto Comitatu insigniuerit. Sed tantùm in ea urbe pro Christiana Fide profecit, ut cum Germani Protestantes de Catholica opinione Ieremiam Constantinopolitanum Patriarcham dimouere conarentur, monitu, & doctrina cum Thomas iuuerit, atque ad scribendum impulerit, quod tanta pietate Ieremias effecit, ut cladem hæreticis intulisse visus fuerit, adhibita Stanislai Socolaiui Stephani Barrori Poloniae Regis Theologi solertia, qui docti eius viri scripta Latina faciès, maximum fructum earum prouinciarum hominibus attulit. Quamobrè ab ipso quoque Polono Rege Thomas dignitatibus decoratus est, Eques, & Cracouiensis Ecclesiae Canonicus electus, demùm à Paulo V. Summo Pontifice Trebinij, & Marcanae Episcopatu ob singularia virtutum merita donatus, eiusdem Pontificis nutu artem Medicam in sua patria ære publico exercitaturus. Sed à litteris, ad nobilitatem. Ex Budislaua gente originem

originem sibi prouocat, ab Vdislao Alexandri Magni Philippi filij equite; proprioq. id elogio narratur à Nicolao Bolizza Aſcruienſe Patricio Patauini Gymnaſij Reſtore. Sunt qui eam gentem Gentio Illyriæ Regi, alij Alexandro ipſi Macedoni tribuant. Qui aliquot Myſſiæ veteranos, bello in Perſia conſecto, ob egregiam virtutem mirto coronans, *Endoxos*, fortes ſcilicet in bello appellauit, clypeos ex argento largitus, vndè primum nomen Argyraſpidum emanafſe Cleſias ſcribit, domum reuerti permiſit; quos indigenæ peregrinū nomen aſpernantes, Budislauos nominarunt. Adduntq. Dobroſlauum Budislaui filium Regi affinitate coniunctum, ne ciuiliſ belli cauſam dediffe videretur, ſolum vertiſſe, & Szæti præclaram urbem in Illyrio incoluiſſe. Quisquis autem Buſlauorum primordia aluerit, præſtanti nobilitate virum, Alexandri Magni priuilegium Slauiſ conſeſſum propalat; quod vt nouum, & Conſtantinopoli repertum, è Græca in Latinam linguam verſum, curioſorum gratia adſcribam, huiusmodi enim eorum Regum diplomata nuſquam reperiuntur;

Nos Alexander Philippi Regis Macedonum Archos Monarchiæ figuratus, Græcorum Imperij inchoator, Magni Iouis filius, per Nababaniū nunciatus, alloquor. Et Brachmanorum, & Arborum Solis, & Lunæ conculcator, & Perſarum, & Medorum Regnorum. Dominus mundi ab Ortu Solis ad Occaſum, à Meridie ad Septentrionem; Illuſtri Proſapiæ Slauiſ, & Lingue eorum, gratiam, & pacem, atque ſalutem à nobis, & ſucceſſoribus noſtris, ſuccedentibus nobis in Gubernatione mundi; Quoniam nobis ſemper affuiſtiſ in fide veraces, in armis ſtrenui, noſtri coadiutores, bellicoſi, & robuſti; Damus, & conſerimus vobis liberè in perpetuum, totam plagam terræ ab Aquilone uſque ad fines Italia Meridionales; vt nullus audeat ibi manere, aut reſidere, aut ſe locare, niſi veſtrates. Et ſi quis ibi alius inuentus fuerit manens, ſit veſter ſeruus, & poſteri eorum ſint ſerui veſtrorum poſteriorum. Datum in ciuitate noua, noſtra foundationis, Alexandrina, fundata ſuper magno Nili fluuiio; anno Regnorum noſtrorum xij. aridentibus magnis Dijs, Ioue, Marte, Plutone, & maxima Dea Minerva. Teſtes huiusce rei ſunt Aſbleta illuſtris Loſa terra noſter,

noster, & alij Principes xj. quos nobis sine prole decedentibus, relinquimus nostros heredes, ac totius Orbis.

Acceptit illud Philippus Triuultius Archiepiscopus à Sigismundo Philochristo de Gorgiata milite sancti Sepulcri Hierosolymitani. Ab eoq. accepit Thomas, à quo typis editum seruabatur. Quamobrem & virtutum, & stemmatis gloria per omnium doctorum ora viuus volitat, summorum hominum consuetudini, & amori coniunctus; Regumq. litteris, & muneribus honestatus. Neapoli interijt anno 1608.

Pinti.

*Delmata me claro nascentem sanguine vidit,
Palladis edocuit Felsina plena virum.
Munificum, plenumq. auri me Vistula fecit,
Teutonicum me Equitem Rex dedit esse suum.
Me ciues, me Bosphorida coluere: Medentum,
Perse, Arabisq. sui gloria prima toga:
Regum, adij Tybrin, studijsq. opibusq. peractus,
Mercane titulum Præfuls unde tuli.
Expertus sum multa foris sudore, geluq.
Et terra, & passus magna pericla salo.
Allexit, tenuitq. diu me prodiga Siren
Delicijs: tandem mi pia busta dedit.
Vos Podaliriade date vos lacrymasq. precesq.
Pierides: vestra sat placuere lyra.*

Antonius Orificius.

64



nobili Surrentina Orificiorum familia Antonius per omnes Regionum Magistratuum gradus ad Consilij Præsidis fastigia euectus, tantam eam prouinciam auctoritate, & integritate administrauit, vt eius Officij munera in eo conqueuissent omnes existimarint. Inerat in eo viro tantæ dignitatis grauitas, tanta in verbis, gestuq. seueritas, vt vnus veluti ex Arcopago Senator dicendo, tacendo, cunctis esset formi-

formidolosus. Marcus Antonius Columna, summus ille Romanus Princeps grauitate, & maiestate præclarus, expertus est. qui cum gerendi negocij causa eum inuiferet, vultus reuerentiam, sermonisq. laudauit sine fuce pondus, sed obseruantiam in comitatis limine, qua durius caruit, maximus Heros desiderauit; ac dixisse ferunt, *Malle se omnia negocia interire, quàm eiusmodi homines alloqui, & intueri.* Ab austeritate, cum amicis agendo, decedebat. Quòd si quis eorum de rebus forensibus fortasse pertractaret, illicò componebat sese, videbatq. geminos orbes à grauib. superciliorum arcubus coronari, vt alium iam euasile intelligeres. Domi semper erat. Nunquàm alienis mensis interfuit, nec in suis impolitam liuentis argenti congeriem, aut fercularum nitorem amauit. Contempsit ludicra. A littoralibus amœnissimis Pausilypi oris abstinuit. Quis de Neapolitano credat? Et cum à quodam familiare Pausilypanum coemptum accepisset, *Vita, & fortunis mox eum cariturum*, edixit. At dùm inter scyphos, & pateras ridere cunctos prospiceret, in Regia ipse disciplina Græcam elegantiam indutus, admittens supplicationibus suspiriosos negociatores, audiebat plurima, pauca respondere, sola enim erat illi cura iuandi. Surrentinum suum petebat, cum Forum à iudicijs refrigeret, eòq. cum aliquo ex amicis diuertens, Sirenarum delicijs in ea felicissima omnium regione oblectabatur. Habes doctrinam. grauitatem habes. Quid de Prudentia? Quàm sapienter venenatum Fortunæ telum inuidorum prauitate iactum, quàm prudenter excepit? Quatuor annos ventorum turbinibus è summo gradu deiectus est. Sed nec solettiæ, nec auctoritatis, nec loci in quo domi sedere solebat oblitus, adhibita innocentie medela, annuente Philippo II. qui eius fidem, & bonitatem nouerat, tanta alacritate telum eduxit, ventosq. repulit, vt ad eadem fastigia summa cum sua laude fuerit reuocatus. Domo diuitijs amplificata, non agerius obiit. Locupletior diuitijs, & titulis reddita est à Ioanne Francisco filio Acernensium Episcopo, qui vt nepotum rem familiarem diligentius curaret, Episcopatu se abdicauit.

F. Cyrilli Candidi Carmelitæ.

*Consilio viuis populos, & lege regebas,
Lege tibi euenit, consilioq. mori.*

*Consilio superum quo gestis præmia ferrent
Fati lege, diu viuere qua prohibet.*

*Non tibi lege tamen, parent cui cætera, ut ipse
Communi exemptus condicione fores.*

*Nam si forte pari viuis, morerisq. fatendum est
Vnum te, ANTONI, viuere cum moreris.*

Vincentius de Franco.

65



Campana nobilitate Vincentium de Franco Antonius habuit successorem. Doctrinam, grauitas; celeritatem, maturitas; Iurisprudentiam, Iuridicundo facilitas, atque disciplina. In ijs Vincentius acrior erat, in quibus ob iuris difficultatem facilius ingenij acies hebescit; & eò dilucidior, quò vel interpretando, vel decernendo, obtusis rerum ambagibus obscuriora sese negocia offerebant. Audiebat, scribebat, consulebat, tanta promptitudine, vt ad ea natum, & Adriani Imperatoris æmulum dixeris. Denegandis, concedendis supplicationibus, frequentiq. Senatu (qui ab eius ore pendebat) sententijs ferendis, diuinus fuit; vt adhuc eius voces sacris, testisq. Aularum parietibus occlusæ, sacrarum Legum mysteria, & Iurisconsultorum placita, & quicquid iure ad Rerum-publicarum statum reconditur, resonare audiantur. Subsellia eius splendore conspicua, eiusq. ingenij ardore prudenter accensa, lumen Foro perferunt; neque vllus confessus ibi est, quin dùm peregrinarum rerum præconia in memoriam reuocant, Solem qui singulis horis illucebat, cum Neapolitani Regni mœrore non occidisse affirmer. Sancti iuris custodem appelles, & veritatis, bonorumq. hominũ amantem; æquitatis, atque clementiæ, iustitia præeunte, in maximis Principibus æmulatorem.

Quas

Quas præbebat benignas dicentibus aures? Quàm providè Legum arma quilibet ad eum accessurus capiebat? An sæpè solus nõ indicabat affectus (de hoc illud scriberet Cassiodorus) solusq. sæpè noxias contentiones abscondebat? Sic vice cotis ingenia illustria, & causarum assiduitate pòlitissima, & concinna reddebat, dùm redundans politicarum rerum copia, inexhausto solidæ doctrinæ cibo satiaretur. Seueritatem is quoque sibi comessationibus, & ocio indixerat, nullius præterea rei nisi litterariæ studiosus, & legalis tantùm scientiæ gurgite mergens, à disciplinis, quæ à Reipub. commodo aberant, longè alienus, velut alter Papinianus iuris tantùm arcana interdù, noctùq. indefessis laboribus perscrutabatur, vt Iurisconsulti gloriam, & præmia (quæ plurima consequutus est) à suis sibi Regibus compararet. Decisionum luculentissimos scripsit libros; quibus causarum bella dirimuntur. Calculi difficultate periit grauis annis. Domum non tam diuitijs, quàm virtutibus auxit liberorum. Ex eo enim orti sunt Iacobus Cõsiliarius, Andreas Tranensium Archiepiscopus à Clemente VII. Felix ex Theatina familia à Paulo Quinto Aequensis Episcopus creati; Laurentius Fiscipatronus, Lucas Philippi III. Regis Cappellanus; Thomas, atque alij, qui magnam virtutum, & honorum opinionem concitarunt. Vt ea potissimùm re Vincentij bonitas, atque felicitas dignoscatur, qui tot filios, tam splendide educatos procreauit.

Ascanij Colellij.

Hic est quem queris Vincentius, hospes, in urna;

Siste gradum, & tanti numinis acta lege.

Infractus Legum studijs hic pectus obumbrans

Sontibus intorsit, ciuica tela, reis.

Aurea Saturno, quo nobiliore vigeant

Secula, & Imperijs aurea lustra suis.

Huic dedit Imperium, hoc terras Astrea reliquit

Fessa diu, & magni ducere Atlantidis opus.

Felix parue lapidis, quis te felicior & ardens

Sidera delitij, inuidiosa suis.

XX

Angelus

Angelus Politianus.

66



Vrem, & auem Vespertilio refert. Et Vespertilionem se cultissimus Angelus Politianus appellauit, quòd Latinus græcissabat. Et quàm candidè, proprièq. Latinus, licet Ciceronem fastidiret, & nihil in Ciceronianis præterea quàm imitationem reliqui esse diceret, in ea re temeritatis à plerisque accusatus? Et quàm Atticè Græcus? Quare sic laudatur à Pico Mirandulano, vt in Latinis nemini è primo loco cessurum, & in Græcis non esse tam Atticas Athenas ipsas, quàm eius scripta affirmet, & huiusmodi virumque implere, *Vt vtrum magis haud satis constet, qui & Græcam, & nostram Minervam ita pulchrè amplecteretur, quasi Cinnus viri quoque lingua, vt qua inscititia sit, & qua genuina, non faciliè discerni possit.* Maiorem laudem nemo habuit, vt in Italia natus, Græciam videatur habuisse nutricem. In vtraque lingua herclè imitandus est. In altera seruauit nitorem, ne obsolesceret (quam obrem eruditissimus, & candidissimus Itatorum dictus est) in altera non nitorem, quem nunquam amisit, sed pristinam dignitatem aut versa, aut prorsà oratione retinuit. Seueritate, an liuore alienas scriptiones castigabat? Distorto, & immani eius naso id detulere, ingenioq. iniquo, interdùm iudicio exacerbato, cum nec vngue, nec obeliscis errata notaret, sed planè versus libera veritatis fronte (vt ipse dicebat) confoderet, & Momi personam induens, Sandalium Veneris tandem culparet, cum Venerem non posset. Cum verò laudabat, redundantem dixeris. Testes laudes Hermolai Barbari, Pomponij Læti, Guarini, Beoraldi, Donati, Leonicensi, Sabellici, Pucci, Maffei, Ficini, Scalæ, Criniti, Antiquarij, Merulæ, & aliorum quos habuit contemporaneos, & familiares, & eorundem studiorum amatores, & ad quos scribens varios epistolarum locos tanta eloquentia consperxit, vt oratoriam potius dignitatem, quàm familiaris sermonis comitatè fuerit amplexus. Grauis in iudicijs. Accuratus

in

in emendationibus. Examinandis auctoribus, acutus; & elegans in aliorum sententijs explicandis. Scripsit Miscellanea, in quibus non modò quæ ad litteraturam, ac Poëtarum, & Oratorum cognitionem plurimùm conferunt, sed & Medicorum, & Philosophorum innumera (habuit autem in Philosophia Argytopolum Byzantium præceptorem) in vetiorem lucem educita, scribit Leoniceus. Tantum Poëtis tribuit, ut eum qui illorum interpretationem susceperit, *non solum ad Aristophanem, sed ad Cleanthes etiam lucernam lucubrasse, dicat, oportere*. Ideòq. non modò Philosophorum, Iuriconsultorum, Medicorū, Dialecticorumq. sed eorum etiam, qui doctrinæ illum orbem faciunt, quæ vocamus Encyclia, & Philologorum quoque familias esse perspicendas, & in penetralia, & intimas familiaritates arcessendas. De Philosophia ita benè meritus est, ut à vanitatibus, quas sibi alii proponerent, semper abhorrerit, laudauitq. Picus cum sermonibus Leonicei contrà Astrologos adesset. Lucam Pulcium versibus, Demetrium Chalcondylem Græcis lectionibus vicit; quo factum est ut Chalcondyles Florentino Gymnasio cesserit, in quo Politianus vocis dulcedine (legens enim ferè cantabat) iuuenes libentiùs detinebantur. Herodiani historiam, Epicteti Stoici Enchiridion, Alexandri problemata, Plutarchi amatorias narrationes, opuscula Athanasij in psalmos, è Græco transtulit. Opuscula in Priora Aristotelis Analytica, De ira, Præfationes in Homerum, in Suetonium, in Quintilianum, & Statium, Dialecticam, Prælectionem in Persium scripsit; variâ item carmina, Nutriciam, Rusticum, Ambra, Mantho, Elegias, Epigrammata, quibus Latinitate, candore, spiritibus poëticis floruit. Laurentium Medicem, Innocentium VIII. Patronos habuit; semper tamen de incommoditatibus doluit, quas humana vita, litteratis viris præcipuè, asserre solet.

Petri Cardinalis Bembi.

*Duceret extincto cum Mors Laurente triumphum,
Lataq. pullatis inueberetur equis;*

XX 2

Respicit

*Respicit insano ferientem pollice chordas
 Viscera singultu concussiente virum.*
*Mirata est, tenuitq. iugum, furit ipse pioq.
 Laurentem cunctos flagitat ore Deos.*
*Miscebat precibus lacrymas, lacrymisq. dolorem,
 Verba ministrabat liberiora dolor.*
*Risit, & antiqua non immemor illa querela
 Orphei, tartarea cum patuere via.*
*Hic etiam infernas tentat rescindere leges,
 Ferq. suas, dixit, in mea iura manus?*
*Protinus & stentem percussit dira Poëtam,
 Rupit & in medio pectora docta sono.*
*Heu sic tu raptus, sic te mala fata tulerunt,
 Arbiter Ausonia POLITIANE lyra.*

Ioannes Picus.

67



N Ioanne Pico laudando Paulus Iovius, licet
 eloquentissimi fluminis venam aperuerit, cum
 Phœnicem, virum admirabilem, in Astrologi-
 cis, & Apologetico gravissimum, in Heptaplo
 diuinum nominavit; debuerat tamen extrâ
 quotidianarum laudum fines in præconiorum
 immensitatem linguam promouere. Hæcine tam exigua Pico
 Mirandulano sufficere arbitratus est, cuius ingenio nec omnium
 rerum natura parens suffecisset? Et hac maceria eius sepulcrum
 circumseptum venerabimur, quod nec orbis perficiendarum re-
 rum humanarum magnitudine, nec cœlorum gyri intellectus al-
 titudine conspirent? In generis amplitudine dum Ioannem effe-
 rimus, tempus terere putidum censeo. A Constantinô seriem
 ducas. Nosti Euridem Constantij filiam, eiusq. amores, & ma-
 trimonium cum Manfredi; nostiq. prolem, Picum, Pium, Pa-
 pazzum. An quempiam latet, post Constantij in Italiam aduen-
 tum, & Manfredi ad eum in Aquileiam Legationem, agnitam
 fuisse filiam, & genero Comitatus, & Marchionatus titulo,
 quicquid

quicquid agrorum Pado, Penaro, atque Secia fluminibus intercludebatur, perpetuo Romanorum Imperatorū patrocínio fuisse traditum? Sed Concordiæ, & Mirandulæ ditionem quam idem Manfredus propagavit, ex Alexandro illustrissimo Principē, Aurati Velleris Equite, in quo nobilitatis, & virtutis stemma coaluit, noscito; quem Neapolim, dū hęc scriberem venisse ex Alexandro Viustino, Cæsaris Estensis Serenissimi Ducis Mutinæ, ac Rhegij, eius Principis soceri, procuratore audiui, nec videre licuit, ut venerer. Quid Pici ingenio prodigiosus? Philosophiæ latices non primis labris gustavit, sed profundissimè hausit, non modò ut Aristotelem à Platone non dissentire ostenderet, tunc potissimū cū de Ente, & Vno differit, & cū præsertim in Platoniciis, diuinum Picum dicamus; sed ut aliorum Philosophorum doctrinam, qui in Arabia florere, Auerrois, Auicennæ, Alpharabij, Auempatenis, Isaaci, Abumaronis, Moyfis, & Mahumetis; & eorum qui apud Græcos eandem Peripateticorum sectam professi sunt, Theophrasti, Ammonij, Simplicij, Alexandri, & Themistij, præ oculis, præ manibus, doctor potius, quàm auditor demonstraret. Quantum verò in Platonica doctrina vigit, quam cum Plotino, Porphyrio, Iamblico, Chalcideo, Proclo, Litio, & Adelando examinavit? Et quàm illustria dogmata in noua Philosophia introduxit? Nihil respuit Mathematicum, ut vel cum Pythagora concertaret. Nihil reuuit Chabalisticum, ut secretiora mysteria, veluti Aegyptiorum, Hebræorum, Chaldæorum sacris initiatus; & ad Magica traductus, vel cum Zoroaste contendit, vel ex hymnis Orphei, secretam diuinarum, & naturalium rerum sapientiam studuit perscrutari. Quid profecerit in Theologicis, doceant sex dierum opus, & arcana, quæ in Moseos voluminibus recenset, quem cum Platone Attico Mose à Numenio appellato, huiusmodi conciliat, ut quæ Salomon Naturæ rerum interpres, ex Mosaicæ Legis penetrabilibus acceperit, quæ Philon, Empedocles, & Democritus elucubrarint, quæ Hermippus à Pythagora ad eandem Legem translata affirmat, acutissimo intellectu cum vetere illa Theologia sapienter expoliât. Cum Chaldæis, quàm varia sentit? Cum Chaba-

Chabalistis, quàm abstrusa pronunciat? Cum Mercurio Trimegisto, quorū priscorum placita dilucidat? Sed Apologiæ labores attentè euoluas. Theologorum omnium habes sanio-rem doctrinam, quā eruditum, laboriosum, insignem, Christiana pietate præclarum, & Catholicæ Ecclesiæ propugnatorem admiraberis. Quid blæsterant inuidi? At si hæc omnia ignorasset. Picus, & hoc tantum conatus esset, ut vanas Astrologorum fabulas obliteraret, quibus & Philosophia corrumpitur, & Medicina adulteratur, & roboratur superstitio, & fouetur Idolatria, moresq. polluuntur, atque cælum afficitur contumelijs; quis doctior, aut prudentior esset existimandus? Memorix felicitatem quis describet? Disceprandi facilitatem quis depinget? Corporis in eo rara venustas. An lasciuia ea de causa exprobras? Cui tamen vitæ sanctitatem, exacta adolescentia non producis? Celer commentando. Velox scribendo. Officijs familiaribus creber. Vultu semper placido, & miri natura, quā omnium animos alliciebat. Omnium Doctorum familiaritate vsus; duorum præcipuè, Politiani, & Ficini, ad quos refertas salibus, & doctrina scripsit epistolas, quas etiam hortatorias persæpè scripsit, ut patris officio cum varijs amicis perfungeretur. Quæ tanta in eum beneficia cælum contulit? nobilitatem, Principatum, diuitias, pulcritudinem, disciplinas, linguarum peritiā, comitatem, mores, omnium gratiam, perennem famam. En, Mors omnia turbauit, atque protriuit. Secundum & trigessimū ætatis annum agebat, cū Florentiæ fato cessit, anno 1494.

Pinti.

Ocluso ore file ne mea, fare age

Musa, expelle moras. ut coluber pigra

Ibis Niliacus fædidi ab alitis

Penna contactus, manes?

Surge, & da lacrymas iussa VIVSTINO,

Cuius dat fidei Dux sua Mutina:

Nunc par est numeros fundere cum Rosa

Pessania lecta iugis.

PICVS;

*PICVS, qui Oenotriam Pallade, qui plagas
Terrarum decorat quâs videt aſtriſer
Mons: hac nobilium PICVS auum nepos,
Regnante exortua Ioue;
Aurâ eſt cuius opus na præſoſius,
Quin mille ingenij, artiſq; volumina,
Excelsis domibus lecta potentium,
In cunctis Regum micant.
Hac eſt PICVS humo ſſos ſapientium,
Hac ſplendor iuuenum patre ſatus ſcholiâ
Auratis, populis diuite & omnibus
Caris fortuna bonis.
Sex poſt luſtra abijs, monſtrum in honoribus,
Monſtrum diuitijs, & ſpecie gena,
Monſtrum luminibus mentis, bonos ſua
Natalis MIRANDVLAE.*

Scotinus.



68
Alterum Pico non abſimile monſtrum noſtris
temporibus Natura protulerat, quem Scoti-
num dicebant, generis, formæ, virtutum ex-
cellentia nobiliſſimum. Genere, ex Scotiæ
Regibus originem ducens. Corporis præ-
ſtantia aded excelluit, vt ad eius amores in-
tuentes cogeret. Virtutibus, ea omnia aſſequutus fuerat, quæ
eminentiori quadam gloria, præſantiſſimos viros ad immorta-
liratis nomen poſt hominum memoriam euehere potuiſſet.
Vix vigefimum ſecundum annum attigerat, cum viginti Idio-
mata calluit, quibus loquebatur, dictabat, ſcribebat; tanta me-
morix felicitate, vt obliuionem prorsus ignoraret. Quamobrem
de quauis propoſita materia diſputabat acrius; & cuique diſci-
plinæ, vt conſultum præbebat ingenium, ſic etiam præmedita-
tum iudicium adhibere poterat, atque cenſuram. Quæ pro per-
ſpicuitate reſponderi poterant, in promptu habebat, occulta,
& in.

& inuoluta parata quadam celeritate aperiens, vt nihil recondita Philosophia admirabile absconderet, quod veluti ex apertissimo ærario non promeret explicatum; nihil Hebræorum scholæ Chabalistica scientia retinerent, quod veluti in sua officina repositum non ostentaret. Apud multos Principes, gratia plurimum potuit, quibuscum versatus, multa suæ virtutis exempla edere non recusauit. Saltatione, cantu, fidibus, alijsq. Musicis instrumentis doctissimus. Tractandis armis ita solers, vt Heroem diceres. Ità demum omnibus disciplinis, artibusq. præclarus, vt spirituum familiaritate præstigiatores, non studio, & labore curiosum, ea comparasse omnes ferè arbitrarentur. Heu, cruenta Mors præcocem fructum diuellit. Mantuæ, dum noctu ad cuiusdam mulieris portam caneret, occisus est.

Pinti.

*Docte, & insignis specie SCOTINE,
Cui est decus Regum Scotia propago,
Mantua, hoc, olim stupor inquilinæ
Condere busto?*

*Ille, cui tantum placuit virago,
Cuius ardebas oculos, præuulso
Pectore, heu pro qua miserè est imago
Perdita vita?*

Adrianus Turnebus.

69

*Ex ambria
vestem co-
gnoscit*



Rcana doctrina pectus huiusce viri imbutum dicas, quod tam docta, tam varia promere cultissimis laboribus studuit. Ergò, *ὅς τε κρατίσ-
δου τὸ ὄψασμα γινώσκεις*; Et a multis, quæ con-
gessit, & ab omnium doctorum vocibus, quæ
vbique terrarum eius nomen referunt, non verè
illustrem appellaueris? Quid Turnebo illustrior? Percontare ex
Lutetia, quò ex Tolosa, Tusano vita functo successor appellatus,
quid ad rem litterariam propagandam, atque illustrandam om-
nium disciplinarum generibus non præstitit? Quid pollutum,

aut

aut deprauatum ab eo purgari non intellexit? Ex quo fonte vberiore ex Sequana, an ex eius ingenio emanasse dices, dùm orabat, explicabat, scribebat? Dùm cum grauib. erat auctoris; aut ludebat cum Musis? Reperant quæ nationes sub Sole eius scripta admiratæ (vt ad Stephanum Turnebum filium in suprema Francorum Curia amplissimum Senatorem, narrat Lazarus Zetznerus) gratæ memoriæ celebratione adhuc testantur. Reperat Scæuola Sammartanus, quem Franciæ Quæstorem Petrus Ronfardus ad Buisium scribens, illius sæculi Poëtis anteposuit. *Is. ex Andalia Rotomagensis agri oppidulo natum*, Turnebum scribit, *santi viri natalibus in posterum nobile*, & totius Galliæ doctissimum nominat, & detestatur æmulos, qui quòd incredibilis ad ceteras virtutes accedebat viri modestia veluti opprobriū obijceret, quòd virginali ferè pudore vultum demissum gereret. Quis verò ingentes, & acres nouerat spiritus? Reperat Genebrardus, qui eum in Græcis præceptorem habuisse gloriatur. Tùm Ledegarius à Quercu, *qui amorem, gentis ornamentum, Galliarum dulce decus*, nominat. Indefessos laudat sudores, ingenij diuinitatem, memoriæ felicitatem, iudicij acrimoniam, in disciplinis progressus in summo Oratore, summo Poeta, summo Philosopho extollit. In arithmeticis, geometricis, astrologicis, musicis, geographicis, Romanæ antiquitatis, Latinæ, & Græcæ linguæ scientissimum, Peripateticis explicandis Alexandris, Theophrastis, Simplicijs; Platonis enodandis, Theophrastis, atque Plutarchis parem celebrat Dionysius Lambinus. Atqui inter summos nostri sæculi litteratos nitet. Emicant Commentariorum in Ciceronem, in Varronem, in Horatium, in Plinium radij. Emicant in versionibus aliquot Aristotelis librorum, Theophrasti, Plutarchi, Philonis, Demetrii, Arriani, Oppiani. Quid quòd, Ciceronis Paradoxa in linguam Græcam vertit? Emicant in Opusculis, Orationibus, Præfationibus, Epistolis. Quàm splendide lucet in Poëmatibus? Quàm variè ad omnem disciplinam in Aduersarijs, varijs explicandis auctoris, grandior, & locuples est? Quid obijcis? vocum mutationes, interpunctiones, prælectiones? Hoc ingeniosi viri est, & curiosi,

Y y & cius

& eius , qui genuinas proprietates elicere , in lucem dare conatur .

St. Paschasij .

Quod, Turnebe, tibi doctq. probq. pioq.

Solennes rarus solueris in ferias ,

Ne culpæ adscribas doctisq. probisq. p̃isq.

Oraros inter vir numerande viros .

Nam quid in astra iuuat tumuli tibi ducere sumptus ,

Quem certum est seclis viuere perpetuis ?

Petrus Chrysologus .

70



linguæ Italia in Chrysologo contulit , quod ori in Chrysostomo Græcia tribuit . Aurum non ex Pactolo, sed ex facundia flumine mitti ex illius lingua , ex huius ore intelliges; sic tamen , ut quæ Chrysostomus vastè profundit, Chrysologus auidè hauriat, ut legentes ex fluminis capite in fontem deriuatam aquam iocundè perpotent . At Pygmæum cum Gigante confers? Næ Pygmæus hic scripture exiguus , Gigas est à Diuo Cornelio Episcopo optimè institutus; à Beatissimo Sixto III. Rauennatis Ecclesiæ Archiepiscopus adlectus; qui Concilij Rauennati, & Romano interfuit, ad Chalcedonensem Synodum aduersus Eutychem litteras dedit; & tandem perfuncto sexaginta annorum Pontificij munere , sanctitate claruit . Non multo post Chrysostomum vixit, cui ut nomine proximus; sic orationis coria , & vocum gravitate simillimus, dum linguæ plectro, & eruditionis cythara suauissimos in Homelijs obloquitur numeros. in quibus quò breuior est, atque cōcisior, eò grandio rem sententiarum pondere , & coactæ phraseos maiestate iudicabis . A deductione , & translatione verborum tam longè proficiscitur, ut Christianam puritatem , sinceritatemq. nihil præterea æmuletur; cumq. violentiorem interpretandi rationem subterfugiat, limpidissima simplicitate fluit, nec nisi ex tempore auctoritatibus

ricatibus vteitur scripturarum, quasi multorum vsum detestatus, qui illustri, sed inuili pompa centones confarcinans, à Catholici Oratoris instituto decedentes. In ea profectò re admirabilis, quòd dùm dictionis illecebram aspernatur, eadem adhibitis gratia, & venustate, animum irretit, & capit, & nunquam faticatatem parit. Nunquam confusis æstibus in varietatis mare iactatur, sed auram sectatur placidam, littus legens lembo moralitatis; ità verò, vt ex ipso littore, vnica dictione, orthodoxæ pietatis, & Euangelicæ virtutis profundum liceat intueri. Clariùs in eo Latinum idioma enituit, cùm potissimum Gotthorum ætate floruerit. Apud Forocornelienses (Imolam dicunt) natus est, & excessit è vita. & iuxta gloriosi martyris Cassiani corpus sepultus.

F. Bonauenturæ Genocchij Carmelitæ.

Dicitur. obryzo tibi Petro nomen ab auro,

Aurea quod fluere ore fluente dari.

Aurea sint igitur licet atramenta, papyrus,

Pluma, & quod laudet, euderis arte Mydas.

Haud tibi maiores referent hac aurea laudes,

Quàm quos ex auro nomina ducta dabunt.

Cornelius Tiroboscus.



Brixia doctissimo gloriatur viro, quem Theologia primùm, mox Philosophia, Laurea accepta ab Illustrissimo Cardinali Alexandrino, ad Religionis Dominicanæ honorem coronat. Hic Cornelius ille Tiroboscus est, quem proximè ad Cornelianam eloquentiam accedentem efferimus. Quem Venetiæ, Ancona, Bononia, Mediolanum publicè quotidianis laboribus legentem, ornatissimè dicentem, acerrimè disputantem maxima cum sua laude audiuerunt. Neapoli grauissima ætate, laudatissimis studijs, lecturis, & concionibus floruit. In qua vrbe apud Octauium Aquiuu Card-

Yy 2 na/cm

nalem Amplissimum Archiepiscopum, princeps Theologus electus, & adscriptus, veluti etiam Anconæ Fidei Orthodoxæ negotijs ob viræ integritatem, & doctrinæ columen præfuit. Ab Episcopo Fundano, quòd apud Carthusianos Neapoli legendi fama percrebuerat, ad Canonicos sacris litteris instruendos est accersitus. Antithesi de Beata Virgine, & Eua Italis versibus edita, eruditionis plena, Commentaria in D. Thomæ summam, aliaq. quæ ad Theologos, & Philosophos pertinent, est editurus.

Pinti.

*Hinc vox, Italicè si spectes, prima figurat
Te trahere : inde picem Græcum idioma monet.
Na trabis, & more, & lepido sermone, virorum
Corda, ac protecta religione fide.
Bissonio vati idem sis, mihi crede; trahendi
Attamen haud ratio par ab utroque venit.
Ille feram : trabis ipse hominem : illi sola voluptas :
Vtilitas tibi sed, diùm trabis, omnis adest;
Ipse Deum : canit ille Deos : tu vera : sed ille
Falsa : ille in fluuium : tu facis vrbe moras :
Serui illi sensus : paret Regina canenti
Mens tibi ; & hancce tenax pix velus usque tenes.*

Cornelius Mussus.

72



Loquentiæ flumen, nouus *χρυσόπομος*, sacrae artis dicendi campum irrigauit Cornelius Mussus Episcopus Bitontinus, quem veluti doctrinarum inuentrices Athenæ, Franciscana familia omnibus disciplinis enutriuuit. Aruerat quidem facundia, & copia ornatæ orationis in Mayronibus, Hebronis, Vtinis, Licijs, eiusq. scholæ affeclis, qui licet in doctissimorum hominum corona niteant, nullam tamen in dicendo exercitationis viam, neque aliquod artis præceptum arbitrati sunt; nec eam rationem studiorum attigerunt, qua adhuc
bitis

bitis postea Doctoribus, lectisq. libris Oratorum, alij quibus Cornelius facem prætulit, incredibili quodam concionandi muneris studio flagrauerunt. Is primus, in quo eius artis venustas inuenta est, & perfecta; in quo non solum eruditione libero dignam, & electione conformatâ audiuius orationem, sed etiam constructione verborum admirabilem, & in eius oris figura compositam, & corporis compositione nobilissimam, ad motus, gestusq. quibus decor omnis coniunctus inerat, è scholæ tenebris difficiles, subtileq. quæstiones eruit, & in facilitatis, & intelligentiæ lucem eduxit, vt ea de quibus disputaretur obscurius, cum essent ornatiùs explicata, & planiùs expressa, omnium mentibus clara, & perspicua innotescerent, & ingeniorum sterilitatem, ad Euangelicæ perfectionis, & Christiani cultus propagationem, foecundarent. Elangueret pro rostris in Romano Senatu, vel Foro, vis, & vbertas Hortensiorum, si Cornelius audiretur in pulpitis, qui cumulatissimus laude Orator effectus, rerum magnarum, atque artium scientiam consequutus, nec motu vastus, aut agrestis, nec voce absonus, nec lingua hæsitans, persuadendo suauiter, acurè disserendo, artificio distinctus, varietate diues, elegantia expolitus, sententiarum pondere elatus, non homines modò, sed etiam feras allicere valuisset. Certarum rerum, quæ ad Fidem faciunt, Theologicis cancellis circumscriptam veritatem, cum omni grauitate, & iucunditate explicabat. Nunquam tenuis, aut exiguus, vel si ad ima descenderet; quid faceret cum ad sensus animorum vel inflammandos, vel extinguendos, humani generis mores, atque naturas grandis, & incitatus, alter Hyperides, alter Dinarchus, alter Demades, actionis dignitate, sermonisq. magnitudine peruestigaret? Vt benè diceret, memoriter ediscebat. Nunquam enim ad concionem accessit, quin ea quæ scripsisset, memoriæ mandata recitaret. Ergo ne Orator erit, qui cum antè hominum conspectum venerit, & eruditorum hominum, & eorum quibus procliuia de alijs iudicia enascuntur, erit fortuitò loquuturus? An illustris dicendo erit, qui præcipitante lingua feretur ad ridicula, cum temerè, & effrænate impulsus, ieiunis conceptibus marem ne, an feminam pepeterit, ignorabit?

ignorabit? Nec̄tar eliciebat ex Patribus, quod non Stoico more gustatum, sed Theologico potatum, suauissimè omni animum hilaritate perfunderet; & quòd cum ijs versari assuesceret, cum ijs quoque loqui dicendo non recusauit; maluitq. dùm eorum sententias, integras periodos verteret, apum furto notari, quàm magniloquæ, & raræ dictionis, quæ in Patribus claret, salubritatem perdere, vt de Attica dictione Oratorum Princeps loquitur Cicero. Quamobrem vt semel ex eius ore, veluti ex Pirezo, eloquentia euecta est, omnes peragrauit orbis locos, & dicendi artem sacros Oratores edocuit, qui à Cornelio penè loqui didicerent, quem in celeritate copiosum, in maiestate pressum, in rerum inopia, in qua sapius Oratores egent, redundantem, nec Asiaticum dixeris, nec Rhodium, nec Atticum, sed in omnibus Oratoribus vnum Oratorem, qui non vt Lyfias paucos, sed cuiusque generis homines, vel mortuus habeat laudatores. Quid Valerios, & Dictatorem, & Potitum, in sedandis discordijs; Appium Claudium in inclinatis animis reuocandis; C. Fabricium in recuperandis captiuis; Titum Coruncanum in Pontificum Commentarijs, cum Cornelio conferes, qui omnem iniuriarum furorem Christiano dogmate mitigabat; ex omni scelere; ex omnibus vitijs tanta efficacia reuocabat, vt mores inuerterit nimia licentia corruptos, è postribulo deduxerit scorta; in sacrorum Canonum libris, Apostolorum Constitutionibus, Conciliorum Oecumenicorum actis, ità versatus, vt vno periodi gyro, omnem Ecclesiasticam disciplinam complecteretur? Quis cum Catone conferet quo grauior in laudando, acerbior fuit in reprehendendo, & in edisserendo subtilior? Quis cum Theopompo, quo altior; cum Demosthene, quo propter Religionem augustior? Felices, qui Cornelium dicentem audiuerunt. Ascendebat in pulpirum; expectationem concitabat. Subleuabat oculos; rapiebat. Indicebat silentium; excitabat. Loquebatur; delectabat, docebat, mouebat. Longus erat; breuior existimabatur. Discedebat; nihil iniucundius nunquam saturis auditoribus relinquebat. An ipse dicam de Cornelio ad saturitatem? Quid in corpusculo illo, in scamntorum angustijs, quæ pedibus in pulpitis suberant,

suberant, non fuit admirabile, augustum? In ijs quæ scripsit, tanta rerum inest, & verborum proprietas, vt legentes vocē audire arbitrentur. Ea re aliquantō ambitiosior, quem virtutū ad supremæ dignitatis honores euocabat. Ad quos cū non perueheretur, dixisse ferunt, *Magnum se detrimentum Ecclesia facturum.* Cūq; ex eo sciscitatum fuerit, quonam pacto id fore minitaretur? Respondit; *Tacendo.* Erat in reprehensionibus liber, & in quosuis graues Præsules verbis animaduertebat. Ceterū comis cum familiaribus rusticabatur ea humanitate, quæ Antistitem doctrina præclarum decebat; vt omisso Cethego, de hoc Cornelio fuerit vaticinium,

Additur Orator Cornelius suauiloquenti

Ore -----

Concilio Tridentino adfuit. Alexandro Cardinali Farnesio vixit charissimus. Placentiæ natus, Romæ fato cessit. Extat ex eius familia Hippolytus Mussus Sancti Inuenti Archipresbyter, virtutum Cornelij æmulator.

Pinti.

Quid noua portenta hæc? stella quid vultus in urna?

Ossa bouum capti quidve recurua notant?

Cornua Niliacus sapiens dat signa laboris,

Prove illi est cæli lucida flamma, Deo.

His ab imaginibus decoratur iure sepulcrum

Præsulis, & Mussæ gloria prima domi.

Ioannes Vollarus, & Franciscus Pannicarola.



Dolefcens Ioannes Vollarus Neapolitanus in Franciscanam familiam se abdidit, & Ioannis Luberæ, qui Prosecretarij munereungebatur, adiumento, dū in D. Mariæ Nouæ degeret (nouerat enim perpolitum ingenium, additis pennis, ad sublimia volaturum) tantum Theologicis

logicis studijs profecit, vt inter primos in sua Religione habitus fuerit. Mox vt præclaros conceptus multis vigiliis meditato parturiret, ascendit in pulpita, & eximii Oratoris imaginem præsentauit. Expectationem adduxit, desiderium vbique locorum tota Italia concitauit. expectationem piis tuebatur laboribus; desiderium dicendi generis eximii igniculis fouebat; qui adeò creuere, vt quisque Vollarum audiendi cupiditate arderet. Sed animorum furem dicam, & mentium raptorem. Rapuit Franciscum Pannicarolam Mediolanensem, nobilem genere, qui iam grandior ætate, sæcularibus studiis insignis, semel audito Vollaro, sæculum repudiavit, tantoq. viro & Religione, & familiaritate coniunctus, eiusdem gloriæ æmulus, egregiè Theologicis arcanis instructus, in Oratorum arenam descendit. Profecit dicendo; vicit opinionem; & neminem præter Vollarum habuit æqualem; quem tamen Magistrum tanta reuerentia honorauit, vt si quò fuisset accersitus vbi ille prædicaret, quouis proposito præmio, abnueret, nihilq. liberius affirmaret, quàm quæ Vollaro deberet, vilo vnquam tempore esse intermoritura. In pari verò amore, qui inter eos intercedebat, dispar cognita rerum ratio est. Tardiori enim memoria Vollarus, oleo tempora illinibat, vt quæ dicturus erat, faciliè retineret, quamobrem & dentes decidere. Eandem veluti thesaurum, infinitarum rerum perceptione, Pannicarolæ natura tribuerat, vt quæ vnico intuitu legeret, recto, vel præpostero ordine, nulla interposita mora recitaret, sedatus idcirco Vollarus, qui oris maiestate, corporisq. habitudine, grauitatis simulacra quibusque verbis, qualibet actione edebat. Vehemens idcirco Pannicarola, cuius oratione memoriæ præcurrente, rapidè fluminis instar inter floridas venustatis ripas ferebatur. Pauca Vollarus sorbenda audis auribus propinabat. Vberimè Pannicarola multa haurienda fundebat; vterque nihilominus alienam sitim expleturus. Nunquam lacrimas ille petiit, semper elicit. Mollire hic nesciebat lacrimis, quæ in grandioris orationis ardore arescebant. Pietate alter, alter de ceterina flectere animos nouerat. Dùm verò alliceret Vollarus, oblectabatur Pannicarola. dùmq.

dùmq. vnus reprehensione sauciaret , alter vulnera cœlestis Aesculapius, politico Christiano regimine obligabat. Nihil fictum in Vollaro; nihil inane in Pannicarola. Quod si quis numero in illo capi animaduertebat; in hoc omnium rerum nexu illaqueari non ignorabat; nec alteruter vnquam præfatus est, quin magna auditoribus promitteret, quæ essent summa cum eorum laude probaturi. Nec quisquam absoluto sermone discessit, quin postmodum maiora expectaret. Quæ ex vno proficiscebantur, Alexander de Ales disciplina, rerum varietate Plutarchus supeditabat, ex eorum enim officina Vollarus cuncta depromebat. Quæ ex alterius Marte prodibant, ornatior suppellectili, omnium Auctorum laboribus, videbantur comparata, cum adeo se diuitem Pannicarola varia lectione præbuerit, vt aliorum defectibus suppleuisse, fuerit existimatum. Nunquam absterrebat securitas in Vollaro, nunquam corrumpebat facilitas. Nec intemperanter potestate abutebatur Pannicarola, nec ad inuidiam supercilium ostentabat. Sed quæ Vollarus ex studiis assequutus est, voce tantum propalauit; Quæ Pannicarola & voce differnit, & scriptorum memoria seruauit, sermones enim Quadragésimales, in Passionem Dominicam doctissimos edidit, tum præterea in Hæreticos inuexit, & magnæ sibi gloriæ tribuit, Annalium Illustrissimi Baronij fuisse compilatorem. Vollarus cum ad Ansanensem Archiepiscopatum aspiraret, Neapoli in Crucis templo sepultus est. Pannicarola iam Astensis Episcopus, cum omnium dolore decessit.

Pinti.

*Hoc Crucis in templo requiescit Vollarus urna,
Hac Franciscana gloria summa toga.
Quot mala perpeffus scelera hic quot flexit ab Orci
Tramite, diuinos dùm dedit ore sonos?
Næ satis hoc Franciscæ tuus persfloruit Ordo,
Nominis hinc ortus Pannicarola tui est:
Iamdudum hic obiit, sed adhuc pia pulpita lugent,
Viuus & vsque virum viua per ora volat.*

Z z

Antonius

Antonius Sanfelicius.

75



Moenissima Italiae pars Campania, inter illustres scriptores, Plinio, & L. Floro veriore (ut qui patrium solum optimè nouerat) Antonium Sanfelicium monachum Chorographum habuit. A puero mirificè terrarum cognitione fuisse delectatum, ipsemet testatur. Sed satis fuisse arbitratus est, si Italicas vires cum Higino, & M. Porcio Catone, quorum labores perire, descripturus, vnus modò Campaniae imaginem tota Europa exquisitam repraesentaret, quæ licet exigua in hac orbis parte cernatur, maxima tamen cultis, doctisq. coloribus effecta, eò felicior prædicatur, quòd Sanfelicius habuit depictorem; quem nec videas

Fingentem immanes Lastrygonas, atque Cyclopas,
sed amoena littorum, sinuumq. placidos recessus, salubres aquas, vitium, arborumq. luxuriam, camporum felicitatem, oppidorum numerum, nobilitatemq. ità describentem, ut suæ Campaniæ præconio apud exteros celeberrimus euaserit, & cum de illustrandis regionibus agitur, primus in litteratorum confessum aduocetur. Ad Plinij Secundi vberem, sed breuem facundiam accessit, qui Latinæ orationis copiam profundens, nunquam à rerum proprietate digreditur, vnico versu historiarum volumina complexus. Epigrammatum scriptor elegantissimus, quorum vno in D. Anelli Neapolitanorum templo pro Andrea Alexio elatus est quantum suis Catullus potuisset gloriari;

*Quæ miser imposui lugubria saxa sepulcro,
Mi pater, innumeris accipe pro meritis.
Quòd si marmoream licuisset sumere formam,
Te natus tegetet non alio lapide;
Incisaq. notæ legerentur; Gratus Alexis
Reddidit ossa patri, sitq. patri tumulus.*

Pinti.

Pinti.

*Felix, qui potuit patriamq. genusq. togatum;
 Et iactare animi munera magna sui;
 Felix, qui valuit causas exponere rerum,
 Et qui diues erat sat pietatis opum;
 Felix, qui Phœbi meruit gestare corymbos,
 Atque suum lauro ser redimere caput;
 Felix Campana scriptorum gloria terra,
 Omne felici sub requiescit humo.
 Nomine, flos niger est, Felix cognomine: felix
 Ex meritis (spes est) incolis ille forum.*

Angelus Constantius.



Constantiorum nobilitati, quæ multis honorum dignitatibus Neapoli iam indè cum è Germania Christophorus Constantius aduenit, semper claruit, Angeli virtutes maximo ornamento fuere. Is poëtices studijs deditus, tantum profecit, vt inter primos suæ ætatis scriptores numeraretur, qui

76

*Adsciuit noua, quæ genitor produxit usus
 Vehemens, & liquidus, puroq. simillimus amni
 Fundit opes. Latiumq. beavis diuite lingua.*

Naturali facundia, & puritate Lyrica fudit carmina, Poëtarum Principem Petrarcam imitatus. Rideret profectò horum temporum calamitatem, quæ sesquipedalibus verbis, tubarum quasi clangores obstrepentibus, omnem candorem deturpauit, ingentiq. spiritu quo res efferre conatur, & deliniri patitur asperitatem, & suauis quodam stylo, qui genus illud scribendi decet, legentium animos permulceri. Cum ad senectutem peruenisset quam frigidam ignes amatorij lambere nequeunt, conscribendæ historię incubuit, in qua dum Neapolitanorum Regum gesta pertractat, nobiles Neapolitanos in antiquam fidem vindicat, qua eos caruisse perperam, & malignè Collenuccius notauit.

Z z 1 Erat .

Erat Cantalupi in Samnitibus, cum eam rudiùs texeret, vt Neapoli (quod fecit) perpoliret.

Pinti.

*Dùm tua nobilium decorat te plena virorum
Gens : nihil est genus vt Regibus inuideas :
ANGELE dùm dulces Petrarca imitare Camanas :
Temporis aterni tunc tibi pignus alis :
Constanti subitos reprimis dùm corde furores :
Et d'is aut beatior quam pia verba decent :
Musa quid extinctum alloqueret hac somnum capit urna
Angelus , extremas Angeli ad vsque tubas .*

Isaacus Casaubonus.

77



Dilectum conuiuium dùm parat magnifico antiquarum rerum apparatu Athenæus Græcorum doctissimus, frugalem apponit cœnam, earundem penè rerum appendicem Isaacus Casaubonus à Gallis ob eximias virtutes plurimi faciendus. Multa quæ in illius Conuiuiu desiderabantur dapes, huius diligentia, & solertia conquestæ, in secundam Menfam allatæ fuere tanta cum conuiuarum voluptate, vt nunquàm, licèt lautè cum Athenæo cœnitarunt, absque Casauboni ferculis exartari potuisse iudicauerint. Quæ narro? mancum vidisses in Athenæo Triclinium duobus prioribus libris, tertij principio, & vltimi magna parte deficientibus, nisi Aldus emendatarum ille litterarum parens, Masuri Cretenfis adiumento fulcire studuisset. Sed nihil eo turpius iudicasses, nisi reiectis aliorum traditionibus Animaduersionum exacto iudicio Casaubonus multo labore aptasset, exornasset, atque ità vt diuina Critice, & Græca, & Latina reddiderit meliora. At verò in hisce in Naukratitam Auctorem lucubrationibus triumphare Casaubonum dixeris? Lipsius æuam ab hoc viro illustrari scribit, & fugitiuas è Gallia

è Gallia sisti Musas ; tùm si Lutetia Orbis theatrum , illum habuerit . In hæc demum verba iurat ,

Ἡ σέγα μὲν ἐδίδαξε διὸς παῖς ἢ σέγ' Ἀπόλλων.

*Veste Musa
Iouis proles
docuit, vel
Apollo.*

Librum de Critica legito. Non volgiuagas profectò narrationes animaduertes ; sed eas quæ spiritum afferunt studijs litterarum ; & quibus Hebræorum, Latinorum, Græcorum arcana penetrasse eruditissimum virum intelliges, qui omnem Historiam, Philosophiam, Iurisprudentiam, Philologiam excellenti quadam ratione rimatas, in præstantium Europæ litteratorum Album relatus est . Legito scripta in Suetonium ; in alios auctores annotationes . In Polybium promissa expectamus .

Pinti .

Quisquæ Athenæo maius studet addere lumen ,

Diçtaq. sub memori condere docta sinu .

Mirari quicumque cupit bona mentis I fasce

Te satù auditum Galle diserte legat .

Quis Critica apposuit melius, coluitq. ? quis absque

Mendosis ni tu dat monumenta locis ?

Extinctum nondùm pleno se Lypsius ore

Laudibus ad superos prouebit vsque laras ,

Quicquid in historicis spectata classis es vsus ,

Perfice : te nemo est clarior historia .

Hieronymus Olzignanus.



Ec ex hac tantorum virorum Academia explodendus Hieronymus Olzignanus , quem ex quattuor in Patauino Collegio electum , à Carolo Cæsare maximo, Friburgum ad legales lecturas honestissimè accersitum, plaudètes Germani, qui doctorum ingenia admirantur, summis honoribus prosequuti sunt . Cuius fama cùm per omnium aures, tùm præcipuè Imperatorias percrebuisse, celerrimè tanto Principi charus est renunciatus ; cuius amoris cumulus tunc libera-

78

liberaliter factus est, cùm eius virtute cognita, Consiliarium, atque Regentem in Belgiam misit. In eo munere illud sibi noluisse obligasse, vt contrà Egmondanum, & Hornensem Comites, in aliorum Iudicum sententias, instante Fisco Ioanne de Bois, pro suo Rege, & pro Fide Catholica, de Christiana Rep. benemeritus Senator, pedibus iret, cùm Duce Albano in ijs Prouincijs Prorege capite damnati sunt, quòd constare ab Auriaco Principe, alijsq. in Deum, Regemq. coniurationis socij, participesq. fuerint; quòdq. Margaritæ inclytæ, Senatui, multisq. priuatim persuaferint, ea quæ tunc gerebantur, non alia quàm dissimulationis ratione posse frænari, idq. è Regis, publiciq. status vsu euenire. Duas in eam rem Hieronymus luculentissimas Actiones ex processu erutas quanta facundia ex vetustis quispiã Iurisconsultis potuisset, conscripsit, in quibus omnis eloquentiæ thesauros aperuit, vt fatear paucos dicendo habuisse æquales. Aduerte sententiam. *Quod Regi, Proregi, pacatisq. prouincijs benè vertat. Egmondanus, Hornensisq. Comites, perduellionis conuicti rei, gladio medio foro feriuntur; utriusque capita reſte ſuſpenduntur; eorumq. vniuerſa bona Fiſco adiudicantur.* Quid magis consultum, magis graue, & purius? Cui sententiæ Albanus Princeps subscripturus, lacrimabundus ex Hieronymo, alijsq. Senatoribus sciscitatus est, *An ei quod olim Cæsari de Q. Ligario fecerat, libellum hunc projicere liceret?* Et cùm responsum esset non licere, mœrens, gemenq. manu tremula, quòd neque antea, neque postea contigit, sententiæ subscripsit. Animi acerbitem protestantes in Hieronymum è Belgia decedentem, incensa domo, & bibliotheca euomerunt. Sed vt eius gloriæ fructus augeatur, à Rege ad Lotharingæ Ducem pro grauissimis negocijs Legatus missus est; omnibusq. feliciter confectis, eiusdem Regis iussu se Romam contulit. Indè Neapolim petere iussus, à Consilijs fuit. Propriæ fide creatus, Præses fuisset, nisi in pristinam dignitatem Antonius Orificius esset restitutus. Mors viri indolem occupauit, cùm typis, præter cætera, *Receptorum moderatorum, emendatorumq. iudiciorum* opus graue, atque vtilissimū, vt Franciscus de Oddis Patauinus nepos retulit, fuisset mandaturus.

Pinti.

Pinri .

*Cæsareis animum decoravi legibus, auro
 E' tenero, Euganeis proximis, atque Pado .
 Regali, augusta, & iuuenis bene visus in aula
 Consilij usque fui plenus, & officij.
 Me Belgæ coluere senem, Oenotrijq. tribunal
 Quale meum fueris dicite vos Comites .
 E' terris vario lustravi tramite cælum,
 Et Siren tumulto hoc nunc mea membra foues .*

Antonius Posseuinus.



Glosses, censuras, argumenta, coronides, falsatos indices, appendices, corollaria, castigationes, antidota, veluti prauarum opinionum phalanges Catholicæ Ecclesiæ huius sæculi hostes instruxerant, cædes, rapinas, euerfiones, Sanctæ Romanæ Apostolicæ Sedis vastationem minitantes. Iamq. sese per Orientis tractum torrens infuderat, iamq. Lutheranism, Calvinism, Arrianism, Transiluaniam, Poloniam, Lituaniam, Polociam, Liuoniam inundarat; Gothiam, Suetiamq. ab optimo instituto cursu alij Sathanæ fatellites omnibus viribus retardare, & blasphemiarum veneno inficere, alij litterariæ rei ambitione, atque fastu Euangelicam veritatem euertere conabantur; cùm Antonius Posseuinus, litteratorum nostri temporis eruditissimus, ex Societatis castreis, quibus fortissimi Christianæ militiæ Duces doctrina, atque moribus semper præsidio fuere, impavidus progrediens, responsum thorace indurus, iudiciorum clypeo obtectus, examinis lancea armatus, adhibitis interim centurionibus Ioanne Cochleæ, Friderico Staphylo, Georgio Cradero, Fabricio Leodio, Alfonso Viruessio, Ioanne à Dauentria, Ioanne Hoffmeistero, Ruardo Tappero, Iacobo Latomo, Fontano Surio, Genebrardo, Lindano, Edero, Stapletono, Bellarmino, ipsoq. Antesignano Carolo Quinto Lutherum iugularunt, Zuinglium cæcidere, Carolstadium

dium trucidarunt, Caluinum transfuerberarunt, quorum doctrina labefactata, diuulsaq. feces opinionum, fraudes fallaciarum, sordes insolentiae propalauit. Habeat Posseuinus Ferdinandum Cæsarem, Galliz Reges, Moscouiae Duces, habeat Stephanum Poloniae Regem Serenissimum laudatores quibuscum de grauissimis Christianae Republicae rebus multis lucubrationibus egit. Habeat omnium disciplinarum auctores, ad quorum lectionem sublimia ingenia instruxit. Habeat Graecos, Vngares, Boemos, Picardos; habeat totius Europae, tum Asiae populos, quos saniori dogmate edocuit, quosq. ab Haereticorum erroribus abducere voce, scriptis, nutu vigilauit.

Pinti.

*Musa te tollat mea, POSSEVINE,
Laudibus, fama super astra notum;
Exiges illud? celebres Camæna
Prima Maronis.*

*Exigis nostros numeros? reponam
In tui summum decus hosce: rara
Prauales tantum pietate, quantum
Arte Mineruae.*

*Nominis cætum decoras IESV:
Mensa te gustat sapientis instar
Cecubi, mons quale seras Sabellæ
Gentis optimus.*

Robertus Cardinalis Bellarminus.

80



Ommilitonem habuit strenuum Posseuinus Robertum Bellarminum aduersa fronte contra hostes indefessis laboribus pugnantem, qui de Christianae Fidei Controuersijs aduersus Haereticos ob atroces, grauesq. in Ecclesiam calamitates quas impostor ille extremo mundi excidio allaturus est, Antichristo similes. Scripturas conciliat, traditiones

traditiones retinet, CHRISTI Naturas explicat, Pontificem Maximum tuetur, sacrorum Conciliorum auctoritatem, Ecclesiamq. Catholicam contra varium, & multiplex sacrilegorum hominum genus, admirabili fortitudine defendit. Quamobrem noui Arriani, noui Samosateni, Zuingliani, Caluiniſtæ, Melancthonici, Lutherani, Berengariani, Vualdenſes, Albigenſes, Vuicleſiſtæ, Confeſſionistæ, Anabaptiſtæ, ex hoc viro veluti ex Adamantina turri, mille clypeos ad tutelam pendere, mille tela ad interitum contorqueri, ſummo cum ipſorum impietatis dedecore, ſentiunt. Quid verò? Cùm ex celſiſſima Religionis arce manus conferentem Orbis Hierarcha vidiſſet, Galeri galea, & Purpuræ thorace indutum, in Vaticanum Capitolio illuſtriorem triumphantem ſummis honoribus excepit, extulit merito, dignitate honeſtauit. Armamentarium Bellarminus eſt, ex quo quiſque cum Eccleſiæ hoſtibus certaturus, arma ſumat. Nauis eſt qua cum inter fluſtus, tempeſtateſq. perfidæ prauitatis tutò nauiges. Dicam hunc totius Academiæ ornamentum, vnde omnia diſceptationum genera elicias. Dicam Patrum promptuarium, omniumq. Doctorem interpretem; ſed omnium Hiſtoricorum ærarium, quod in libro præſertim De translatione Imperij aperuiſſe omnibus pater. Vitæ candorem in tanto viro huiuſmodi quis probet, vt Archiepiſcopatu Capuano ſe abdicauerit.

Pinti.

*Si de te nihil afferant Camæna,
Rarum purpurei decus Senatus:
Satius te celebrem dabit volumen,
Et centum ingenio, ac tua Minerua
Orta, in queus pietas, Deiq. cultus
Notefcit, cathedræ pūſq. roſtri.
An nomen ſileam tui ROBERTE,
O BELLARMINIÆ domus decoris
Pars magna, & patria, tuiq. cætus
Lux Ignatiadum dicati IESV,
Diua Agnetis bonos, amorq. ciuiū,*

Aaa

Cui

*Cui tandem supera immanebis aula
 Propinquus . sed habe dies sub altis
 Iouis tegminibus diu serenos ,
 Sit quorum Asropos immemor ; sorores
 Neant stamina . Tybridis per undas ,
 Totaſq. Italia per ibit vrbeis
 Tui Fama, & feriet polos remoto
 Terrarum ſitu, vbique nominato
 Te BELLARMINIO hoſtis extremiſces
 Quiſquē Chriſtiadum, Deiq. legum .
 Quis docto, eximio, probog. claro
 Seni nomine non roget ſenectæ
 Annos iòs quòt agit furens arenas
 Fretum, quot ſiluīs aluntur orni ?*

Hieronymus Cardanus.

81



HX fordido ſtatu, priuſquàm naſceretur, exilium expertus (abortiuum enim medicamentū alieno mandato mater bibit, vt de ſeipſo in opusculo de paupertate teſtatur) omnium doctrinarum apicem conſcendiſſe Hieronymum Cardanum dixerim, quibus non tantū Mediolanum, in qua vrbe ortus eſt, & Bononiæ, cuius Academiam illuſtrauit, ſed omni ſerè Italiæ, in qua prouincia claruit, attuliſſe honores. Doctiorem fortaſſe eius non nouit ætas; ſed varium, ſed curioſum, ſed Naturæ arcanis perditè delectatum, vt ſuperſtitionibus ſe emanciparit. An dices in ſcribendo non fuiſſe cultum, cū quicquid in buccam venerat, ſcripſiſſe viſus fuerit? In re Medica multus fuit; ſed quem perſæpè aliorum opinionibus aduerſari huiuſmodi animaduertes, vt illud ſibi ambicioſius popoſciſſe credas, vt appeteret laudem

Eques ipſe melior Bellorophonte

Neque pugno, neque ſegni pede victus.

Nec reduit in ſubtili rerum varietate ea narrare (num puerilia?) quibus

quibus ingenij acumen exerceret Scaliger. Accusas in eodem, genituras? Merito. Mathesim ad naturæ auctorem transferre, quam vanum? Hem; tam inani labore de CHRISTO nascente loqui? Quàm latè hominum prorupit audacia. Hoc verò illepidum condire eum iudicaui, cùm in Raimundum Lullium animaduertit. Quid facere potuisset præclarius, quàm nebulonem illum, litterarumq. parasitum ex doctorum cœtu explodere? Quid eo stolidius, aut spurcius? Quid Lullianorum assecularum amentius? An & amentem Cardanum appellaueris in *Arte magna*, quas *Algebraicas regulas* dixit, & amentiozem in *Iudicij Geniturarum*? Sanioris hoc ingenij iudicium esto. Scripsit præterea *De Immortalitate animæ*, *Contradiçiones Medicorum*, *De Sanitate tuenda*, *De simplicium medicamentorum noxa*, *Commentaria in Ptolomaum*, *Arithmeticam*, *Arithmetica præficam*, *De utilitate capienda ex aduersis* libros quatuor, quibus vt in omnibus excelleret, in Ethica praxi se versatum præbet, vt Mathematicus, Medicus, Orator eximius, Philosophiam quoque ex omni parte calluisse patefaceret.

Incerti.

Non me terra teget, cælo sed raptus in alto

Illustris viam docta per ora virum.

Quicquid venturis spectabis Phæbus in annis

Cardanos noscet, nomen & usque meum.

Iouianus Pontanus.



Academicorum eius ætatis Princeps hic est. Ioannes ille, qui in Iouianum, nomen commutauit, factusq. alieni quoque nominis persuasor, Iacobum Sannazarium, Aetium Sincerum appellari procurauit. Ceretum in Vmbria protulit, Parthenope in Campania enutriuit. Adolescentulus patria cedens (de seipso sic loquitur) propter ciuiles dissensiones, magna rei domesticæ iactura facta, ad Alphonsum

81

A a a 2 Regem

Regem in Etruria aduersus Florentinos bellum gerentem, se contulit. Haud multò post Neapolim venit. Litteris ibidem ità dedit operam, vt annos natus vix quatuor & viginri, etiam inter senes, eosq. qui in litteris consenuerant, excellere iudicaretur. Alfonso mortuo, cùm à Ferdinando eius filio arceseretur, graui bello implicitù plures annos grauissimis laboribus, atque ærumnis sequutus est. Alfonso quoque filium, iubente patre. Quibuscum ità vixit, vt eorum causa, Panormithæ successor, pericula etiam non mediocria adierit. Nobilem se huiusmodi facit,

----- *moxq. sequutus*

Arma tulit meritum primæ legionis honorem

Pontius, à quo etiam ducta est Pontana propago.

Ambidextrum cernito, Lyra, & tuba canentem; illa nitidum, hac peregrinū; enodi illa carmine; absoluto hac stylo, quò nihil aut facilius, aut elegantius. Lasciuire, & vagari Musas flosculorum corollis ab eo ornatas laudabis; mox easdem ad Heroum gesta, ad magnas res euocatas, non lembi varietate lepidas; sed vestium ornamento, & maiestate graues animaduertes. Quid ambidextrum dixi? Centimanus est. Felici omnia tentauit audacia. Et si versus scribit, quæ in ijs venustas, quæ hilaritas? quæ, materia volente, asperitas? Quis in hendecasyllabis candor? Quæ in Meteoris altitudo? Quæ in Hortis suauitas? Quæ in Elijs comitas? Quis in Eclogis cultus? Quis spiritus in Epigrammatibus? Maxima cum dignitate, & copia cetera quæ voluit, calamo subiecit. Res Ethicas quàm variè, Politicas verò multorum exemplo, quàm sapienter disposuit? Quòd si quis & Historiæ Leges, & Poëtices iura, & totius Latinæ elegantix arcana perquirat, quæ non habebit recondita in Dialogis? Si verò Philosophiam voluerit perscrutari, quid est quod in scholis Eleaticis, Locrensibus, Tarentinis, & Latinè in Salernitana non explicat? Neque in hac postrema ambitiosum dicas; nec laudes à Neapolitanis, quòd eam urbem in illa disciplina cum Calabria, Brutiaq. & Lucania conferat, voluisse aucupari affirmes. Vera dixit. Floruere in ea vrbē ingenia. Quis nescit? Quis Pythagoricam disciplinam ignorat? Mersit se profundius in rebus cœle-

coelestibus; nec à Ptolemæi sententiarum gurgite emerfit; tametsi hoc in libro à veritatis indagatoribus Theologis erratorum quorundam non immeritò conuincitur. Curiosior in ijs fortasse? Non nego. Sed cum ætate curiosissima, in eas ineptias illis sit. In ea autem re maximus, quòd restincta antè sua tempora Latina lingua, eius laboribus cui nullo adhuc pròemptuario ductore si qua dicendi formula indiguisset, totus auctor fuerat perlegendus, adeò viguit, vt summus Latinorum diceretur. Nescio quid cū Græcis miffitauit. A Græcanico studio abfuit. Maluitq. Græcos auctores illudere, quàm Romanus non existimari. Acutissimo vir ingenio, sed amarulento, qui nemini lingua parceret. Charonticum dialogum testem habes. sic lingua, vt vultu austerus. Optimè dices, si mordacem dixeris, vt delectaretur

----- *Bioneis sermonibus, & sale nigro.*

At mordacitas illa est, quæ aliorum vitia notat? Quo pacto fluuius cùm erumpit, se contineat, vt arenarum fœces non prouoluat? Næ tu qui mordacitatem occupas, modestiæ obstruere videris. In tranquillissimo ocio constitutus (vt de seipso scribit) coelitum visus est sortitus vitam, villæ delicijs incubuit. Sacello ad D. Mariæ Maioris Neapoli ornando intentior, in quo multa marmoribus inscribenda epigrammata curauit, & in quo septuagenarius sepultus est. Vera eius effigies in marmore cernitur in ædibus Marchionis Arpaïæ, quas ipse cum vxore Adriana possederat:

Pinti.

*Pons erat: argentum subter lato amne fluebat,
Et circum extructæ turres: solamen Apollo,
Turba tuum: mœstum dabat aurea tibia cantum.
Venerat huc vatum pro lauro cincta cupressu
Tempora sacra cohors: fractis cytharisq. lyrisq.
Sederat hic Siren, furua redimista corolla,
Quò, PONTANE, loci, clamans, quò pergis, amice,
Cultorum princepsq. virum, Aonidumq. voluptas?
Nonne tibi Iouis imperio datur incluta sedes?
Liquisti doctis voluenda volumina dextris,*

Liquisti

*Liquisti terræ, notum super æthera nomen ;
Hic summa pietatis erunt delubra perenni
Fama, signa tua ; Hispaniæ, Galliæq. Italiq.
Carus eris, nunquamve diem tua Pallas obibis .*

Iacobus Sannazarius.

8;



Iuunt in elegantissimi Senis vultu Veneres, & dùm colludentibus Nymphis Musæ Lauream neant, Apes in oris fauo mella liquant. Ambidextrum quoque Iouius diceret, Latinos, atque Italos versus exarantem. Sed sinistra in Latina oratione, dextra in Italia vsum accusabis. Nec sua tamen id culpa factum. Doctis viris illa placuit, hæc vulgo, qui à reconditis rebus abhorret. Opus illud præclarum, & aureum *De Partu Virginis*, quod viginti & vnus annorum laboribus edidit, cuius causa felicissima genitura ad Christianorum poësim illustrandam natum nominat Sixtus Senensis, & Maronem Christianum alij, quod Prudentios, Seduliosq. vicerit, Leonis X. litteris expetitum, Clementis VII. laudibus ornatum, Aegidij Cardinalis epistola summo honore affectum, piè, cultè luculenter scriptum, Diuinis arcanis imbutum, contemptui habuere,

Denique non omnes eadem mirantur, amantq. :

Rude ingenium, ad vilia, atque inanïa deflectit. Placere quæ per indoctorum manus liberè poterant vagari; placere & ingenuis viris, sed quibus ocium cordi est, quosq. Arcadum pastorum lus, umbrarumq. ad fluuiorum ripas, frondiumq. susurros tegmini oblectant,

Vt puerorum atas improvida ludifcetur .

Admirabilis in ijs est Sannazzarius, & iocundus nouo carminum ritmo; eaq. nouitate Pontanum superauit, quem villo pacto dicendi copia, & disciplina potuit consequi. At quandò se consequuturum Sannazarium Pontanus sperasset in lectissimis Elogijs Piscatorijs, quibus antiquos omnes stylo, atque candore ante-

antecelluit? Sed Pontani fluentia potauit. Quis neget? Sed latice vberiores reddidit. Et vitam ipsam Sannazario Pontanus acceptam referat. Summa in eo pietas, qui sopita, ac neglecta post obitum eius scripta Francisci Aelii, & Petri Summontij consilio in lucem reuocauit, rem litterariam omnem renouaturus, si inter codices variorum auctorum, quorum ex Heduarum finibus, & Turcibus aduexerat, alios quos conquisierat, adnumerasset. Sed Ethnicorum aliqua suis epigrammatibus immiscuit. Conticesce Grammaticule, cuius in ere Sannazarij laudes contabescerent. Poterat ne Christianus Eques, qui de Verbo, & Virgine tam pie scripserat, Romano Pontifici tanta cum reuerentia sua scripta subiecerat, deuotissimè Diuinis Numinibus templum consecrarat, à Fide aberrare? Quòd multa pœtico more scripserit, quid tum? Celebret suos Statios antiqua Neapolis; suos nunc demum laudet Sannazarios, quibus Musarum domicilia, tumuli gloria, lauri enatæ testimonio, Petri Bembi floridissimis carminibus, maxima cum Neapolitanorum dignitate cernuntur. Ex marmore nitidissimo eius sepulcrum conspiciunt in Mergellinæ villæ templo, in quo ad viuam eius effigiem à Ioanne Montursolo ex Seruitarum familia monacho, Taddæ socio in Carraræ montibus sculptam, inter illustria Italiæ monumenta veneraberis. Nobilitatem, doctrinamq. & virum Regibus charum in demortui Pontani locum subrogatum, annos natum duos & septuaginta contegit. obiit anno 1533.

Pinti.

*Hac puluis Iacobe tuus claudetur in urna,
 Muscosum hic Tethis donec olebit opus.
 Huc Gallis veniet vatesq. egressus Iberis
 Traiectibus, & Musas tollet ad astra tuas.
 Hic SANNAZARIVS manet, inquiet ille virentis
 Hic prope Pausilypi littora culta sinus.
 Littora diuina exultantia numine Matris,
 Hic pia ab hoc tanto condita vate domus.
 Nympharum huc soboles latissima Mergellines,
 Quæ tibi sunt Publi, ferta decora ferat.*

Pompeius

Pompeius Phylantes, & Laurentius Anania.

84 85



N hisce duobus viris Tabernatibus, præter ceteros quam pulcra Calabria proferat animaduertimus. **PHYLANTES**, genere clarus, post exantlatos Iurisprudentiæ labores, quibus enituit, ad mansuetiores Musas huiusmodi accessit, ut ab earum consuetudine nunquam diuelli potuerit. Poëticos lusus, Agatium patrem imitatus, venationis voluptate condidit, tum de Aucupio libellum conscripsit. De arte Rhetorica præcepta ad Ioannem Andream, & Philippum filios legibus præclaros edidit, quibus Ciceronis Orationes multis locis illustrauit. Epigrammata, atque Elegias varijs floribus poëticis conspersa eius Auctoris leges, tum in L. Florum annotationes, quibus ingenij pompam ostentauit. **LAURENTIUM**, nunquam humanarum rerum satietas cepit, qui hominum mores, gentium ritus, prouinciarum cultus quibuslibet horis perscrutabatur. Nec diem elabi patiebatur, quin ad molem Neapolitanam proficisceretur, naues, phaselos, vndique terrarum ad eum portum appellentes, obseruaturus. Efflagitabat, percunctabatur, molestissimus nauarchis erat, ut ea edisceret quibus & Strabonem, & Plinium locupletaret. Iamq. laboribus peragrari cœperat, cum itineris initio concidit. Curiosum confecit opus, varietate, non ordine distinctum; nouitate, non lepore concinnum, sed quod vilo pacto ad rerum memoriam asperneris. Scripsit etiam de Spiritibus libellum, in quo cum ipsis visus est perbellè colluctari. Mente quasi captum tunc dixeris, quod spectra, atque laruas, vbique locorum intueri sibi persuadebat, atque ita, ut cum in D. Mariæ Nouæ aliquando essemus, suillam sibi in foramine effigiem offerri, opusq. de Spiritibus Venetijs linearum, & punctorum multitudine ab iisdem confusum, & obscuratum affirmarit.

Pinto.

Pinti.

Duo, quos celebres mea Camæna
 Locat laus super astra: sunt Philantes,
 Ac Laurentius auctus Anania
 Virtute, ingenio, omniumq. laude,
 Tabernæ Calaber nitens uterque,
 (Nispe decipiar) domo superni
 Regis: na fuit alter & Poëta,
 Velis vel Latio, velis Etrusco
 Vel sermone virum probe loquentem,
 Sacraq. historia fuit Magister,
 Natorum fuit optimus duorum
 Viuentum genitor, decoris almi
 Iuris: ne fuit alter & sacrarum
 Rerum doctus, & ingeni nigrorum
 Inferni puerum domus camini
 Terrarumq. hominumq. sat peritus.
 O quantum patria forens Taberna
 Felices magis, ac magis decora,
 Conuiuentibus his Iouis sub aura.
 Sed viuunt bodie vtriusque doctæ
 Mentis Dedalei editi labores.
 Hos Siren memorat, colitq. passim,
 Atque ad fidereas facies reponit.
 Anania quies, tibi Philantes
 Quies esto, poli usquequo filebunt,
 Atque ultra ore Dei usque perfruentes.



Bbb

Iacobus

Iacobus Gallus.

86



AD Iurisprudentiæ columen Neapolitanū Gymnasium euekerat Iacobus Gallus, quo viro doctiorem, facundiorē, prudentiorem nouerat neminem; quamobrem nullis Academijs inuidere, cum omnibus potuerat æquari. Maxima peruasit Neapolim calamitas. Veluti ex relligiosissimo fano pulcherrimum Virtutis signum sustulere. Quam impiè cum tanto viro, cum eius vrbs gloria, cum omnium ciuium, atque exteriorum vtilitate, cum ipsius Iuris ciuilis corporis maiestate actum est? Proditum id volo memoriæ, & litteris. Bonæ perierunt artes, & disciplinæ, nec Solares Legum radij prænoscentur, iam indè cum non concinit Gallus. Decessit, eo discedente, Latona, & longo errore, virtutibus grauida, Apollinem Messanæ, Dianam Patauij peperit, vt nec Persæ, nec Græci, nec alius quispiam ea loca attingere audeant, Delum, quæ Gallus incolit existimantes. Proderat Gallus lingua, præsentia ornat, consilio erat emolumento, omnium votis, vocibus, oculis accommodatus. Incommodis iam, difficultatibusq. eiusdem absentia, aliquorum leuitate afficimur, quorum libido totius Iuris peritorum ordini attulit offensionem. Quem dabo cognitorem Iuris? Quem iniuriæ vltorem? Actor Deus erit. Resonent interim Patauina Gymnasia Itali Galli voces, quibus toto orbe redditur celeberrimum, & immortale. Patrium aliquandò honorem, de repetundis lata lege, expectamus.

Pinti.

*Aucto Palladia dote, & honoribus,
O diues cumulis, GALLE, pecunia,
Seu cum Parthenopes sub Ioue degeres,
Seu nunc cum frueris luce Patauij:
Quando nos patriæ viseris incolas,
Ciueiq. condecopex quò sapientia*

Iuris

*Iurâ luminibus, quò tibi publico
Aures exhibeant plurima sub tholo
Mistorum iuuenum vñ & tibi iurgij
Quid cum Galle tuis & quisquis amat tuos
Mores, quisque rogat, quò redeas. redi
Sic te Pausilypi flore vocent sinus,
Sebethusq. suo lentis aqua sono,
Sic te tres Herebi tam valide colo
Non ladant famula; stamina sed neant
Sic proluxa tibi, vitis ut est agro
Pingui vinifero palmite Cypria;
Excudenda tua, donec erit Leo
Galli voce citus, captus & is metu,
Sic mentis maneant docta volumina.*

Aemilius Portus.



Ebent Φιλῶλλος, & Φιλόμενος Aemilio, qui
Græcæ Linguæ Thesauros nobilissimè locuple-
tauit. Quæ narro? Græcorum Dialectis, quæ
multiplici obscuritate à Græcorum lectione
studiosos deterrebat, tantam luci attulit, vt Græ-
ces volutare auctores quisque cupiat, & nemi-

87

nem iam rædeat cum ijs immorari. Videbantur Ionismi, atque
Derisui scopulorum immanitates, quibus cum vix lembo littus
legere iuuenes cœperint, allidere non dubitarent. Ionica Dia-
lectus occurrebat, *Hen fuge crudeles terras*. Obijciebat sese Do-
rica, veluti *Dorica castra* timorem incutiebat. Sic deferere Græ-
carum litterarum studia, veluti in horribili deserto destituti, ea-
rum amatores cogebantur. Et quid cogebantur deferere? om-
nium studiorum vitam, & spiritum. Intermortuæ siquidem lit-
teræ sunt, absque Græcarum litterarum cognitione. Nervos
scientiæ habere poterunt; sanguine tamen carebunt, si ijs litte-
ris caruerint. Herodotum illustravit, eaq. occasione mentis pur-

Bbb 2 gavit,

gaut, facilemq. reddidit. Theocrito, Bioni, Moscho, Doricisq. omnibus quantum luminis attulit? Viuentq. huiusmodi huius viri Lexicis (ne alia commemorem, cum omnis litteraturæ diuitias in hisce protulerit, ut ad hominum manus facillimè perductos, nullo vnquam tempore perituros poterimus existimare. Vtilia qui hæc promptuaria publico commodo congerunt, magni hercules sunt faciendi.

Pinti.

*Colligas Clio (maris inter æstus
Hælenus pinus animo, manuq.
Carminum rexti) bene plena faustis
Carbasa ventis.*

*Ecce nos portus penes, explicemus
Præpetes tanquam, volucresq. pennas
Nisibus magna, bilarisq. dura ex
Arbore remos.*

*Hic vir est ille AEMILIUS Latina, &
Graia gaza satis auctus, ille
Vatibus Gracis meliora fecit
Lumina lingua.*

Victorinus Mansus.



VN Casinensi familia multorum laudibus, quas vitæ sanctitate, studiorum doctrina, dignitatum amplitudine compararunt, ut tot annos in Romana sanctissima Sede vigerint, elata, cognita, illustrata, viget demum Victorini Mansi, Arianensium Episcopi, præclara virtus, qua vel administranda Monachorum Republica, vel amplissimorum Cœnobiorum Præfecturis, aut disciplinarum thesauris, vel scribendi nitore, & maiestate, quæ rara in hoc hominum genere reperitur, vel modestia qua omnium ferè sibi animos allicit, & deuincit,

uincit, vel comitate qua inter amicos & liberior, & dulcior, & ad omnem facilitatem cum gravitate procliuior quoscunque alloquitur, ad obsequium parat, eò admirationis prouectus est, ut tantæ familiæ columen dicam, moribusq. hominum adhibere culturam affinem, eundemq. nec falsa opinione, nec errore hominum commendatum, vilo pacto ipsiusmet vitæ posse habere reprehensorem. An illud satis fuisse credendum est, quod laudatorem habuerit maximum illum virum Stanislaum Hosium Cardinalem Varmiensẽ, qui cùm eum in Sublacensi Cœnobio inuiseret, ad edendas in Salomonis Ecclesiastem lucubrationes impulerit? Habuit in ea re doctissimorum virorum præconia, qui in politissimo illo stylo qua veterum Patrum scripta æmulari studuit, commendarunt eruditionem, in eruditione puritatem, qua & inania verba, & dicendi inanem arrogantiam ablegauit. Habuit quoque in Patrum, & Scholasticorum Theologica Harmonia, qua cùm Doctores ad consensionem reuocat, quæ ipse viginti ferè annos in Casinensi, Cauensi, Mantuano, Perusino Cœnobijs, Theologiam interpretandi munere profecerit, luculenter ad sui nominis gloriam in medium protulit.

Pinti.

*Præfulum iacta genus Arianum
Daunia cliui, & agris propinquum,
Vrbs feri quondam venerata templis
Numina Martis.
Inter at primas referas mitellas
Quas gerit diues pietate MANSVS,
Cui beatorum Benedictus ade
Secula precatur.
Dic mihi o doctis bene culta Pallas,
Nonne amas tantum senij decorem,
Nonne in huic omni famularis aeo
Sedula MANSO?*

D.Tho:

D. Thomas Aquinas.

89



N^o illustrium, summorumq. virorum pompa, quem postremum cernis ordine, primus dignitate censendus est. Primus itaque in extremo labore Thomas Aquinas. Præcedant præcones quotquot in eum ordinem cooptati sunt, ad quem fama celebres viros euocandos duxi. Sed præcedant ceteri, quibus eadem seruaturs laus, ij. q. omnes qui litterarum nobilitate, doctrinarum splendore, scientiarum thesauris clarescere in orbe studuere. Stegma, virtus, sanctitas, Thomæ Aquinatis elogia sunt. Angelorum comitem, Sanctorum decus, Doctorum principem, Ecclesiæ clypeum, hæreticorum malleum, efferant. Quis efferat? Qui ex stegmate illustrissimo prodeunt nobilissimi ex Aquina familia Procere, in quibus Diui emicat gloria, quæ Regum, & Pontificum gloriæ coniuncta est, si Frangipanes, si Piccolomineos, & Pios II. inspexeris; si Longobardos, & Nortmannos cum Conrado Imperatore, cum Casinensium Præfectorum gestis contuleris; si Guaimarios, si Pandulos Principes, si Laidolfos Theani Comites memoraueris. Sed quænam in Aquini Comitibus amplitudo? Nostis Adenulfum primum Castiglioniæ dominum, qui ab Acerrarum Comitibus originem duxerat? An iam inde series ad Carolum Martirani Comitem, Castiglioniæ Principem non deducta est? Nec is quidem degenerat, qui cum puerit Adenulfum fundis domi, forisq. sub Carolo secundo, & Roberto dignitatum honoribus à quibus muneris loco Castiglioniem, Marsicum veterem, aliaq. plurima Regia monimenta accepit, eundemq. à Roberto generalem constitutum, Regnum Neapolitanum à Ludouici Imperatoris Impetu, qui aliquot Italis ciuitatibus in potestatem reductis, Regno, & Ecclesiasticis vrbibus potiri conabatur, maxima cum sua laude fuisse tutatum, maiorum gloriam, atque virtutes æmulatus, non tantum Principatus titulo à Philippo II. insigniri stude-
r,

duerit, sed omnes slegmatis honores in dies omnium virtutum ornamentis augere, atque excolere conatur. Efferant Dauali. Quos Daualos nomino? Qui maximos virtutum fructum pace, & bello vbiq; terrarum pepererant. Quibuscum præclare cum Hispanis Regibus actum est. Quorum fides, eorundemet corporum sanguine viget. Quis nesciat Piscarios, atque Vastios? Quibus belli fulmina non illuxere? Quos Principes in Europa tantorum Heroum virtus latet? Sed nobilitas, quæ latissimè diffunditur elogium faciet? Faciat virtus, quæ in solo D. Thoma coronatur, vt rectè Theodora mater protulerit, quæ omnium bonorum felicitatem, Deo annuente, protulit. Quid potuisse ignorare Thomam dixerim, quem Christum crucifixum scisse non ignoramus? Ecquid in aliorum doctrina sapidum dixeris, quod Thomæ doctrina non fuerit conditum? An scisse aliquem affirmabimus, qui à Thomæ scientia aliquo pacto aberrauerit? Ex eo fonte puriora dogmata ad scripturarum veritatem, & ornamenta emanant. Ex illa ditissima officina omnia quæ ad veram sapientiam faciunt, depromuntur. Omnia in Ecclesia Thomas est. Omnia docet, explanat, atque dilucidat vniuersa. Conciliorum soliditas. Theologicarum rerum firmamentum, Philosophorum norma, atque disciplina. Quid? Nihil Thoma in orbe maius.

Pinti.

*Cunctarum princeps sphaerarum, prima rotatrix,
 Stellarum errantium, Sol tibi primus erit.
 Neptuni è gregibus prima est vastissima pistrinx,
 Euolat inter aues nuncia prima Iouis.
 Vis doctrinarum primas dignoscere? A QVINAS
 Perlege quas scripsit, quas probat ore Deus.
 QVICQVID enim verum est, vero quod manat ab ore,
 QVID veri vero verius esse potest?*

F I N I S.

Imprimatur.
Petrus Ant. Ghibertus Locumtenens.

*Magister Cornelius Tiroboscus Ordinis Præd.
Curia Archiepiscopalis Theologus vidit.*

M. Chrysost. Marasca Carmelita dep. vidit.



N E A P O L I,

Apud Ioan. Iacobum Carlinum,
& Constantinum Vitalem.
M. DC. IX.



